



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

317 6
Inventio

e all

40 21 892

H. V.



THE GIFT OF
PROF. ALEXANDER ZIWET

QA
804
H552 p
cop. 2



1309

Alexander Ziwef

411

PHORONOMIA,

SIVE

DE VIRIBUS ET MOTIBUS

CORPORUM

SOLIDORUM ET FLUIDORUM


LIBRI DUO,

AUTORE

JACOBO HERMANNO, ¹⁶⁷⁸⁻¹⁷³³ Basl.

*antehac in Illustri Patavino Lyceo; nunc vero
in Regio Viadrino Math. Prof. Ord.*

*& Reg. Scientiarum Societatis, quæ Berolini est, Sodali.
Di. Gersonius*



AMSTELÆDAMI,

Apud ROD. & GERH. WETSTENIOS H.FE.

M. D. CCXVI.

०१.

9-7-1922

2. Washing - 2000 mg of 200 mesh silica gel

六五

V I R O

P E R I L L U S T R I

A T Q U E

C O N S U L T I S S I M O

G O D O F R E D O G U L I E L M O

L E I B N I T I O ,

C O N S I L I A R I O I M P E R I A L I A U L I C O ,

E T M A G N Æ B R I T A N N I Æ R E G I S , P R I N C I P I S Q U E

E L E C T O R I S B R U N S V I C E N S I S

I N T I M O &c.

R E G I Æ S O C I E T A T I S B O R U S S I C Æ

P R Æ S I D I.

* 3

406586

21-21-357141

ITEM ET RELIQUIS
EJUSDEM SOCIETATIS
MEMBRIS,
VIRIS CLARISSIMIS
SUIS QUIQUE TITULIS
CONDECORATISSIMIS,
OPUS HOC
PHYSICO-MATHEMATICUM
IN SUÆ ERGA COLLEGAS OBSERVANTIÆ
TESTIMONIUM
DICAT
JACOBUS HERMANNUS.



These conditions are different from those of the other two cases. The first case is a case of a simple, unimodal, symmetric distribution. The second case is a case of a bimodal, symmetric distribution. The third case is a case of a bimodal, asymmetric distribution.

P R Æ F A T I O.

te revolvens pro ea, qua erat ingenii sagacitate, limitatam illam duodeviginti cubitorum altitudinem in antliis à determinata atmosphæræ pressione provenire posse demum suspicari cœpit, qua de re ut certior fieret, cum hydrargyro experimentum tentavit, &, ut prælagiebat, respondit eventus. Tam nobile inventum diu delitescere non poterat, nam paulo post ejus ortum statim in Gallia aliisque regionibus percrebuit, & curiosorum animos in se convertit. Hinc Blasius Pascalius sagacissimi ingenii juvenis, quæ fama ex Italia attulerat experiundi cupidus, non sine insigni voluptatis sensu ea omnia iteratis experimentis veritati consentanea invenit, & experimenti processum atque eventum in peculiari libello De Gravitate Atmosphæræ (*De la Pesanteur de la Masse de l'Air*) exposuit, cui alium ingeniosum tractatum De Æquilibrio Liqueurum præmisit. Pascalii conatus deinceps Anglorum ingenia excitavit, atque inter ea Celebrerrimum Philosophiæ experimentalis cultorem Robertum Boyleum, qui in Paradoxis suis Hydrostaticis experimenta captu facilissima, atque ab innumeris cum successu repetita, memoriæ prodidit; hæc vero omnia latius pertractata multisque aucta fuisse à Borellio & Mariotto, quorum opera notiora sunt, quam ut ulla recensione indigeant, ambo enim hi Autores, præter Hydrostatica, etiam plura ad hydraulicam pertinentia attigerunt, de motibus aquarum aliisque, in quibus, quem antea laudavi, Torricellius, & Benedictus Castellus ipsis facem prætulerunt; Gulielminus verò doctrinam de motu aquarum magis deinceps auxit, atque fluminibus feliciter applicuit; verum laudatis hisce viris ulterius longe processit Celeberrimus Petrus Varignon, qui eam Hydraulicæ partem, quæ mensuram liquorum fluentium respicit, plurimum protendit in duobus præclaris speciminibus Actis Academiae Regiæ Parisiensis insertis, quorum prius circa constructionem omnis generis Clepsydram verisatur; alterum verò argumentum de liquoribus effluen-

P R Æ F A T I O.

fluentibus eorumque mensuris ex professo excolit: Ante hosce duos postremos laudatissimos viros Summus Geometra Isaacus Newtonus in aureo opere, quod *Philosophiæ Naturalis Principia Mathematica* inscripsit, plura tradidit corporum fluidorum vires & affectiones concernentia, quo referenda sunt ea, quæ circa vim elasticam aëris, densitates atmosphæræ, quæ circa resistentias figurarum in fluidis incedentium, circa motus corporum in mediis resistentibus, circa agitationem aëris in productione soni, atque alia demonstrata exhibuit: ejusque exemplo permoti Illustris Leibnitiuss atque Nobilissimus Hugenius meditationes suas circa motus corporum in medio resistenti publico diutius invidere noluerunt; quod argumentum postea generaliter pertractavit supra laudatus Varignonius. Celeberrimi vero de quæ reconditori Geometria optime meriti Bernoulli Fratres diversa Problemata circa fluidorum actiones in corpora dura, sed flexibilia, contemplati sunt, atque interiori Geometria ipsi opem ferente, elegantes curvas velariæ at lintei intus stagnantem liquorem continente, in apicum produxerunt, ut alia multa taceam.

Sed, quia eximia hæc inventa in variis Diariis aliisque libris dispersa & ex diversis sæpe principiis elicita sunt, gratum me iis facturum, qui hisce rebus delectantur, existimavi, si omnia juxta genuinum ordinem in unum collecta, ex paucis iisque simplicibus principiis deducta & aucta publicæ luci sisterem. Verum hunc vix ingressus campum illicò perspexi, propositum istud me nunquam feliciter ad exitum deducturum, nisi omnia altius repeterem, pluraque ex Mechanica corporum solidorum mutuarer, ad id ut tyrones opusculum citra offensionem percurrere possent, nec ad ejus intelligentiam auxilia aliunde conquirere necessum haberent. Cum verò in rebus hisce subsidiariis explicandis materia in tantum excreverit, ut non contemnendam opusculi partem constitueret,

* *

natus

P R Æ F A T I O.

natus demum est præfens tractatus, quem generaliori titulo *Phoronomia*, seu *De Viribus & Motibus Corporum solidorum & fluidorum*, insigniendum & in duos libros dividendum duxi, quorum prior vires & motus corporum solidorum, fluidorum vero alter, evolveret.

Liber primus duas continet Sectiones in sua Capita subdivisas, quarum prior versatur circa simplices gravitationes solidorum, seu circa leges æquilibrî potentiarum mechanicarum inter se commissarum, earumque medias directiones, siue hæc potentia corporibus inflexibilibus & rigidis, siue flexibilibus applicatæ sint; qui duo casus nobis præbuerunt admodum generalia & forte non inelegantia theoremata, ex quibus deinceps leges æquilibrî solidorum & fluidorum facile definiuntur & solutiones Problematum catenariæ, velariæ, figuræ lintei, aliorumque nonnisi Corollariorum ad instar derivantur. Secunda Sectio motus doctrinam sibi vendicat, quatenus hi motus à gravitatis sollicitationibus continuatis seu continue operantibus proveniunt, vel qui ex collisione corporum inter se resultant. Hæc proinde secunda Sectio præcipua eorum omnium continet quæcunque circa motus acceleratos vel retardatos à gravitate uniformi, aut quomodocunque difformi, demonstrari possunt, tum etiam generaliter Isochronam definit quodcunque gravitatis systema assumi queat, idque in casu, quo gravium directiones in uno etiam eodemque puncto conveniunt. Et quia curvæ projectorum non in omni gravitatis difformis seu variabilis hypothesei algebraicæ esse queunt, canon generalis traditur, juxta quem gravitatem variare oportet, ad id ut missilia curvas algebraicas describant, & pro orbibus mobilibus propemodum circularibus facili ratione regula pro viribus centripetis, in curva mobili requisitis, traditur, ostenditurque deinceps quomodo ex data ejusmodi vi centripeta, seu sollicitatione gravitatis, motus curvæ circularis inveniri queat. Post hæc sequi-

P R Æ F A T I O.

quiritur theoria nova centri oscillationis, quæ propter simplicitatem suam non displicebit, ut opinor: ea tota fundatur in eo, quod sollicitationes quædam assumptæ & in particulas oscillantes agentes in directionibus perpendicularibus distantis particularum ab axe oscillationis æquipollent gravitatis pressionibus; ope hujus principii & comparationis penduli compositi cum simplice ei isochrono, illico reperitur longitudo hujus penduli simplicis, idque per unicam atque simplicem analogiam. Cum primum in hanc theoriam incidi, quod minimum ante triennium & quod excurrit, accidit, eam tantum gravitati uniformi, ut Hugenus & Jac. Bernoullius, applicueram, sed postea, ex quo in Acta Lipsiensia 1713. M. Febr. incidi, ubi Celeb. Joh. Bernoullius in §. 23. egregii sui Schediasmatis de nova centri oscillationis theoria, quæ tam ad pendula intra varios liquores oscillantia, quam extra eosdem, sese extendat, mentionem facit, in hisce etiam circumstantiis methodi meæ periculum facere cœpi optimo cum successu, nam sponte sua ea, quæ Bernoullius de sua tunc pollicebatur, & postmodum anno sequenti Mens. Jan. præstitit, ultro sese mihi obtulerunt statim post lectum specimen prius anni 1713. præterquam quod demonstratione facili id demonstratum dedi, quod Hugenus tanquam postulatum sibi concedi postulabat, centrum scilicet commune gravitatis omnium particularum, cujusque penduli compositi diffractis, quibus connexæ erant, vinculis ad eandem altitudinem attolli posse motu earum in altum converso, ex qua idem centrum ceciderat, particulis tamen inter se connexis. Ex memorabili ejusmodi naturæ lege methodo, ni fallor, nova regulas motus ex percussione corporum elasticorum derivavi.

Liber Secundus corporibus fluidis destinatus perplura complectitur. Agit enim de gravitationibus liquorum quorumlibet tum in plana subjecta, tum in latera vasorum, indeque canones derivantur circa vires vasorum, ut citra fracturam liquo-

P R Æ F A T I O.

ris pressiones perferre queant. De æquilibriis liquorum cum inter se, tum cum corporibus solidis ipsis immixtis. De figuris, quas fluida corporibus flexibilibus, in quibus stagnant, inducunt. De gravitate & elasticitate aëris ac densitatibus atmosphæræ in omnia tellure distantia & in quacunque elasticitatis lege. De motu & mensura aquarum fluentium ex vasis quibuscunque erumpentium, aut in canalibus devolutarum. De effectibus fluidorum ex percussione, quò pertinent resistentiæ, quas figuræ in fluidis latæ patiuntur, harumque resistentiarum mediæ directiones, item problema velariæ & id genus alia. De motibus corporum in mediis resistentibus tam rectilineis quam curvilineis. De motu navium vento impulsarum. De motu circulari fluidorum. De motu aëris in productione soni; ac denique de motu intestino seu interno fluidorum, à quo calor pendet. Hisce summam recensitis totum opusculum absolvitur.

Cum brevitati in omnibus studuerim, id cum primis operam dedi, ut, quantum fieri poterat, cuncta generalibus theorematibus comprehenderentur; ex quibus deinde particularia, tanquam Corollaria, possent deduci. Propterea liquores tanquam heterogeneos statim spectavi, atque eorum leges pressionis atque æquilibrii investigavi, ex quibus deinceps leges æquilibrii fluidorum homogeneorum facillime elicui. Sic etiam vectem rectilineum vel curvilineum in omnibus suis punctis à potentiis quomodocunque variantibus impulsus mihi proposui, in quo mediam potentiarum directionem investigarem, hocque modo in insignem proprietatem centrorum gravitatis, quam me primum invenisse putabam, incidi; sed quam etiam Celeb. Joh. Bernoulli in Libro nuper edito (*Essay d'une Nouvelle Theorie de la Manœuvre des Vaisseaux*) Cap. XII. §. VI. proponit. Sed Cl. hic Geometra recordabitur haud dubie se MStum meum vidisse, in quo theoremata huc facientia continebantur, priusquam laudatus suus liber editus esset, quemadmodum ego eius Propositio-

P R Æ F A T I O.

sitionem propriam in eius libro, tunc adhuc inedito, pariter videram. Sic etiam problemata catenariæ, velariæ, &c. ad hoc generale reduxi: invenire figuram manentem lineæ flexilis in singulis punctis à potentiis secundum directiones quascunque impulsæ, cujus solutionem simplicissimam, ut mihi saltem videtur, exhibui. Et hoc modo in aliis procedere conatus sum. Perspicuitati, quantum potui, litavi; propterea multæ demonstrationes provectoribus Geometris nimis prolixæ fortasse videbuntur, sed sciant velim Tyronum quoque rationem habendam mihi fuisse, quibus non semper in potestate est ea supplendi, quæ subinde ex demonstrationibus brevitatæ & elegantia gratia refecantur mente necessario supplenda. Interim diffiteri nolo me etiam, quantum potui, elegantiam sectatum esse, atque propterea demonstrationes lineares algebraicis prætulisse, experientia multiplici edoctum, meditationem figurarum sapissime simpliciores & elegantiores suppeditare solutiones ac constructiones, quam Analysin speciosam. Speciosam dico, nam subinde utor analysi geometrica; seu lineari absque symbolis algebraicis procedente, cujus beneficio multa elegantius obtinentur quam calculis analyticis, etsi non semper. Ejusmodi analysi geometrica veteres usos existimo; quemadmodum ex Euclidis datis & Apollonii libello *de Sectione Rationis* à Celeberrimo Edmundo Hallæo edito non obscure colligitur; simili etiam analysi summus Newtonus ad stuporem usque usus est in suis *Principiis*. In applicatione verò theorematum, tanquam loco magis idoneo, calculo algebraico subinde utor.

In his libris frequens curvarum est usus ad repræsentandas virium, temporum, celeritatum, aliarumque ejusmodi affectionum proportionem, quas propterea curvas vocabulo *scalarum* insignire soleo, prout Cavallerius & Vivianus Celeberrimi Geometræ diu ante me circa varios gravitatis gradus & momentorum corporum, Architectos imitati, qui lineam rectam

P R Æ F A T I O.

in plures particulas æquales interstinctam (ad id, ut ex ea præ-conceptorum operum ideas proportionaliter delineare possint) *scilicet* Geometricam vocant. Patet ergo curvarum linearum contemplationem non solum non esse inutilem, sed absolute necessariam ad accuratam phænomenorum atque virium naturæ repræsentationem.

Quantum ad notationis formam attinet, cum duæ pluresve lineæ cum interjectis punctis conjunguntur, hoc significat lineas in se mutuo ductas esse, ut AB. CD significat rectangulum sub AB in CD, quod aliis sic designari solet $AB \times CD$. Sic etiam §. 172. *num. 11.* $tBE = N. \sqrt{A}$. ang. ICD indicat tempus per BE exponi, factò ex N & radice ipsius A in angulum ICD, & sic in reliquis hujus Propositionis demonstrationisque locis, & in Propositionibus duabus sequentibus. Fractiones seu rationes ad Typothetarum commoditatem exprimuntur per duo puncta. Sic $AB : CD$ idem est ac communiter $\frac{AB}{CD}$, & $AB : CD = EF : MN$ idem ac vulgo $AB. CD :: EF. MN$.

Cum plures fractiones sibi invicem adduntur, ex vel commate, aut commate cum puncto, aut etiam parenthesisibus distinguuntur: sic $f = a : b, + c : d$. aut $f = a : b ; + c : d$ idem est quod ordinarie $f = \frac{a}{b} + \frac{c}{d}$. Subinde quantitatibus aliæ parenthesisibus inclusæ sine ullo interposito signo annectuntur, quod indicat quantitates esse æquales; sic, si haberetur $A(a)$ id indicaret æquales esse vel æquivalentes magnitudines A & a, sin verò cum puncto interposito distinguantur ut $A.(a)$ hoc denotat factum ex A in a; & sic in aliis. Expressiones vero $\sqrt{(aa + bb)}$; $(aa + bc)^m$ denotant $\sqrt{aa + bb}$, & $aa + bc^m$ respective. Reliqua signa usitato sensu adhibentur.

HONORI AC MERITIS

Viri CL.

JACOBI HERMANNI,

LIBROS DUOS

DE VIRIBUS & MOTIBUS

CORPORUM.

edentis.

Sublimioris qui sapientia
Arces revisis pectore candido,
HERMANNE, Rauracis ab oris
Prutenæ sociate Musæ.

Nuper retentus non fueras, ubi
Olim penates fixerat inclitus
Antenor, in sacro recessu
Italiæ Patavinus hospes.

Nec Te jocosæ dulcis amœnitas
Rheni reluctantem in patrio solo,
Nec rura, nec clari sodales
Ingenii tenuere nexu,

Earum POLENVS fideribus caput
Et LAZARINI flumina, nec solum
Dives Camœnarum, aut stupendum
Adriaci regimen Senatus,

Quin Te citato proriperes gradu
Binquens amœni compita Livii, &
Rheni Padique oblivio
Anteferens Viadrum fufuro.

Sic

Sic Tu beato: faucibus æthere
Prudens amicos deferis hospites,
Et porrigens lumen per orbem
Sidereos imitaris ignes.

Quæ cura vastum tendere limitem
Mortalis ævi & visere cœlites
Immane pandescentes theatrum
Per superum spatiosa regna!

Quæ mater artis conscia lubricæ
Natura cœco clauserat in sinu,
Tu prodis & vires moventes
Cuncta jubes numeros subire;

Centrique amores latius explicas,
Pulchroque cingens ætheream facem,
Ductis per artem ceu choreis,
Ordine circumagis planetas.

Duris inhærens & fluidis onus
Tu curiosis in rationibus
Ducis, pererrans atque olympum
Cuncta domas abaco Minervæ.

NEWTONVS hospes divitis insulæ,
Sed nil habentis se magis aureum,
Hac primus ivit, Tuque forte
Nil populis dederis secundum.

Felicis ævi pignora! queis amor
Rebus creatis lumina reddere,
Et, quæ potenti more lûsit,
Subdere jura Patris papyro

Porrecta ponto, fusa per ætherem
Terræque gyris indita: discite,
Mortalium cœtus moveri &
Centra sequi potiora sole,

Atque

Atque ordinatis doctius ignibus;
Huc mentis alas atque animum vagum
Conferte, nec soli cadente
Sub numerum effluitore motu.

Postquam volatum mentis, & igneos
Sic appetitus rite sub orbitam
Egistis, ad naves regendas
Vertite & ad gravium librandam

Molem ruentum pondere corporum,
Aestus marinos & celerem fugam,
Sinus & Indos computate,
Subsidium decus atque vitæ.

Hæc in Poësi Castalidum nemus
Aut in puellarum ordinibus novem
Non pandit, aut rostra, aut tribunal
Mobile fulminibus Periclis.

Ite ergo Musæ turba minor meæ, &
Humanitatis docta volumina
Submittite HERMANNO sagaci,
Hunc hedera redimite vestra.

COLLEGAE CONIVNCTISSIMO

POS.

NICOLAUS WESTERMAN,
Eloq. Professor Ord. & Biblio-
thecarius Regius.

IN-

I N D E X

SECTIONUM & CAPITUM.

DE Viribus & Motibus Corporum prenotanda. 1

LIBER PRIMUS, DE CORPORIBUS SOLIDIS.

S E C T I O P R I M A.

De Solicitationum Corporibus varie applicatarum æquilibriis & mediis directionibus. 6

C A P U T I.

De proportionibus inter Solicitationes gravitatis, seu pondera Corporum, cum proportionibus Massarum eorundem Corporum collata. ibid.

C A P U T II.

De Solicitationibus, quibus Corpora rigida, id est inflexibilia, urgentur, earumque mediis directionibus. 10

C A P U T III.

De Figuris, quas Corpora flexibilia induere debent à potentiis ipsis quomodocunque applicatis, & de mediis directionibus harum potentiarum. 36

S E C T I O S E C U N D A.

C A P U T I.

De generalibus Solicitationum continuatarum affectionibus, & de motibus in Vacuo inde oriundis. 51

C A P U T II.

De Motibus curvilineis in Vacuo, in quacunque gravitatis variabilis Hypothesi. 68

C A.

INDEX SECTIONUM & CAPITUM.

CAPUT III.

De Motu Isochrono Corporum in curvis descendantiam juxta quamlibet gravitatis variabilis hypothesein, atque gravium directionibus etiam in centro gravium convergentibus; & de Motu Pendulorum. 81

CAPUT IV.

De Solicitationibus centralibus, quibus Corpora in orbibus mobilibus continentur, & de Motu Apsidum. 95

CAPUT V.

De Motibus gravium inter se connexorum, atque in arcubus circularibus concentricis junctim delabentium; seu de Motu Pendulorum compositorum eorumque centro oscillationis in omni possibili gravitatis variabilis hypothesei. 100

CAPUT VI.

De Regulis motus in collisione Corporum. 110

LIBER SECUNDUS, DE CORPORIBUS FLUIDIS.

SECTIO PRIMA.

De Viribus Fluidorum à gravitate. 125

CAPUT I.

De generalibus regulis gravitationis Liqueorum in subjecta plana. 128

CAPUT II.

De gravitationibus Liqueorum in Vasorum latera, & de tuborum firmitatibus requisitis ad perferendas liqueorum pressiones. 138

CAPUT III.

De Equilibrio Corporum solidorum in Fluidis quibuscunque demersum, vel iisdem Fluidis immanantium.

I N D E X

C A P U T I V.

De Figuris, quas fluida in Corporibus flexibilibus stagnantia hisce Corporibus flexibilibus inducere debent. 162

C A P U T V.

De Pressionibus Aëris ex gravitate. 169

C A P U T VI.

De Vi Elastica Aëris in genere. 180

C A P U T VII.

De Viribus Elasticis Aëris cum densitatibus ejus comparatis. 189

C A P U T VIII.

De Densitatibus Aëris in diversis Atmosphære locis in omni possibili elasticitatum hypothese. 197

S E C T I O S E C U N D A.

De Motibus Aquarum. 213

C A P U T IX.

De Motibus Liquorum per minora foramina erumpentium. 214

C A P U T X.

De Cursu Fluminum. 226

S E C T I O T E R T I A.

De Effectis fluidorum ex percussione. 235

C A P U T XI.

De generalibus Affectionibus percussionis fluidorum. ibid.

C A P U T XII.

De Resistentiis figurarum in fluidis motarum. 242

SECTIONUM & CAPITUM.

CAPUT XIII.

De Figuris, quas superficies flexiles induere debent, cum venti allapsus directe excipiunt, seu de curva Velaria. 265

SECTIO QUARTA.

De Motibus Corporum in mediis resistentibus. 277

CAPUT XIV.

Complectens generalia, quæ ad theoriâ motus Corporum in mediis resistentibus pertinent, & nonnulla Lemmata Geometrica in hac theoria necessaria. 279

CAPUT XV.

De Motibus Corporum, quibus aer resistit in ratione celeritatum mobilis. 287

CAPUT XVI.

De Motu Corporum in aëre resistente in duplicata ratione celeritatum mobilis. 302

CAPUT XVII.

De Motibus Corporum in aëre resistente, partim juxta proportionem celeritatum mobilis, partim etiam juxta duplicatam proportionem earundem. 311

CAPUT XVIII.

Methodus inveniendi symptomata motuum Corporum in mediis utlibet resistentibus, atque densitate pro libitu variantibus. 325

CAPUT XIX.

De descensu & ascensu gravium in lineis quibuscunque curvis, posita: medii resistentia quadratis celeritatum proportionali. 334

CAPUT XX.

De Motu projectorum in aëre, qui missili in duplicata ratione celeritatum resistit, cum corpus à sollicitationibus gravitatis non ad aliquod centrum positione datum, ut hactenus considerari solebant, tendenti- bus. 335

INDEX SECTIONUM & CAPITUM.

*bus, urgetur, sed secundum directiones lineas quacunque curvam
positione datam contingentes.*

345

CAPUT XXI.

De Motu navium vento impulsarum.

356

SECTIO QUINTA ET ULTIMA.

*Continens Miscellanea de motu circulari fluidorum, de Motu aëris in
producendo sono, & de Motu interno fluidorum.*

361

CAPUT XXII.

De Motu circulari fluidorum.

ibid.

CAPUT XXIII.

De Agitatione aëris in productione soni.

373

CAPUT XXIV.

De Motu intestino fluidorum.

376


APPENDIX.

378

D E

VIRIBUS ET MÔTIBUS CORPORUM

PRÆNOTANDA.

1.  Corpora absolute *moveri* dicuntur, cum contiguitas eorum cum partibus spatii undequaque infiniti & immobilis continue mutatur; atque adeo *Motus* ipse consistit in istiusmodi contiguitatis mutatione.

2. Partes illæ spatii infiniti & immobilis corpori contiguæ sunt, quæ ipsum immediate contingunt & ambiunt; spatiumque immobile dicitur, quia singulæ ejus partes eandem constanter distantiam, atque adeo eundem mutuo respectu situm servare intelliguntur, totumque spatium utpote undique in infinitum excurrens extra se ipsum vagari atque situm mutare, intelligi non potest.

3. Quia contiguitatis mutatio non nisi tractu temporis fieri potest, implicat enim ut unum idemque corpus simul & eodem tempore diversis spatii partibus contiguum sit, id est, in diversis locis existat; ideo omnis motus tempus involvit.

4. Tempus considerari potest tanquam æquabilis fluxus unius ejus signi indivisibilis, quod Momentum vel Instans nominabimus; eodem ferme modo quo Geometræ lineas motu puncti generari intelligunt, hoc tamen cum discrimine; quod puncti lineam describentis motus modo concitator modo remissior fingi possit, cum è contrario fluxus momenti nostri æquabili, ut ita dicam, passu fiat, ita ut æquales temporis partes æquales fluentis momenti distantias, seu intervalla, à prima statione in qua ea incipiunt, sibi vindicent.

5. Hinc est, quod fluxus momenti nostri seu tempus soli intellectui hoc modo perceptibile, periodicis Corporum cælestium motibus vel Horologiorum usu aliorumve instrumentorum ope, & sensibile quodammodo reddatur, atque ad mensuram qualemcunque revocetur. Sed tales temporis mensuræ & repræsentationes non sunt exactæ in ultimo rigore, quandoquidem nec motus annuus solis,

nec qui ex eo atque diurno componitur, nec fortè ipse diurnus, ut nonnulli Astronomi suspicantur, perfectè æquabiles sunt, ac propterea non nisi temporis apparentis mensuræ esse possunt. Ideo etiam Astronomi, qui temporis veri & æquabilis mensuram exquirunt, subinde apparens tempus ad tempus, quod vocant medium, quodque pro uniformi habent, reducere necessum habent. Et quamquam Horologiis oscillatoriis, prout ad insignem perfectionis gradum ab Hugenio perducta sunt, accurata veri seu æquabilis temporis mensura haberi posse videtur, eorum tamen motus Mathematicè accurati & uniformes esse nequeunt, non quidem ob principiorum defectum, in quibus constructio eorum fundata est, sed ob defectum executionis; constat enim machinas nunquam in ultimo rigore tales parari posse, quales theoria construendas jubet, quia in theoria ab illis impedimentis atque circumstantiis tantum non semper abstrahi solet, quæ tamen in ipsa praxi nunquam abesse solitæ sunt, successum machinæ accuratissimum eludentes.

6. Si fluens nostrum punctum, aut etiam corpus quodvis, uniformi passu incedit, perinde ac momentum temporis uniformiter fluere intelligitur, tunc motus puncti vel corporis *æquabilis* vocatur. Et iter seu longitudo, quæ etiam spatium vocari solet motu corporis descriptum, ad tractum temporis à fluente momento interea confectum, hoc est, ad tempus lationis applicatum seu divisum *Celeritas* vel *Velocitas*, appellatur.

7. Id, quod corpus ad motum concitat, seu ex quo motus corporis resultat, id est quo posito ponitur motus corporis, vocatur *Vis motrix*, quæ dividi potest, in *Vivam* & *Mortuam*.

8. *Vis viva* est, quæ cum motu actuali conjuncta est. Sic corpus, quod dato tempore datam lineam transmittit, vi viva prædictum dicitur.

9. *Vis Mortua* verò est, ex qua nullus motus actualis resultat, nisi aliquamdiu in corpore continuata vel replicata fuerit. Talis vis foret unicus tantum gravitatis impulsus nullis aliis ei succedentibus, etenim non, nisi post infinitos demum gravitatis ictus indefinenter replicatos seu unos aliis continue succedentes, motus sensibilis gravi acquiritur. Sic etiam conatus centrifugi ex circulari motu oriundi, perinde ac gravitatis impulsus, sistunt exemplum vis mortuæ.

10. Majoris distinctionis gratia Vim Vivam simpliciter Vim, Mortuam verò cujuscunque demum generis fuerit, *Solicitationem* posthac vocabimus.

Præ-

Præcedentes virium definitiones satis aperte indicant in iis agi de *Vi activa* corporum.

11. Sed inest etiam corporibus *Vis* quædam *passiva*, ex qua nullus motus nec tendentia ad motum resultat, sed consistit in *Renixu* illo, quo cuilibet vi externæ mutationem status, id est motus vel quietis, corporibus inducere conanti reluctatur. Quæ resistantiæ vis significantissimo vocabulo à summo Astronomo Joh. Keplero *Vis inertiae* dicta est. Hæc Vis inertiae in corporibus quiescentibus se satis prodit; etenim corpus quodcumque A in aliud, sed quiescens, B impactum aliquid de sua vi & motu amittet, excipiensque B aliquid virium & motus ab impellente A acquirat. Ex quo claret, quiescens corpus B reapse vim aliquam passivam habere à vi in id incurrentis corporis A frangendam atque superandam; alioqui impellens A post occursum nihil de suo motu amisisse debuisset, cum corpus quiescens B, si resistendi facultate careret, alterius motui nullam remoram afferre possit, adeo ut ambo, impellens A & impulsus B, ea ipsa celeritate, qua corpus A ante occursum ferebatur, etiam post contactum incedere deberent, quod phaenomenis adversari nemo non videt.

12. In hac Vi inertiae materiae fundata est Naturæ lex, quæ *Cuilibet actioni æqualis & contraria est reactio*. In omni enim actione est luctatio inter corpus agens & patiens, & sine ejusmodi luctatione nulla actio, proprie sic dicta, agentis in patiens concipi potest, alioqui nulla stabilia haberentur Mechanicæ fundamenta, sed quilibet effectus à qualibet causa quireretur.

13. *Vires activæ*, cujusunque generis fuerint, gemino modo inter se collatæ variare possunt. Aliæ enim aliis intensive majores sunt, nulla habita ratione subjecti recipientis, cum duo corpora, quoad materiam æqualia, viribus inæqualibus pollent. Aliæ porro aliis etiam majores esse possunt, cum vires intensive æquales corporibus quoad materiam inæqualibus applicatæ sunt. Nam in genere vis cujusque corporis est ea, quæ resultat ex omnibus viribus partialibus, quibus singula corporis elementa seu minimæ particulae pollent. Sic si vires, quibus singula corporis elementa afficiuntur, conspirantes sunt, *Vis totalis* erit complexus seu aggregatum omnium virium partialium.

14. *Quantitas materiae* cujusque corporis, quam *Massam* deinceps vocabimus, est complexus (aggregatum) omnium particularum, quibus corpus compositum est. Ipsæ verò particulae corporis

4 DE VIRIBUS ET MOTIBUS CORPORUM.

constitutivæ, ejus *elementa* brevius dicentur. Idcirco materia fluida, quæ in corporum meatibus latere potest, ad corporis substantiam pertinere non censetur, perinde ac aqua in spongiæ poris delitescens ad spongiæ substantiam non refertur.

15. *Volumen* cujusque corporis est spatium, quod corporis Materiam cum interspersis poris occupat. Ex collatione Massæ seu quantitatis materiæ cum Volumine resultat

16. *Densitas*, quæ est ratio quam materiæ quantitas in quolibet corpore habet ad corporis Volumen. Ut, si corpus in massam poris carentem colliquatum intelligatur, facile etiam intelligitur ejusmodi massam minus spatium occupaturam, quam antea cum intermixtis poris occuparat: Ratio talis Massæ poris destitutæ ad corporis Volumen nobis est *Densitas corporis*. Aliis densitas major minorve consistit in majore vel minore pororum amplitudine, quod cum nostra definitione satis convenit; nam quo major est ratio massæ poris expertis ad corporis Volumen, eò minor erit meatuum amplitudo, atque adeo major corporis densitas.

17. *Raritas* est corporum qualitas reciproca densitati, consistens in ratione Voluminis ad Massam seu Materiæ quantitatem, hæc enim duo semper unum idemque significare sciendum est.

Ex hisce definitionibus prono alveo fluunt sequentia consectaria, quæ, quia in sequentibus maximo usui erunt, breviter hoc loco sunt indicanda. Dicantur Corpora inter se collata C, c; eorum Massæ M, m; Volumina V, v; Densitates D, d; Raritates R, r; atque, hisce nominibus positis, erunt

18. *Quantitates Materie seu Massæ* (M, m) *in composita ratione Densitatum* (D, d) *& Voluminum* (V, v). Id est, $M : m = D \cdot V : d \cdot v$. Nam (§. 16.) $D = M : V$ & $d = m : v$, ergo $M : m = D \cdot V : d \cdot v$.

19. *Volumina* (V, v) *erunt in composita ratione ex directa Massarum & inversa Densitatum*. Id est, $V : v = (M : D) : (m : d)$. Liquet ex §. 17.

Volumina sunt etiam in composita ratione ex directa Massarum & directa Raritatum. Hoc est $V : v = M \cdot R : m \cdot r$. Nam (§. 16.) $R = V : M$, & $r = v : m$ ergo $V \cdot v = M \cdot R : m \cdot r$.

20. *Densitates Raritatibus sunt reciproce proportionales*, seu $D : d = r : R$. Nam (§. 16. 17.) est $D = M : V$, & $R = V : M$, erit $1 : R = M : V = D$ atque adeo $D \cdot R = 1$, & $d \cdot r = 1 = D \cdot R$; hinc $D : d = r : R$.

21. *Directio* cujuslibet vis motricis est linea, juxta quam hæc
vis

DE VIRIBUS ET MOTIBUS CORPORUM.

vis in corpus agit, estque illa recta, quam mobile hac vi citatum actu describit aut saltem describere conatur.

22. *Vires & Motus conspirantes* sunt, quorum directiones congruunt, aut saltem parallelæ sunt, & easdem ad partes tendunt.

23. *Vires verò & motus Contrarii* hoc est, *discrete* oppositi, quorum directiones quidem congruunt aut saltem æquidistantes sunt, sed in oppositas partes vergunt.

Haftenus generales corporum affectiones, quibus recensitæ virium species applicari possunt, breviter attigimus. Ordinis ratio insuper requirit ut corporum species, quibus vires illæ variè possunt applicari, ab invicem distinguantur; corpora enim sunt vel solida vel fluida; & ex diversis hisce speciebus diversa resultant phænomena.

24. *Corpora solida* aut *consistentia* dicuntur ea, quorum elementa saltem eousque cohærent, ut nulla corporis pars sensibilibiter moveri possit, quin tota massa eundem motum participet. Cæterum ex observationibus Celeb. Dominici Cassini constat metalla frigori exposita nonnihil contrahi, & vice versa, quoad Volumen, extendi in locis calidis; & ejusmodi metallorum extensiones & contractiones, quibus haud dubie durissima quæque alia corpora plus minus obnoxia sunt, absque interno partium motu fieri nequeunt: sed quia hi motus, ex solis phænomenis per ratiocinia colligendi, in sensus immediate non incurrunt, definitioni isti nihil officere possunt; quandoquidem in ea corporum durorum, seu solidorum, elementa non absolute cohærere dicuntur, sed tantum eousque, ut ea ab invicem avelli aut moveri sensibilibiter nequeant, quin totum corpus eodem motu abripiatur.

25. *Fluida* verò corpora sunt, quorum particulæ agilissimæ non cohærent, sed facile moveri possunt non motâ universâ fluidi massâ. In fluidis viscidis particulæ nonnihil cohærere videntur, sed talis earum adhæsiō miram earundem inter se mobilitatem non tollit, ac propterea talia fluida ex allata hac definitione non excluduntur.

VIRIBUS ET MOTIBUS CORPORUM

LIBER PRIMUS.

Hic Liber respicit *Corpora solida* dividiturque in duas sectiones, quarum prima versatur circa *Æquilibra sollicitationum* gravitatis aliaque huc pertinentia, & sectio altera expendit motus, qui ex ejusmodi sollicitationibus, ut libet variatis, resultant.

SECTIO I.

De Sollicitationum Corporibus varie applicatarum Æquilibriis & Mediis Directionibus.

26. **C**um Sollicitationes variis corporibus applicatæ ita inter se committuntur, ut nulla earum reliquas vincere queat, ipsæ in *Æquilibrio* consistere dicuntur. Ejusmodi Sollicitationes *Potentiarum Mechanicarum* nomine apud veteres insigniebantur, quam nomenclationem nos etiam passim retinebimus. Quæ igitur ad harum Sollicitationum seu Potentiarum mechanicarum *Æquilibria*, *Medias Directiones*, & id genus alia, pertinent, hac prima sectione excutiemus, sive corpora, ad quæ tales potentia pertinet, rigida sint sive flexibilia.

CAPUT I.

De proportionem inter Sollicitationes gravitatis, seu pondera corporum, cum proportionem Massarum eorundem corporum collata.

Apud Philosophos Geometras elegans corporum proprietas celebratur, in eo consistens quod corporum pondera in eadem prorsus ratione crescant in qua ipsorum Massæ seu Quantitates Materie;

terizæ ; aut Geometrica phrasi eandem proferendo , *quod corporum gravitates seu pondera Massis ipsorum proportionalia sint.* Illustr. Newtonus, sumtis accuratissimis pendulorum experimentis hanc, gravium proprietatem se semper comperisse testatur pag. 305. Princ. Phil. Nat. Math. primæ edit. quam etiam ex Coroll. I. Prop. XXIV. Lib. II. eleganter elicit. Nobiliss. Hugenius hanc proprietatem non solum admittit , sed etiam pag. 140. Diatribæ De Causa Gravitatis ex regulis motus deducit. Et quia hæc corporum affectio per universam Philosophiam Naturalem magni momenti est , aliam adhuc ejus demonstrationem adducere tentabo , admissâ unicâ quæ sequitur hypothesi.

HYPOTHESIS.

27. Eadem manente Materizæ quantitate, & directionibus gravium existentibus parallelis, seu in Centro indefinite distanti convergentibus, pondera corporum non mutantur, variatis eorum positione respectu horizontis & figuræ.

Hoc est, corpus quodvis idem pondus retinet, quocunque modo id positum sit respectu horizontis, nec ejus pondus mutari censendum, si ejus figura in aliam, quamcunque scilicet, in globum, cylindrum, conum &c. mutata sit, modo eadem manserit materizæ quantitas, seu massa.

PROPOSITIO I. LEMMA.

28. Causa gravitatis, quæcunque ea sit, non tantum agit in partes exteriores corporum, sed etiam in interiores omnes.

Nam si gravitatis causa in exteriores tantum corporum partes ageret, in eas solum ageret, quæ horizonti averisæ sunt corporum superficies, atque adeo corporum pondera hisce superficiebus proportionalia essent: atqui, pro varia corporis positione & situ, superficies horizonti averisæ modo major modo minor est; ergo, si gravitatis impressiones superficiebus hisce proportionales essent, sequeretur, mutari corporis pondus, pro alio atque alio ejus situ, contra hypothesin.

Deinde, si gravitas tantum ageret in exteriores corporum partes, non verò in interiores omnes, sequeretur, quod, mutatâ figurâ corporis, sed eadem manente materizæ quantitate, aliud atque aliud inde resultet corporis pondus; quandoquidem variatis figuris, va-

rian-

8 DE VIRIBUS ET MOTIBUS CORPORUM.

riantur simul particularum & superficierum horizonti averfarum positiones ac quantitates, atque adeo variarent corporum pondera eadem manente eorum materię quantitate. Quę omnia sunt contra hypothefin articulo 27. affumatam.

COROLLARIUM.

29. Idcirco nullius corporis pondus in omni positione & figura idem manere potest, nisi singula ejus elementa æqualia æquales gravitatis impulsus excipiant. Quo posito facilis erit probatu sequens

PROPOSITIO II. THEOREMA.

30. *Pondera corporum quantitibus materię seu massis eorum proportionalia sunt.*

* Sint primùm duo corpora commensurabilia C, c, unum eorum elementum e, numerus elementorum in Corpore C, N & numerus in altero c, dicatur n, & denique massę corporum seu materię quantitates dicantur respective M, m. Quibus positis, quia (§. 29.) singula utriusque corporis elementa æqualem à gravitate impressionem subeunt, si una ejusmodi impressio nominetur i, pondus corporis C seu sollicitatio totalis à gravitate, qua corpus ad descensum urgetur (§. 13.) est aggregatum sollicitationum, quibus singula elementa urgentur, & quoniam harum sollicitationum directiones ex hypothefi parallelę sunt, ipsę sollicitationes seu gravitatis impressiones conspirantes erunt, atque adeo sollicitatio totalis gravitatis in corpore C erit una sollicitatio seu impressio i ducta in numerum N elementorum, quę in hoc corpore continentur, hoc est pondus ipsius C quod indicabo per pC fiet $= N.i$ ac $pc = ni$. Est verò $N.i : n.i = N.e : n.e$, ergo quia N. e est aggregatum particularum e in corpore C, seu hujus corporis massa M, & n.e massa alterius c seu m, erit omnino $pC : pc = M : m$ hoc est pondera corporum C, c sunt massis eorum proportionalia. Q. E. D.

COROLLARIUM I.

31. Si corporis massa, quę subinde eadem litera designabitur, qua ipsum corpus signatur, ducetur in sollicitationem seu gravitatis impressionem (hęc enim duo hoc loco & ubique unum idemque significant) qua unum corporis elementum urgetur, factum exponet semper

per pondus absolutum corporis, ut si corpus fuerit C , & gravitatis sollicitatio, qua singula ejus elementa afficiuntur, nominetur G , quantitas seu factum $C.G$ exponit pondus absolutum corporis C , intelligendo per hanc literam C massam hujus corporis.

COROLLARIUM II.

32. Hinc si, ut supra, Corporis hujus volumen & densitas dicantur V & D , & pondus pC , erit pC ut $G.D.V$. Id est, pondus cujusque Corporis est ut factum ex sollicitatione gravitatis G , qua singula ejus elementa *e* urgentur, & densitate D in Volumen V . Nam (§. 31) pC est ut CG , & (§. 18) C , quæ hoc loco idem significat ac illic M , scilicet massam corporis, est ut $D.V$, ergo pC seu CG est sicut $G.D.V$.

COROLLARIUM III.

33. Et quia gravitas specifica corporum consistit in proportionem ponderum absolutorum corporum, sub voluminibus æqualibus, ideo gravitates specificæ densitatibus proportionales erunt, cum (§. 16.) massæ corporum volumine æqualium densitatibus proportionales sint, & per præsentem propositionem pondera corporum, eorum massis. Idcirco si corporis nostri C gravitas specifica dicatur S , erit ejus pondus absolutum seu pC ut $S.V$, quandoquidem S est ut $D.G$.

SCHOLIUM.

34. Hæc ipsa propositio ex theoria motus pendulorum aliter adhuc demonstrari potest, ut à Cel. Newtono, in loco supra in præmio hujus capituli jam indicato, præstitum. Similem propositionem ex principiis, quibus ad derivanda symptomata motuum acceleratorum gravium utemur, facillimo etiam negotio eliciemus.

CAPUT II.

De Solicitationibus quibus Corpora rigida, id est inflexibilia, urgentur, earumque mediis directionibus.

DEFINITIONES.

I.

Fig. 1. 35. CUM quælibet vires, ac per consequens etiam sollicitationes sint ex genere quantitatis, per lineas rectas hisce sollicitationibus proportionales rectè possunt exponi. Idcirco si puncta A, C, E a rectæ AE sollicitationibus secundum directiones AB, CD, EF agentibus urgentur, hæ sollicitationes seu potentix exprimentur rectis AB, CD, EF in ipsis earundem directionibus homologue sumtis, adeo ut hæ lineæ sollicitationes vel potentias earumque directiones simul designent, & hoc in sequentibus tantum non semper observabitur.

II.

Fig. 1. 36. Si plurium sollicitationum vel potentiarum, in æquilibrio consistentium, nonnullæ positæ sint ad unam partem corporis ad quod pertinent, reliquæ verò vel reliqua ad partem oppositam, Sollicitationes, quæ sunt ad unam partem, reliquis in parte opposita *æquipollere* dicuntur. Ut si rectæ AE, aut cuilibet alii corpori potentix AB, CD, EF applicatæ sint ab una parte, in parte verò oppositâ potentia GH agens ex G in H, & hæc cum reliquis ipsi oppositis in æquilibrio consistat. Potentia unica GH, reliquis omnibus AB, CD, EF *æquipollere* dicitur. Cæterum monendus est tyro, quod potentia vel sollicitatio, quæ reliquis *æquipollere* dicitur, ipsis ideo æqualis censenda non sit, etenim *æquipollere* & *æquale esse* in Mechanicis non sunt phrasæ synonymæ. Unicus enim est casus, quo potentia GH oppositis AB, CD, EF *æquipollens* ipsis simul sumtis æqualis est, tunc scilicet, cum hæ conspirantes sunt (§. 22.) ipsisque altera GH (§. 23.) directè contraria.

Fig. 2.

III.

37. Producta GH in I, ejus continuatio GI *media directio* vel
axis

axis *aquilibrũ* deinceps nominabitur potentiarum AB, CD, EF, Fig. 1, 2. & denique punctum G, in quo media directio corpori occurrit, & cui impedimentum O suppositum potentias ad æquilibrium compositas sustinet, quod impedimentum seu sustinaculam aliàs *hypomochlium* vocari solet, *centrum æquilibrũ* posthac appellabitur.

A X I O M A.

38. *Solicitatio quæ ex aliis solitationibus conspirantibus juxta directiones congruentes nascetur, hisce omnibus æquabitur directionemque habebit congruentem pariter ipsarum directionibus.*

Solicitatio vero ex directe oppositis resultans, æquivalebit excessui quo fortiores superant oppositas debiliores.

PROPOSITIO III. THEOREMA.

39. *Solicitatio ex duabus non conspirantibus, nec directe oppositis, mobili cuidam impressa, nascens, se habet ad alterutram earum ex quibus resultat, ut diameter parallelogrammi, cujus latera exponunt has solitationes earumque directiones, ad latus quod solitationem exponit.*

Citetur mobile A solitationibus quibuscunque AB, AC quarum directiones angulum quemcunque CAB contineant: descripto parallelogrammo ABCD, ejus diameter AD directionem & solitationem exponet, quæ ex lateralibus AC & AB resultat. Fig. 3.

Demonstr. Cogitetur mobile A rectæ mobili AB inhærere; sed ita tamen ut in ea liberè moveri queat ex A versus B, lineam verò AB duntaxat motu parallelo sibi ipsi & rectæ CD super AC ferri posse, deinde rectam mobilem AB corpus A secum deferentem urgeri versus CD solitatione AC, mobile vero A in linea AB urgeri solitatione AB; & manifestum erit conatum A_2A , quo linea mobilis AB ad rectam ipsi parallelam CD accedere conatur, urgente solitatione AC, se habere ad conatum $2A_2D$ urgente solitatione AB corpus A in hac rectâ mobili, ut AC se habet ad AB vel CD, jam quia ex hypothesi $2A_2B$ ipsi CD parallela est, & ut modo vidimus, $A_2A : 2A_2D = AC : CD$, erit punctum 2D in diametro AD parallelogrammi BC: Porro, quia mobile A participat motum A_2A , vel potius conatum ad motum lineæ mobilis AB, in qua moveri posse intelligitur, & motum proprium, seu potius conatum, ad hunc mo-

tum $2A_2D$, ac quia, si linea mobilis & corpus spatiola utlibet parva A_2A & $2A_2D$ simul describere potuissent, idem id fuisset quam si corpus A spatiolum A_2D transmississet; liquet utique, ex conatibus lineæ mobilis & corporis, A_2A & $2A_2D$ nasci conatum A_2D juxta directionem AD , qui se habeat ad A_2A vel ad $2A_2D$ sicut AD ad AC , vel ad AB ; ergo ex sollicitationibus AC & AB resultat sollicitatio AD in directione A_2D . Quod erat demonstrandum.

S C H O L I O N.

40. Sollicitationes, quæ exponuntur lateribus AC , AB parallelogrammi BC , ideo dici possunt sollicitationes *laterales*. Deinde in communi Mechanicæ scriptorum phraseologia motus vel sollicitatio juxta diagonalem AD ex motibus seu sollicitationibus lateralibus AC , AB componi dicitur. Sed quia video non deesse Autores, qui nescio quæ difficultatum spectra in hac re sibi somnient, perperam existimantes per compositionem & resolutionem, additionem vel subtractionem motuum vel potentiarum componentium intelligendas esse, ne ejusmodi æquivocatio tyronibus negotium faceretur, motus vel potentias ex aliis componi dici solitas, ex iis nascentes vel resultantes appellare, consultius duxi.

C O R O L L A R I U M I.

41. Producta parallelogrammi diametro in M , ac facta $AM = AD$, sollicitatio AM in hac directione AM reliquis AC & AB æquipollet. Nam sollicitatio AM alteri æquali & directe contrariæ AD æquipollet, atqui AD nascitur ex lateralibus AC & AB ; neque plus aut minus præstare potest quam sollicitationes hæ laterales simul agentes, proptereaque perinde est siue mobile A unica sollicitatione AD , siue duabus collateralibus AC , AD urgeatur, ergo AM ipsi AD contraria & æqualis lateralibus AC & AB omnino æquipollet.

C O R O L L A R I U M II.

Fig. 4. 42. Hinc si tres sollicitationes eidem mobili impressæ AM , AB , AC in æquilibrio consistant, erit quælibet earum ad alterutram ex reliquis, id est AM ad AB , ut sinus anguli BAC à reliquis comprehensi, ad sinum anguli MAC à sollicitatione AM & altera AC ex reliquis formati. Nam (§. 41.) $AM = AD$, atque adeo AM :

AM:AB sicut AD ad AB, verum ex trigonometria constat, esse AD ad AB, ut sinus anguli ABD ad sinum anguli BDA, ergo etiam AM est ad AB ut sinus anguli ABD, vel ejus supplementi ad duos rectos BAC ad sinum anguli BDA, vel ejus alterni æqualis DAC, aut etiam hujus ad duos rectos supplementi MAC. Et sic ex ternis sollicitationibus, ad æquilibrium compositis, duæ quælibet sunt inter se ut sinus angulorum ipsis oppositorum, hoc est AB:AC=fin. MAC:fin. MAB, & AM:AC=fin. BAC:fin. MAB. Et sic ubique.

Elegans hoc theorema à Cel. Petro Varignon primùm, quod sciam, demonstratum est, cui ferme totam suam novam Mechanicam, anno 1687. Lutetiæ editam, superstruxit.

COROLLARIUM III.

43. Ex hisce etiam patet ratio theorematis non inelegantis, quod Robervallius Torricellio quondam proposuit, sed sine demonstratione, ut videre est in Opere Academiæ Regiæ Scientiarum Parisiensis, quod inscribitur *Divers Ouvrages de Mathematique & de Physique de Messieurs de l'Academie Royale des sciences*, fol. 301. Theorema vero nostris loquendi phrasibus expressum, est hujusmodi: Si per terminos rectarum AM, AB, AC trium sollicitationum eidem puncto A applicatarum, repræsentatricium, ducantur rectæ MB, BC & MC, punctum A, cui sollicitationes in æquilibrio consistentes impressæ sunt, existet in centro gravitatis trianguli MBC. Circa AM, AB & AM, AC descripta sint parallelogramma AMSB, ARMC, quibus descriptis, & quia tres sollicitationes AM, AB, AC in æquilibrio sunt, secundum hypothesin AC æquipollebit (§. 36.) ipsis AM & AB atque adeo (§. 41.) AC=AS, & hæ duæ in directum positæ erunt, unde CA producta latus trianguli MB secabit in medio Q, similiter AB producta secabit latus trianguli MC in ejus medio P, jam ex staticis constat trianguli MBC centrum gravitatis esse in singulis lineis CQ, BP ex quibusvis trianguli angulis C & B ad puncta Q & P in medio laterum BM ac CM angulis illis oppositorum ductis, propterea centrum gravitatis trianguli BMC, est in communi intersectione A harum linearum CQ & BP.

PROPOSITIO IV. L E M M A.

44. Si singula corpora positione data A, B, C, D &c. in suam quodque

14. DE VIRIBUS ET MOTIBUS CORPORUM. LIB. I.

que distantiam à plano positione dato a P d ducantur, erunt omnium facta equalia facto ex aggregato omnium corporum in distantiam E c centri eorum gravitatis E à dato plano, in casu quo omnia corpora ad eandem plani a P d partem sita sunt.

Sin verò nonnulla corpora A, B &c. posita fuerint ad unam plani PQ partem, & reliqua C, D ad alteram partem; Excessus, quo facta ex corporibus ad partes centri omnium gravitatis E sitis, in suas homologas à plano PQ distantias, superant facta ex corporibus reliquis in suas ab eodem plano distantias, æquabitur facto ex omnibus corporibus simul sumtis in distantiam e P, communis omnium centri gravitatis E à plano PQ.

Fig. 5.

Casu primo ostendi debet, quod, positis $A + B + C + D + \&c. = M$, sit $A. Aa + B. Bb + C. Cc + D. Dd = M. Ee$. Et secundo casu, esse $C. cP + D. dP - A. aP - B. bP = M. eP$, designantibus cP, dP, aP, bP distantias corporum C, D, A, B &c. à plano PQ.

Demonstr. I. Per centrum gravitatis E omnium corporum trans-eant ae parallela plano ae , & eE parallela plano PQ alteri ad recto, & ae considerari potest tanquam axis æquilibrii ponderum A, B, C, D, atque adeò erit ob casum æquilibrii $A. Aa + D. Dd = B. Bb + C. Cc$, vel quod eodem recidit, $B. Bb + C. Cc - A. Aa - D. Dd = 0$. Item $A. ae + B. be = C. ce + D. de$, vel $C. ce + D. de - A. ae - B. be = 0$ respectu axis æquilibrii eE .

II. Quia $Aa = ae - aA = Ee - Aa$, $Bb = Ee + Bb$, $Cc = Ee + Cc$, & $Dd = Ee - Dd$, erit $A. Aa + B. Bb + C. Cc + D. Dd = A. Ee + B. Ee + C. Ee + D. Ee + B. Bb + C. Cc - A. Aa - D. Dd = M. Ee$, quia $A + B + C + D = M$, & (num. I hujus.) $B. Bb + C. Cc - A. Aa - D. Dd = 0$. Quod est primum.

III. Quia $aP = ae - eP$, $bP = be - eP$, $cP = ce + eP$, & $dP = de + eP$, erit $C. cP + D. dP - A. aP - B. bP = C. eP + D. eP + A. eP + B. eP + C. ce + D. de - A. ae - B. be = M. eP$, quia (num. I hujus.) est $C. ce + D. de - A. ae - B. be = 0$, & $C + D + A + B = M$ ut antea. Quæ omnia erant demonstranda.

COROLLARIUM I.

Fig. 6.

45. Si corpora rectà ascendant in lineis Aa, Bb, Cc, Dd &c. horizonti perpendicularibus, eorumque centrum gravitatis E in recta Ee illis parallela, erit $A. Aa + B. Bb + C. Cc + D. Dd = M. Ee$. Nam ducta ut libet recta ad ipsis Aa, Bb &c. perpendiculari, eritque (S. 44.) $A. Aa + B. Bb + C. Cc + D. Dd = M. Ee$, & $A. aa + B.$

B. $\text{Ab} + \text{C. xc} + \text{D. } \delta d = \text{M. } \text{ec}$, ergo A. $\text{Aa} + \text{B. Bb} + \text{C. Cc} + \text{D. Dd} = \text{M. Ec}$.

C O R O L L A R I U M II.

46. Si omnia corpora A, B, C, D &c. sint æqualia, omnes eorum distantia à plano aPd, erunt multipulum distantia communis eorum centri gravitatis E ab eodem plano secundum ponderum numerum. Excessusque quo distantia illorum à plano PQ secundi casus, quæ ad partes centri omnium gravitatis posita sunt, excedunt distantias illorum, quæ sunt in parte opposita, est distantia centri omnium gravitatis E ab eodem plano PQ multipulum, secundum corporum A, B, C, D &c. numerum. Fig. 5.

S C H O L I O N I.

47. Ex hisce nunc tam facile deduci potest regula Guldini jam à Pappo disertè indicata, ut haud abs re futurum existimem, si eam hoc loco demonstratam darem, quanquam ea à pluribus jam demonstrata sit. Guldini Regula ita habet: *Figuram ex conversione cujuslibet magnitudinis circa aliquam rectam positione datam oriundam, æquari facto ex Magnitudine genitrice in viam centri ejus gravitatis.* Figura genitrix dicatur F, distantia centri ejus gravitatis ab axe rotationis D, ordinata figuræ y ad axem rotationis, dx elementum axis, solidum ex conversione figuræ F circa axem x dicatur S, ejus elementum dS; quibus positis per præsentem propositionem erit $D \cdot F = \text{summa momentorum elementorum magnitudinis } F = \int \frac{1}{2} y y dx$, nam elementum ipsius F est ydx, & hujus momentum $\frac{1}{2} y y dx$. sit p circumferentia circuli cujus radius est I, & ducatur antecedens æquatio in p, ut fiat $pD \cdot F = \int \frac{1}{2} p y y dx$. Jam pD est circumferentia radii D, & py circumferentia radii y, atque adeò $\frac{1}{2} p y y$ area circuli ejusdem radii y, & per consequens $\frac{1}{2} p y y dx$ cylindrulus solido S inscriptus, seu ejus elementum dS; ergo $pD \cdot F = \int dS = S$. Quod erat ostendendum pro solidis rotundis; eadem est demonstratio in aliis.

S C H O L I O N II.

48. Quanquam in hac propositione gravitas in singulis corporibus A, B, C, D eadem seu uniformis sumpta sit, ita ut pondera eorum absoluta massis proportionalia sint, quoniam tamen gravitas di-

diversa esse posset, & hoc lemma etiam generaliter verum est, scilicet tunc etiam, cum revera gravitatis sollicitationes ipsis corporum massis A, B, C, D proportionalia non existunt, id saltem indicandum fuit hoc loco. Nam si per A, B, C &c. non amplius, ut in propositione, massæ horum corporum, sed pondera eorum absoluta intelligantur, canon propositionis adhuc obtinebit. Verum fatius foret, per A, B &c. ut in propositione, intelligere massas horum corporum, & juxta articulum 31, eorum pondera designare per facta ex massis in gravitatis sollicitationes P, Q, R, S quibus singula A, B, C, D respectivè urgentur, id est per AP, BQ, CR, & D. S &c. Quod alibi in applicatione observabimus.

PROPOSITIO V. THEOREMA.

Fig. 7. 49. *Sollicitationum quarumlibet PR, PB, PC, PD &c. eidem mobili P impressarum media directio PE est recta jungens centrum gravitatis mobilis P & centrum gravitatis E omnium punctorum A, B, C, D &c. quibus rectæ sollicitationum representatrices terminantur; & sollicitatio ex omnibus corpori impressis resultans exponi debet multiplo rectæ PE, secundum punctorum seu sollicitationum impressarum numerum.*

Per mobilis P centrum gravitatis ducta intelligantur plana PS & aPd sibi invicem recta, & per terminos rectarum PA, PB &c. perpendiculares ad planum ad demittantur Aa, Bb, Cc, Dd, & ex centro gravitatis E punctorum A, B, C &c. normalis Ee. Sollicitationum numerus dicatur N, & in producta PE sumatur $PR = N, PE$. Dico PR exponere sollicitationem ex omnibus mobili P impressis PA, PB, PC, PD &c. nascentem.

I. Per E & R agantur EL & RS plano aPd æquidistantes; ob triangulorum PLE & PSR similitudinem, & propter $PR = N, PE$, erunt $PS = N, PL$ & $SR = N, LE$.

II. Quia E est centrum gravitatis punctorum A, B, C, D &c. quorum numerus secundum hypothesin est N, erit (§. 46.) $aA + bB + cC + dD + \&c. = N. eE$, & $Pc + Pd + \&c. - Pa - Pb - \&c. = N. Pe$.

III. Quia singulis sollicitationibus obliquis (§. 39.) æquipollent sollicitationes earum laterales plano aPd perpendiculares & parallelæ, scilicet ipsi PA æquipollent laterales aA, Pa, ipsi PB verò laterales bB & Pb & sic in cæteris, omnibus obliquis æquipollebunt omnes earum laterales sollicitationes, id est conspirantes aA, bB, cC,

cC , dD , & oppositæ Pa , Pb ex una & Pc ac Pd ex altera plani PS parte; atqui ex conspirantibus resultat sollicitatio ipsis omnibus (§. 38.) æqualis id est sollicitatio $aA + bB + cC + dD + \&c.$ (n. II.) $= N. eE$ (n. I.) $= PS$, & ex omnibus contrariis (§. 38.) nascitur sollicitatio æqualis excessui quo fortiores excedunt debiliores, id est ipsi $Pc + Pd + \&c. - Pa - Pb - \&c.$ (num. II.) $= N. Pe$ (num. I.) $= SR$, ergo omnibus obliquis PA, PB &c. æquipollent duæ laterales PS & SR, & (§. 39.) hisce unica PR: hæc ergo denotat mediam directionem sollicitationum PA, PB, PC, PD &c. & sollicitationem ex ipsis nascentem, vel quod idem est, ipsis æquipollentem. Quod erat demonstrandum.

Elegans hoc theorema Illustri Leibnitio acceptum est ferendum, utpote quod in aliqua ejus epistola, jam pridem ad Wallisium data, sine demonstratione exhibetur. Vid. Tom: III. Oper. Wallisii fol. 687.

COROLLARIUM I.

50. Hinc punctum P, cui quatuor sollicitationes PA, PB, PC, PT ad æquilibrium quidem compositæ; sed non in eodem plano existentes, impressæ sunt, erit in centro gravitatis pyramidis TAC, in cuius angulis sollicitationum repræsentatrices lineæ terminantur. Sit E centrum gravitatis punctorum A, B, C & jungatur PE, quæ media directio erit sollicitationum PA, PB & PC, ac hisce æquipollebit sollicitatio 3. PE; hinc quia omnes in æquilibrio sunt, erit $PT = 3. PE$; atque adeo est $PT : PE = 3 : 1 = A + B + C : T$ considerando hæc puncta tanquam ponduscula æqualia, ac proinde P est in centro gravitatis punctorum quatuor angularium pyramidis A, B, C, T. Sed idem est centrum gravitatis pyramidis, quod punctorum ejus angularium. Ergo liquet assertio.

Fig. 8.

Hoc est alterum theorema, quod Robervallius Torricellio olim proposuerat in loco supra (§. 43.) jam indicato.

COROLLARIUM II.

51. Hinc etiam; si mobile P ad singula superficiei curvæ ABC puncta urgeatur sollicitationibus expressis punctorum superficiei distantis à mobilis centro; media omnium sollicitationum directio erit recta PE, jungens centra gravitatis mobilis P & superficiei curvæ ABC, ac sollicitatio ex omnibus nascentis ipsisque æquipollens est.

Fig. 9.

C

est,

est, ut factum ex superficie ABC in distantiam EP centri ejus gravitatis à centro corporis P. Nam numerus punctorum seu sollicitationum est ipsa superficies ABC, ejusque centrum gravitatis est centrum omnium punctorum, quibus rectæ sollicitationum repræsentatrices terminantur.

COROLLARIUM III.

Fig. 10.

52. Quinimo si idem mobile P, ad singula curvæ ABC puncta urgeatur, sed sollicitationibus non ipsis PB distantis punctorum à mobili, sed ipsis LP in singulis BP sumtis, & in curva quacunque DLH terminatis, proportionalis. Erit etiam nunc omnium sollicitationum PL media directio PE recta jungens centra mobilis P & curvæ DLH, ac sollicitatio ex illis omnibus resultans, factum ex gravitate curvæ DLH in rectam EP; sed hujus curvæ partes non uniformiter graves intelligendæ, verùm difformiter; ita ut ductis per homologa utriusque curvæ AB & DLH puncta B, L tangentibus BM & LM in puncto M concurrentibus, gravitas puncti B curvæ ABC uniformiter gravis, sit ubique ad homologi puncti L curvæ DLH, gravitatem ut rectangulum MBP ad rectangulum MLP.

PROPOSITIO VI. PROBLEMA.

Fig. 11.

53. *Invenire mediam directionem sollicitationum quarumvis AG, BG, CG, DG quibus puncta A, B, C, D lineæ rectæ inflexilis AD urgentur.*

Ex quolibet extra lineam AD puncto O agantur per singula lineæ puncta A, B, C, D in quibus lineæ juxta directiones AG, BG &c. urgetur, rectæ indefinitæ OAF, OBF, OCF, ODF, ductisque per singula puncta G in quibus lineæ sollicitationum aut potentiarum applicatarum repræsentatrices terminantur rectis indefinitis FG lineæ AD parallelis & lineis OA, OB, OC, OD &c. quantum opus est productis in punctis F occurrentibus. Dehinc singulis AF, BF, CF, DF &c. in suis directionibus transferantur à puncto concursus O, respectivè æquales Oa, Ob, Oc, Od &c. punctorumque a, b, c, d centrum gravitatis e inveniatur atque in lineæ OM per hoc centrum e, & punctum O ducta lineæque AD occurrente in E, sumatur EM, quæ sit ad Oe ut numerus punctorum a, b, c, d ad unitatem, ductaque per punctum M recta NL æquidistante ipsi AD, assumatur in ea ML omnibus FG inter AF, BG,

BG, & BF, BG &c. interceptis, æqualis, eo casu, quo omnes GF conspirantes sunt, vel juxta ordinem literarum ex F versus G sumptæ omnes ad eandem plagam vergunt, tunc enim ML in eandem plagam & omnibus FG æqualis sumenda est; sin vero nonnullæ FG vergerent ad unam plagam, reliquæ vero FG in plagam oppositam, eo casu ML æqualis facienda esset excessui quo fortiores FG simul sumptæ, excedunt reliquas FG in plagam priori oppositam agentes eamque in partem ducenda esset in quam agunt fortiores FG: Linea EL jungens puncta E, L dabit mediam directionem omnium sollicitationum AG, BG, CG, DG &c. ejusque longitudo EL exponet sollicitationem omnibus applicatis æquipollentem in hac media directione EL, seu etiam onus quod sustinaculum V puncto E subiectum ab iisdem applicatis potentiis AG, BG, CG &c. sustineret. Quod erat inveniendum.

Demonstratio. Quælibet sollicitatio vel potentia applicata AG æquipollet (§. 39.) lateralibus AF & FG; atque adeo omnes AG, BG, CG &c. æquipollebunt omnibus AF, BF, CF, DF secundum hypothesin in puncto O convergentibus, omnibusque harum collateralibus FG. Cogitetur jam virga seu linea AD, cui potentiæ applicatæ vel sollicitationes AG, BG &c. impressæ sunt, plano gravitatis experti, perinde ac ipsa linea, infixa esse, ita ut linea moveri nequeat, quin planum simul moveatur, hoc enim modo fiet ut potentia AF eandem vim habeat movendi planum, in quocunque directionis OA puncto ipsi plano applicata sit, sive in puncto A, aut in quovis alio a , O &c. hoc per se satis evidens est; nam si potentia AF rectæ AD in A applicata in directione OA majorem vim haberet ad movendum planum AODF quam hæc eadem potentia AF, ac in eadem directione OA sed plani AOD puncto O applicata, sequeretur potentiam AF cum alia ipsi æquali, puncto O applicata in eadem directione, sed in partem oppositam ex a versus O, vel potius in linea AO extrorsum trahent punctum plani O, non esse in æquilibrio, sed ipsi prævalere, aut hanc illa fortio-rem existere; atque adeo duæ potentiæ æquales AF & a O juxta eandem lineam AO in oppositas partes agentes se mutuo in æquilibrio non tenerent, quod est absurdum. Ergo potentia AF rectæ AD applicata eundem effectum præstat ac potentia Oa ipsi AF æqualis & in eadem directione OA puncto plani O applicata, quod de reliquis BF, CF &c. etiam intelligendum: ac proinde potentialium AF, BF, CF, DF eadem est media directio, quæ potentia-

rum hisce æqualium $Oa, Ob, Oc, \& Od \&c.$ atqui harum media directio OeM (§. 49.) est linea jungens punctum O & centrum gravitatis e punctorum $a, b, c, d \&c.$ & potentia omnibus applicatis puncto O ; aut rectæ in punctis $A, B, C, D \&c.$ æquipollens est multipla ipsius Oe secundum punctorum $a, b, c, d \&c.$ numerum, atque adeo exponitur recta EM , quæ (constr.) est ad Oe ut numerus punctorum $a, b, c \&c.$ ad unitatem. Æquipollet ergo potentia EM omnibus $AF, BF, CF \& DF$, ex omnibus vero FG lineæ AD parallelis nascitur sollicitatio ipsis omnibus æqualis, si conspirantes fuerint, vel æqualis excessui, quo fortiores FG superant debiliores & oppositas FG , ac proinde utroque casu exponitur recta ML quæ pro varietate circumstantiarum (constr.) æqualis est summæ omnium FG eandem plagam respicientium, vel differentiæ earum quæ in diversas plagas tendunt, unde cum omnibus AF, BF, CF, DF & omnibus FG æquipollegant duæ laterales $EM \& ML$ & hisce duabus (§. 39.) unica EL , omnino patet hanc EL etiam æquipollere omnibus $AG, BG, CG, \& DG$, quæ lineæ AD applicatæ sunt. Propterea EL significat mediam directionem potentiarum applicatarum & sollicitationem in hac media directione ipsis omnibus æquipollentem. Quod erat demonstrandum.

COROLLARIUM I.

Fig. II. 54. Si lineæ AD perpendiculares AH, BH, CH, DH agantur ipsis FG occurrentes in punctis H , hæ perpendiculares totidem potentias lineæ AD applicatas repræsentabunt, momentaque omnium earum, quæ sunt ex una parte puncti E , æquabuntur momentis earum, quæ sunt ex altera parte, id est, $AH. AE + BH. BE = CH. CE + DH. DE$. Ductis enim af, bh, dg, ci rectæ $AD \& AI, BI, CI, DI \&c.$ rectæ OM parallelis, eritque propter centrum gravitatis e , $af + bh = dg + ci$, vel adscita communi altitudine OE erunt facta seu rectangula $OE. af + OE. bh = OE. dg + OE. ci$. Vel $Of. AE + Oh. BE = Og. DE + Oi. CE$, quia $OE. af = Of. AE$ propter triangula similia $OAE \& Oaf$, item $OE. bh = Oh. BE$, ob triangulorum $OBE \& OBh$ similitudinem, & quia ob similes rationes rectangula reliqua $OE. dg, OE. ci$ rectangulis $Og. DE, Oi. CE$ respectu æquantur. Porro ob $AI, BI, CI \&c.$ parallelas (constr.) rectæ OM , & singulas Oa, Ob, Oc, Od æquales singulis AF, BF, CF, DF , æquabuntur etiam Of, Oh, Oi, Og ipsis AI, BI, CI, DI , quia

quia quodvis triangulum *Oaf* respectivo *AFI* simile & æquale est, propterea substitutis in rectangulis æqualibus *Of. AE + Ob. BE = Og. DE + Oi. CE*, loco rectarum *Of, Ob, Og & Oi*, æqualibus *AI, BI, DI* ac *CI* eodem ordine sumtis, fiet *AI. AE + BI. BE = DI. DE + CI. CE*. Vel substitutis adhuc loco ipsarum *AI, BI, CI, DI*, aliis rectis *AH, BH, CH, & DH*, quæ ipsis propter triangula similia *AHI, BHI, CHI, DHI* analogæ sunt, hoc est, proportionalia, erant tandem *AH. AE + BH. BE = DH. DE + CH. CE*. Porro sicut *EM = Of + Ob + Og + Oi, = AI + BI + DI + CI*, ita etiam *EN* rectæ *ML* perpendicularis, erit *= AH + BH + DH + CH*.

COROLLARIUM II.

55. Ex centro æquilibrii *E* demissis ad directiones potentiarum Fig. 12. *AG, BG, CG, DG* productas perpendicularibus *EP, EQ, ER & ES*, momenta potentiarum obliquarum ex una parte, æqualia erunt momentis potentiarum in parte altera. Hoc est, *AG. EP + BG. EQ = DG. ES + CG. ER*. Nam quia, quælibet, triangulorum *PAE*, & *HAG* paria similia sunt, fient rectangula *AH. AE, BH. BE, DH. DE* ac *CH. CE* æqualia homologè rectangulis *AG. EP, BG. EQ, DG. ES & CG. ER*, unde quia (§. 54.) *AH. AE + BH. BE = DH. DE + CH. CE*, erit etiam *AG. EP + BG. EQ = DG. ES + CG. ER*.

SCHOLIUM.

56. Casus Corollarii hujus secundi obtinet non solum tunc, cum linea *AD* est recta, cui potentix obliquæ *AG, BG &c.* applicantur, sed etiam in casu, quo ipsa linea applicatas potentias habens est curva, imò etiam in rotis aliisque ejusmodi organis. Uno verbo, si circa aliquod punctum potentix aut sollicitationes quæcunque in æquilibrio sunt, momenta potentiarum, quæ agunt in unam partem, æqualia sunt momentis potentiarum, quæ agunt in partem oppositam; atque sic inopinatò incidimus in demonstrationem directam & immediatam principii Archimedei de æqualitate momentorum, in casu æquilibrii potentiarum inter se commissarum, quod varii varie demonstrare conati sunt. Cæterum ope Corollarii primi hujus, ipsum problema hujus propositionis multo simplicius jam solvetur, imò plura alia præstabuntur quam antea, ut ex sequentibus facile patescet.

PROPOSITIO VII. THEOREMA.

57. Si lineæ inflexili & gravitatis experti (qualis etiam in præcedenti Propositione est ponenda) AD quocunque sollicitationes seu potentie obliquæ A₁A, B₁B, C₁C, D₁D applicatæ, atque hæ potentie omnes in suas laterales potentias lineæ AD perpendiculares & parallelas resolutæ fuerint, erit, ductis per centrum æquilibrii H potentiarum lineæ AD perpendicularium A₂A, B₂B, C₂C, D₂D, rectâ HI ipsis omnibus simul sumtis æquali & parallela, & per punctum I rectâ IK lineæ AD parallela ac æquali excessui, quo potentie lineæ æquidistantes, quæ sunt ad unam lineæ HI partem ut 2D₁D, superant eas, quæ ipsi in parte contraria oppositæ sunt 2A₁A, 2B₁B, 2C₁C, rectâ jungens puncta H, K erit media directio potentiarum obliquarum virgæ seu lineæ AD applicatarum, ejusque magnitudo exponet ohus, quo hypomochlium, seu sustinaculum puncto virgæ H subjectum, juxta mediam directionem HK ab omnibus potentiis urgetur.

Fig. 13. Cum quælibet sollicitatio seu potentia obliqua A₁A (§. 39.) spectari possit, tanquam nascens ex suis lateralibus sollicitationibus A₂A & 2A₁A virgæ AD perpendiculari & parallela, omnes potentie obliquæ considerari possunt tanquam nascentes ex omnibus perpendicularibus A₂A, B₂B, C₂C, D₂D, & ex omnibus parallelis 2D₁D, 2C₁C, 2B₁B, & 2A₁A. Atqui (§. 54.) ex omnibus perpendicularibus resultat sollicitatio vel potentia ipsis omnibus simul sumtis æqualis & parallela, transiens per earum centrum æquilibrii H, id est (constr.) sollicitatio $HI = A_2A + B_2B + C_2C + D_2D$, ex parallelis verò nascitur sollicitatio æqualis (§. 38.) excessui, quò fortior vel fortiores excedunt debiliores ipsis contrarias, unde cum (constr.) sit $IK = 2D_1D - 2A_1A - 2B_1B - 2C_1C$, hæc IK exponet sollicitationem ex sollicitationibus virgæ parallelis nascentem; adeoque cum ex omnibus potentiis lateralibus virgæ perpendicularibus & parallelis nasci intelligantur, tum omnes obliquæ A₁A, B₁B &c. tum etiam duæ laterales HI & IK & ex hisce (§. 39.) unica HK, patet hanc sollicitationem HK omnibus obliquis æquipollere ejusque directionem harum esse Mediam directionem, atque adeo punctum virgæ H in hac media directione urgeri sollicitatione seu onere, quod exponitur magnitudine rectæ HK. Quod erat demonstrandum.

S C H O L I O N.

Fig. 14

58. Eadem methodo, mutatis mutandis, obtinetur media directio potentiarum linearum curvæ DAA utlibet applicatarum. Nam si potentia vel sollicitationes applicatae represententur per lineas AB, quarum unaquæque resolvatur in suas laterales potentias AC, axi curvæ DE perpendiculares, & CB eidem æquidistantes, productisque CA ultra axem DE, ut singulae EF singulis AC æquales fiant, potentia IN singulis EF simul sumtis æqualis & per earum centrum æquilibrii ducta axique perpendicularis (§. 54.) erit potentia seu sollicitatio omnibus EF æquipollens, unde cum singulae hæ EF singulis AC æquales atque directæ, oppositæ sint, omnes EF cum omnibus AC in æquilibrio manebunt, ergo etiam unica potentia IN universis EF æquipollens cum iisdem AC in æquilibrio consistet, pariter ductis DG axi DE normali, & rectis indefinitis AH eidem axi parallelis, & in iis factis GH singulis CB respectivè æqualibus, erit potentia IL universis GH æqualis & parallela transiens per centrum æquilibrii K harum GH, cum iisdem GH (§. 54.) in æquilibrio, ergo duæ potentia laterales IN & IL cum universis AC & universis CB in directionibus AG agentibus, id est, universis GH in æquilibrio consistent, atque adeo cum omnibus obliquis, at vero ex potentiis IN & IL (§. 49.) nascitur potentia, cujus directio IO transit per punctum I & centrum gravitatis O punctorum L & N, & quæ exponitur per multipulum rectæ IO secundum punctorum L & N numerum, hoc est per 2.IO; ergo talis potentia sola in æquilibrio erit cum universis AB curvæ DAA applicatis, idcirco (§. 37.) recta OI producta in M, dat mediam directionem IM omnium potentiarum AB, & hypomochlium R curvæ DAA applicatum sustinebit onus æquale 2.OI ab omnibus applicatis potentiis AB. Quod erat inveniendum. Cæterum etsi punctum I, quod est communis intersectio rectarum KL & SN in curva DA esse videtur, in eam tamen incidere non debet, ac propterea puncta I & R sunt semper diversa.

Constructioni hujus Scholii non multum absimilem etiam reperit Cl. Varignon. Verum in hac constructione non omnia curvæ puncta ab applicatis potentiis urgentur, nam casus quo singulis ejus punctis potentia applicantur, pendet à quadraturis & centris gravitatis quarundam figurarum curvilinearum, ut ex sequenti Propositione elucescet.

P R O.

PROPOSITIO VIII. THEOREMA.

Fig. 15. 59. Si Vectis curvilineus ABB, cujus axis AT ordinatas BC ad angulos rectos excipit, à potentiis vel sollicitationibus utlibet obliquis BG, BG &c. in singulis punctis urgeatur, protracta GB in T, ductisque per B rectis BS curvæ ABB normali, & BE axi AT parallela, demissaque ex S normali SV super BT, in ordinata BC producta sumatur CD, quæ sit ad BG potentie curvæ puncto B applicata representatricem, ut BV ad BT, & in recta BE producta accipiat EF, quæ sit ad eandem BG, ut rectangulum BV. CT ad rectangulum SC. BT, & hoc respectu cujusvis alius curvæ puncti B fieri intelligatur, indeque nascentur figuræ mixtilineæ AXDC, AXFE, quarum centra gravitatis sint in R & Q, per quæ agantur MR recta AN, & QO axi AT æquidistantes, seque mutuo secantes in M; si rectangulum sub MO & data recta A æquale aræ AXFE, & rectangulum sub recta MR & eadem data A æquale aræ AXDC facta fuerint, linea recta IM per punctum concursus M rectarum QO & LR, & per medium I rectæ OR jungentis puncta O & R ducta atque versus P protracta, dat mediam directionem MP, omnium potentiarum BG curvæ AB applicatarum, & Onus quod hypomochlion Z ab omnibus potentiis sustinebit, exponetur rectangulo 2MI. A sub dupla MI & data A.

Sic Bb elementum curvæ AB, per cujus terminum b ducantur bd rectæ BD & bf lineæ BF parallela, tum etiam per terminum G potentie BG recta GH axi parallela, quæ ordinatæ CB productæ occurrat in H, & denique demittatur ba perpendicularis ad GT, quibus positis,

I. Quia (constr.) $CD:BG=BV:BT$, & propter triangula similia BHG & BCT, est $BG:BH=BT:BC$, erit etiam ex æquo $CD:BH=BV:CB$. Porro quia triangula VBS & Bba, propter angulos bBa, VBS recto æquales, atque adeò ipsis VBS & VSB (qui simul sumti, etiam recto æquantur) æquales, adeò ut ablato communi VBS remaneant æquales bBa & VSB, & propter angulos ad a & V rectos, similia sunt, habebimus insuper $BV:BS=ba:Bb$, triangula verò similia bBa & BCS præbent $BS:BC=Bb:B\beta$, igitur denuo ex æquo $BV:BC=ba:B\beta$. Sed initio hujus inveniatur etiam $BV:BC=CD:BH$, ergo $CD:BH=ba:B\beta$, adeoque $BH.ba=CD.B\beta=$ rectangulo C\beta aræ AXDC inscripto.

II. Quoniam (constr.) $EF:BG=BV:CT:SC.BT$, & $BG:GH$

$GH=BT:CT=SC.BT:SC.CT$, erit ex æquo $EF:GH=BV.CT:SC.CT=BV:SC$. Præterea, ut num. 9. ostensum, est etiam $BV:BS=ba:Bb$, & $BS:SC=Bb:b\beta$, ergo iterum ex æquo $BV:SC=ba:b\beta$, at modo habuimus etiam $BV:SC=EF:GH$, ergo $EF:HG=ba:b\beta$, atque adeò $HG.ba=EF.b\beta$ = rectangulo $E\phi$ areæ $AXFE$ inscripto.

III. Jam quia potentia BG curvæ puncto B applicata (§. 39.) resultat ex lateralibus BH axi AT perpendiculari, & HG eidem parallela, & singula puncta elementi Bb ab eadem potentia obliqua BG urgentur, potentia, qua totum elementum afficitur, est ut rectangulum $BG.ba$ cujus altitudo ba multitudinem potentiarum obliquarum omnibus elementi Bb punctis applicatarum exponit, rectangulum $BH.ba$, exponet potentiam axi perpendicularem, & $HG.ba$ potentiam eidem axi parallelam, quæ ex obliqua $BG.ba$ ad elementum curvæ Bb pertinente derivantur, & ex quibus hæc (§. 40.) resultat. Unde, quia (num. 1. & 11.) ostensum $BH.ba$ = rec-lo $C\delta$ & $HG.ba$ = rec-lo $E\phi$, omnes potentia $BG.ba$ resultabunt ex omnibus $C\delta$ areæ $AXDC$ inscriptis, & ex omnibus $E\phi$ areæ $AXFE$ inscriptis, cum singulæ $BG.ba$ ex singulis $C\delta$ & $E\phi$ nascantur. Atqui ex omnibus potentiis $C\delta$ (§. 54.) resultat potentia $A.MR$ cum hoc rec-lum (constr.) æquale sit omnibus $C\delta$, seu areæ $AXDC$, cui inscripta sunt, & potentia $A.MR$ directio transeat per centrum gravitatis areæ $AXDC$, & ex omnibus potentiis $E\phi$ resultat potentia $A.OM$, quoniam (constr.) hoc rec-lum $A.MO$ = $AXFE$ ejusque directio OQ transit per centrum gravitatis Q ejusdem areæ $AXFE$. Propterea potentia $A.MO$ & $A.MR$ in directionibus suis MO, MR in æquilibrio consistent cum omnibus potentiis obliquis BG, BG , &c. curvæ AB in singulis punctis applicatis. Sed ex potentiis $A.MO$ & $A.MR$ resultat (§. 49.) potentia $2.MI.A$ cujus directio MI transit per centrum gravitatis I punctorum O & R , quorum gravitas fingitur esse A . Ergo etiam hæc potentia $2.MI.A$ in æquilibrio erit cum omnibus BG , &c., atque adeo ejus directio MI in contrariam partem P producta MP (§. 37.) erit media directio omnium potentiarum BG, BG &c. & $2.MI.A$ exponet onus quod hypomochlium Z in media directione MP à potentiis rectis sustinebit. Quod erat demonstrandum. In figura male confunduntur puncta Z & M , quorum hoc non in curva AB , sed intra figuram ABC situm esse debet.

COROLLARIUM I.

60. Si omnes potentiae BG curvae AB perpendiculares sint, evanescent anguli TBS, eritque ubique $CD = EF = BG$. Nam coincidentibus BF & BS, rectae BY & BT aequales fient ipsi BS, & $CT = CS$; unde cum (constr.) sit $CD : BG = BV : BT$ fiet omnino $CD = BG$. Sic etiam quia $TE : BG = BV : CT$, & hoc casu $BV = BS$, $CT = CS$, & $BT = BS$, ratio BV, CT ad SC. BT erit ratio aequalitatis, atque adeo $EF = BG$.

COROLLARIUM II.

61. Et si praeterea omnes BG inter se aequales fuerint, figurae mixtilineae AXCD & AXFE mutabuntur in parallelogramma rectangula CAX & EAX.

COROLLARIUM III.

Fig. 16. 62. Unde si singulis curvae AOM punctis potentiae perpendiculares curvae, & omnes inter se aequales BG applicatae sint, vis totalis qua curva AOM urgebitur, eadem erit ac vis totalis, qua urgeretur curvae basis AM, si etiam singulis ejus punctis potentiae aequales ipsis BG, & basi AM etiam perpendiculares applicatae essent, atque adeo exponetur rectangulo MAXZ. Nam descriptis circa curvam rectangulo ME, EA, cujus latus EE basi aequalis tangat curvam in O, & ad latera ME, AE rectangulis MXFE, AXFE, consideretur basis MA instar axis curvae AOM, & quoniam secundum hypothesein omnes potentiae BG curvae normales sunt atque inter se aequales, erunt (§. 61.) $ef = CD = BG$ & hisce aequales existent homologae lineae respectu cujusvis alius curvae puncti B, adeoque omnes potentiae curvae parti ABO normales, aequipollebunt duabus potentiis, quarum una axi perpendicularis exponitur rec-lo AXQP, alteraque axi parallela exponitur rectangulo AXFE. Sic etiam omnes curvae OBM potentiae aequipollent duabus, quarum una axi perpendicularis alteraque eidem parallela, & quarum haec rec-lo MXFE, illa verò rec-lo PQZM exponitur. Atqui ob aequalia rec-la MEFX & AEFX, potentiae axi AM parallelae & directe oppositae pertinentes ad curvae partes ABO, MBO, utpote inter se aequales, se mutuo elidunt, solaeque potentiae axi perpen-

pendiculares considerandæ veniunt, illæ scilicet, quæ exprimuntur rec-lis XAPQ, & ZMPQ; ergo vis, qua tota curva AOM ab omnibus ipsi applicatis potentiis BG urgetur, exponitur rectangulo AXZM. Sed eandem vim basis AM quoque subibit, sicubi in singulis suis punctis ejusmodi æqualibus potentiis perpendiculariter premitur vel trahitur. Potentia enim, qua tota basis afficitur, est, ut hæc basis ducta in potentiam, qua singula ejus puncta urgentur, id est ut rectangulum AMXZ.

C O R O L L A R I U M IV.

63. Pariter, si loco curvæ AOM intelligatur superficies cylindri recti, cujus altitudo sit Mm; ac superficiei isti in singulis punctis potentiæ perpendiculares & æquales BG applicatæ cogitentur; tunc potentia, qua cylindrica superficies ab omnibus ipsi applicatis potentiis urgetur, sive id fiat pressione ejus contra planum mM, Aa, sive tractione ab eodem plano, exponetur per parallelepipedum baseos AZ altitudinisque Mm; adeoque æquatur potentiæ, qua afficeretur planum mM Aa, si pariter singula ejus puncta æqualium potentiarum impressiones subirent. Nam in superficie cylindrica tot curvæ intelligi possunt ipsi AOM parallelæ similes & æquales, quot puncta sunt in altitudine cylindri vel prismatis Mm, quarum quælibet urgetur à potentia exprimenda rec-lo æquali AZ. Adeoque vis, qua omnes curvæ, id est cylindrica superficies, urgentur, exponetur per omnia rec-la ipsi AZ æqualia, quæ in parallelepipedo continentur, id est per parallelepipedum ipsum, sub basi AZ & altitudine Mm. Et tanta potentia etiam urgetur rec-lum MmaA à potentiis æqualibus, singulis ejus punctis applicatis.

D E F I N I T I O N E S.

IV.

64. *Solidum patiens* dicitur omne solidum ABCD, cujus singula Fig. 19. 20. superficiei curvæ CBAD puncta à potentiis quibuslibet superficiei perpendicularibus, BM, bu &c. urgentur, sed ita tamen, ut singula puncta curvæ cbd, sectionis solidi basi parallelæ, eadem potentia bu vel huic æqualibus afficiatur. Potentiarum verò actio in solidum patiens generali nomine *Pressionis* deinceps insignietur.

V.

65. *Pressio interna* est, cum potentia BM, *bu*, &c. cavæ superficiei punctis B, *b* &c. applicatæ, eam extrorsum juxta BM, *bu* premunt.

VI.

66. *Pressio externa* verò, cum convexæ superficiei puncta B, *b* &c. à potentiis ipsis applicatis introrsum premuntur, juxta MB, *ub* &c.

Ex ordine igitur literarum, quibus lineæ potentiarum applicatarum repræsentatrices signantur, statim dignosci poterit utrum applicatæ potentia introrsum, an verò extrorsum premant. Nam si litera vel signum, quo punctum superficiei signatur, cui potentia applicata est, primum locum tenet, pressio est interna, externa verò, si secundum locum. Sic BM, *bu* &c. denotant pressiones internas, quia puncta applicationis B, *b* &c. primum locum tenent, & MB, *ub*, &c. significant pressiones externas.

VII.

67. Per *Basin solidi patientis* intelligo quodvis ejus planum vel sectionem planam CBD horizonti æquidistantem.

VIII.

68. *Sectio verò recta solidi patientis* nobis est figura plana CAD solidi nostri, basi ejus recta, cujus sectionis rectæ *vertex* est punctum curvæ CAD à sua basi CD maxime distans, & linea AE ex vertice A ad CD perpendiculariter ducta dicetur *axis sectionis rectæ*, & forte etiam ipsius solidi patientis.

IX.

69. *Scala potentiarum* solido patienti applicatarum, est figura mixtilinea KLRQP in plano sectioni rectæ solidi patientis recto, atque per axem sectionis rectæ AE, transeunti, cujus figuræ ordinata quælibet per ejus axi KP, qui ipsi AE æquidistans ponitur, perpendicularis, exponit potentiam, qua unumquodque punctum curvæ *cbd* sectionis *cbdc* basi CBDC parallelæ, afficitur. *Origo* seu *vertex* hujus curvæ O est punctum occurfus curvæ QrL cum suo axe KP.

X.

X.

70. *Planum sublime* est GFI, quod basi patientis solidi æquidistans, per originem O scalæ potentiarum transit.

XI.

71. *Planum humile* est, quod sublimi parallelum, per maximam ordinatam PQ, scalæ potentiarum transit.

XII.

72. *Prisma redundans* est solidum GFBADIG, quod componitur ex solido patiente CBAD vertice ejus deorsum respiciente, & ex prismate recto GFBDI super basi CBD & terminato ad planum sublime GFI.

XIII.

73. *Prisma deficiens* est solidum GFBADIG, quod remanet detracto scilicet solido patiente CBAD, vertice ejus A nunc sursum converso ex prismate recto GFBDI super basi CBDC, & terminato itidem ad planum sublime GFI.

XIV.

74. *Solidum patienti analogum* juxta scalam potentiarum est solidum $2C_2B_2A_2D$, cujus quælibet sectio $2c_2b_2d$ homologæ sectioni cbd in solido patienti similis, æqualis & parallela intervallo $2H_2e$ æquali respectivæ ordinatæ $3er$ scalæ potentiarum à plano humili $2G_2F_2I$ distat, dum homologa solidi ipsius patientis sectio cbd , intervallo He æquali abscissæ O_3e ad ordinatam $3er$ pertinenti, distat.

XV.

75. *Solidum prismati redundantæ analogum* est solidum $2G_2F_2B_2A_2D_2I$, quod componitur ex solido patienti analogo $2C_2B_2A_2D$ & ex Prismate recto $2G_2F_2B_2D_2I$, super basi $2C_2B_2D$ atque terminato ad planum humile $2G_2F_2I$.

XVI.

76. *Solidum prismati deficienti analogum* est solidum $2G_2F_2B_2A_2D_2I$, quod relinquitur ablato solido $2C_2B_2A_2D$ patienti analogo ex prismate recto $2G_2F_2B_2D_2I$ ad planum humile $2G_2F_2I$ etiam terminato.

XVII.

Fig. 19, 29. 77. *Pseudo-cuneus* sectionis rectæ solidi patientis est solidum, cuius sectiones, plano humili vel sublimi parallelæ, sunt rectangula, quorum bases sunt ordinatæ figuræ cujusdam similis & æqualis sectioni rectæ solidi patientis, altitudines verò ordinatis modo nominatis respondententes ordinatæ Scalæ Potentiarum.

Circa axem KP sit figura $3C_3A_3D$ similis & æqualis sectioni rectæ CAD solidi patientis, cuius ordinatæ quælibet $3c_3d$ proinde æquabitur ordinatæ cd transienti per punctum e, quod respondet puncto 3e, per quod ordinatæ $3c_3d$ ducta est, quæ ordinatæ in scala potentiarum respondentem habet 3er. Pseudo-cuneus sectionis rectæ CAD est solidum, cuius singulæ sectiones plano GFI parallelæ sunt parallelogramma rectangula, quorum bases sunt ordinatæ $3c_3d$ & altitudines ordinatæ 3er scalæ potentiarum, in eodem plano secante positæ, id est rectangula $3c_3d$. 3er. &c.

Hi Pseudo-cunei hac etiam ratione generari intelliguntur: super figuris $3C_3A_3D$ & PLQ, tanquam basibus, erecta intelligantur prismata recta, quæ, ob bases suas ad angulos rectos sibi invicem occurrentes, se mutuo perforabunt. Solidum illud, quod à prismatis ad angulos rectos transversim se invicem perforantibus intercipitur, est Pseudo-cuneus, de quo agitur.

Si scalæ potentiarum est triangulum vel trapezium, tunc ex Pseudo-cuneo fit verus Cuneus.

XVIII.

78. *Projectio* cujusque figuræ in plano quodam, quod ideo etiam *projectionis planum* audit, est figura, quæ in plano projectionis formatur, demittendo ex singulis figuræ projectæ punctis perpendiculares ad planum projectionis. Sic curvæ kim projectio in plano projectionis $2G_2F_2I$ est curva $1p_1n_1q$, quæ à perpendiculis ex singulis punctis curvæ kim ad planum $2G_2F_2I$ demissis, formatur.

PROPOSITIO IX. THEOREMA.

Fig. 17, 18. 79. Si in singulis punctis conicæ superficiei kcbimd duobus planis cbd & kim, ad distantiam indefinite parvam el vel ni aut pk à se invicem distantibus, interjectæ, atque lineolis ck & dm terminatæ, potentia fg ad angulos rectos applicata fuerit, pressio, quam universa superficies

facies conica subibit, æquipollebit pressiombus, quas armilla pbq duabus curvis cbd & pnq (quæ alterius kim projectio est in plano cbd) intercepta, & lineolis cp, dq terminata; & cylindrica superficies knm ad basin kigm & ad altitudinem el vel ni erectam terminatamque lineolis pk & qm, paterentur ab eadem potentia gf, in singulis armilla & cylindrica superficiei punctis perpendiculariter applicata.

Sumatur in curva exteriori cbd quilibet arcus infinitesimus sx & per puncta s, x curvæ perpendiculares ductæ st, xy intelligantur curvæ interiori pnq occurrentes in punctis r, y. Porro solidum cbmd sectum cogitetur duobus planis per lineolas st, xy ductis & plano cbd rectis, eruntque solidi cbmd, & planorum secantium communes sectiones triangula rectangula stg, xyh ac solidum hisce triangulis interjectum txg prisma erit. Quibus intellectis, pressiones, quas subibunt facies tghy & styx (quæ considerandæ sunt, tanquam continuam superficiem in ty incurvatam stghyx basin sghx habentem) æquipollent (§. 63.) pressioni, quâ ab eadem potentia gf afficietur basis sghx. Et cum hoc accadat, respectu cujuslibet alius sghx in superficie conica kbm, & homologarum areolarum styx in armilla, & tghy in superficie cylindrica, perspicuum est, pressiones quas omnes areolæ sghx in superficiei conica subeunt, æquipollere pressiombus, quas sustinent omnes areolæ tsxy, quæ sunt in armilla, & quas sustinent omnes tghy, quæ in cylindrica superficie knm continentur. Ac propterea pressio, quam subit zona conica kbm ab omnibus ipsi perpendiculariter applicatis potentiis æqualibus gf, æquipollet pressiombus, quas ab omnibus perpendiculariter applicatis potentiis ipsiis gf æqualibus patientur armilla pbq & superficies cylindrica knm. Quod erat demonstrandum.

PROPOSITIO X. THEOREMA.

80. Si singulis punctis superficiei convexæ aut cavæ CBAD, qua solidum. patiens CBADC ex parte terminatur, potentie inæquales quidem & superficiei perpendiculares MB, ub &c. vel BM, bu &c. applicatæ sint, sed quarum eæ saltem omnes, quæ singulis punctis cujusque sectionis bcd basi CBD parallelæ applicantur, æquales sint, & exponantur per homologam ordinatam 3et scalæ potentiarum; Pressio, quam superficies curva solidi patientis ab omnibus potentiis patietur, æquivalebit pressioni, qua urgeretur basis solidi patientis CBD juxta directionem basi perpendicularem ad per centrum gravitatis d solidi

$2G_2F_2B_2A_2D_2I$ quod prismati redundanti (deficienti) $GFBADI$ analogum est, ductam, quam pressionem idem hoc solidum analogum exponat; & simul etiam pressionem, quam exponit pseudocuneus sectionis rectæ in solido patienti, seu solidum $3C_3ALQ_3D$ exserendæ in sectionem solidi patientis rectam CAD juxta directionem et huic sectioni perpendiculararem, & per centrum gravitatis α pseudocunei ductam.

Hoc est, si β designet solidum illud prismati redundanti (deficienti) analogum, & α pseudocuneum memoratum in propositione, Potentiæ β & α in directionibus $\alpha\beta$, $\epsilon\alpha$, vel in directionibus $\beta\alpha$ & $\alpha\epsilon$ patienti solido applicatæ, in æquilibrio consistent cum omnibus potentiis BM , bu &c. cavæ superficiei $CBAD$, vel cum omnibus MB , ub convexæ applicatis.

Solidum patiens sectum intelligatur duobus planis cbd , kim basi CBD æquidistantibus & indefinite vicinis. Portio superficiei curvæ solidi patientis duobus planis secantibus intercepta; quam deinceps per kbm designabimus, est instar superficiei conicæ duabus curvis cbd , & kim atque lineolis ck , dm terminatæ. Curvæ cbd projectio in plano humili $2G_2F_2I$ sit $icibid$, & curvæ kim projectio in eodem plano humili $ipiniq$, in plano vero cbd , curva pnq .

Jam pressio quam superficies conica kbm subibit à potentia bu (secundum hypothesein) $= 3er$, in singulis ejus punctis perpendiculariter applicata (§. 79.) æquipollet pressionibus, quas paterentur armilla pbq (qualis in præcedenti propositione considerata) & Cylindrica superficies knm , si etiam singula armillæ & cylindricæ superficiei puncta eadem potentia $bu = 3er$ perpendiculariter afficerentur; atqui potentia qua armilla pbq afficietur erit, ut hæc armilla ducta in potentiam bu vel $3er$, qua singula ejus puncta urgentur, id est, exponi debet per solidum $pbq. 3er$, vel quia armilla $pbq =$ suæ projectioni $ipibiq$, ac $3er$ (§. 74.) $= 2H_2e = ib_2b$, per solidum $ipibiq$ in ib_2b , id est per semitubum $ipib_2b_1q_1d$, solido $2G_2B_2A_2I$ inscriptum. Pressio verò quam superficies cylindrica knm ab applicatis potentiis pateretur, æqualis (§. 63.) pressionem, quam subiret rectangulum $kpqm$, quod cylindricam superficiem subtendit, exponetur solido seu parallelepipedo $km. el. 3er$, vel parallelepipedo $3k_3m. 3ebl. 3er$, quod alteri æquale est atque pseudocuneo inscriptum. Unde, quia pressio, quam quælibet alia zonula conica kbm solidi patientis ab applicatis potentiis patietur, similiter æquipollet pressionibus, quibus homologa armilla pbq , & homologa superficies cylindrica knm ab eadem potentia singulis zonulæ conicæ punctis perpendiculariter

lariter applicata, urgentur: ultrò sequitur fore, ut pressiones, quas subibunt omnes zonulæ conicæ, quæ in universa superficie curva solidi patientis continentur, id est pressio, quam ipsa hæc solidi patientis superficies curva patietur, æquipolleant pressionibus, quas omnes armillæ, & omnes cylindricæ superficies zonulis conicis homologæ ab applicatis potentiis patientur; atqui cum paulo ante ostensum sit, pressionem à qualibet armilla pbq exceptam exponi homologo semitubo cylindrico $ipibibiq$ cujus basis $ipibiq$ duabus curvis $ipiniq$ lineolisque $icip$ & $iqid$ intercepta æqualis est ipsi armillæ pbq , cujus projectio est, altitudo verò $ibib$ (§. 74.) æquatur ordinatæ zer scalæ potentiarum, pressionemque cujusque superficiei cylindricæ kmm exponi parallelepipedo $3k3m$. $3el$. $3e3l$ Pseudocuneo inscripto; pressio omnium armillarum exponetur per omnes semitubos cylindricos $ipibibiq$, qui in solido $2GzFzA2D2I$ prismati redundanti (deficienti) analogo continentur, id est per ipsum hoc solidum analogum, & potentia, quæ ex omnibus illis quæ superficies cylindricas kmm in solido patienti urgent, nascitur, exponetur per omnia parallelepipeda Pseudocuneo inscripta; seu quia ejusmodi parallelepipeda collective sumta figuræ, cui inscripta sunt, & in quam ultimo evanescunt, (perinde ac omnes semitubi solido analogo inscripti, in hoc solidum prismati redundanti vel deficienti analogum) æquantur, per ipsum Pseudocuneum. Ergo omnes potentia singulis punctis universæ superficiei curvæ CBAD applicatæ BM, bu &c. vel MB, ub &c. æquipollent duabus potentiis, quarum una, per solidum $2GzFzB2A2D2I$ exponenda, agat juxta directionem ad (§. 54.) basi CBD solidi patientis perpendicularem & transeuntem per centrum gravitatis δ solidi modo nominati; quod brevitatis gratiâ unica litera δ , qua ejus centrum gravitatis signatur, deinceps indicabimus, vel, quod idem est, omnium potentiarum conspirantium planoque CBD perpendicularem, quæ per semitubos $ipibiq$ solido illi δ inscriptos exponuntur; altera verò per Pseudocuneum $Q3C3A3D$ (unica itidem litera ω qua centrum ejus gravitatis signatur posthac indicandum) juxta directionem re vel by per centrum gravitatis ω Pseudocunei ductam, sectionique rectæ CAD solidi patientis perpendicularem, quandoquidem parallelepipeda Pseudocuneo ω inscripta repræsentant potentias conspirantes planoque CAD perpendiculariter applicatas, quarum media directio (§. 54.) per centrum earum gravitatis ω transibit. Propterea potentia δ in directione ad plano CBD perpendiculariter applicata, & po-

34. DE VIRIBUS ET MOTIBUS CORPORUM. LIB. I.

tentia ω plano CAD normaliter applicata in directione ey , simul agentes eundem effectum præstabunt ac potentia BM, bu &c. atque adeò eadem potentia δ & ω contrario sensu agentes, secundum directiones ab & ew , quæ omninò contrariæ sunt directionibus ad & b , consistent in æquilibrio cum potentiis BM, bu &c. singulis punctis B, b universæ superficiei curvæ CBAD applicatis. Sed potentia eadem δ & ω agentes juxta directiones ad & ey etiam in æquilibrio manebunt cum omnibus potentiis MB, ub &c. Quæ erant demonstranda.

COROLLARIUM I.

Fig. 21. 22. 21. Si nunc loco solidi BAE superficiei curva BbA duobusque planis AE & BE invicem rectis terminati, intelligatur solidum BAS superficiei curva BbAsS unicoque plano BS terminatum, quod totius solidi (§. 67.) basis sit, & planum EA (§. 68.) ejus sectio recta, sitque pro altera solidi parte EAsS eadem scala potentiarum, quæ partis solidi patientis EAbD, ita ut potentia bu , su singulis punctis sectionis bs parallelæ BS applicatæ inter se æquales sint & ordinatæ 3^{er} hujus scalæ potentiarum, signentur, ut in propositione, in solido analogo omnes lineæ iisdem litteris, quibus homologæ lineæ in solido patienti, sed præposito binario tanquam nota diacritica, eruntque adeò solida $2F_2B_2b_2A_2H$, & $2R_2S_2s_2A_2H$ analogæ prismatis redundantibus (deficientibus) FBB \bar{A} H, RS \bar{A} H. Analoga illa solida notentur literis δ & ω , quibus eorum centra gravitatis signantur, & ut in præcedenti articulo, ω designet & pseudocuneum sectionis rectæ AE in solido patiente BAS, ejusdemque pseudocunei centrum gravitatis: quibus positis omnes potentia SM, su solido EAS applicatæ non aliam vim in solidum exferent, quam potentia ω trahens curvam AS secundum directionem ξ sectioni rectæ AE parallelam & per centrum gravitatis ω transeuntem, una cum potentia ω trahente solidum juxta ew basi BS parallelam, adeoque omnes potentia BM, su , bu , SM &c. toti solido BAS applicatæ æquivalent potentiis δ , & ω solido in directionibus ad & ξ applicatis, cum ejus vertex A deorsum respicit ut fig. 21, vel in directionibus ab & $\xi\theta$ cum solidi vertex sursum conversus est ut fig. 22, ac insuper potentia ω solidi alis AbB, AsS hinc inde applicatæ in directionibus by sw utroque casu. Sed si potentia solido patienti applicatæ sunt exterius prementes, eæ spectandæ sunt tanquam agentes juxta MB, ub , MS, us &c. eoque casu hæ potentia æquipollebunt iisdem

iisdem ac prius δ , κ , ω sed in directionibus, δa , $\kappa \xi$; γb , & ωs prementibus solidum BAS in casu figuræ 21, & juxta directiones βa , $\theta \xi$ in figura 22.

COROLLARIUM II.

82. Adeoque, si solidi BAS partes BbA & SsA circa verticem A converti atque instar alarum alicujus follis ab invicem diduci atque iterum ad se mutuo constringi queant, erit γ . Ae + δ . aE momentum totale potentialium γ vel ω , & δ , quæ æquipollent potentiis curvæ superficiei AbB in singulis perpendiculariter applicatis BM, bu, &c. vel MB, ub &c. Et ω . Ae + κ . ξ E momentum totale potentialium ω & κ solidi parti AsS applicatarum & æquipollentium potentiis SM, su &c. vel MS, us &c. singulis punctis superficiei curvæ AsS applicatis.

COROLLARIUM III.

83. Si nunc solidum patiens aBAS unica superficie curva terminatum sit, cujus singula puncta à potentiis ipsi perpendicularibus urguntur & quæ potentia determinentur scala potentialium KLQP, ita ut supremum punctum a urgeatur à potentia $ba = KL$, infimum A à potentia $2A_2H = PQ$, singulaque puncta circumferentiæ sectionis BS à potentia $MB = MS = 3er$ & sic de cæteris respective: tale solidum aBAS in altum urgebitur juxta directionem planis FO, vel 2FQ perpendicularem, vi quam exponit solidum $2a_2B$ $2A_2S$ quod (§. 74.) patienti analogum est. Nam sicut supra (§. 81.) vis seu potentia æquipollens singulis potentiis toti superficiei curvæ BAS (figuris 21. & 22.) perpendiculariter applicatis, constat potentiis contrariis atque æqualibus γ & ω perpetuo in eadem directione $\gamma \omega$ basi BS parallela in contrarias partes agentibus, & potentiis δ & κ conspirantibus atque juxta directiones δa , $\kappa \xi$ basi normales agentibus; quarum potentia γ & ω toties se mutuo destruunt, quoties totum corpus BAS firmum est, nec ejus partes BAE, SAE ab invicem deduci possunt, adeo ut solæ potentia κ & δ conspirantes supersint considerandæ, reliquis γ & ω , quasi non essent, sepositis, jam hæ potentia, quæ potentias efficaces significant, δ & κ simul sumtæ significant totum solidum $2F_2B_2A_2S_2R$ quod prismati redundanti (fig. 21.) vel deficienti (fig. 22.) FBASR analogum est. Ita etiam in solido nostro aBAS potentia directe contraria per pseudocu-

Fig. 25.

neum * expositæ se mutuo elidunt, ipsæ verò, quæ juxta directiones planis BS vel FR perpendiculares agunt, hoc loco considerandæ veniunt; nam pars superior BaS solidi nostri deorsum urgebitur vi seu potentia $2F_2B_2a_2S_2R$, & inferior BAS potentia, quam exponit solidum $2F_2B_2A_2S_2R$, quod prismati redundanti FBASR analogum est, in altum urgetur juxta directionem plano BS rectam. Adeoque (§. 38.) detracta potentia minore, quæ exponitur solido $2F_2B_2a_2S_2R$ analogo prismati deficienti FBaSR, ex potentia majore, quam solidum redundanti prismati FBASR analogum exponit, quandoquidem minor potentia corpus patiens perpendiculartiter deorsum, major verò verticaliter in altum urget; & remanebit vis corpus in altum cogens exponenda solido $2a_2B_2A_2S$, quod patienti solido aBAS analogum est.

CAPUT III.

De Figuris, quas Corpora flexibilia induere debent à potentiis ipsis quomodocunque applicatis; & de Mediis directionibus harum potentiarum.

EGimus hætenus de potentiis corporibus inflexibilibus applicatis, earum medias directiones assignavimus; in hoc verò capite potentias corporibus cedentibus seu flexibilibus appendemus, quæ circumstantia flexibilitatis duo indaganda jubet. Primum quamnam corpus flexile figuram debeat acquirere ab applicatis potentiis, vel potius, quamnam retinere debeat formam, ubi potentia ad æquilibrium sese composuerunt. Secundum respicit mediam directionem ejusmodi potentiarum in æquilibrio consistentium, & vim impulsus secundum hanc mediam directionem.

DEFINITIONES.

I.

84. Corporis perfecte flexilis ZAX terminis suis Z, X alicubi affixi *Figura* ZBABX *manens* dicitur, quam corpus retinet, posteaquam omnes potentia BH, aH &c. curvæ, punctis per totam ejus longitudinem quomodocunque applicatæ, ad æquilibrium se composuerunt.

II.

. II.

85. *Tenacitas* vel *Firmitas* fili aut corporis in quolibet ejus puncto seu elemento curvæ, est vis illa fili aut corporis, qua potentia illi aut vi ex omnibus applicatis potentiis nascenti, atque filum in contrarias partes trahendo id dilacerare conanti, resistit; atque adeo æquipollet, vel æquatur, ipsi vi dilaceranti, ex omnibus corpori applicatis potentiis resukanti.

III.

86. *Potentia laterales* ex fili aut corporis tenacitate in quolibet ejus elemento, *derivatae*, sunt duæ potentia secundum directiones sibi invicem ad angulum rectum occurrentes, ex quibus conjunctim agentibus resultaret vis aut potentia æqualis corporis tenacitati in dicto ejus elemento, aut etiam vi ejus dilaceranti.

Sic cum filum, vel potius fili elementum Bb , vi quadam ex omnibus applicatis BH , βH &c. resultante tenditur, idque sua tenacitate æquali vi tendenti impedit ne extendatur aut prorsus rum-patur, hæc tenacitas, aut vis illa tendens tenacitati æqualis, intelligi potest, tanquam potentia resultans ex potentiis lateralibus, secundum BM & Bl simul agentibus. Et vis qua tenditur elementum $B\beta$, cui tensioni id sua tenacitate resistit, spectari potest tanquam nascens ex duabus lateralibus potentiis juxta directiones BN & Bk . Ejusmodi potentias laterales juxta BM vel Bl , & juxta BN aut Bk deinceps designabimus per pBM , pBl , pBN & pBk . Tenacitates vero duorum elementorum contiguum Bb & $B\beta$ indicabimus per T & t . Fig. 29.

Cæterum in hisce supponimus filum quidem flexile esse in omnibus suis partibus, non vero extensibile.

P R O P O S I T I O XI. L E M M A.

87. Si fuerint quocunque decrescientes magnitudines A, B, C, D, E , erunt omnium differentia simul sumtae æquales excessui maximæ supra minimam. Nam ultro liquet, esse $A - B, + B - C, + C - D, + D - E = A - E$, unde si $E = 0$, erit summa differentiarum maximæ A æqualis.

S C H O L I O N.

88. Quanquam hoc lemma simplicitate sua nullius usus prima fronte videatur, in eo tamen omnes quadraturarum methodi fundantur, quod prolixius quidem ostendi posset tam in antiquorum methodis quam recentiorum; sed brevitatis gratia id tantum in usu Calculi integralis uno alteroque exemplo illustrabitur. Calculus integralis vel summatorius est inversus calculi differentialis, & consistit in eo, ut inveniat^r quantitas A ex indeterminata quadam & constantibus composita, ejus indolis, ut, si loco indeterminatæ in ea substituantur successive eadem indeterminata, sed elemento suo simplici, ejusve 2plo, 3plo, 4plo, 5plo &c. multiplicata inde exsurgant quantitates B, C, D, E &c. quarum differentiæ $A-B, B-C, C-D, D-E$ &c. sint ejusdem formæ cum elemento seu quantitate infinitesima summanda, ita ut prima differentia $A-B$, exhibeat ipsam quantitatem differentialem, cujus summa seu integrale quæritur. Ut si curva quædam sit quadranda, cujus axis dicatur x , & ordinatæ ad hunc axem y , ita ut areæ elementum futurum sit ydx . Area ipsa invenietur, si haberi possit, quædam quantitas A ex indeterminata x & quantitativis datis seu constantibus composita, itaque comparata, ut, si in ea substituantur loco indeterminatæ x , aliæ $x-dx, x-2dx, x-3dx, x-4dx$ & sic deinceps in infinitum, inde proveniant magnitudines B, C, D, E , &c. quarum prima differentia $A-B$ det ydx , secunda $B-C$ det secundum elementum areæ ydx in quo ordinata y jam respondeat non axi x sed axi $x-dx$, suo scilicet elemento dx imminuto, atque sic de reliquis respective. Hac enim ratione perspicuum est, omnes $A-B, B-C, C-D$ &c. exhibere aggregatum omnium ydx , quæ in area continentur, seu hanc aream ipsam; jam si in serie quantitatum decrescentium A, B, C, D, E &c. minima dicatur M , area quæsita, juxta Lemma (§. 87.) perpetuo erit $A-M$, & si contingat, ut aliquando M sit O , tunc area æquatur ipsi A . Minima verò quantitas M semper habebitur ex Maxima A , si scilicet loco indeterminatæ x substituat^r in ea $x-ndx$, ubi n est numerus elementorum, in quæ axis divisus est, adeo ut ndx sit $=x$, vel quod eodem recidit, si loco x ibi substituat^r o , quandoquidem $x-ndx$ est o ; quantitasque ex hac substitutione resultans erit minima M . Unde si contigat ut, facta substitutione ipsius o loco indeterminatæ x in quantitate A , hæc evanescat, tunc M erit $=o$, atque adeo area quæ-

quæſita, ſeu ſumma omnium ydx , erit A compoſita ex indeterminata x varie affecta & cum conſtantibus implicata. Pro inveniendō vero valore ipſius A , ex dato elemento ydx , loco ipſius y ſubſtitui debet ejus valor in x & conſtantibus, quem æquatio curvæ quadrandæ præbet. Quod de quadratura ſpatorum ſeu arearum dictum eſt, id etiam de dimenſione ſolidorum imò, de omnibus ſummationibus, pariter eſt intelligendum.

89. In hiſte ſuppoſuimus literas A, B, C, D, E &c. uſque ad M denotare ſeriem magnitudinum decreſcentium, ſed infiniti etiam ſunt caſus, in quibus eandem literæ iſdem ac præcedenti articulo factis ſubſtitutionibus indeterminatarum $x-dx, x-2dx$ &c. loco ipſius x in magnitudine A , proveniant B, C, D &c. majores quam A , adeo ut tota earum ſeries repræſentet progreſſionem earundem, creſcentem ita ut differentiæ futuræ ſint $B-A, C-B, D-C, E-D$, &c. quo caſu M , quæ antea minimam ſeriei magnitudinem denotabat, nunc ſit maxima, & quæ antea erat maxima A nunc ſit minima, neceſſe eſt. Utriuſque caſus exemplum eſt adducendum.

90. *Exempl. 1.* Sit ſummanda quantitas $mdm: \sqrt{aa+mm}$, in qua m eſt variabilis & a data ſeu conſtans. Eritque hoc caſu $A = \sqrt{aa+mm}$, adeoque $B = \sqrt{aa+mm-2mdm+dm^2} = \sqrt{aa+mm} - mdm: \sqrt{aa+mm} + \&c.$ Hinc $A-B = \sqrt{aa+mm} - \sqrt{aa+mm} + mdm: \sqrt{aa+mm} = mdm: \sqrt{aa+mm}$, unde ſeries magnitudinum A, B, C , uſque ad M eſt deſcendens: & ſi loco ipſius m in quantitate A (§. 89.) ponatur 0, fiet eo caſu $A = a = M$; cum igitur ſumma omnium $A-B, B-C$ &c. vel omnium $mdm: \sqrt{aa+mm}$ ſit (87.) $A-M$, erit $\int mdm: \sqrt{aa+mm} = \sqrt{aa+mm} - a$.

91. *Exempl. 2.* Sin detur elementum ſummandum $aamdmm: \sqrt{aa+mm} \sqrt{aa+mm}$, tunc erit $A = aa: \sqrt{aa+mm}$, atque adeo $B = aa: \sqrt{aa+mm-2mdm+dm^2}$ hoc eſt extrahendo revera radicem ex denominatore $= aa: (\sqrt{aa+mm} - mdm: \sqrt{aa+mm})$ quæ fractio ob denominatorem minorem, quam in fractione A , hac ipſa fractione minor eſt, atque adeo hoc caſu erit $B-A = aamdmm: \sqrt{aa+mm} \sqrt{aa+mm}$. Hinc progreſſio quantitatum A, B, C, D &c. eſt aſcendens ſeu creſcens; atque adeo ſumma omnium (87.) $B-A, C-B$, &c. eſt $M-A$, verum hoc caſu M iterum eſt a , quoniam facta $m=0$ in æquatione $A = \sqrt{}$ fiet $\sqrt{aa+mm} = a$, atque adeo $M-A = a - aa: \sqrt{aa+mm}$.

92. *Exempl. 3.* Pari ratione infinitæ hyperbolæ intra afymptotas pof-
 funt quadrari. Sit earum æquatio generalis $x^a y =$, in qua x abfciffas
 à centro in alterutra afymptotarum, & y ordinatas significant; ele-
 mentum areæ abfciffæ adjacentis erit $y dx = x^{-a} dx$. Invenietur ve-
 rò $A = 1 : (a-1) \cdot x^{a-1}$, & $B = 1 : a-1 \cdot (x-dx)^{a-1} = 1 : (a-1) \cdot x^{a-1} -$
 $(aa+2a-1) \cdot x^{a-2} dx + \&c.$ hinc B major eft quam A ob denomina-
 torem minorem quam in A, atque adeo invenietur $B - A = dx :$
 $x^a = x^{-a} dx = y dx$, unde cum A, B, C, D fit feries ascendens, fient
 omnes $B - A$, $C - B$, $D - C$ &c. id eft omnia $y dx = M - A$, At
 verò fubftituendo in æquatione $A = 1 : a-1 \cdot x^{a-1}$ vel $= (1 : x)^{a-1} :$
 $a-1$, loco x , o fiet $M = (1 : 0)^{a-1} : a-1$, at verò $1 : 0$ eft magnitu-
 do infinita, quam defignabimus per ∞ , ergo $M = \infty^{a-1} : a-1$, at-
 que adeo $M - A$ feu area hyperbolarum abfciffæ adjacens, erit
 $= \infty^{a-1} : a-1 - 1 : a-1 \cdot x^{a-1}$, vel quia $1 : x^{a-1} = xy$, erit $M - A =$
 $(\infty^{a-1} - xy) : a-1$. Ex quo apparet ejusmodi areas juxta diverfos
 gradus infinite magnas eſſe, ſiquidem a fit quilibet numerus poſiti-
 vus & unitate major. Sed de his fufficit.

PROPOSITIO XII. THEOREMA.

Fig. 29. 93. *Tenacitas fili ZBABX ad figuram manentem redacti à potentiis*
BH, βH &c. ipſi applicatis, æquatur in quolibet fili elemento Bb, te-
nacitati fili in vertice A auctæ omnibus GH, quæ ex ſingulis potentiis
BH, βH &c. curvæ AB applicatis derivantur, reſolutione illarum
BH in æquipollentes potentias laterales BG & GH ſingulis curvæ AB
elementis Bb perpendiculares & parallelas. Hoc eſt exponendo tenacita-
tem fili in A; erit $T = A + \int GH$.

Et demiffa ex elementi curvæ Bb termino b perpendiculo bg ad tan-
gentem Bg curvæ in B, ſumatur in hac tangente, Bb æqualis elemen-
to curvæ Bβ, & agantur hm parallela ordinatæ BC, bf verò æqui-
diſtans axi curvæ AC, & per curvæ punctum B, indefinita BME ei-
dem AC etiam parallela, in quam ME cadat perpendicularis HF ex
termino H lineæ BH potentia curvæ puncto B applicatæ repræſentatri-
cis: ac denique jungantur lineola bh, atque hiſce factis habebitur in
angulo contactus bBg figura bfhg ſimilis, & ſimiliter poſita cum figu-
ra majore BFHG, ſi elementum Bb fuerit ad elementum Bβ ut illius
tenacitas T ad hujus tenacitatem t, atque adeo erit quælibet lineola in
figu-

figura $bfhg$ ad elementum curvæ Bb , sicut homologa linea in figura majore $BFHG$ ad lineam T , quæ tenacitatem ejusdem curvæ elementi Bb exponit.

Demonstr. I. Quoniam potentia BH (§. 39.) laterales BG & GH æquipollent, & ex hisce potentia GH curvæ puncto B in directione tangentis vel elementi Bb applicata potentia conspirans est cum potentia, qua idem elementum Bb tenditur, cui tensioni (§. 86.) tenacitas elementi t æqualis dicta est; hæ potentia conspirantes scilicet GH & t æquales erunt directe contrariæ vel oppositæ potentia T , quia elementum Bb tensioni resistit, cum (secundum hypothesein) omnia in statu manenti seu æquilibrii existant, atque adeo $T = t + GH$, vel $T - t = GH$. Atqui (§. 87.) omnes differentia $T - t$, inter singulorum curvæ contiguorum elementorum tenacitates, æquantur excessui maximæ T supra minimam, quæ est tenacitas in vertice, A , ergo $T - A = GH$, vel $T = A + GH$.

II. Quia (§. 39.) $pBM : pBb$ quæ est T , $= BM : Bb$, per hypothesein verò $T : t = Bb : Bb$, & pBb id est t ad $pBk = Bb : Bk$, erit ex æquo $pBM : pBk = BM : Bk$ vel Bm (quoniam in triangulis similibus pBN & Bhm hypotenusæ Bh , Bb æquales sunt, atque adeo ipsa triangula æqualia), & convertendo $pBM - pBk : pBM = Mm$ vel $bf : BM$. Atqui, quoniam omnia in æquilibrio sunt, duæ potentia conspirantes pBk & BF , quæ (§. 40.) ex potentia BH derivatur, æquales erunt directe oppositæ pBM , unde $pBM - pBk = BF$, atque adeo, ponendo hunc valorem in antecedenti analogia, habebimus $BF : pBM = bf : BM$, sed $pBM : pBb$, id est $T = BM : Bb$ ergo ex æquo $BF : T = bf : Bb$.

Simili prorsus argumento probabitur, quod $pBN - pBl = FH$, & $(pBN - pBl)$ vel $FH : pBl = fh : Mb$, unde quia etiam (§. 39.) $pBl : pBb$ vel $T = Mb : Bb$, erit pariter ex æquo $FH : T = fh : Bb$, vel invertendo $T : FH = Bb : fh$, & quia paullo ante habuimus $BF : T = bf : Bb$, erit denique ex æquo $BF : FH = bf : fh$, atque adeo triangula BFH , bfb sunt similia & propter parallelas bf ac BF similiter posita. Præterea, quia ipsæ BG , & bg utpote eadem tangenti Bg perpendiculares inter se parallelæ sunt, æque ac lineæ BH & bh , liquet etiam triangula BGH & bgh similia esse, ac propterea figuræ $BGHF$ & $bghf$ ex triangulis similibus compositæ, similes erunt & similiter positæ. Porro cum invenerimus supra $FH : T = fh : Bb$, erit permutando $FH : fh = T : Bb$, atque adeo duæ quælibet aliæ lineæ homologæ in figuris similibus $BFHG$ & $bfbg$ erunt in hac

42 DE VIRIBUS ET MOTIBUS CORPORUM. LIB. I.

eadem ratione T ad Bb , vel permutando, quælibet lineola in figura minore erit ad elementum curvæ Bb , sicut homologa linea in figura majore ad tenacitatem T ejusdem curvæ elementi. Quæ erant demonstranda.

COROLLARIUM I.

94. Ducta, si placet, per verticem A recta AO arbitrariæ magnitudinis, axi AC perpendiculari, ac super ea descripto semicirculo APO , agantur AP parallela elemento Bb , & Ap æquidistans alteri curvæ & elemento contiguo Bb , & jungantur cum P rectam Ap secans in Q , tum etiam pO , quibus peractis, erit $BG : T = PQ : AP$. Nam (§. 93.) est $BG : T = bg : Bb$, atque ob parallelas AP , Bb & Ap , Bb , sectores seu triangula Bbg & APQ similia sunt, atque adeo $bg : Bb = PQ : AP$, ergo etiam $BG : T = PQ : AP$.

COROLLARIUM II.

95. Quælibet recta in figura $BGHF$ est ad homologam in figura $bghf$, ut alterutra ex potentiis pBl vel pBM , quæ elementi Bb tenacitati T æquipollent, ad homologum, id est respondens latus in triangulo characteristico BMb : hoc est, quælibet linea in figura majori est ad homologam in minori sicut pBl ad Bl , vel sicut pBM ad BM . Nam quia in utraque figura duæ quælibet lineæ homologæ sunt inter se, sicut T ad Bb , & quia T ad Bb , sicut pBl ad Bl vel Mb , aut sicut pBM ad BM , liquet assertio hujus corollarii.

COROLLARIUM III.

96. Si omnes applicatæ potentiæ BH curvæ perpendiculares sint, ut BD , puncta G & H confundentur cum puncto D , evanescentibus GH , gb in utraque figura majore & minore; atque adeo tenacitas curvæ ubique æqualis erit tenacitati in vertice A , atque adeo constans seu data. Id est habebitur ubique $T = A$.

COROLLARIUM IV.

97. Idcirco, cum (§. 94.) sit $BG : T = PQ : AP = \sin.$ anguli PAQ seu anguli gBb , id est sinus curvicitatis in B ad radium, erit in casu potentiarum curvæ perpendicularem una earum BD cuilibet curvæ puncto B applicata ad tenacitatem fili (§. 96.) constantem.

tem A, sicut sinus curvaturae in curvaturae puncto, cui potentia applicata est ad radium; & permutando erit potentia applicata BD ad sinum curvaturae in B sicut A ad radium, id est, in ratione data.

Elegans hæc proprietas ab Acutissimo Geometra Joh. Bernoulli primum animadversa est; sed eam, quantum ex Commentariis Acad. Reg. Scient. Paris. 1706. ad diem 12. Maji apparet, ex alio fundamento deduxit.

COROLLARIUM V.

98. Iisdem adhuc positis, quæ in duobus proxime antecedentibus Corollariis, quia (§. 93.) $HF : hf = BF : bf = T : Bb$ (vel §. 96.) $\Rightarrow A : Bb$, erit $\int FH : \int fh = \int BF : \int bf = A : Bb$, si singula curvaturae elementa æqualia assumpta fuerint. Atqui (§. 87.) $\int hf$, seu omnes hf vel Nn , posita $Bn = bM$, respectu curvaturae portionis AAB æquantur excessui maximæ ordinatarum differentiarum æ (posito arcu curvaturae $Aa = Bb = B\beta = Zz$) supra minimam bM , id est; æ bM (vel etiam, quia æ ac aA æquales sunt cum axis CA curvaturae perpendicularis est in A) $Aa - bM = Bb - bM$, & $\int bf = \int Mm = BM - Ae$ (vel quia Ae hoc casu evanescit præ Aa vel Bb) $= BM$. Ergo $\int FH : Bb - bM = \int BF : BM = A : BC$. Ubi omnes FH seu $\int FH$, & $\int BF$ pertinent ad arcum curvaturae $A\beta B$.

Sin verò $\int FH$ & $\int BF$ pertinuerint ad arcum curvaturae BZ & tangens hujus arcus in Z axi AC parallela fuerit, erit $Zy = 0$, posita ut supra $Zz = Bb = B\beta$ &c. atque adeo $zy = Zz = B\beta$; uade $\int hf$ vel $\int Nn$ erit hoc casu (§. 87.) $BN - Zy = BN$, & $\int bf = \int Mm = yz - N\beta = Zz - N\beta = B\beta - N\beta$, atque adeo $\int FH : BN = \int BF : B\beta - N\beta = A : B\beta$.

COROLLARIUM VI.

99. Si potentiae curvaturae applicatae BH , βH &c. axi AC æquidistantes sunt, coincident BH , BE , & bh ac bf evanescentibus HF , hf ; atque adeo omnia ordinatarum elementa bM , BN &c. hoc casu æqualia sumenda sunt; ac proinde omnes potentiae secundum directiones ordinatarum ex tenacitate elementorum curvaturae derivatae in ista hypothesi æquales existent. Propterea, vocando unamquamque harum æqualium potentiarum B , fiet nunc (§. 95.) $BE : bf$ vel $Mm = B : bM$, adeoque cum B & bM constantes sint hoc casu, erit $\int BE : \int Mm = B : bM$, vel quia (§. 98.) $\int Mm = BM - Ae = BM$ evanescente Ae præ $A\beta$, fiet $\int BE : BM = B : bM$ & permutando

$\int BE : B = BM : bM$. Porro, quia ordinata ae vertici A proxima in ipsam curvam Aa definit, & B generaliter constantem potentiam juxta ordinarum directiones denotans, etiam eam, quæ juxta directionem ea vel Aa agit, exponet, sed potentia juxta Aa est tenacitas curvæ in vertice A , ergo $A=B$, atque adeo $\int BE : B = \int BE : A = BM : bM$.

S C H O L I O N.

100. Ex Corollariis theoremati nostro adjectis fatis constare potest quam latè pateat ejus usus, revera enim infinitorum id problematum solutionem continet, quorum Problemata *Catenariae*, *Veldariae*, & figuræ lintei ab incumbente liquore inflexi nonnisi casus sunt specialissimi nostri theorematum. Sed priusquam ad applicationem ejus nonnullis specialibus ejusmodi casibus accedam, monendum est atque notandum, potentias applicatas BH , βH , etsi simplicibus & finitæ magnitudinis lineis expressas, nonnunquam lineolas tantum infinite parvas, quandoque etiam rectangula infinitesima significare, & tenacitates sibi in singulis punctis ejusdem semper generis magnitudines existere quidem cum potentiis applicatis, sed præ hisce infinitas, ut id ex ipsa applicatione clarius elucescet.

101. Sint ergo $AC=x$, $CB=y$, $BM=dx$, $bM=dy$, $Bb=ds$, $AO=a$, $AP=m$ & $PO=n=\sqrt{aa-mm}$. Hinc $PQ=dn$, & $Qp=dm$. Hisce positis, triangula similia BbM , & OAP præbent $ds=adx:n$, & $dy=mdx:n$. Idecirco substitutis his valoribus in analogia $BG : T = PQ : AP$, §. 94. reperta, erit $BG : T = dn : m$, primus Canon. Et $T=A+\int GH$, altera formula generalis.

102. Sint potentia applicata BH curvæque perpendiculares $=bds$, ubi b est magnitudo data, eritque hoc casu (§. 96.) $T=A$, & A' (§. 100.) ejusdem generis magnitudo cum potentia applicata, atque adeo dicatur $=ab$. Hinc ex $BG : T$ fiet $bds : ab$, vel $ds : a$ atque adeo $ds : a = dn : m = BG : T$, vel quia (§. 101.) $ds=adx:n$, erit $(adx:n) : a = dn : m$, atque adeo $dx : n = dn : m$ ergo $mdx = ndn = -mdm$, & $dx = -dm$, & integrando $x = a - m$ vel $m = a - x$, ergo $n = \sqrt{aa-mm} = \sqrt{2ax - xx}$, hinc $dy (=mdx : n) = adx - xdx : \sqrt{2ax - xx}$, ergo $y = \sqrt{2ax - xx}$ quæ est æquatio ad circumulum.

103. Si potentia curvæ perpendicularis BD vel BG aut BH (hæ tres in hoc casu unum idemque significant) sint $=dy^2 : ds$, quæ est casus.

casus *Velarie*, ut suo loco plenius ostendetur, erit, factis debitis substitutionibus, $BD = mmdx : an$, atque posita $A (= T.) = a$, analogia (§. 101.) $BG : T = dn : m$, nunc fiet $mmdx : aan = dn : m$, hinc $aandn = m^2 dx$ & $m^2 dx = aamd n$ vel $dx = - aadm : mm$, hinc $x = aa : m$, $-a$ atque $m = aa : a + x$ & $n = \sqrt{(aa - mm)} = a \sqrt{(2ax + xx)} : a + x$, ergo $dy (= mdx : n) = adx : \sqrt{(2ax + xx)}$. Pro æquatione *Velarie*.

104. Si potentia applicata curvæ itidem perpendicularis BD sit kds , ubi k denotat quantitatem utlibet datam in x & constantibus, ponatur juxta superiorem (§. 100.) notam $T = A = \frac{1}{2}aa$, factisque ex (§. 101.) convenientibus substitutionibus analogia $BG : T = dn : m$, mutabitur in $2kdx : an = dn : m$, hinc $2kdx = andn : m = -adm$, vel $2kdx = adm$. Ponatur $x + u =$ constanti b , ergo $du = -dx$, & $2kdu = -2kdx = adm$. Unde si fiat $2kdu = adp$, erit $dp = dm$, atque adeo $p = m$ & $dy = pdx : \sqrt{(aa - pp)}$. Quæ ex aliis principiis reperta est à Celeberrimis Bernoullijs. Si $k = u$, fiet $dy = -uudu : \sqrt{(a^2 - u^2)}$ pro æquatione figuræ linteæ vel Elasticæ Acutissimi Jac. Bernoulli.

105. Si applicatæ potentiæ BH sunt axi AC parallelæ, ut BE , ducatur EI perpendicularis ad BD , unde si $BE = dq$, propter triangulorum BIE , APO similitudinem invenietur latus $EI = ndq : a$, & $BI = mdq : a$. Idcirco loco BG nunc est sumenda BI , in analogia $BG : T = dn : m$, fietque $(mdq : a) : t = dn : m$, vel $atdn = mmdq$, sed $a + fIE = a + fndq : a = T = \frac{1}{2}t$, & differentiando $ndq : a = dt$, vel $dq = adt : n$, quod in æquatione $atdn = mmdq$ suffectum, præbet $atndn = ammdt$ vel $dt : t = ndn : mm = -mdm : mm = -dm : m$, hinc $t = aa : m$, quod in superiori analogia substitutum, dat $(mdq : a) : (aa : m) = dn : m$, ex quâ elicitur $dq = a^2 dn : m^2$ (vel propter $an = mm + m$) $= ammdn + ammdn : m^2 = ammdn - amndm : m^2 = amdn - andm : mm$; unde, facta summatione, invenietur $q = an : m$; id est $mq = an$, vel substitutis loco m & n ipsarum proportionalibus dy , dx , reperietur $dy = adx : q$. Quæ æquatio omnis generis *Catenarias* continet.

Et si vero modo inventa æquatio jam continetur in Corollario sexto, quod dat analogiam $fBF : A = BM : bM$, in qua si $fBF = fdq = q$, $A = a$, $BM = dx$, & $bM = dy$, habebitur $q : a = dx : dy$, atque adeo $dy = adx : q$. Non tamen abs re mihi visum est, si usum analogiæ $BG : T = dn : m$ etiam hoc casu illustrarem.

106. Sit $q = s$, per s intelligendo curvam A^2B , erit $dy = adx : s$, qui casus est simplicissimus problematis *Catenariæ*. Foret enim

$ms = an$, & $s = an : m$, ac $ds = \frac{andn - an dm}{mm}$, vel quia $ds = adx : n$, erit $dx = mndn - an dm : mm = -mmdm - mdm : mm = -adm : mm$, ergo ut supra (§. 103.) invenietur $dy = adx : \sqrt{(2an + xx)}$, æquatio *Catenaria*, quæ eadem prorsus est cum *Velaria*. Sin verò gravium directiones in puncto ad distantiam finitam ponantur convergere, *Catenaria* erit *hyperbola æquilatera*, cujus demonstratio brevitatis gratia aliis relinquenda est, quanquam cæteroquin non longa sit, sed ferme una linea & absque calculo potest perfici.

PROPOSITIO XIII. PROBLEMA.

107. *Inventa curva manente, in quam velum, lintum, aut quodvis aliud corpus flexile à potentiis applicatis arcuatur, assignare mediam directionem potentiarum & impressionem earum, juxta hanc mediam directionem.*

Fig. 30. Sit *AeD* inventa curva terminis suis tigillo seu linea inflexili *ACD* alligata, quæritur media directio omnium potentiarum *ab*, *db* &c. curvæ applicatarum, & quantitas impulsus, seu impressionis, quæ secundum mediam directionem *CB* in tigillum *DCA* exerci debet.

• *Solutio.* Per terminos curvæ *A*, *D* ductæ fiat tangentes curvæ *AB*, *DB* convenientes in puncto *B*, in quarum alterutra, ut *AB*, capiatur segmentum *AF*, quod sit ad reliquam tangentem totam *DB*, ut tenacitas curvæ in *A* ad tenacitatem ejus in *D*, quæ tenacitates ex superius (§. 93.) demonstratis habentur. Per puncta *A* & *D* agantur perpendiculares *AG*, *DM*, rectæ *DA*, & per *F* ac *B* eidem *AD* æquidistantes *FG*, *BE* perpendicularibus occurrentes in *G* & *E*. Dividatur *AD* in *C*, ut sit *AC : DC = DE : AG*, & in perpendiculari lineæ *AD* per punctum *C* furtim ducta sumatur portio *CH = AG + DE*, & in parallela eidem *AD* per punctum *H* ducta sumatur *HI = BE - FG*, & jungatur denique *IC*, ejusque continuatio *CB* erit media directio quæsitæ, Impulsus vero ex omnibus curvæ applicatis potentiis resultans, secundum hanc mediam directionem, erit ad tenacitatem fili in *A* vel *D*, sicut *IC* est ad *AD* vel ad *DB*.

Demonstr. Linea *AD* non aliam à potentiis *ab*, *db* &c. curvæ *AeD* applicatis impressionem subire potest, quam qua resultat ex potentiis, quibus in directionibus tangentium curvæ *AB*, *DB* urgetur, seu ex tenacitatibus curvæ in *A* & *D*, quandoquidem in his tan-

tantum punctis curva AeD lineæ inflexili ACD alligata est. Verum resolvendo potentias AF & DB in suas æquipollentes laterales AG & GF , atque DE & EB , quia ex conspirantibus AG & DE (§. 54.) nascitur potentia ipsis æqualis $AG + DE$ in directione per C transeunte scilicet per ipsarum AG & DE centrum gravitatis, & rectæ AD perpendiculari, & quia potentia $CH = AG + DE$ per constructionem contrario sensu agit, hæc CH in æquilibrio consistet cum potentiis AG & DE . Potentia vero, quæ ex contrariis EB , & GF resultat (§. 38.) æquabitur excessui majoris EB super præ minorem GF , atqui etiam (constr.) $HI = EB - GF$, ergo ex contrariis & lineæ AD parallelis potentiis resultat potentia HI , quæ in recta AD agens ex C versus D in æquilibrio foret cum contrariis EB & GF , ergo duæ potentia CH & HI in æquilibrio consistent cum potentiis AG , DE , GF & EB , quibus obliquæ AF & DB æquipollent atque adeo cum hisce obliquis, vel quia (§. 39.) ex lateralibus CH & HI unica potentia CI nascitur, hæc etiam in æquilibrio maneret cum potentiis obliquis AF & DB . Hinc (§. 37.) rectæ IC continuatio CB dat mediam directionem obliquarum AF , DB , vel, quod idem est, omnium potentiarum ~~ob~~, ~~ab~~ curvæ AeD applicatarum, ipsa vero IC exponit impressionem secundum mediam directionem CB ex omnibus applicatis potentiis provenientem. Quod erat demonstrandum.

C O R O L L A R I U M I.

108. Recta IC producta transit per concursum B tangentium AB , & DB . Protrahatur enim AB in N ut fiat $BN = AF$, ostendetur DN æqualis & parallela ipsi IC . Nam si per punctum N agantur NM , NO rectis DA vel BE & DE æquidistantes, propter parallelas NO , AG & OB , FG ac (constr.) $BN = AF$, erunt triangula AFG , NBO similia & æqualia, adeoque $NO = ME = AG$, totaque $DM = DE + AG$ (constr.) $= HC$, sic etiam $MN = EO = EB - OB = EB - FG$ (constr.) $= IH$, idcirco etiam $DN = CI$, atque propter parallelas DM & CH atque angulos æquales MDN & ICH ipsæ DN & IC parallelæ erunt. Porro quia (constr.) $AC : DC = DE : AG$ vel EM (& propter parallelas EB ac MN) $= AB : BN$, atque adeo $AC : DC = AB : BN$, lineæ DN & CB non tantum sunt æquidistantes, sed etiam DN & IC parallelæ ostensæ sunt, ergo IC & CB in directum positæ sunt, ac proinde ipsa IC producta per concursum B tangentium AB & DB transibit.

C o-

COROLLARIUM II.

109. Hinc AF est ad DB, sicut sinus anguli ABC ad sinum anguli DBC. Nam in triangulo DBN, sinus angulorum NDB, DNB lateribus oppositis NB, DB sunt proportionales, & anguli illi propter parallelas DN & CB angulis DBC, ABC æquantur. Propterea præcedens, & hoc alterum corollarium, hanc facillimam problematis suppeditant constructionem. Producta tangente AB in N, ut ejus continuatio BN sit ad alteram tangentem totam DB, sicut tenacitas curvæ in A, quæ exponitur per rectam AF, ad tenacitatem ejusdem in D, quam exponit DB, recta BC per punctum concursus B tangentium AB, DB transiens & parallela lineæ DN, jungenti puncta D & N, erit media directio quæsita.

COROLLARIUM III.

110. Si tenacitates fili in A & D æquales sint, media directio BC angulum tangentium ABD bifariam dividit. Nam quia AF æqualis DB hoc casu, & AF ad DB, ut sinus anguli DBC ad sinum anguli ABC per præcedens Corollarium, erit omnino angulus ABC æqualis angulo DBC.

SCHOLIUM.

Fig. 31. 111. Corollarium tertium nos manuducit ad novum illud curvarum genus, quod apud Cel. Jac. Bernoulli in Act. Lips. 1695. pag. 548. *Linearum mediarum directionum* nomine venit. Nam si filum aliudve corpus flexile à potentiis æ, Re &c. in singulis punctis ipsi perpendiculariter applicatis in lineam ERA arcuatur, recta BD angulum ABE à tangentibus curvæ in utroque sui termino formatum bifariam dividens (§. 110.) est media directio omnium potentiarum æ &c. toti curvæ ERA applicatarum, & ducta tangente ab per punctum aliud curvæ a, recta bD, angulum abE bifariam dividens, est media directio potentiarum arcui ERa applicatarum. Jam omnes mediæ directiones BD, bD &c. contingent aliquam curvam CVD, quæ ideo *Linea mediarum directionum* vocatur.

PRO-

PROPOSITIO XIV. THEOREMA.

112. *Recta AD curvæ ERA perpendicularis, mediæ directioni BD potentiarum curvæ perpendiculariter applicatarum, occurret in puncto D lineæ mediarum directionum CVD.* Fig. 31.

Sit Aa curvæ elementum, & ab tangens curvæ in a ; & bD linea bifecans angulum, abE erit media directio potentiarum arcui curvæ ERA applicatarum: unde cum b ipsi B infinite vicinum sit, sequitur unam bD alteram BD secare in puncto D curvæ quæsitæ. Igitur probandum tantum restat, perpendicularem curvæ AD transire per punctum illud intersectionis D , duarum infinite vicinarum BD , bD . Centro quolibet F in tangente BE assumpto, & radio FE descripto semicirculo EGH , agantur radii FG tangenti AB , & Fg tangenti ab paralleli, junctisque EG , Eg , agatur Gm radio FE parallela, rectæ Eg productæ occurrens in h , & radio Fg prolongato in m : denique ductæ sint semicirculi tangens GK in puncto G , & EM eidem tangenti parallela, quæ proinde radio FG perpendicularis erit. Jam quia FG tangenti AB parallela est, erit angulus $ABH = EFG$, & duo FEG & FGE simul æquales angulo ABE , seu duplo anguli DBE , quandoquidem BD angulum ABE bifariam dividit, igitur $FEG = DBK$, unde rectæ BD & GE sunt parallelæ. Pari argumento probatur, parallelas esse bD & gE : Igitur ducta mL parallela ipsi hE , vel gE , figura $ABbD$ & $FGmL$ erunt similes, cum compositæ sint ex triangulis similibus ABb , BDb , & FGm , GLm . Hisce positis, parallelæ FK & Gm à media Eh proportionaliter dividuntur, atque adeo $Gm:Gh = FK:EK$ (vel propter parallelas ME & GK) $= FG:MG$. Triangula vero similia GEh , & GLm (nam per constr. Eh & Lm parallelæ sunt) præbent, $Gm:Gh = GL:GE$. Igitur $FG:MG = GL:GE$, atque adeo FL jungens puncta F , L parallela est rectæ ME , ac proinde LFG est rectus, cum EM perpendicularis sit ipsi FG . Unde propter similitudinem figurarum $ABbD$, & $FGmL$, erit $AB:BD = FG:GL$, hinc, quia angulus LFG rectus est, angulus DAB itidem rectus erit, atque adeo AD curvæ ERA perpendicularis in A . Quod erat demonstrandum.

COROLLARIUM.

113. Adeoque etiam triangula ADB & MEG similia sunt, ex quo

quo facile elicitur valor lineæ AD. Nam si $FE = a$, $AP = y$, $Af = dy$, $EP = x$, $Pp = dx$, & $Aa = ds$; erit $AB = xds : dx$; & quia angulus $MFE = aAf$, atque adeò triangula rectangula FME , & Aaf similia sunt, invenietur $FM = ady : ds$; & $MG = (ads - ady) : ds$, tum etiam $ME = adx : ds$; hinc quia $MG : ME = AB : AD$, invenietur $AD = xds : ds - dy$.

Cl. Jac. Bernoullius (Act. Lips. loco supra citato) calculo analytico usus, quem tamen illic non apposuit, reperit $AD = xds^2 + xdyds : dx^2$, ex qua formula nostra paulò simplicior & nonnihil diversâ ratione à Bernoulliana ex præcedentibus elicitâ, nullo negotio derivatur, substituendo tantum loco dx^2 æqualem quantitatem $ds^2 - dy^2$, & numeratorem ac dominatorem dividendo per $ds + dy$.

SECTIONO II.

POSTEAquam ea, quæ ad æquilibria sollicitationum, quibus unum idemque mobile urgeri potest, spectant, excussimus: ipsi etiam motus varie accelerati atque retardati examinari debent, qui ex sollicitationibus continue replicatis, & utlibet variabilibus, resultare possunt. Propterea in hac secunda Sectione Motus Corporum acceleratos & retardatos generalissime contemplabimur tanquam oriundos ex sollicitationibus continue quidem replicatis, non tamen utique uniformiter, ut in Galilæi systemate, in quo gravia in quacunque distantia à centro gravium eadem gravitatis sollicitatione urgeri intelliguntur; sed quacunque ratione variabilibus, sive corpora rectâ ad centrum gravium seu sollicitationum acceleratricium ferantur, sive in lineis curvis incedant. Hæc igitur Sectio complectetur quæcunque ad motus acceleratos, retardatos, ad motus projectorum in vacuo, quæ ad isochronismum motus corporum in lineis quibuscunque curvis, quæ ad motus pendulorum &c. pertinent, in omni possibili gravitatis, seu sollicitationum centralium, hypothesi demonstrata, methodo non minus universali, quam perspicua atque facili: nam præter solutionem generalem Problematis inveniendi ex lege gravitatis, utlibet variabilis, semitam curvilineam projectorum in spatiis resistendi vi carentibus, tradet etiam hæc secunda Sectio regulam generalem, secundum quam gravitatem variare oportet ad id, ut curvæ projectorum semper algebraicæ, atque adeò geometricæ construibiles evadant, ex qua multa deinceps curiosa atque utilia deducen-

DE VIRIBUS ET MOTIBUS CORPORUM. LIB. I. 51

tur. Theoriam centri oscillationis proponet multo magis quam antea generalem, iis namque corporibus applicabilem, quæ in diversis fluidis oscillantur, vel in quocunque systemate gravitatis variabilis; loco ejus, quod Hugenus; & qui eum sequuti sunt, tantum egerunt de centro oscillationis in casu speciali gravitatis uniformis, excepto solo, quod sciam, Cel. Joh. Bernoulli qui nobis in Act. Lips. 1713. pag. 88. regulam generaliore ex suis principiis eliciendam promittit, sed quæ nondum, ni fallor, lucem publicam aspexit, quamque ex fundamentis, à nostris diversis, aut saltem diversa methodo ab incomparabili Geometra erutam existimo, tametsi ipsam regulam nondum vidi. Nec reticendum hanc Sectionem secundam etiam acturam de sollicitationibus requisitis ad id, ut mobilia in orbibus mobilibus revolvi queant, & de motu qui dicitur Apfidum; sed diversa ratione ab ea, qua Ill. Newtonus Sect. IX. Lib. I. Princip. Phil. Nat. Math. usus est. Sectionem denique claudet dissertatio de regulis motus ex percussione, quas ex unico fundamento æqualitatis virium ante & post conflictum corporum, nova, ut nobis videtur, ratione deducemus.

C A P U T I.

*De generalibus Sollicitationum continuatarum affectionibus,
& de motibus in Vacuo inde oriandis.*

D E F I N I T I O N E S.

I.

114. **P**ER vacuum designatur omne medium, quod corpora absque impedimento aut adjumento liberè trajicere possunt, solo suo motu à vi motrice accepto.

II.

115. Si mobilia quæcunque, quæ in lineis rectis feruntur, aut in curvis lineis incedunt, sollicitationibus citantur, quarum directiones in aliquo puncto, positione dato, concurrunt, sollicitationes ejusmodi vocentur centrales; vel etiam sollicitationes gravitatis variabilis. Et punctum positione datum ad quod gravia sollicitantur, centrum sollicitationum. Sollicitationes centrales ab Ill. Newtono vires centripetæ vocantur.

III.

116. *Solicitationes continuari vel continue mobili applicari dicuntur, cum corpus in singulis spatii percurrendi punctis ad motum recens citatur, seu, quod idem est, à quadam sollicitatione urgetur.*

IV.

117. *Scala sollicitationum centralium seu gravitatis variabilis appellatur quælibet linea curva, ad aliquem axem per centrum sollicitationum transeuntem relata, cujus ordinatæ axi rectæ sollicitationes exponunt, quibus mobile in illis axis punctis, per quæ ordinatæ ductæ sunt, versus centrum urgetur, si scilicet corpus in axe feratur; vel, si ipsum in curva aliqua incedat, in illis curvæ punctis, quæ cum punctis in axe, per quæ ordinatæ transeunt, à centro sollicitationum æque distant.*

V.

118. *Sollicitatio gravitatis tangentialis vocatur quælibet sollicitatio ex centrali derivata, qua mobile, in qualibet curva delatum, juxta directionem tangentis curvæ sollicitatur.*

VI.

119. *Sollicitatio gravitatis curvæ mobili describendæ perpendicularis, est ea, quæ ex centrali derivatur, cujusque directio ubique curvæ perpendicularis est. Hæc sollicitatio perpendicularis conatui mobilis à directione tangentis recedere nitentis ubique æqualis est, alioqui corpus non moveretur in curva, quam describere ponitur, etenim, si hac vi perpendiculari conatus à curva recessorius major esset, mobile revera à curva recederet, recederet, atidem accedendo magis quam par est ad centrum sollicitationum, si minor existeret, utrumque contra hypothesin. Igitur ut conatus recessorius à curva retundatur & inutilis reddatur, tantam sollicitationem coercentem mobili applicari oportet, quantus est conatus destruendus; adeo ut ejusmodi conatus & sollicitatio, juxta eandem directionem curvæ perpendicularem, sed in oppositas partes agentes in æquilibrio detineantur impediunturque quominus alterutra ejusmodi sollicitationum super alteram effectum aliquem sortiatur, atque adeo mobile curvam, in qua incedere debet, deserat.*

VII.

VII.

120. *Scala sollicitationum tangentialium* est curva quælibet ad axem per centrum sollicitationum centralium transeuntem relata, cujus ordinatæ sollicitationes tangentiales exponunt in curvæ punctis, à centro sollicitationum tantundem distantibus, ac ordinatæ.

121. Feratur mobile M in curva MON , alterumque A in recta AD per centrum D , ad quod sollicitationes gravitatis centrales diriguntur, atque mobile M ad quodlibet curvæ punctum N delatum urgeatur versus D sollicitatione centrali $N\alpha$, & hac eadem sollicitatione urgeatur etiam mobile A delatum in punctum E rectæ AD , quod punctum E tantum distet à centro D , quantum curvæ punctum N , adeo ut ambo puncta N & E reperiantur ubique in aliquo arcu circulari EN centro D descripto, ductisque per singula puncta axis E , perpendicularibus EB ipsi AD & æqualibus ubique homologis lineis $N\alpha$, per singularum puncta B transibit curva ABC , quæ vocatur *scala sollicitationum centralium*, quoniam quælibet ejus ordinata BE respectivæ $N\alpha$ (secundum hypothesin) æqualis repræsentat sollicitationem centralem in rectæ AD & curvæ MO punctis E & N centro D æquidistantibus. Porro, quia sollicitatio centralis $N\alpha$ in quolibet curvæ MO puncto N (§. 39. 40.) æquipollet lateralibus $N\beta$ & $\beta\alpha$, quarum hæc sit in directione tangentis curvæ Nq , alteraque eidem perpendicularis $\beta\alpha$, per se patet illam, scilicet $N\beta$, vocandam esse sollicitationem tangentialem ex centrali $N\alpha$ derivatam, propterea si in qualibet ordinata BE respondentis cuique $N\alpha$, sumatur $SE = N\beta$, & idem factum intelligatur respectu omnium reliquorum curvæ MON punctorum; resultabit inde curva RSC , quæ *scala sollicitationum tangentialium mobilis M* in curva MON audit. Sollicitatio perpendicularis $\beta\alpha$ nullam habet scalam, vel saltem nulla indigemus, quandoquidem in singulis punctis destruendo conatui recessorio mobilis M à curva (§. 119.) adhibetur, nec proinde alia sub ratione in considerationem venit.

VIII.

122. Quoniam sollicitationes centrales BE æque ac tangentiales SE continuantur, atque in mobili continue replicantur effectu præcedentium in succedentibus non sublato, quandoquidem per singula rectæ AD puncta ordinatæ ejusmodi BE transeunt: necesse est, ut ab hujusmodi sollicitationibus indefinenter replicatis proveniant

54 DE VIRIBUS ET MOTIBUS CORPORUM. LIB. I.

motus continue *accelerati*, cum mobilia A, M in recta AD & curva MON descendunt ad sollicitationum centrum D accedunt; *retardati* verò cum certis quibusdam celeritatibus, quas *initiales* deinceps nominabimus, ex punctis E & N ascendere incipientia in recta & curva ab eodem centro D recedunt. Propterea sollicitationes gravitatis centrales vel tangentiales vocantur *acceleratrices* mobilis in recta vel curva descendunt; eademque sollicitationes vocantur *retardatrices* mobilis ascendunt, vel à sollicitationum centro recedunt.

IX.

123. *Momentum cujusque sollicitationis* quocunque hæc nomine veniat, est rectangulum sub recta, quæ sollicitationem exponit, & elemento spatii quod mobile ejusmodi sollicitatione continue urgente transmittit. Sic rec-lum BEe est momentum sollicitationis acceleratricis BE vel Næ, durante descensu mobilis A in spatiolo Ee ordinatæ BE adjacente; rec-lum verò beE momentum sollicitationis retardatricis be mobilis ejusdem in spatiolo eE ascendunt. Sic etiam facta Em = Nn elemento curvæ MON; rec-lum SEem vel SE. Nn; est momentum sollicitationis tangentialis & acceleratricis SE vel Næ, cum mobile in curva per ejus arcum Nn descendit, & rec-lum se. mE vel se. nN est momentum sollicitationis tangentialis retardatricis se, cum mobile in curvæ arcu nN ascendit.

X.

124. *Scala celeritatum* est curva circa axem scalæ sollicitationum centralium, vel saltem huic parallelum descripta, cujus ordinatæ ordinatis in scala sollicitationum in directum positæ, vel iisdem saltem respondentes, celeritates mobili in illis rectæ AD, vel curvæ MON punctis, ad quæ ordinatæ scalæ sollicitationum respiciunt, acquisite exponunt. Sic, si ordinatæ PV, EF &c. scalæ sollicitationum ordinatis ZP, BE in directum positæ, significant celeritates acquisite, vel residuas mobilis descenduntis accelerato, vel ascenduntis retardato motu in punctis P, E rectæ AD, vel in punctis curvæ Q & N &c. Curva AVF erit Scala celeritatum mobili A in recta AD, vel Mobilis M in curva MDN descenduntis, vel ascenduntis.

XI.

125. *Momentum celeritatis* est factum ex celeritate mobilis in recta

sta vel curva incedentis in celeritatis crescentis vel decrescentis elementum. Si in scala celeritatum AVF, rectangulum EF. *af*, vel rectangulum *caf* est momentum celeritatis EF elemento *af* crescentis, qua mobile spatium Ee, transmittit, & rectangulum *ef. fa* est momentum celeritatis decrescentis *ef*, qua mobile A ex puncto axis *e*, vel in curva MON mobile M ex puncto *n* in altum feruntur retardato motu, & *fa* decrementum infinitesimum celeritatis decrescentis *ef*, cum mobilia ascendunt in spatiis *eE* & *nN*, & EF. celeritas residua erit in recta puncto E aut curvæ puncto N.

XII.

126. Ad designandum tempus quo unusquisque motus absolvitur, utemur nota characteristica temporis & spatio percurso aut conficiendo præfigenda. Sic *tAE* denotabit tempus, quo mobile A spatium AE accelerato suo motu cadendo absolvit, & *tEe* significabit tempus quo elementum Ee axis AD uniformi motu percurritur. Et sic de reliquis.

P O S T U L A T U M.

127. Petitur ut concedatur, motum descensus ascensusve per axis elementum Ee, vel curvæ Nn, sumi posse tanquam uniformem & æquabilem, quoties mobilia A & M hæc spatiorum elementa celeritate finitæ magnitudinis, præ incremento vel decremento ejus infinitesimo percurrere incipiunt, licet motus in iisdem spatiis reapse variati sint, quoniam celeritatum incrementa vel decrementa infinitesima, durante descensu vel ascensu mobilibus A & M superaddita vel adempta, evanescunt præ velocitatibus finitis, quibus corpora spatia Ee, Nn transmittunt.

C O R O L L A R I U M.

128. Hinc quia spatia æquabili motu percurfa sunt in composita ratione temporum & velocitatum, ipsa tempora, quibus prædicta rectæ vel curvæ elementa percurruntur, erunt, ut hæc elementa applicata ad celeritatem, quâ percurruntur, sic $tEe = Ee : EF$, & $tNn = Nn : EF$, unde $Ee = EF \cdot tEe$, & $Nn = EF \cdot tNn$.

PROPOSITIO XV. L E M M A.

Fig. 33. *Anguli rectilinei VDF & TDm sunt directe ut arcus VF & Tm qui angulos subtendunt, & reciproce ut arcuum radii DV & DT.* Hoc est angulus VDF : ang. TDm = $\frac{VF}{DV} : \frac{Tm}{DT}$. Est enim ang. VDF : ang. TDm = (Tg : DT) : (Tm : DT), atqui ob arcus similes VF & Tg, erit Tg : DT = VF : DV, ergo angulus VDF : angulum TDm = (VF : DV) : (Tm : DT). Quod erat demonstrandum.

C O R O L L A R I U M.

129. Hinc 1°. quilibet angulus VDF exprimi potest arcu VF, qui ipsum subtendit, diviso per radium DV, id est fractione. VF : DV. 2°. Quilibet arcus VF est ut factum ex angulo VDF in radium DV, atque adeo hoc factum exprimi potest.

PROPOSITIO XVI. L E M M A.

130. *Omnis sollicitatio uniformiter agens æquivalet motui genito, applicato ad tempus, quo motus iste producitur.*

Dicantur massa corporis movendi M, celeritas acquirenda V, adeoque motus generandus MV, tempus quo produci debet T, sollicitatio, à qua uniformiter hoc tempore agente generari debet G, ostendendum, fore $G = M \cdot V : T$. Cum sollicitatio (§. 9.) utpote ex genere vis mortuæ nullum motum producat, nisi aliquo tempore in corpore continuata vel replicata fuerit, atque nunc sollicitatio uniformiter agere ponatur, ita ut temporibus æqualibus æquales motus quantitates in corpore producat, atque adeo motus geniti sint ut tempora, quibus generantur, ex se ipso clarum est, id quod in tempus T ductum producit motum M. V. æquivalere sollicitationi G, unde cum M. V : T ductum in T producat M. V, sequitur $G = MV : T$. Quod erat demonstrandum.

S C H O L I O N.

131. Res universaliter se habet, ut propositio indicat, siue velocitas acquisita & tempus finita aut infinite parva fuerint, modò sollicitatio G toto tempore uniformiter agat. Sin verò ea difformiter operetur, propositio generaliter respectu cujuscunque temporis non am-

amplius obtinet, sed duntaxat per temporis tractum indefinite parvum dT , quo mobili tantum celeritas infinitesima dV acquiritur, quia non nisi per tempusculum ejusmodi infinitesimum dT sollicitatio variabilis G (§. 127.) tanquam uniformis spectari potest; est ergo hoc casu $G = MdV : dT$, atque adeò $dT = MdV : G$. Ubi G significat pondus seu gravitatem utcunque variabilem massæ M .

PROPOSITIO XVII. THEOREMA.

132. *Momentum sollicitationis cujusque æquale est momento celeritatis mobilis ducto in corporis massam.*

Positis iis, quæ in §§. 121, 123 & 125 dicta sunt, ponatur mobile M descendere super curva MON , atque per initium A scalæ celeritatum AVF ducta sit recta AH indefinita, angulum semirectum HAG continens, cum indefinita AG axi AD normali, & per puncta F, f &c. scalæ celeritatum agantur aH , fb eidem axi æquidistantes rectæ AH , occurrentes in punctis H, h , alteri vero AX in punctis G, g ; ductaque Hi parallela AG , propter angulum semirectum HAG erunt HG & AG ; atque adeò EF æquales, & rectum $Hg = EF$. af seu momento celeritatis crescentis. Probandum est; fore $M.EF.af = Nn$. ES seu momento sollicitationis tangentialis ES vel $N\beta$.

Demonstr. Per §. 131. est $tNn = M.af : ES$; nam, quæ ibi sunt dT, dV & G , hoc loco dicuntur tNn, af & ES vel $N\beta$, ergo $ES.tNn = M.af$, vel etiam $ES.EF.tNn = M.EF.af$; atqui (§. 128.) $EF.tNn = Nn$, ergo $ES.Nn = ES.EM = M.EF.af = M.HGg$. Quod erat demonstrandum.

Similiter si grave A in recta AD deorsum feratur, erit $BE.Ee = A.2H_2G_2g$, ponendo A denotare massam corporis, & $2H_2G$ celeritatem in E acquisitam post casum ex altitudine AE , & rectangulum $2H_2G_2g$ triangulo rectangulo isosceli $2H_2A_2G$ inscriptum; momentum velocitatis $2A_2G$ vel $2H_2G$.

Ratione sollicitationum retardatricium habetur etiam $se.nN = M.ef.f_a = M.hgG$, & $beE = A.2h_2g_2G$.

PROPOSITIO XVIII. THEOREMA.

133. *Si duo mobilia A, M æqualia, quorum hoc in curva MON , illud in recta AD feratur, in singulis punctis E & N à centro D æ-*

H

qua-

qualiter distantibus eadem sollicitatione centrali BE urgentur, erit ubique momentum sollicitationis centralis seu rectangulum BEe æquale homologo rectangulo Nn. SE vel Nn. N β , quod exponit momentum sollicitationis tangentialis in curvæ puncto quolibet N.

Arcus circuli epn centro D descripti secet rectam DN, in puncto p, & triangulum Nnp tanquam rectilineum ob suam infinitam parvitatem spectari potest rectangulum ad p, atque adeo simile triangulo N $\alpha\beta$. Idcirco erit N α vel BE : N β (SE) = Nn : Ee (Np), & BE. Ee = N β . Ee = SE. Nn = N β . Nn. Quod erat demonstrandum.

COROLLARIUM I.

134. Hinc si scalæ celeritatum AVF ad punctum F perpendicularis FT ducatur axi occurrens in T, subnormalis ET æqualis ubique erit respectivæ BE, quæ sollicitationem centralem exponit in distantibus ED, ND à centro D æqualibus; nam quia TFF rectus est, triangula FTE & Ffa similia erunt, atque adeo FE : ET = Fa (Ee) : af. Ergo EF. af = TE. Ee; atqui (§. 133.) SE. Nn = BE. Ee & (§. 132.) SE. Nn = M. EF. af, aut sumpta M instar unitatis, = EF. af, erit TE. Ee = BE. Ee atque adeo TE = BE.

COROLLARIUM II.

135. In quibuslibet punctorum E, N distantibus æqualibus ED & ND à centro D, momenta celeritatum cadendo acquisita erunt æqualia. Nam sicut (§. 132.) AG vel GH celeritatem acquisitam mobilis M in curva MON descendens, & rectangulum Hg triangulo HAG inscriptum celeritatis momentum in N exponunt, ita etiam 2A z G & rectangulum 2H z g triangulo 2H z A z G inscriptum, exponent celeritatem ex descensu mobilis A per spatium AE in puncto E acquisitam, ejusque momentum. Verum (§. 132.) est SE. Nn = M. EF. af = M. HGg, item BE. Ee = A. 2H z G z g. atque (§. 133.) SE. Nn = BE. Ee; propterea fiet M. HGg = A. 2H z G z g, vel quia (secundum hypothesin) ipsæ M & A æquales HGg = 2H z G z g.

PROPOSITIO XIX. THEOREMA.

Fig. 32. 136. Si mobilia M & A ex punctis M & A in curva MON & recta AD à quiete cadere incipiant, celeritates ipsorum in punctis N &

E acquisita erunt æquales distantis punctorum à centro D positæ æqualibus, celeritasque uniuscujusque mobilis poterit duplum areæ AZBEA.

Totum spatium AE in innumera elementa, quale est Ee, divisum cogitetur, & per singulorum terminos arcus ex centro D descripti intelligantur, adeo ut singulis elementis rectæ AE totidem elementa curvæ MON respondeant. Jam cum (§. 135.) ubique momentum celeritatis in curvæ puncto N æquetur momento celeritatis in rectæ puncto E, alteri N à centro D æquidistanti, habebitur semper & ubique $HGg = 2H_2G_2g$, ergo omnia HGg , quæ in triangulo HAG continentur æqualia omnibus $2H_2G_2g$, quæ in triangulo $2H_2A_2G$, id est triangulum HAG triangulo $2H_2A_2G$ æquabitur. Unde cum hæc æqualia triangula similia sint, sequitur latera in illis homologa æqualia esse, atque adeò $AG = 2A_2G$, id est celeritates in E & N acquisitæ, quæ per æquales $2A_2G$ & AG exponentur, æquales sunt.

Porro, quia (§. 132.) $HGg = BE.Ee$ & sic ubique, erunt omnia $HGg =$ omnibus $BE.Ee$, atque omnia rectangula HGg componunt triangulum HAG, vel hAg , quandoquidem motus in A & M punctis nullus est, atque adeò etiam momenta celeritatum in illis punctis nulla sunt, id est cum triangulorum HAG, & $2H_2A_2G$ verticibus A & $2A$ confunduntur, & in illis, ut ita dicam, nullefcunt: omnia verò rectangula elementaria BEe , quæ in tota areâ AAZBE continentur, huic areæ ultimò æqualia fiunt, atque adeò areâ AAZBE æquatur ubique triangulo homologo HAG, & duplum areæ illius duplo hujus trianguli, sed hoc trianguli duplum æquale est quadrato lateris AG vel GH, quoniam hoc triangulum rectangulum isosceles est, ergo $AG^2 = 2.AAZBE$, vel quia AG æqualis est EF, $EF^2 = 2.AAZBE$, id est celeritas in E vel N acquisita potest duplum areæ AAZBE. Quæ omnia erant demonstranda.

COROLLARIUM . I.

137. Pariter si corpora A & M in curva & recta ex punctis O & P celeritate æquali cadere incipiant, & quidem ea, quam mobile A spatium AP à quiete perlabens in puncto P acquirere potest, eadem corpora in quibusvis aliis punctis N & E, à centro sollicitationum æquidistantibus, æqualem celeritatem acquirant, tantam scilicet quantum mobile A, in hoc puncto A casum à quiete incipiens,

H 2

lapsu

lapsu accelerato per spatium AE in puncto E acquirere posset. Nam quia (§. 135.) generaliter est $HGg = 2H2G2g$, erunt etiam nunc omnia HGg æqualia omnibus $2H2G2g$, verum hoc casu omnia HGg sunt ea, quæ soli trapezio YXGH inscripta sunt, ducta scilicet per V recta VY axi AD parallela, quia celeritas, qua mobile M ex curvæ puncto O moveri incipit, non est nulla, sed (secundum hypothefin) æqualis PV seu AX vel XY, atque adeo nunc omnia HGg æquantur trapezio YXGH, & eandem ob rationem omnia $2H2G2g$ æquantur trapezio $2Y2X2G2H$, quoniam mobile A casum suum in puncto P cum celeritate $2X2Y$ (secundum hypothefin) æquali XY vel AX incipit, æquantur igitur hæc trapezia YXGH & $2Y2X2G2H$, verum quia (secundum hypothefin) celeritas in P eadem est cum celeritate in O, & illa tanta est quanta mobili ex A in P cadenti illic in P acquiri potest, sequitur triangula AXY & $2A2X2Y$ itidem æqualia esse, & addendo hisce æqualibus triangulis trapezia illa æqualia YXGH, & $2Y2X2G2H$, fient etiam triangula AGH & $2A2G2H$ æqualia, unde cum eadem & similia sint, necessum est, ut latera AG & $2A2G$ æquantur, atque adeo liquet celeritates in N & E acquisitas mobilibus ex punctis O & P, à centro D æquidistantibus cum celeritate PV vel AG casum incipientibus, æquales esse cum inter se, tum celeritati EF in E acquisitæ (§. 136.) post casum à quiete in A, per spatium AE, quæ potentiâ æquetur duplo areæ AAZBE.

COROLLARIUM II.

- Fig. 37. 138. Propterea, si mobile quoddam A secundum quamlibet directionem datam AR impulsus celeritate ea, quam idem mobile spatium HA à quiete in H perlabens acquireret in A, & sollicitationibus ordinatis curvæ $\odot Bb$ expressis ad centrum D continue ipsum urgentibus curvam AN in vacuo describat, celeritas ejus in quolibet curvæ projectionis puncto N ea erit, quam corpus ex H à quiete cadere incipiens in linea recta HD accelerato suo motu acquirere posset in puncto E, cum altero in curva N æqualiter à centro D distanti.

COROLLARIUM III.

- Fig. 32. 139. Si corpora ex curvæ & rectæ punctis n & e à centro D æquidistantibus celeritate initiali ef , quam post descensum per curvam

vam MO & rectam Ae in punctis M & A motum à quiete incipientia accelerato motu illic in n & e acquirere queunt, in altum ferantur, illa in quibusvis aliis punctis O & P eidem centro D æquidistantibus celeritates residuas æquales habebunt, tantam scilicet, quantam in illis punctis O & P acquisivissent, si accelerato motu à quiete in M & A incipiente in curvæ arcu MO & recta AP descendissent. Nam quia mobilia ascendunt, atque adeò à centro sollicitationum BE deorsum ad hoc centrum urgentium recedunt, tam hæ sollicitationes centrales BE , quam tangentiales SE vel Ns , quæ ex illis derivantur (§. 122.) nunc spectandæ sunt tanquam sollicitationes *retardatrices*. Earum tamen momenta $be.eE$ & $se.nN$ (§. 133.) erunt æqualia, & per §. 132. huic æquatur suum momentum $hg.gG$ celeritatis decrescentis hg , illi verò celeritatis $2h2g$ momentum $2h2g.2g2G$, propterea hæc ipsa celeritatis decrescentis momenta sunt æqualia, & hoc respectu cujuslibet alius curvæ elementi nN omnium eorum, quæ in curvæ arcu nO , & homologi elementi eE rectæ DA , omnium eorum, quæ in hujus rectæ segmento eP continentur. Hinc etiam universa $hg.gG$, quæ in trapezium $hgXY$ desinunt, æquabuntur universis $2h2g.2g2G$, quæ trapezio $2h2g2X2Y$ circumscripta in hoc trapezium delinunt, id est, hæc duo trapezia æqualia erunt. Unde, si ex triangulis hgA & $2h2g2A$, quæ ob celeritates initiales Ag & $2A2g$ in n ac e (secundum hypothesin) inter se æquales etiam æqualia sunt, auferentur trapezia illa æqualia $hgXY$ & $2h2g2X2Y$, remanebunt triangula æqualia YAX & $2Y2A2X$, in quibus, utpote similibus, latera homologa AX & $2A2X$ æqualia existent, atqui hæc æqualia latera celeritates in O & P mobilibus ascendentibus residuas exponunt, quæ velocitates proinde æquales sunt, & unaquæque earum (§. 136.) ea est, quæ mobili ex A à quiete descensum incipienti acquireretur in P , utpote quæ potest duplum areæ $AAZP$, dum celeritas initialis ef potest duplum areæ $AAZbe$. Propterea GX & $2G2X$ sunt initialis velocitatis partes *amissæ*, vel à sollicitationibus centralibus Be , BE &c. in ascensu mobilium *absorptæ*, adeò ut corporum ad curvæ & rectæ puncta M & A ascendendo delatorum motus ascensionalis penitus extinguendus sit, cum celeritates *absorptæ* gA & $2g2A$ initialibus æquales sint.

COROLLARIUM IV.

140. Hinc mobilia ascendunt cum celeritatibus initialibus quibuscunque successive omnes celeritatis gradus servant in illis ipsis lineæ percurrendæ punctis, in quibus cadendo hos celeritatis gradus acquisiverunt. Sic mobile cum celeritate *ef* ascensum in *e* incipiens, in reliquis spatii *eA* ascensu conficiendi punctis E, P, A easdem celeritates retinet, quas in puncto A casum inchoans descensu suo accelerato acquisivisset, in iisdem punctis scilicet, celeritates EF, PV & o. Quod etiam de mobili in curva MON ascendenti intelligendum est.

COROLLARIUM V.

141. Hinc etiam in omni possibili sollicitationum centralium hypothese; *corpora rectè in altum lata, vel in curvis quibuscunque ascendunt, ad eam ipsam altitudinem in vacuo assurgunt, quam, ubi descendendo percurrunt, celeritatem acquirunt initiali æqualem.*

COROLLARIUM VI.

142. Si centrum sollicitationum gravitatis D infinite distat à recta AG, arcus concentrici AM, PO, EN &c. abibunt in lineas rectas in directum positas ordinatis AA, ZP, BE scalæ sollicitationum centralium, unde quæ universaliter in antecedentibus ostensa sunt, etiam obtinebunt in hoc casu, quo gravium directiones rectæ AG perpendiculares vel axi AD patallæ sunt. Adeoque *celeritates in diversis planorum (adde & curvarum continuam curvaturam habentium) inclinationibus descensu acquisitæ, æquales sunt in omni gravitatis variabilis & uniformis hypothese, si planorum vel curvarum elevationes æquales fuerint, vel quod idem est, si planorum horizontalium per terminos planorum inclinatorum vel curvarum transeuntium distantie æquales fuerint.*

Hoc ipsum corollarium Torricellius primus geometrice suo more demonstravit, & post ipsum Hugenius in suo Horologio Oscillatorio Parte secunda Prop. VI. sed ambo tantum in Galilæana hypothese gravitatis uniformis atque demonstrationibus indirectis. Galilæus vero id in prima Dialogorum editione tanquam per se evidens sibi concedi postulavit; sed quia hoc forte magnum postulatum ipsi postea visum, id in posteriori operum suorum editione 1656. Bo-

no-

monia facta utcumque demonstrare tentavit, sed ejus demonstratio, quæ ibi affertur, Hugonii judicio parum concludit.

S C H O L I O N I.

143. In hac propositione, perinde ac in antecedente XVIII. mobilia æqualia ponuntur tam ratione quantitatis materiæ quam ratione texturæ particularum, vel quod idem est, corpora M & A, quoad volumen & massam, æqualia esse debent, ut recensitæ propositiones generaliter obtineant, scilicet eo etiam casu, quo eorum pondera in æqualibus à centro sollicitationum D distantis proportionalia non sunt. Semper enim verum erit celeritates in E & N acquisitas post descensus corporum à quiete in A & M, per spatia AE & MON æquales esse, siue massæ corporum eorum gravitatibus seu sollicitationibus centralibus aut ponderibus proportionales sint, siue non.

144. Sed si mobilia M & A massas non habent ponderibus suis proportionatas, nec pondere & massa æqualia sunt, propositio præfens ad talia corpora non est extendenda; hoc enim casu prædictæ celeritates, in punctis illis N & A acquisitæ, non sunt æquales, sed velocitas in curvæ puncto N se habebit ad velocitatem in rectæ puncto E acquisitam, ut latus quadratum areæ AABE, cujus ordinatæ BE gravitates seu sollicitationes centrales mobilis M, in curva MON discurrentis, exponunt in homologis punctis N, applicatum ad radicem massæ mobilis M; ad latus quadratum areæ A₃A₃BE, cujus ordinatæ E₃BE exponunt gravitates corporis A in locis quibusvis E, per quæ ordinatæ transeunt, applicatum ad radicem massæ seu quantitatis materiæ mobilis A, quod in recta AD fertur. Nam si, ut supra, latus AG vel æquale GH in triangulo rectangulo isosceli HAG, celeritatem mobili M ex descensu per arcum curvæ MON in puncto N acquisitam, & latera æqualia 2A₂G vel 2H₂G trianguli rectanguli isoscelis 2H₂A₂G celeritatem mobilis A ex casu ejus per spatium AE in puncto rectæ E acquisitam, exponant, erunt velocitatum AG, 2A₂G momenta rectangula HGg & 2H₂G₂g triangulis illis inscripta &, per §§. 132. 133, erit BE. Ee = SE. Nn = M. HGg, ergo omnia BE. Ee, hoc est, ut in demonstratione articuli 136. ostensum, area AAZBE æquatur omnibus M. HGg, id est facto ex massa corporis M in triangulum, atque adeò AG². M = 2. AAZBE & AG = GH = EF = √(2. AAZBE) : √M. Et (§. 132.) est pariter 3BE. Ee = A. 2H₂G₂g, atque adeo omnia 3BE. Ee,

64 DE VIRISUS ET MOTIBUS CORPORUM. LIB. I.

Ee vel omnia E_3B . Ee, hoc est, area A_3A_3BE æquatur omnibus A . $2H_2G_2g$ id est factò ex triangulo $2H_2A_2G$ in corporis massam A , ergo etiam $2A_2G = 2H_2G = \sqrt{(2.A_3A_3BE)} : \sqrt{A}$. Adeoque AG est ad $2A_2G$, hoc est, celeritas acquisita mobili M in curvæ puncto N est ad celeritatem mobili A in rectæ puncto E alteri à centro D æquidistanti acquisitam, sicut $\sqrt{(2.AAZBE)} : \sqrt{M}$ ad $\sqrt{(2.A_3A_3BE)} : \sqrt{A}$, vel etiam, sicut $\sqrt{(AAZBE)} : \sqrt{M}$ ad $\sqrt{(A_3A_3BE)} : \sqrt{A}$, hæc est, dictæ velocitates sunt in composita ratione ex directâ subduplicata proportionē areæ $AAZBE$ ad aream A_3A_3BE , & ex reciproca subduplicata ratione massæ M ad massam A . Atqui hæc ratio composita æqualitatis ratio fieri non potest, nisi area $AAZBE$ fuerit ad aream A_3A_3BE , ut massa M ad massam A , id est, nisi pondera mobilium ipsorum massis proportionalia fuerint. Etenim area $AAZBE$ ad aream $A_3A_3Z_3BE$ in eadem altitudine AE non potest esse in data ubique ratione massæ M ad massam A , nisi singulæ ordinatæ BE sint ad singulas homologas ordinatas $3BE$ in eadem ratione M ad A , atque adeò cum BE & $3BE$ exponant pondera corporum M & A , in distantibus ND & ED à centro D æqualibus, liquet celeritates in N & E acquisitas æquari non posse, nisi pondera corporum M & A in æqualibus à centro gravium distantibus massis ipsorum proportionalia sint.

SCHOLION II.

145. Hactenus ostensa circa motus gravium adeò generalia sunt, ut ea non solum omnia, quæ circa motus quomodocunque acceleratos excogitari possunt, attingant, sed etiam facili negotio ostendant quænam hypotheses possibiles sint, & quas vice versa natura ferre recuset. Nam, ut ab his incipiam, omnis sollicitationum seu gravitatis hypothesis impossibilis & imaginaria est, cujus scala per descensus initium transit, adeo ut illic ordinata ejus nulla sit, cujus rei ratio, me etiam tacente, satis in propatulo est. Mobile enim quiescens, quod grave non est, seu à nulla sollicitatione centrali citatur (quod contingit in puncto, in quo scala sollicitationum rectæ, in qua mobile cadere deberet, occurrit) non potest se ipsum movere. Verum hæc ipsa impossibilitas etiam in consideratione temporis se manifestat, quo aliquod spatium deberet percurri in imaginariis ejusmodi hypothesis, quandoquidem ad percurrendum spatium quantumlibet parvum requireretur in hisce hypothesis tempus infinitum,

tum, quod usu formularum ex præcedentibus mutuo sumendarum quilibet poterit experiri. Gravitas utlibet variabilis dicatur g , spatium perpendiculariter à corpore cadente describendum x , tempus quo pereurri debet t , velocitas in fine hujus temporis acquisita u ; elementa spatii, temporis, & velocitatis dx , dt & du , quibus positis (§. 132.) erit prima formula $gdx = udu$, & (§. 131.) habetur $dt = mdu : g$, ubi m significat massam mobilis & g ejus pondus: quoniam vero mobile cum nullo alio comparatur, sed ejus tantum motus exquiruntur, loco ipsius m unitas poni potest, eritque $dt = du : g$. Secunda formula.

146. Sint nunc celeritates acquisitæ, ut spatia confecta, ut vult Balianus, id est $u = x$, & $uu = xx$ ac $udu = xdx$, eritque propter $gdx = udu$, etiam $gdx = xdx$ id est $g = x$, ergo existente $x = 0$ erit etiam $g = 0$, ergo in principio descensus gravitas mobilis nulla foret, atque adeò ipsum per spatium x nunquam delabi posset. Porro, quia secunda formula $dt = du : g$ & $g = x$, præbent $dt = dx : x$, unde $t = \log. x$, jam existente $x = 0$, & $\log.$ ipsius 0 infinito, quod per ∞ significabimus, erit $t = \infty$, hoc est, infinitum tempus requiritur ad percurrendum ab initio nullum spatium, adeoque gravi ibi perpetuo quiescet, & consequenter Baliani hypothesis impossibilis & imaginaria est. Hoc ipsum alia adhuc ratione ostendi in Actis Lipsi. 1709. pag. 404. seq.

147. Si celeritates acquisitæ u sunt ut x^m , ubi m est quilibet numerus integer & positivus index potestatis spatii, cui celeritas proportionatur, fiet $uu = x^{2m}$ & $udu = mx^{2m-1}dx = gdx$, atque adeò $g = mx^{2m-1}$, atque existente $x = 0$, erit etiam $mx^{2m-1} = g = 0$, ergo ejusmodi hypothesis impossibilis & imaginaria est.

Porrò $dt (= du : g = mx^{2m-1} : mx^{2m-1}) = dx : x^m$. Verum juxta articulum 92. summationem ineundo, invenietur $t = (\infty^{m-1} - x^{1-m}) : m - 1 = \infty^{m-1} : m - 1$. Hoc est, tempus descensus per minimam quamcunque altitudinem est in hac hypothesis, ut potestas infiniti ∞ , cujus exponens est numerus integer $m - 1$. Ergo hæc hypothesis, multo magis quam præcedens, imaginaria est & impossibilis.

Hactenus generalia motuum acceleratorum habuimus, dispiciendum restat, quid ex una alteraque gravitatis hypothesis sequi debeat.

HYPOTHESIS I.

Fig. 33.

148. Si sollicitationes gravitatis sint ut distantiae à centro gravium D, earum scala erit linea recta QCD per centrum D ducta cum axe AD angulum quemlibet QDA continens, & scala celeritatum linea elliptica ASR, cujus semiaxis transversus est AD, & semissis axis conjugati DR par mediae proportionali inter DA vel æqualem Aa, & QA. Nam descripto circa centrum D. quadrante circuli AVL, ductisque aL, & BEF parallela DL vel aA, quia DR (constr.) media est proportionalis inter DL vel aA & QA, erit propter Ellipsin ASR, $EF^2 : ES^2 (= aA : QA) = 2$. trapezii aBEA ad 2. trap. QCEA, atqui duplum trapezii aBEA est excessus quadrati AD vel DE supra quadratum DE, atque adeo æquatur EF^2 ; ergo æquantur etiam duplum trapezii QCEA, quod est duplum areæ in scala sollicitationum centralium QCD, & quadratum ES, atque adeo (§. 136.) ES exponit celeritatem acquisitam in E ex descensu per AE, ergo ellipsis ASR est scala celeritatum acquisitarum. Quod erat demonstrandum.

149. Si fiat angulus X ad angulum ADF, in ratione DL ad DR, ipse angulus X exponet tempus descensus mobilis per AE, hoc est $X = tAE$. Sit enim x elementum ipsius X homologum elemento anguli ADF, quod est angulus FDF, ducta scilicet bf alteri BF indefinite vicina. Erit ergo $x : FDF = DL : DR = EF : ES$, ergo $x \cdot ES = EF \cdot \text{ang. } FAF$, vel $x \cdot ES \cdot DF = EF \cdot DF \cdot \text{ang. } FDF$, atqui (§. 129.) DF in ang. FDF exprimit arcum Ff, ergo $x \cdot ES \cdot DF = EF \cdot Ff$, at verò $FE \cdot Ff = DF \cdot Ee$, quod ex similitudine triangulorum Ffa & FDE facile colligitur, igitur $x \cdot ES \cdot DF = DF \cdot Ee$, vel deleta DF, erit $x \cdot ES = Ee$, & $x = Ee : ES$. Verum (§. 128.) $Ee : ES = tEe$, ergo $x = tEe$, atque adeo omnes x hoc est $X = \text{omnibus } tEe$, hoc est tAE. Quod erat demonstrandum.

Hinc ducto quolibet radio DV, qui quadrantes concentricos AVL & ETK secet in V & T, ductisque arcuum AV & ET finibus VW & Te (per accidens est, quod Te cadat super bf, res utcunque aliter se habere potest) spatia AW & Ee eodem tempore à mobilibus æqualibus A & E simul cadere incipientibus, describentur, eodemque tempore ambo ad centrum D pervenient.

HYPOTHESIS II.

150. Si Gravitas corporum ubique uniformis est, ut in Galilei hypothesi, scala Celeritatum erit Parabola conica, cujus abscissæ axis spatia mobili percurrenda, & ordinatæ celeritates acquisitas exponunt. Eruntque propterea celeritates in subduplicata ratione spatiorum confectorum. Fig. 34.

Nam scala sollicitationum gravitatis erit, hoc casu, recta βC axi AC parallela, atque adeo (§. 144.) 2. $A\beta, AE : M = EF^2$, ubi M denotat massam mobilis, $A\beta$ ejus pondus, & AE spatium cadendo confectum, atque EF celeritatem acquisitam. Unde ob constantem $A\beta$ scala celeritatum est parabola conica, atque adeo spatia mobili descripta sunt ut quadrata celeritatum acquisitarum, & hæc velocitates in subduplicata ratione spatiorum. Parameter verò Parabolæ est 2. $A\beta : M$.

151. Tempus verò quo spatium quodlibet AE cadendo conficitur est 1°. ut duplum spatium AE applicatum ad celeritatem EF hoc tempore acquisitam. 2°. Ut radix ex factò massæ corporis in duplum spatium applicato ad mobilis pondus seu gravitatem. Et denique 3°. ut factum ex Massa corporis in celeritatem acquisitam applicatum ad gravitatem ejusdem corporis. Signetur, ut antea, tempus per AE , per tAE .

Jam (§. 131.) $tEe = M. af : A\beta$, ergo summando $tAE = M. EF : A\beta$, quod est tertium. Porro quia $tAE = M. EF : A\beta$, erit etiam $= M. EF^2 : EF. A\beta$ (§. 150.) $= 2. A\beta. AE : A\beta. EF = 2. AE : EF$. Et hoc est primum. Denique, quia ordinata parabolæ est ad dimidium parametrum in subduplicata ratione dupli abscissæ ad semissem parametrum, erit $tAE (= M. EF : A\beta) = \sqrt{M. 2AE : A\beta}$, Quod erat secundum.

152. Idcirco, vocando duorum mobilium massas M, m ; gravitates seu pondera G, g ; spatia cadendo descripta S, s ; & denique tempora descensuum T, t . Erit $T = \sqrt{2MS : G}$ & $TT = 2MS : G$, vel $G. T^2 = 2. M. S$; & $gtt = 2ms$. Adeoque, si spatia ab ambobus mobilibus diversis temporibus confecta sunt in duplicata ratione temporum, corporum pondera massis eorum proportionalia erunt, nam si $TT : tt = S : s$ erit $T^2 s = tt S$, adeoque $G. T^2 = 2. MS$ fiet $tt. GS : s = 2. MS$, vel $G. tt = 2. Ms$, seu $gtt = \frac{2M}{g} = 2ms$; adeoque $gM = Gm$, vel $G : g = M : m$.

Propterea hujus paragraphi ope secunda Propositio per experimenta confirmari potest. Videatur §. 30.

CAPUT II.

*De Motibus curvilineis in Vacuo, in quacunque gravitatis
variabilis Hypothesi.*

PROPOSITIO XX. LEMMA.

153. *Si magnitudinis continue crescentis (cujus prima magnitudo AI
seu dicitur, à qua crescere incipit) incrementum infinitesimum Ff
semper fuerit ad decrementum qr, alterius decrescens Dq, cujus prima
magnitudo, à qua scilicet decrescere incipit, sit DR, sicut crescens EF
ad decrescens Dq, erit crescens EF ad suam primam magnitudi-
nem AI, ut decrescens prima magnitudo DR ad ipsam decrescens*
Fig. 35. *Dq.*

In Fig. 36. circa axem DR descripta sit aliqua curva IF, cujus
abscissæ Dq, DR decrescens primamque ejus magnitudinem re-
ferant, ordinatæ verò FE & IA, crescentem ejusque primam magni-
tudinem, ut adeò signa q, E ad idem punctum pertineant perin-
de ac signa A, R. Per curvæ punctum F tangens FO ducta sit axi
occurrentis in O, factaque ordinata se alteri FE infinite vicina, erit
fa crescentis FE incrementum, & Fa vel qr seu Ee decrementum
infinitesimum decrescens Dq. Eritque adeo (secundum hypothesein)
fa: qr = FE: Dq. Verum triangula similia faF, FEO præbent etiam
fa: qr = FE: EO, ergo FE: Dq = FE: EO, atque adeo Dq = EO;
hinc producta tangente OF, erit etiam OF = FS. Est ergo pun-
ctum contactus F ubique in medio rectæ OS, angulum rectum SDO
subtendentis, ut adeò per conversam Prop. III. Secundi Conico-
rum Apollonii curva IF Hyperbola sit inter asymptotas SD & DO,
atque adeo EF sit ad AI, sicut DR ad Dq. Quod erat demonstrandum.

PROPOSITIO XXI. THEOREMA.

154. *Existentibus GBb scala sollicitationum centralium & ATF sca-
la celeritatum mobili, ex quiete in H in recta HD cadere incipienti,
acquisitarum; atque hoc ipsum mobile in directione AR celeritate AI
propulsum, quam grave post casum ex altitudine HA in A acquirere
potest, urgentibus sollicitationibus illis centralibus per ordinatas curvæ
GB significatis, curvam quandam AN in Vacuo describat. Erit FE*
seu

seu celeritas mobilis in quolibet curvæ puncto N potentia æqualis re-
ctangulo sub radio nZ circuli osculatoris in hoc puncto, & sub βα quæ
solicitationem curvæ perpendicularem ex centrali Na vel BE derivatam
significat. Hoc est, $EF^2 = nZ \cdot \beta\alpha$.

Fig. 37

Mobile A projectum secundum AR celeritate AI describens cur-
 vam AN in ejus puncto N (§. 138.) acquireret celeritatem EF, quam
 idem mobile in puncto E, &que remoto à centro D, ac curvæ pun-
 ctum N, consequutum esset post lapsum ex altitudine HE, atque
 hac celeritate EF in directione tangentis curvæ Nq æquabili mo-
 tu incedere conatur; verum à sollicitatione centrali Na vel EB du-
 rante tempusculo quam minimo uniformiter agente indefinenter à
 directione Nq retractum in curva Nn detinetur, adeò quidem ut
 lineola gn ipsi ND parallela sit spatium à sollicitatione respectu
 curvæ elementi Nn uniformi Na vel BE genitum, atque adeo
 (§. 151.) tempus, quo grave quoddam tale spatium à gravitate
 Na conficeret, foret $\sqrt{(2gn : Na)}$ sumpta mobilis massa A instar uni-
 tatis, at verò eo tempore, quo gn à sollicitatione centrali generatur,
 mobile in tangente describit æquabili motu celeritate EF spatium
 Ng vel Nm; quod tempus (§. 128.) est etiam Nm : EF, ergo
 $\sqrt{(2gn : Na)} = Nm : EF$, atque adeò $2gn : Na = Nm^2 : EF^2$, vel etiam
 $2gn \cdot nZ : Na \cdot nZ = Nm^2 : EF^2$, & permutando, $2gn \cdot nZ : Nm^2 = Na \cdot$
 $nZ : EF^2$. Atqui considerando elementum curvæ Nn instar arcu
 circuli osculatoris centri Z, cujus Nm tangens, erit $Nm^2 = 2nZ \cdot$
 nm vel $= 2mn \cdot nZ$, ergo $2gn \cdot nZ : 2mn \cdot nZ (Nm^2) = gn \cdot nZ : mn \cdot nZ$
 $= Na \cdot nZ : EF^2$, vel substitutis loco lineolarum gn, & mn, rectis
 Na, βα, quæ ipsis propter triangulorum Naβ & gnm similitudinem
 proportionales sunt, fiet $Na \cdot nZ : \beta\alpha \cdot nZ = Na \cdot nZ : EF^2$. Ergo EF^2
 $= nZ \cdot \beta\alpha$. Quod erat demonstrandum.

PROPOSITIO XXII. THEOREMA.

155: *Isdem positis, erit celeritas projectionis AI ad celeritatem mo-*
bilis in curvæ puncto N, reciproce, ut perpendicularis Dq super tan-
gente Nq in curvæ puncto N, ad perpendicularem DR ex centro D
ad directionem jactus AR ductam. Atque adeò singula rectangula Dq
EF, dato rec-to DR. AI æquabuntur.

Fig. 37

Nam ductis per punctum n tangente ns, & arcu circulari ne ex
 centro D descripto, ac denique ordinata ef, jungatur NZ, & ad tan-
 gentem curvæ ns demittatur perpendicularis Ds. Quibus positis,

erit $N\beta$ sollicitatio tangentialis, ejusque momentum (§. 132.) æquatur momento velocitatis in N acquisitæ, atque adeò $N\beta \cdot Nm$ vel $Nn = EF \cdot af$; & quia (§. 154.) $EF^2 = nZ \cdot \beta a$, fiet $EF \cdot af : EF^2 = Na \cdot Nm : nZ \cdot \beta a$ vel substitutis loco $N\beta$, & βa proportionalibus Nq & Dq , & loco Nm & mZ vel nZ proportionalibus qr & hq vel Nq , invenietur $EF \cdot af : EF^2 = Nq \cdot qr : Nq \cdot Dq$. Nam quia ZN & Zn tangentibus Nq & ns perpendiculares sunt, anguli NZn & ghs , quem tangentes continent, necessario æquales sunt, atque adeò triangula NZm & qhr ad N & q rectangula similia sunt, ac lateribus Nm & NZ vel nZ proportionalia, latera homologa qr & hq , vel Nq in triangulo qhr . Verum in postrema analogia deletis EF ex primo & secundo, & Nq ex tertio & quarto terminis, fit $af : EF = qr : Dq$ & permutando $af : qr = EF : Dq$, id est incrementum crescentis FE est ad decrementum decrescientis Dq , sicut ipsa crescens ad decrescientem, adeoque erit (§. 153.) crescens FE ad suam primam magnitudinem AI , sicut decrescientis Dq prima magnitudo DR ad decrescientem, & invertendo, AI celeritas jactus est ad EF celeritatem mobilis in quolibet curvæ puncto N ; ut perpendicularis Dq ad DR . Propterea erunt singula rectangula $FE \cdot Dq$ æqualia dato $AI \cdot DR$. Quæ erant demonstranda.

COROLLARIUM I.

156. Quia $EF : AI = DR : Dq$, vel $EF^2 : AI^2 = DR^2 : Dq^2$, & $EF^2 = \beta a \cdot nZ$, erit $\beta a \cdot nZ : AI^2 = DR^2 : Dq^2$. sed $\beta a \cdot nZ : Na \cdot nZ = \beta a : Na = Dq : DN$ vel invertendo, $Na \cdot nZ : \beta a \cdot nZ = DN : Dq$: ergo ex æquo & per compositionem rationum invenietur $Na \cdot nZ : AI^2 = DR^2 : DN : Dq^2$, atque adeò $Na = AI^2 \cdot DR^2 : DN \cdot nZ \cdot Dq^2$, ergo sollicitatio centralis in quolibet curvæ puncto N est ut $DN : nZ \cdot Dq^2$. Ut Celeberrimi viri Joh. Bernoulli, Abr. Moivreus, & Guido Grandus invenerunt, insistentes omnes principio isti, quod temporalium in curvis sunt areis proportionalia, quod nos nondum supposuimus, sed in sequenti Corollario ex positis fundamentis nostris deducemus.

COROLLARIUM II.

157. Erit jam tempus, quo quilibet arcus curvæ AN describetur, id est $tAN = \text{area } ADN : \frac{1}{2} AI \cdot DR$. Nam (§. 128.) est $EF \cdot tNn = Nn$; & $Dq \cdot EF \cdot tNn = Dq \cdot Nn = 2 \cdot \text{trianguli } NDn$, atqui (§. 155.) Dq :

$Dq \cdot EF = AI \cdot DR$, ergo $AI \cdot DR \cdot tNn = 2 \text{ trian. } NDn$ atque adeo
 $fAI \cdot DR \cdot tNn = AI \cdot DR \cdot tAN = 2 \int NDn = 2 \cdot \text{areæ } ADN$, hinc tAN
 $= \text{areæ } ADN : \frac{1}{2} AI \cdot DR$. Atque hinc liquet tempora quibus diversi
 arcus AN , An describuntur, areis homologis AND , $ANnD$ pro-
 portionalia esse, prout Illust. Newtonus id primus demonstravit
 Prop. I. Lib. I. *Princ. Phil. Nat. Math.* sed ex diversissimo funda-
 mento.

S C H O L I O N.

158. Elegans est formula corollarii secundi, quod valorem soli-
 citationis centralis in qualibet curva exhibeat quantitativis finitis
 expressum, sed quia valor radii evolutæ eandem ingreditur, id ef-
 ficat, ut nonnunquam paulo prolixior evadat calculus. Propterea
 mallem in praxi sequi canonem $g = dp : p^3 dz$, in quo g significat
 gravitatem seu sollicitationem centram, p perpendicularem ex cen-
 tro sollicitationum ad tangentem curvæ in dato puncto demissam,
 & z radium rectorem, seu distantiam puncti curvæ, in quo sollicita-
 tionis centralis quantitas quæritur à centro. Demonstratio ejus fa-
 cilis est, etenim ponendo rectangulum $AI \cdot DR = 1$, fiet etiam EE .
 $Dq = 1$, id est vocando insuper EE , u , cum Dq jam dicta sit p ,
 erit $pu = 1$ & $ppuu = 1$, vel $uu = 1 : pp$, atque adeo $udu = -dp : p^3$.
 Jam quia momentum celeritatis æquatur momento sollicitationis
 centralis $-gdz$. (pono autem $-dz$, quia crescente u decrescit p , &
 per consequens z , atque adeo ipsi $+du$ homologa dz debet habere
 signum privativum) hinc $-gdz = -dp : p^3$, & $g = dp : p^3 dz$.

159. Usus hujus formulæ satis expeditus est, nam ex æquatione
 curvæ datæ quæritur valor ipsius p in z & constantibus, cujusmo-
 di determinatione etiam opus est in formula supra laudata. Exem-
 pli gratia in hyperbola & ellipsi reperitur sequens æquatio $pp = ccz :$
 $2a + z$, ubi a denotat semilatus transversum, b distantiam centri
 sectionis ab alterutro foco, & $cc = bb - aa$ in hyperbola, & $cc =$
 $aa - bb$ in ellipsi. In denominatore fractionis superius signum hy-
 perbolam, ellipsin vero inferius respicit. Igitur $1 : pp = (2a + z) :$
 $ccz = 2a : ccz$, $+ 1 : cc$, & differentiando, erit $-2dp : p^3 = -2adz :$
 ccz , & $g = 2dp : 2p^3 dz = a : ccz$; vel omissa data $a : cc$, erit g ut
 $1 : zz$; hoc est sollicitatio centralis, ad focum sectionum Conicarum
 directæ, est ubique ut quadratum distantie mobilis à foco inverse,
 quod jam passim constat ex aliis.

160. Porro si elementum curvæ Nn dicatur ds , arcus pn , dt ,
 reli-

reliquis manentibus, ut supra, (§. 158) Triangula similia Nnp & NDq suppeditant $p = zdt : ds$, atque adeò $g = dp : p^2 dz = (ds^2 dt dz + zds : ddt - zds dt ds) : z^2 dt$. Quæ formula non, nisi in nominibus, differt à formulis Varignonianis, quales in Commentariis Academiæ Regiæ Paris. Scientiarum 1701. & 1706. habentur, in quibus non magis quam in præsentis ullum differentialium dt , dz , ds constans assumtum est, sed omnia variabilia.

161. Eadem facilitate habetur, aut saltem invenitur insistendo principiis supra positis, formula admodum expedita & generalis pro radiis evolutarum. Nam triangula NZm & qbr , quæ supra (§. 155.) similia esse ostensa sunt, præbent bq vel $Nq : qr = NZ : Nm$, & triangula similia Nnp , ac NqD hanc alteram analogiam $ND : Nq = Nm : Np$, ergo ex æquo $ND : qr = NZ : Np$, atque adeò $NZ = ND. Np : qr$, id est in symbolis supra assumtis, & vocando insuper NZ , r , erit $r = zdz : dp$, nam qr in figura est dp in hisce symbolis; unde cum p sit $= zdt : ds$, invenietur $r = zdz : dp = zdzds' : dsdt dz + zdsddt - zdtdds$ formula generalis radii osculatoris, in quam nullum differentiale constans assumtum est, quæ proinde in infinitas alias facile transformari potest. Atque deleta membro in denominatore $dsdt dz$, habebitur $r = ds^2 dz : dsddt - dtdds$ formula itidem generalis pro curvis quarum ordinatæ parallelæ axique perpendiculares sunt, in quibus dt sunt elementa abscissarum.

PROPOSITIO XXIII. PROBLEMA.

Fig. 37. 162. Datis scala sollicitationum centralium GBb , celeritate AI , & directione jactus AR , definire & construere curvam, quam missile in vacuo describet, concessis figurarum quadraturis.

I. Centro D intervalloque arbitrario DP describatur circulus PO , radius DN , Dn secans in punctis O, o ; assumaturque Q quarta proportionalis ad DN , DR , & AI , ita ut $DN. Q (= DR. AI) = EF. Dq$, hoc est $DN : Dq = EF : Q$, & $DN^2 : Dq^2 = EF^2 : QQ$, ut dividendo habeatur $Nq^2 : Dq^2 = EF^2 - QQ : QQ$, atque adeò $Nq : Dq = \sqrt{(EF^2 - QQ)} : Q$, sed $Nq : Dq$ sicut radius ad tangentem anguli DNq , quæ tangens dicatur T , & radius DP vel DO , hinc $\sqrt{(EF^2 - QQ)} : Q = DP : T$ atque adeò $T = Q. DP : \sqrt{(EF^2 - QQ)}$.

II. Propter arcus similes np & Oo , est $Oo : pn = DP : DN$, & $pn : Np = T : DP$, ergo ex æquo $Oo : Np = T : DN$, hinc $Oo = T. Np :$

$Np: DN$ (num. 1.) $= Q \cdot DP \cdot Np: DN \sqrt{(EF^2 - QQ)}$, ergo $PO = \int DP \cdot Q \cdot Np: DN \sqrt{(EF^2 - QQ)}$. Hoc est, si intelligatur aliqua curva, cujus abscissa DN , ordinata $DP^2 \cdot Q: DN \sqrt{(EF^2 - QQ)}$ area, hujus curvæ ordinatis abscissarum DA & DE interjecta ad datam lineam DP applicata præbebit lineam, cui si æqualis ubique factus fuerit arcus PO , recta DON per hujus arcus terminum O ducta æqualis abscissæ DE sua extremitate N in curva quæsitæ erit. Jam quia quadratum ordinatæ EF æquatur duplo areæ $GBEH$ datæ per abscissam DE vel DN & constantes, si non algebraicè, saltem transcendenter, atque Q est quarta proportionalis ad DE vel DN , & datas DR , AI , ea pariter data erit in DE & constantibus, unde cum omnes quantitates, quæ ipsam $DP^2 \cdot Q: DN \sqrt{(EF^2 - QQ)}$ ordinatam scilicet figuræ quadrandæ ingrediuntur, dentur in DN & constantibus, & figurarum quadraturæ concessæ sint, factum esse liquet, quod erat faciendum.

COROLLARIUM.

163. Si nunc dicantur DR , b , AI , c , DE vel DN , z , velocitas in curvæ puncto N , seu FE , u , arcus circuli PO , θ , ejus radius DP , r ; at elementum arcus crescens OO , $+d\theta$, elementum verò decrescens Np , indeterminatæ ND , $-dz$. Adeoque $Q = cb:z$ & tota formula $Oo = Q \cdot DP \cdot Np: DN \sqrt{(EF^2 - QQ)}$ mutabitur factis debitis substitutionibus in $d\theta = -bcrdz:z\sqrt{(uuz - bbcc)}$, quæ est æquatio differentialis curvæ quæsitæ ANu .

SCHOLIUM.

164. Hoc problema primùm solutionem accepit à Cel. Newtono Prop. 41. Lib. Princ. Phil. Nat. Math. & postea à Perspicacissimo Geometra Joh. Bernoulli gemino modo, tum etiam à Cl. Viro P. Varignon diversis modis, quo etiam referri posset & nostra solutio quam in Diario Veneto Tom. V. pag. 318. seq. exhibui cum nonnullis aliis, & Tom. VII. pag. 194. Præsens nostra solutio à Newtoniana non differt, nisi in levibus nec essentialibus circumstantiis, nam nostra EF significat latus quadratum areæ apud Newtonum $ABFD$ bis sumæ, quam tamen ille semel tantum accipit, ejusque Q nobis est rectangulum sub datis DR & AI in nostra figura, Q verò nobis est idem quod illi $Q: A$ seu Z .

Cæterum, quia generalis hæc solutio quadraturas præsupponit earum etiam curvarum, quæ quadrabiles non sunt, ideo problema istud generaliter sumtum est transcendens, nec algebraicum fit, nisi pro certis legibus sollicitationum centralium. Quænam vero debeant esse in genere hæc leges gravitatis variabilis, ut illis positæ curvæ projectorum algebraicæ evadant, problema est satis curiosum & elegans, sed prima fronte admodum difficile, de quo, quod sciam, nemo adhuc cogitavit. Quomodo verò debeat expediri, id in sequenti apparebit propositione, post lemma mox afferendum.

PROPOSITIO XXIV. L E M M A.

165. *Elementum Ss tangentis LS arcus circularis LM est ad elementum hujus arcus Mm, ut AS² quadratum secantis ad AM² quadratum radii, vel etiam, ut AL² quadratum radii, ad AG² quadratum sinus complementi arcus LM.*

Fig. 38.

Nam, quia triângula SAs & MAm communem angulum MAm continent, erit triângulum SAs ad triângulum MAm, ut rec-lum SA.sA ad rec-lum MA.mA, id est, ut quadratum SA ad quadratum MA. At quia triânguli SAs altitudo est AL, existente basi Ss, & triânguli MAm basin Mm habentis altitudo est MA æqualis alteri AL, liquet triângulum SAs se habere ad triângulum MAm, ut basis Ss ad basin Mm, ergo etiam Ss ad Mm ut AS² ad AM², vel propter parallêlas SL & MG, sicut AL² ad AG². Quod erat demonstrandum.

C O R O L L A R I U M.

166. Idcirco, si dicantur radius AL, r , tangens LS, t ; arcus LM, α , erit secans AS = $\sqrt{(rr + tt)}$, atque adeo $ds = rrd\alpha : rr + tt$. Et conversa hac æquatione in seriem, singula seriei membra erunt summabilia, adeò ut summatione eorum actu instituta habeatur expressio arcus circularis α , serie infinita tangente & radio expressa.

PROPOSITIO XXV. P R O B L E M A.

167. *Invenire canonem generalem determinanda gravitatis variabilis seu legis sollicitationum centralium, pro omnibus curvis algebraicis infinitum, quantitatis finitis expressum.*

Fig. 37, 38.

I. In figura 38. fiat AD æqualis AD in fig. 37, atque in fig. 38. circa

circa axem DA descripta intelligatur curva quaecunque algebraica LHh : descriptoque super ordinata ejus AL quadrante $LM\theta$ circuli, ex quolibet hujus circumferentiae puncto M agatur quaedam MH parallela axi AD, curvae LH alicubi occurrens in H subter ordinatam AL, per curvae LH punctum H tangens Ha ducta intelligatur axi occurrens in Δ , & ordinata HE axi AD perpendicularis, in qua, ordinata HE ad alteram axis partem protracta, sumatur ubique $EA =$ subtangenti $E\Delta$, adeo ut puncta Δ futura sint in quadam curva $\Delta\Omega$, cujus subtangens sit in ejus puncto Δ linea $E\Omega$, ducta scilicet tangente $\Delta\Omega$. Quibus positis, si in altera figura (37.) angulus ADN ubique fuerit ad angulum MAL, ut unitas ad quemlibet numerum positivum & rationalem n , atque in figura 37. longitudo DN semper aequalis fuerit abscissae DE in figura 38. manifestum, singula puncta N locatum iri in curva algebraica ANn , quandoquidem omnia haec puncta algebraice definiiri possunt, cum sectio anguli in ratione numeri ad numerum omnino geometrico fieri possit. Jam, sicut ex alia atque alia curva LH alia atque alia AN oritur, ita quaelibet curva AN aliquam genericam LH admittet, adeo ut haec curva considerata duntaxat in genere, absque ulla attentione ad particularem aliquam speciem, etiam suppeditare possit omnes possibiles curvas ANn . Idcirco, cum canon generalis quaeritur, quo lex gravitatis variabilis in omnibus curvis algebraicis determinetur, res eo deducetur, ut inveniatut formula sollicitationum centralium G pro hac curva generali AN, quatenus ea ex curva itidem generali & algebraica LH resultat. In hac vero disquisitione ita porro est procedendum.

II. Assumpto scilicet in curva LH ejus elemento Hh , per punctum h agantur ha & hm rectis AH & HM aequidistantibus, ac ductis per puncta M, m secantibus AS, As; centro A & radio AX = DP in figura 37, descriptus sit arcus Xx , quo fiet ut, quoniam (secundum hypothesein) ang. ADN: ang. MAL = 1:n, etiam ODo: MAm vel XAx, hoc est arcus Oo sit ad arcum Xx sicut 1 ad n. Quibus positis sic arguo.

III. Triangula similia $Hh\theta$ & $HE\Delta$ praebent Ee (ih): Gg (Hi) = Ea : AG (EH); & triangula similia AMG & $Mm\mu$, dant Gg ($M\mu$): Mm = GM: AL (AM) & Mm: Xx = AL (AM): AX (DP), ac denique, num. 1. hujus Xx: Oo = n: 1, ergo ex aequo & per compositionem rationum, fiet Ee : Oo = n. Ea. GM: AG. DP (vel quia ob triangulorum AGM & ALS similitudinem GM: AG = LS: AL)

= n. EΔ. SL : DP. AL. Atqui (§. 162. n. II.) erat etiam Ee (ibi Np) : Oo = DE : T, ergo n. EΔ. SL : DP. AL = DE : T, atque adeò fiet T = DP. AL. DE : n. EΔ. SL (§. 162. n. I.) = Q. DP : √(EF² - QQ) atque adeo √(EF² - QQ) = n. Q. EΔ. SL : AL. DE, ac denique EF² = (nn. EΔ². SL² + AL². DE²). QQ : AL². DE², vel quia Q = DR. AI : DE, & omittendo instar unitatis factum constans DR, AI, est QQ = 1 : DE², fiet etiam EF² = nn. EΔ². SL² : AL². DE², + 1 : DE².

IV. Sumantur elementa singulorum membrorum hujus ultimæ æqualitatis, atque singulis elementis per 2 divisus (bifariam ea dividi posse ex calculo ilico patet) proveniet EF. af = (nn. EΔ. SL². Δξ : AL². DE²) + (nn. EΔ². SL. Ss : AL². DE²) + (2nn. EΔ². SL². Ee : AL². DE²) + (Ee : DE²). Verum quia (§. 165.) Ss : Mm = AL² : AG², nec non Mm : Gg = AL : MG ac denique Gg : Ee = AG : EΔ, erit SL. Ss = AL². Ee : AG². EΔ, triangulaque similia Δξλ, ac ΔEQ suppeditant EΔ(ΔE). Δξ = ΔE². Ee : EQ, quibus valoribus in superiore æqualitate EF. af = (nn. EΔ. SL². Δξ : AL². DE²) + &c. substitutis, proveniet EF. af (§. 139.) = BE. Ee = G. Ee = (nn. EΔ². SL². Ee : EQ. AL². DE²) + (nn. EΔ. AL². Ee : AG². DE²) + (2nn. EΔ². SL². Ee : AL². DE²) + (Ee : DE²). In qua, si loco rationis SL² : AL² substituetur æqualis ratio MG² : AG², atque omnia ad Ee applicentur, erit BE seu G = (nn. EΔ². MG² : EQ. AG². DE²) + (nn. EΔ. AL² : AG². DE²) + (2nn. EΔ². MG² : AG². DE²) + (1 : DE²), formula generalis sollicitationis centralis in puncto curvæ N, quæ rite ordinata reductis scilicet tribus primis fractionibus ad idem nomen, demum erit $G = \frac{1}{DE} + \frac{(DE. EΔ. MG² + 2. EQ. EΔ. MG² + DE. EQ. AL²). nn. ΔE}{EQ. AG². DE²}$. In qua existente curva LH algebraica, altera ΔΞ algebraica erit, atque adeò omnes EQ, EΔ, EH & GM algebraice dabuntur, hinc etiam, juxta dicta numero 1. hujus, altera curva AN algebraica sit, necesse est, & quia cuilibet curvæ algebraicæ imaginabili AN aliqua LH respondet, & hæc LH omnes curvas generaliter repræsentat, quæ ex omnibus AN resultare queunt, ideo præcedens canon exhibet formulam generalem sollicitationum centralium pro omnibus, quæ concipi possunt, curvis algebraicis AN in infinitum. Quæ erat inveni-
nienda.

COROLLARIUM I.

168. Si nunc præterea ponatur $1:n=\mu:v$, ita ut μ & v significant quoslibet numeros integros & positivos, dicanturque tangens anguli MAL, T, ejus secans S, in fig. verò 37, coordinatæ DQ & QN, x & y respective, & $DN=z=\sqrt{(xx+yy)}$, quibus positis erit tangens anguli $ADN=r y:x$, & secans $=r z:x$, existente radio $DP=r$. Eritque adeò per regulam generalem multifsectionis anguli vel arcus per secantes in Act. Erud. Lips. 1706. pag. 263. traditam, secans anguli ν . $ADN=r z':(x'-02vx'^{-2}yy+04vx'^{-4}y^2-06vx'^{-6}y^3+\&c.)$ & secans anguli μ . $MAL=S^\mu:(r^{\mu-1}-02\mu r^{\mu-3}T^2+04\mu^2 r^{\mu-5}T^4-06\mu^3 r^{\mu-7}T^6+\&c.)$ in quibus numeri ficti $02v, 04v, 06v$, &c. significant, $\frac{v, v-1}{1, 2}$; $\frac{v, v-1, v-2, v-3}{1, 2, 3, 4}$; $\frac{v, v-1, v-2, v-3, v-4, v-5}{1, 2, 3, 4, 5, 6}$ seu coefficients membrorum binomii ad potestatem v sublatis, per saltum excerptas; & numeri $02\mu, 04\mu, 06\mu$, &c. significant ordine, $\frac{\mu, \mu-1}{1, 2}$; $\frac{\mu, \mu-1, \mu-2, \mu-3}{1, 2, 3, 4}$; $\frac{\mu, \mu-1, \mu-2, \mu-3, \mu-4, \mu-5}{1, 2, 3, 4, 5, 6}$; &c. coefficients binomii cujusdam ad potestatem μ eVecti, itidem per saltum excerptas.

Jam, quia (secundum hypothesin) ang. ADN est ad ang. MAL, sicut 1 ad n seu μ ad v , erit omninò multiplicando extrema & media μ . $MAL=v$. ADN , ergo horum secantes æquales erunt. Propterea multiplicatione in crucem instituta, erit $S^\mu.(x'-02vx'^{-2}yy+04vx'^{-4}y^2+\&c.)=r z'.(r^{\mu-1}-02\mu r^{\mu-3}T^2+04\mu^2 r^{\mu-5}T^4-06\mu^3 r^{\mu-7}T^6+\&c.)$ generalis æquatio curvarum algebraicarum AN, nam existentibus μ & v numeris integris & positivis, hæ series indefinitæ semper abrumpentes erunt, atque adeo finito terminorum numero constabunt.

COROLLARIUM II.

169. Si in Canone articuli 167. loco ordinatæ EH ponatur $e...A$, quælibet quantitas composita ex data seu constante e , & variabile A , datâ tamen utlibet in z , & quantitatibus constantibus, adeo ut A , infinitas numero diversas quantitates ex z & datis quomocunque compositas, immò omnes, quæ cogitari possint significet. Puncta quantitatibus præfixa omnem possibilem signorum + & - ad quantitates illas respicientium variationem denotant, adeò

Fig. 38.

78 DE VIRIBUS ET MOTIBUS CORPORUM LIB. I.

ut per quantitates punctis invicem adjunctas non solum summa quantitatum, sed etiam differentia earundem intelligenda sit in genere, hoc est differentia ipsarum, sive e excedat alteram A, sive ab eadem deficiat. Data ordinata EH, in quantitatibus algebraicis, facile invenietur subtangens EA curvæ LH, seu ordinata AE alterius curvæ AZ, cujus subtangens EQ etiam habebitur in quantitatibus algebraicis. Idcirco substitutis valoribus subtangentium EA, EQ, ordinatæ EH vel æqualis AG, tum etiam rectæ GM, quæ ex altera AG & data AL facile reperitur, in canone supra citato & habebitur generalis formula sollicitationum centralium in omnibus curvis algebraicis. Ponendo igitur elementum ipsius A seu dA esse Bdz, & elementum dB quantitatis B esse cdz, existente DE=z, item AL=rr, & rr-cc=ss. Si calculus recte initus fuerit, repetitur pro sollicitatione centrali G in quolibet curvæ AN puncto N,

$$G = \frac{1}{z^3} + \frac{(2ssB+ssCz \mp cB^2 \pm 4cAB \mp 2cACz + AB^2 - 2A^2B - A^2Cz).nn}{B^3z}.$$

Quam late pateat usus hujus formulæ exinde potest colligi, quod, præterquam quod quantitas A omnem quantitatem per z & constantes datam designet, numerus n omnes numeros rationales atque positivos integros & fractos significet.

S C H O L I U M.

170. Ut appareat usus insignis nostræ formulæ, exemplo eandem particulari eandem applicare libet. Sic si fuerit $A = z^m : a^{m-1}$ ubi m significet quemlibet numerum rationalem, fractus ne sit an integer nil refert, eritque $B = mz^{m-1} : a^{m-1}$, & $C = (mm-m)z^{m-2} : a^{m-1}$. Qui valores, in formula superioris Corollarii substituti, dabunt formulam quæ etsi particularis est alterius respectu, ex qua deducta est, infinitas tamen diversas curvas algebraicas suppeditare potest, immò infiniti infinitas. Formula autem ipsa erit talis quæ sequitur

$$G = \frac{mm-m}{mmz^3} \pm \frac{m+2.mms}{mmz^{m-1}} + \frac{m-1}{mmz^{m-1}} \frac{2m-2}{mmz^{m-1}}.$$

Hinc 1°. Si $m = -1$, & $n = 1$, erit $G = +e : aaz$, atque adeò sollicitatio gravitatis ubique in reciproca duplicata ratione distantiz mobilis à centro D. Videamus quanam curva ex ista hypothefi debeat resultare. In corollario primo fecimus $1:n = p:v$, unde cum hoc casu sit $n = 1$, erit etiam $p = v = 1$, unde si valores hosce

hosce in æquatione generali §. 168. circa finem, substituas, evanescent omnes coefficientes 02μ , $04\mu^2$, &c. & omnes 02^v , 04^v , 06^v , &c. adeò ut hoc casu curvæ æquatio sit $Sx=rz$. Jam quia $A (=z^n : a^{n-1})$ hoc casu est $=aa:z$, atque adeò in fig. 38, ordinata EH, quæ assumenda est æqualis differentiæ quantitatum e & A , non summa, quia in ambiguo signo superius in formula retinimus quod indicat talem differentiam, atque inferius summam; ordinata inquam EH hoc casu erit $=+e+A=+e+\frac{aa}{z}=(+ez+aa):z$, atqui S, seu secans anguli MAL, est tertia proportionalis ad AG seu EH, & radium AM vel AL $=r$, ergo $S=rrz:(+ez+aa)$, adeoque æquatio $Sx=rz$, mutatur in $\frac{rrx}{+ez+aa}=rz$, ex quâ elicitur $rx=+ez+aa$ vel potius $ez-aa=+rx$, aut $ez=aa+rx$, quæ est æquatio *Sectionum Conicarum*, in quibus abscissæ x sumuntur sursum & deorsum à foco. Ergo in hac hypothese centrum virium, seu sollicitationum gravitatis, sunt umbilici sectionum conicarum, quod jam omnibus constat egregie conspirare cum iis, quæ demonstrata sunt ab Illustr. Newtono, Leibnitio, Varignonio & aliis, circa vires, quas vocant centripetas in sectionibus conicis methodis directis.

2°. Sit $m=-2$, & $n=2$, atque e major quam r , ita ut $ss=rr-ee$ sit quantitas negativa, erit $G=-ssz:a^2$, atque adeò sollicitationes erunt ut distantia à centro. Æquatio curvæ pro hac hypothese sic indagabitur. Quoniam $n=2$, & $1:n=\mu:v$ erit $v=2\mu$, atque adeò æquatio generalis (§. 168.) huic casui applicata mutabitur in hanc sequentem $Sxx-Syy=rzz$. seu, quia $A (=z^n : a^{n-1})$ hoc casu est $=a^2:zz$, & $S=rr:e-A=rrzz:ez-aa$, fiet $(rrxxzz+rryyzz):ez-aa^2=rzz$, atque adeò $rxx-ryy=ez-aa^2=exx+eyy-a^2$; hinc $a^2+r-exx=e+ryy$. Jam quia e (secundum hypothesein) major est quam r , quantitas $r-e$ erit negativa, atque adeò æquatio erit ad ellipsin, cujus axis transversus est ad conjugatum sicut $v(e+r)$ ad $v(e-r)$; & in qua abscissæ x originem in centro habent. Idcirco sollicitationes gravitatis, quæ in ellipsi sunt ut distantia à centro sollicitationum, diriguntur ad centrum ellipseos, quod iterum ex demonstratis Newtonianis constat verum esse; nam si, ut Excell. hic Autor, & postea Cl. Varignon fecerunt, queratur qualem gravitates mobilis, perimetrum ellipseos circumeuntis, legem sequi debeant, si earum directiones in centro ellipseos concurrant, re-

perietur ejusmodi sollicitationes distantis mobilis à centro ellipsoos proportionales esse. Sin verò r major sit, quam e , inventa nostra æquatio erit ad hyperbolam, & sollicitatio centralis erit negativa atque adeò centrifuga.

3°. Si $m=1=n=\mu=v$, & $e=0$, erit $G=2ss:z'$. Atque æquatio generalis (§. 168.) mutabitur in hanc particularem $Sn=rz$, in qua erit $S=rr':z$, hinc $rrx:z=rz$, vel $rx=zz=xx+yy$. Ergo hoc casu centrum sollicitationum est in circumferentia circuli, curvæque quæsitæ ipsa circuli circumferentia, quod à posteriori hætenus laudati viri Newtonus atque Varignonius ostenderunt. Vid. Lib. I. *Pr. Phil. Nat. Math.* Prop. VI. & *Comm. Acad. Reg. Sc.* Par. 1700. die 31. Martii art. XI.

4°. Generaliter, si G sit ut z' , ubi p est quilibet numerus rationalis positivus vel negativus, excepto solo -1 , curvæ semper algebraica haberi potest tali sollicitationum centralium legi satisfaciens, in qua tamen vel e aut s evanescent seu nihil sunt, alioqui nullæ curvæ algebraicæ talibus hypothesibus inveniri possent satisfaciētes, exceptis casibus ipsius p significantis numeros 1 & -2 , quibus sectiones conicas convenire in præcedentibus exemplis ostensum.

Si $p=0$, reperietur curvæ ANn æquatio $x^3-3xyy+z^3=\frac{2s^3}{r}$, in cujus curvæ singulis punctis sollicitatio centralis constans quidem sed negativa est, mobile à centro repellens. Sin verò ponatur in formula §. 170, $m=-1$, & $e=0$, fiet G ut $\frac{1-n^2}{z^3}$, hoc est recipro-

ce, ut cubus distantie mobilis à centro sollicitationum, & huic casui infinitæ conveniunt curvæ, infinitæ scilicet geometricæ infinitæque infinitæ Mechanicæ seu transcendentes, prorsus ut à Cel. Joh. Bernoullio animadversum in *Aët. Lips.* 1713. Mens. Mart. p. 129, ubi infinitas exhibet diversis spiraliū species, quarum unæ continent curvas algebraicas, aliæ vero transcendentes. Nam quia (secundum hypothesin) $m=-1$, erit $A(=z^n:a^{n-1})=aa:z$, ideoque curva LH erit hoc casu hyperbola inter asymptotas per centrum sollicitationum, vel potius per punctum D ad angulos rectos ductas, ita ut una earum existente DA altera sit ipsi AL parallela. Adeoque cum secans AS sit tertia proportionalis ad AG , vel $EH=aa:z$, & radius AL , erit $AS=rrz:aa=z$ si AL sit $=a$. Unde si in fig. 37. fiat angulus ADN ad angulum MAD (§. 167.) sicut 1 ad n , atque in recta Dp sumatur ubique DN æqualis se-

Fig. 38.

canti

canti AS, punctum N erit in curva quæ sita ANn, quæ proinde erit algebraica quoties n numerus fuerit rationalis & affirmativus, atque talis constructio coincideret fere cum eâ quam Celeb. Newtonus dedit in Corollario 6. post Prop. 44. Lib. I. *Princ. Phil. Nat. Math.* Imò etiam cum Bernoulliana, quæ habetur loco supra citato, quanquam ejusmodi curvæ apud Acutissimum Virum aliter positz sint, quam in Newtoniana vel nostra constructione. Nam ducta in figura 37. linea Dd axi DA normali, si jam ubique fiat angulus dDN ad angulum θ AM, sicut 1 ad n , atque ut antea, in recta Dp sumatur DN æqualis ipsi DS, punctum N etiam nunc erit in curva optata, quæ asymptotam habebit ipsi Dd parallelam, cujus ab hac Dd distantia erit ad DP, ut 1 ad n : curva verò per punctum A non transibit, in altera vero constructione nostra curva transit per A, atque asymptotam habebit per D transeuntem, facientem cum DA angulum, qui se habet ad angulum rectum, ut 1 ad n . Et quidem hæc pauca exempla ad illustrationem formulæ ab initio hujus articuli allatz adduxisse sufficiat, ex quibus satis jam perspicax Lector animadvertere potest, quam immensi pene usus sit generalis solutio problematis articulo 167. propositi & soluti, quandoquidem sola formula particularis articulo 170. paulo ante memorata iusto tractatui conscribendo abundantem materiam subministrare posset.

CAPUT III.

De Motu Isochrono corporum in curvis descendentiis. juxta quamlibet gravitatis variabilis hypothesein, atque gravium directionibus etiam in centro gravium convergentibus; & de Motu Pendulorum

DEFINITIO.

CUM corpus grave motu suo ex quiete arcus quoscunque inæquales alicujus curvæ, sed terminatos tamen omnes ad infimum curvæ punctum eodem vel æquali tempore, perlabitur, talis linea curva *Isochrone* dici solet. Ut si grave A, ex quolibet curvæ BFA puncto B, F, E &c. à quiete descensum incipiens motu suo quomodocunque accelerato, eodem seu pari tempore arcus utlibet inæ-

Fig. 40.

L

quales

quales BeA , FeA , EXA , sed terminatos omnes ad infimum curvæ punctum A , absolvat, curva hæc BEA Isochrone vocabitur.

PROPOSITIO XXVI. LEMMA.

171. *In quolibet triangulo rectilineo, cujus basis à linea intra triangulum ex angulo basi opposito ducta, pro libitu in duo quæcunque segmenta dividitur, solida quæ fiunt ex quadratis laterum in alterna baseos segmenta simul sumpta æquantur duobus solidis, quorum unum fit ex quadrato lineæ basin dividensis in hanc basin, alterum ex rectangulo*
 Fig. 39. *segmentorum basis in totam pariter basin.*

Sit triangulum quodvis ABC , cujus basis BC dividatur in D à recta AD pro libitu intra triangulum ducta. Probari debet esse $AB^2 \cdot DC + AC^2 \cdot BD = AD \cdot BC + BD \cdot DC \cdot BC$.

Demonst. I. Descripto circa triangulum circulo ABE , producat AD in E , & jungantur BE , CE , & triangula similia BAD ac ECD præbent analogiam $AB : AD = EC : DC$ atque adeò $AD \cdot EC = AB \cdot DC$. Atque à triangulorum ACD , BED similitudine elicitur $AC : AD = BE : BD$, & rec-lum $AD \cdot BE$ æquale rec-lo $AC \cdot BD$.

II. In quadrilatero $ABEC$ circulo inscripto, est $AB \cdot EC + AC \cdot BE = AE \cdot BC = AD \cdot BC + DE \cdot BC$. Vel ascita communi altitudine AD , fiet $AB \cdot EC \cdot AD + AC \cdot BE \cdot AD = AD^2 \cdot BC + AD \cdot DE \cdot BC$. Adeoque subrogando loco rectangulorum $EC \cdot AD$ & $BE \cdot AD$ hæc rec-la $AB \cdot DC$ & $AC \cdot BD$ quæ illis (num. 1) æqualia ostensa sunt, & loco rectanguli $AD \cdot DE$ æquale rec-lum $BD \cdot DC$; erit $AB^2 \cdot DC + AC^2 \cdot BD = AD^2 \cdot BC + BD \cdot DC \cdot BC$. Quod erat demonstrandum.

PROPOSITIO XXVII. THEOREMA.

Fig. 40. 172. *Si gravium directiones convergant in centro O , atque circa axem OC descriptæ sint tres curvæ, scilicet scala sollicitationum gravitatis variabilis cha , deinde curva ARD , cujus qualibet ordinata HR possit duplum homologæ areæ $AHha$ in scala gravitatis, ac denique tertia curva AEB , cujus arcus quilibet AXE , à circulo HE radio OH descripto, terminatus sit ad homologam ordinatam HR in curva ARQ , ut aliquis datus numerus N , ad unitatem, erit hæc tertia curva BEA , isochrona.*

Pona-

Ponatur grave delapsum esse per arcum curvæ BEA motum à quiete in B incipiendo, atque Ee elementum esse curvæ AE, per cuius terminum e descriptus centro O arcus eV axi occurrat in V, per quod punctum ducatur ordinata VL in curva ARD, atque super huius curvæ basi CD descripto quadrante circuli CDIK, per puncta R, r agantur RI, & ri circulo occurrentes in I, i, ejusque radio DP in punctis P, p, ductaque per I lineola Io parallela CD, jungantur denique CI, Ci. Quibus positis

I. Quia (secundum hypothesin) $CD^2 = 2. ACchaA$, & $HR^2 = 2. AHhaA$, erit $CD^2 - HR^2$, hoc est $CD^2 - GP^2$, vel $CI^2 - CP^2$, id est $IP^2 = 2. CHhgc = 2. ACchaA - 2. AHhaA$, ergo $IP = \sqrt{2. CHhgc}$ Item quia (secundum hypothesin) $AE:HR = N:1$, erit $AE = N. HR$, adeoque $Ee = N. R = N. Pp = N. Io$.

II. Supra (§. 136.) ostensum, eandem vel æqualem acquirere celeritatem duo mobilia pondere & massa æqualia in duobus punctis E, H centro O æquidistantibus, si ex punctis pariter æque altis B, C unum in curva BEA alterumque in recta CA à quiete moveri cœperint, atque spatia BE & CH descripserint. Et vocando corporis A massam per hanc eandem literam A, celeritas acquisita in H ex descensu per CH, vel in E ex descensu per BE (§. 144.) erit $\sqrt{2. CHhc} : \sqrt{A}$, seu (num. 1 hujus) $= IP : \sqrt{A}$. Unde, quia (num. 1) $Ee = N. Io$ atque spatiolum Ee applicatum ad velocitatem quæ percurritur, denotat tempus quo absolvitur seu tEe , erit propterea $tEe = N. Io. \sqrt{A} : IP$. Atqui propter triangula similia CIP, & Iio, ratio Io ad IP æqualis est rationi Ii : CI, hoc est (§. 129.) angulo ICI, idcirco $tEe = N. \sqrt{A. ang. ICI}$: ergo omn. tEe , hoc est, $tBE = N. \sqrt{A. omn. ICI}$ seu ICD , atque adeo $tBE = N. \sqrt{A. ang. ICD}$. & $tBEA = N. \sqrt{A. ang. KCD}$.

III. Si jam mobile non amplius in B, sed in alio quocunque curvæ puncto F descensum incipiat, centro O per hoc punctum F ducatur circulus FG & per G ordinata GQ curvæ ARD occurrens in puncto Q, per quod agatur QN axi AC parallela ac denique radio CN descripto quadrante MLN, jungatur LC, atque hisce positis eodem quo in antecedente numero, conficitur argumento existere $tFE = N. \sqrt{A. ang. LCN}$. Cogitatione tua absconde vel aufer totum spatium, quod est inter lineas mixtas BCD & FGQ, ac quadrantem MCN admove pariter ordinatæ GQ, & hac ratione hunc casum, quo mobile ex F descendere incipit, reducis præcise ad casum præcedentem; cum AEF nunc spectetur velut integra

curva, ex cujus principio F proficiscatur mobile & analogæ curvæ ARQ basis GQ quadrantem habet sibi insistentem, quemadmodum basis CD suum quadrantem KID, idcirco tempus per FE, hoc est $tFE = N \cdot \sqrt{A}$. ang. LCN, atque adeo $tFEA = N \cdot \sqrt{A}$. ang. MCN. Est ergo $tBEA$ ad $tFEA$, ut $N \cdot \sqrt{A}$. ang. KCD ad $N \cdot \sqrt{A}$. ang. MCN hoc est, sicut angulus rectus KCD ad angulum rectum MCN, atque adeo in ratione æqualitatis; ergo æquali tempore omnes arcus BA, FA, XA &c. percurrentur, atque adeo curva propositionis nostræ BEA est isochrona. Quod erat demonstrandum.

COROLLARIUM I.

173. Si θA fuerit radius osculi seu curvaturæ isochronæ in vertice A, erit generaliter $N = \sqrt{(\theta A \cdot OA : \theta O \cdot Aa)}$. Sumto enim arcu AX indefinite parvo vertici contiguo, ductisque ex centro O arcu XY, & per Y ordinata Yy curvam AR secante in z. Jam quia (secundum hypothefin) $AX = N \cdot YZ$, vel $AX^2 = NN \cdot YZ^2$ (secundum hypothefin) $= NN \cdot \text{dupl. areæ } AYya = 2NN \cdot AY \cdot Aa$; & quia AY est aggregatum sinuum versorum arcuorum AX & XY instar æqualium accipiendorum, quorum centra sunt θ & O, fiet $AY = \frac{AX^2}{2\theta A} + \frac{AX^2(XY^2)}{2OA}$, atque adeo $2AY = AX^2 \cdot \theta O : \theta A \cdot OA$, ac proinde substitutione facta, proveniet $AX^2 = NN \cdot AX^2 \cdot \theta O : \theta A \cdot OA$, ex qua facile elicitur $NN = \theta A \cdot OA : \theta O \cdot Aa$, & $N = \sqrt{(\theta A \cdot OA : \theta O \cdot Aa)}$.

COROLLARIUM II.

174. Si jam minimus isochronæ arculus XA vertici A adjacens consideretur instar arcus circularis radii θA à pondere A filo θA appenso descripti; erit tempus, quo arculus XA vel tota curva BEA describi potest, semissis unius oscillationis penduli θA . Unde, quia (§. 172.) $tXA = N \cdot \sqrt{A}$. ang. rectum, erit $4tXA$, seu duratio duarum penduli cujusque oscillationum minimarum, quod deinceps dicatur T, erit inquam $T = N \cdot \sqrt{A} \cdot 4$ rectos seu nominando peripheriam p, cujus radius I erit $T = pN \cdot \sqrt{A}$, vel substituendo valorem ipsius N articulo præcedenti definitum, reperietur $T = p\sqrt{(A \cdot \theta A : AO : \theta O \cdot Aa)}$. Qui est canon valde generalis, in quo θA significat longitudinem penduli, AO ponderis minimam distantiam à centro

tro gravium O , ΘO distantiam puncti suspensionis Θ ab eodem centro O , Aa pondus corporis oscillantis A in infimo loco positi, & T tempus duarum penduli ΘA vibrationum minimarum. Hæc determinatio probe consentit cum assertionibus paulo specialioribus Newtoni Prop. 52. *Lib. I. Pr. Ph. Nat.*

COROLLARIUM III.

175. Si centrum O sit infinite distans à puncto Θ , æquabuntur ipsæ ΘO & AO , atque formula præcedentis corollarii mutabitur in sequentem $T = p\sqrt{(A. \Theta A : Aa)}$. Hinc 1°. tempora oscillationum diversorum pendulorum sunt in composita ratione ex subduplicata massarum & longitudinis pendulorum directe & subduplicata itidem sed inversa ponderum. 2°. Tempora oscillationum pendulorum æqualium sunt in composita ratione ex subduplicata directa ratione massæ corporum & subduplicata inversa ratione ponderum. 3°. Si sollicitationes, quibus pendula agitantur, id est pondera corporum longitudini pendulorum proportionalia sint, tempora oscillationum erunt in subduplicata ratione massarum corporum agitatorum, & hæc tempora erunt æqualia, si iisdem positis, massæ insuper corporum ponderibus proportionales fuerint. 4°. Massæ vero, seu materiæ quantitates, erunt in composita ratione ex ponderum ratione pendulis æqualis longitudini appensorum, & ex duplicata ratione temporis oscillationum. Atque hoc ipsum est Prop. 27. *Lib. II. Pr. Ph. Nat.* qua usus est Cl. Vir ad explorandum utrum pondera corporum ipsorum massis proportionalia sint, nec ne; ac reperit hic Author experientis, accuratissime pendulorum ope sumtis, pondera corporum massis constanter proportionata esse. Sed hoc loco sermo est de ponderibus absolutis corporum; non vero de relativis, qualia habent cum fluidis diversis demersa sunt; hoc enim casu pondus portiois cuiusdam fluidi volumine æqualis corpori demerso à pondere absoluto hujus corporis debet auferri, ut habeatur ejus pondus relativum, quod intra fluidum, cui immersum est, habet.

COROLLARIUM I.V.

176. Cum multitudines oscillationum æqualibus temporibus à diversis pendulis absolvendarum sint in contraria ratione temporum, quo unumquodque pendulum unam oscillationem peragit, multi-

tudines oscillationum æqualibus temporibus peractarum erunt proinde in composita ratione ex ratione subduplicata directâ ponderum & subduplicatis rationibus inversis massarum & longitudinum pendulorum. Aut, si pondera massis proportionalia sint, ut tuto id assumi potest, erunt prædictæ oscillationum multitudines, ut radices ex lineis, quæ pondera seu vires gravitatis exponunt, quibus pendula agitantur, applicatis ad pendulorum longitudines. Atque adeò, 1°. pendulorum inæqualium, sed eadem gravitatis sollicitatione agitatorum, vibrationes eodem tempore absolvendæ sunt in reciproca subduplicata ratione longitudinis pendulorum. 2°. Numerus oscillationum unius penduli erit ad numerum oscillationum eodem tempore peractarum in alio pendulo ejusdem longitudinis cum primo, in subduplicata ratione sollicitationis gravitatis, qua primum ad sollicitationem gravitatis, qua alterum pendulum primo quoad longitudinem æquale agitur. Atque hoc posterius ad amissum convenit cum regula quam Bernoullius in elegantissimo suo schediasmate Act. Lips. 1713. M. Februario inserto, tradit paragrapho 16, ex qua deinceps gravitates específicas eruere docet ex pendulorum experimentis modo plane novo nec antea cognito.

S C H O L I O N.

177. Ex corollariis proxime antecedentibus satis elucere existimo, quantæ utilitatis sit theorema nostrum generale isochronismi corporum in curvis, assignata lege descriptis, descendantium, cum ex ea omnia, quæ ad pendulorum motus spectant, tanta facilitate deducantur: interim oscillationes pendulorum quam minimas considerare convenit propter rationes §. 174. indicatas, scilicet quia tum demum pendulum vel penduli pondus arcum isochronæ, cujus tempus dimensum sumus, percurrere censetur, cum minimum arcum circulare ipsum describit, quoniam, eo casu, talis arcus circularis osculatur arcum isochronæ duplum ipsius XA seu arcum XAX , posito arcu AX in curva BEA , ex altera axis AC parte constituta æquali arculo AX , & quia osculari atque congruere in Geometria unum idemque significant, saltem in ea parte, in qua osculum contingit. Sin verò arculi AX non sunt minimi, hæc tamen omnia adhuc subsistent, si pendula inter se collata vel eorum pondera curvas similes descripserint.

178. Ut igitur quæ in antecedentibus corollariis sparsim dicta sunt

sunt in compendium colligantur; nominentur numerus oscillationum aliquo tempore peractarum à primo pendulo N , ejus longitudo L , quæ in schemate repræsentatur linea ΘA , corporis A gravitas absoluta G , ejus massa M , adeoque M nunc significat idem ac A , & G idem ac linea Aa in schemate; atque retenta T pro designando tempore duarum oscillationum minimarum hujus penduli. In secundo pendulo eadem res iisdem, ac in primo, literis, sed minusculis exprimantur, atque adeò corollarium 3. præbebit has regulas $T = p\sqrt{(M \cdot L : G)}$ & $t = p\sqrt{(m \cdot l : g)}$. Corollarium vero 4. exhibet $N : n :: t : T$, vel $NT = nt$. Unde quot diversis modis singulæ literæ T , G , L , M , N & homologæ t , g , l , m , n inter se conferri possunt, tot inde resultabunt alia atque alia theoremata, à quibus omnibus sigillatim recensendis brevitatis gratia abstineo. Hactenus isochroniam tantum in genere consideravimus nulli particulari hypothesi gravitatis inhærentes. Quid verò ex una alterave ejusmodi hypotheseon resultare debeat, indagabimus in sequentibus problematibus.

PROPOSITIO XXVIII. PROBLEMA.

179. *Invenire isochronam in hypothesi gravitatis uniformis atque directionum gravitatis inter se parallelarum seu in centro infinite distantium.* Fig. 41.

Quoniam centrum sollicitationum gravitatis O infinite distat à basi CD curvæ ARD , lineæ BC , EH , quæ antea (§. 172.) erant arcus circulares centro O descripti, nunc fient rectæ inter se parallelæ & axi AC perpendiculares & quia (secundum hypothesin) gravitas uniformis, ejus scala erit linea recta *cha* axi AC parallela, & quia (§. 172.) $HR^2 = 2 \cdot HAah$, curva ARD hoc casu parabola erit, cujus parameter $2Aa$. At propter ΘO & AO æquales, fiet $N = \sqrt{(\Theta A : Aa)}$. Jam quia (§. 172.) $AE = N \cdot HR = N \cdot \sqrt{(2Aa \cdot AH)} = \sqrt{(2\Theta A \cdot AH)}$, erit $\frac{1}{2}AE = \sqrt{(\frac{1}{2}\Theta A \cdot AH)}$, vel bisecta ΘA in C , erit $\frac{1}{2}AE = \sqrt{(AC \cdot AH)}$, id est, super diametro AC descripto semicirculo ASC , lineam EH secante in S , = subtenfæ AS , quandoquidem hæc media est geometrica inter diametrum AC & abscissam AH . Sic etiam $\frac{1}{2}Ae = As$, atque adeo $\frac{1}{2}Ee = AS - As$, id est demissa Sm perpendiculari super As productam, = sm , adeoque $Ee = 2 \cdot sm$, in suppositione infinitæ parvitatis arculi Ee , quo casu sm est differentia seu excessus subtenfæ AS supra subtenfam minorem

rem As. Verum quia ductis per puncta A & S tangentibus AT & ST occurrentibus in T, hæ tangentibus erunt æquales, etiam uS æquabitur Ss , atque adeò perpendicularis Ssm bifariam dividet basim su trianguli isoscelis sSu , adeò ut su sit $= 2sm$, atque adeo $Ee = su$; idcirco quadrilaterum $Eesu$, in quo latera opposita Eu & es sunt æquidistantia & reliqua opposita latera Ee , us æqualia, erit parallelogrammum, atque adeò $ES - es = uS = Ss$, hinc (§. 87.) omnes differentiæ $ES - es$ seu excessus maximæ ES supra minimam, quæ in vertice A nulla est, hoc est sola ES æquatur omnibus Ss seu arcui circuli AS & sic ubique, propterea Isochrone quæ sita BEA est Cyclois ordinaria, cujus semibasis BC æquatur peripheriæ semicirculi ASC. Quod erat inveniendum.

C O R O L L A R I U M.

180. Tempus descensus per cycloidis arcum BE, erit ad tempus per axis partem æquealtam CH, sicut arcus CS circuli generatoris interceptus inter parallelas BC & EH, ad subtensam CS ejusdem arcus. Nam propter parabolam ARD & circumulum ASC, est $CI(CD) : CP(HR) = CA : AS$, atque adeò anguli ICP & CAS vel CSH æquales sunt, adeò ut SC & CI in directum jaceant. Jam quia (§. 172. n. 11.) $tBE = N$. ang. ICD. erit etiam $tBE = N$. ang. SAC, atqui (§. 129.) angulus SAC $= \frac{1}{2}$ arc. SC : $\frac{1}{2}$ CA = arc. CS : CA, ergo $tBE = N$. arc. CS : CA, vel quia $N = \sqrt{\theta A : Aa}$, erit $tBE = \text{arc. CS} \cdot \sqrt{\theta A : CA \cdot Aa}$, aut quia $\theta A = 2CA$, fiet $tBE = 2 \cdot \text{arc. CS} : \sqrt{2CA \cdot Aa} = \text{arc. CS} : CD$, propter parabolam ARD, & tCH (§. 151.) $= \sqrt{2CH : Aa}$ nulla habita ratione massæ corporis, cum hoc loco mobile non conferatur cum aliis, sed unum idemque corpus tantum in linea curva BEA vel in axe CA moveri intelligatur, adeò ut loco ipsius M, quæ formulam articuli citati 151. ingreditur, poni possit unitas. Sed $tCH = \sqrt{2CH : Aa}$ reducitur ad $tCH = \sqrt{4AC \cdot CH : 2CA \cdot Aa} = 2CS : CD$, ergo $tBE : tCH$, ut fractio $\frac{2 \text{arc. CS}}{CD}$ ad $\frac{2 \text{subt. CS}}{CD}$; atque adeò tempus per BE est ad tempus per CH sicut arcus CS ad ejus subtensam CS.

Propterea tempus per totam semicycloidem BEA ad tempus descensus mobilis per axem ejus CA se habet, ut semicircumferentia CSA ad diametrum CA. prout primùm ab Hugenio, dein à multis aliis demonstratum est; sed ex fundamentis ab hisce nostris multum diversis.

P R O.

PROPOSITIO XXIX. PROBLEMA.

181. Si scala sollicitationum gravitatis centralium fuerit linea recta *Fig. 42.*
ha, quæ deorsum producta transeat per centrum *O* sollicitationum gra-
 vitatis; invenire isochronam *BEA* in hac hypothesi.

Quia (§. 172.) $HR^2 = 2.HAab = (HO^2 - AO^2)$. *Aa*: *AO* propter
 trapezium *HAab*, curva *AR* invenitur hyperbola esse, in quâ HR^2 .
 $AO:Aa = HO^2 - AO^2$.

II. Ex aliquo axis puncto *G*, tanquam centro, descriptus circulus
AMN ab arcubus concentricis indefiniteque vicinis *EH*, *eK* secetur
 in punctis *I* & *q* actisque ex centro *G* ad hæc puncta radiis *GI*
 & *Gq*, tum etiam rectis *AI* & *Aq*, illa seu *AI* secet arcum *eK* in
p, sitque arculus *qr* centro *A* descriptus, junganturque demum
IO, *qO* & *pO*.

Jam in triangulo *IGO*, si *GO* consideretur instar baseos, erit ut
 supra (§. 171.) ostensum $IG^2.AO + IO^2.AG = AI^2.GO + GA.AO$.
 GO , atque adeo $AI^2.GO = IO^2.AG + IG^2.AO - GA^2.AO - AO^2$.
 $AG = HO^2.AG - AO^2.AG$, & per consequens $HO^2 - AO^2 = AI^2$.
 $GO:AG$ (vel num. 1. hujus) $= HR^2.AO:Aa$; hinc fiet HR^2 :
 $AI^2 = Aa.GO:AG.AO$, & (§. 172.) $AE^2:HR^2 (= NN:I) = \theta A$.
 $OA:\theta O.Aa$, ergo ex æquo & per compositionem rationum fiet
 $AE^2:AI^2 = Aa.GO.\theta A.OA:AG.AO.\theta O.Aa = \theta A.GO:\theta O.AG$,
 hinc $AE:AI = \sqrt{(\theta A.GO):\theta O.AG)}$ atque adeo est curva *AE*
 ad homologam *AI* in data ratione, ac propterea $Ee:Ir = \sqrt{(\theta A.GO):\theta O.AG}$.

III. Ergo inter circulos concentricos *EH* & *eqK* ad punctum *I*
 aptanda esset quædam lineola, quæ sit ad *Ir*, differentiam inter sub-
 tensas *IA* & *qA*, in data ratione $\sqrt{(\theta A.GO):\theta O.AG)}$. Ve-
 rum quia facile videtur esse *Ip* portiunculam subtenfæ *AI* à præ-
 fatis circulis concentricis interceptam ad prædictam subtenfarum
 differentiam *Ir* in data ratione duplæ *GD* ad *CF*, demissis scilicet ex
 punctis *G* & *C* perpendicularibus ad lineam *OI* productam, vel
 duplæ *GO* ad *CO*; elementum ergo curvæ *Ee* lineolæ *Ip* æquale
 poni potest ex eo ipso, quod *Ip* & *Ee* habeant ad *Ir* datam ratio-
 nem, quod respectu rationis *Ip* ad *Ir* ita esse demonstrandum est. A-
 gantur *MC*, *IC*, & *MN*, quo facto, erunt primum triangula *Ipi*
 & *CIF* similia, quandoquidem angulus *CIA* in semicirculo rectus
 efficit, ut duo *pIi* & *CIF* simul rectum æquent, ut adeo angulus *pIi*

M

æqua-

æqualis sit angulo FCI & cum anguli ad i & F sint (secundum hypothesin) recti, necesse est, ut tertius tertio atque adeo triangulum triangulo simile sit. Secundo, quia angulus qli sub tangente Iq & secante IO, vel ejus verticaliter oppositus æqualis angulo MNI, in alterno segmento ipsius IM, angulique i & IMN recti sunt, triangula ipsa INM & qli similia existunt. Tertiò, triangula etiam Iqr & CAI similia erunt, quoniam angulus qIA sub tangente Iq & secante IA æquatur angulo ICA in alterno segmento, & anguli ad r & AIC recti, adeoque tria hæc triangulorum similia paria supeditabunt has analogias $Ip:li=IC:CF$, item $Ei:Iq=MN:IN$, & denique $Iq:Ir=AC$ vel $IN:IC$; ergo ex æquo fiet $Ip:Ir=MN:CF=2DG:CF=2GO:CO$.

IV. Adeoque, cum sit (num. II.) $Ee:Ir=\sqrt{\theta A.GO}:\sqrt{\theta O.AG}$ & num. III. $Ip:Ir=2GO:CO$, erit $Ee=Ip$, si fuerit $\sqrt{\theta A.GO}:\sqrt{\theta O.AG}=2GO:CO$; hæc ergo rationum æqualitas assumatur, quoniam recta θA ad nullam adhuc magnitudinem est restricta, suamque magnitudinem etiam ad diametrum circuli CA relatum habere debet; fietque hoc casu $\theta A=2OG.AC:A\theta$; nec non $Ip=Ee$ atque adeo $ip=fe$; porro (§. 129.) est $qp=pO$. ang. pOq , & $qr=Aq$. ang. $qAI=Aq$. ang. IGq . Verum quia $pq:qr(=Ip:li=IC:CF)=AC:MC$, idèd $MC.pq=AC.qr$, vel $pO.MC$. ang. $pOq=Aq.AG$. ang. $qAI=AI.AC$. ang. $IGq=AI.AG$. ang. IGq , ergo $pOq=AI.AG$. ang. $IGq:KO.MC$, sed propter triangula similia OIA & OCM, erit $IA:MC=IO:CO=HO$ vel $KO:CO$; propterea ponendo loco AI & MC, homologas proportionales KO & CO, fiet ang. $pOq=KO.AG$. ang. $IGq:KO.CO=AG$. ang. $IGq:CO$, atque adeò omnes pOq , qui singulis IGq respondent $=AG$. omn. $IGq:CO=AG$. ang. $IGA:CO$, aut posito angulo SOC=omnibus qOp , fiet SOC=AG. ang. $IGA:CO$, seu CO. ang. SOC=AG. ang. IGA , verum (§. 129.) CO. ang. SOC=arcui SC, & AG. ang. IGA =arcui IA; ergo arcus SC=arcui IA, atque BC=AIMC. Jam $EOe=IOp=IOq+qOp$; ergo $\int EOe=\int IOq+\int qOp$, idèd, $EOA=IOA+SOC$, sed $EOA=EOT+SOC$, ergo $EOT+SOC=IOA+SOC$, atque adeò $EOT=IOA$; idcirco super diametro ST=CA descriptus semicirculus SET transibit per curvæ AB punctum E; eritque arcus SVE=arcui SB, quandoquidem jam arcus AI vel TE ipsi CS, & AMC vel TVS toti CSB æquales sunt ostensi. Propterea curva quæ sita in hac hypothefi particulari BEA est *Epyclois* quæ describitur motu puncti in circumferentia circuli SVT fixi E, cum scilicet

licet hic circulus in cava parte alterius circuli BSC ex B per S versus C volvitur, ita tamen ut initio motus punctum describens E in circulo mobili SVT punctum B immobilis tetigerit, atque ab hoc puncto B moveri coeperit, curvam BEA deinceps descripturum rotatione circuli SVT super BSC. Quod erat inveniendum.

COROLLARIUM.

182. Si diameter circuli generatoris AC fiat infinita, cyclois BEA mutabitur in lineam rectam axi OC perpendicularem, idcirco etiam in hac recta corpora eodem tempore ad punctum A appellent, sive initium motus puncto A vicinissimum sit, sive etiam ab eodem remotissimum fuerit.

SCHOLIUM.

Post Propositionem XXI. commodus locus fuisset de conatu centrifugo ex motu circulari oriundo aliqua adjiciendi: sed quia ejusmodi conatuum centrifugorum theoria nonnulla circa motum pendulorum præsupponit, siquidem plene sit tractanda, ideo etiam in hunc locum erat differenda. Postquam Hugenus veras horum conatuum leges aperuit ad calcem Horologii sui Oscillatorii, Illustr. Marchio Hospitalius Hugeniæ theorematæ, absque demonstratione ab Autore suo propositæ, demonstrata dedit in Actis Acad. Reg. Par. Scient. 1700, loquor de omnibus Hugeniæ theorematibus de vi centrifuga: nam diu antè Hospitalium Newtonus nonnulla eorum demonstraverat in *Philosoph. Nat. Princ. Math.* viamque aperuerat, cui insistendo reliqua omnia possent expediri; post laudatissimos hosce Geometras plures alii Autores Hugeni 13. theorematæ de vi centrifuga demonstrare conati sunt, nonnulli laudabili successu, alii vero non item, utpote qui paralogismis nonnullis demonstrationes suas fœdarunt, ut facile ostendi posset, si modo id è re esset. Sed ad rem: cum filum quoddam alicubi affixum alterique suo capiti annexum habens pondusculum, circa punctum fixum conversum describit circulum, id in plano moveri dicetur, cum reapse in plano circuli moveatur, sin verò filum motu suo superficiem conicam describit, id *Pendulum conicum* deinceps dicetur.

183. Sit ergo filum DM clavo in D affixum, in cujus extremitate annexum sit corpus M, atque filum circa punctum D in plano

conversum describat circulum RQM, cujus radius DM dicatur simpliciter R, conatus centrifugus C, velocitas qua mobile M in sua circumferentia æquabiliter revolvitur, V, & hæc velocitas, tanta sit quantam idem mobile M acquireret motu naturaliter accelerato à quiete in F post casum perpendicularem ex altitudine FM, quam *Altitudinem determinatricem* posthac vocabimus, atque litera D insigniemus. Tempus, quo mobilis circummeundo peripheriam RQM unum circuitum absolvit, sit T; ac denique ratio peripheriæ ad semidiametrum sit ut p ad 1, adeò ut peripheria radii R, sit pR. Ipsa vero gravitas, ut jam alibi factum, dicetur G, quæ in præsentī materia non variabilis sed uniformis est consideranda.

Hisc jam positis, supra (§. 119.) dictum est sollicitationem gravitatis cuilibet curvæ normalem coercere conatum mobilis à curva juxta directionem tangentis recedendi, atque adeo ejusmodi conatui generaliter æqualem esse in omni curva; ac propterea etiam in circulo. Generaliter itidem (§. 154.) demonstratum est, respectu cujuslibet curvæ à mobili quodam describendæ, quadratum celeritatis in quolibet curvæ puncto æquivalere rectangulo sub radio osculi seu curvaturæ & rectæ, quæ sollicitationem curvæ perpendicularem ex centrali derivatam exponit; necesse est ut hoc idem etiam valeat in circulo in *specie*; verum in circulo radius curvaturæ est ejus radius R, & sollicitatio circumferentiæ perpendicularis conatui centrifugo C æqualis est, ac velocitas in quolibet peripheriæ puncto nobis dicitur V. Propterea vi citati theorematis (§. 154.)

Eq. I. $V^2 = R \cdot C$. I. Deinde quia motus æquabilis est in circulo erit $T = pR : V$, hoc est, tempus imotescit applicando peripheriam tanquam spatium transmissum ad velocitatem, quæ id percurritur, ergo etiam $T = pR : \sqrt{RC} = p \cdot \sqrt{R : C}$. Denique, si conatus centrifugi conferendi sint cum gravitate G, tertia formula opus est, quam articulus 150. suppeditat 2. $D \cdot G = V^2$.

Hinc 1°. formulæ prima & tertia efficiunt $R \cdot C = 2D \cdot G$ atque adeò $C : G = 2D : R$ hoc est, conatus centrifugus se habet ad gravitatem, ut dupla lineæ determinatricis ad radium circuli, atque adeò ubi hæc determinatrix altitudo D semissem radii R æquaverit, conatus centrifugus gravitati æqualis erit. Quod est theor. 5. Hugenii.

2°. Si in diversis circulis tempora periodica T sunt æqualia etiam ipsæ $p\sqrt{R : C}$ æquabuntur, atque adeò conatus centrifugi radiis directe proportionales erunt.

3°. Si T ut R^n , erit V seu $pR : T$, ut R^{-n} inverse, atque adeò

C

C seu ppR : T^2 erit reciproce ut R^{2-1} . Proinde si conatus centrifugus fuerit reciproce ut T^2 , erit tempus periodicum in ratione sesquiplicata radii R , & in hoc consistit celebre Kepleri theorema. Reliqua, quæ eadem facilitate ex tribus præcedentibus formulis elici possunt, Lectoris industriæ relinquimus, atque adeò ad contemplationem pendulorum conicorum absque ulterioribus ambagibus accedimus.

184. Si filum AM motu conico moveatur circa axem AD horizonti rectum, adeo ut pondus ipsi annexum M circumferentiam circuli MQR describat; id fieri non potest, quin præter gravitatem secundum directionem ipsi AD parallelam in corpus M agentem eadem mobili insit conatus alius secundum directionem DM agens. Nam ut filum AM in situ hoc sub angulo DAM ad axem inclinato detineatur duabus viribus aut sollicitationibus lateralibus AB & BC opus est, quarum prior gravitatem exponit, altera verò BC nonnisi à motu circulari provenire potest, ex motu vero centrali resultat conatus centrifugus, ergo BC repræsentat ejusmodi conatum centrifugum. Agatur igitur BE æquidistans lateri AM , fietque $EM=BC$. Ponantur insuper $AD=A$, $AM=L$, $AB=G$, & $BC=EM=C$, radius $DM=R$, peripheria $MRQ=pR$, & perinde ac supra V celeritas mobilis in circumferentia MQ , quibus præsuppositis, erit iterum, ut in antecedenti paragrapho, tempus unius circuitus T mobilis M in peripheria MQR , dum filum AM superficiem conicam describit $=p\sqrt{(R:C)}$ verum ob parallelas AM & BE , est $AD:AB=DM:EM$, hoc est, $A:G=R:C$, ergo etiam $T=p\sqrt{(A:G)}$, hæc verò expressio etiam significat (§. 175. 178.) tempus duarum oscillationum minimarum lateralium penduli cujus A sit longitudo; magnitudo verò $\sqrt{(A:G)}$ significat tempus descensus perpendicularis alicujus gravis ex altitudine A . Propterea tempora circuitus pendulorum conicorum sunt in subduplicata ratione altitudinum A conorum. Superfluum duco reliqua, circa ejusmodi pendula ab Hugenio indicata, theoremata operose demonstrare, cum ex hisce positis principiis sponte sua facillime fluant, ceu quilibet videbit; qui animum iis advertere velit. Priusquam tamen ad alia transeam, contemplantur paulisper problema ab ingeniosissimo Joh. Bernoullio olim propositum quodque ab Illustr. Hospitalio solutionem nactum est; sed quoad arguendi formam à nostra differentissimam.

PROPOSITIO XXX. PROBLEMA.

Fig: 44. 185. *Invenire curvam ABN ejus conditionis, ut in ea descendens grave A motu naturaliter accelerato, eandem in singulis punctis premat vi ubique æquali ponderi corporis absoluto.*

I. Sint CD axis curvæ quæsitæ, CA prima ordinata in cujus continuatione AF exponat gravitatem seu pondus absolutum mobilis A, atque super ea descripto semicirculo AGF, agantur FG tangenti curvæ in puncto B, & Fg tangenti in b æquidistantes, junganturque AG, Ag. Radius deinde circuli osculatoris curvæ in puncto B, id est, BZ producat in L, usquedum BL = AF = BI quæ sumta est in ordinata curvæ DB ultra curvam prolongata. Ipsi AG, Ag fient æquales AM, Am, & denique ex puncto I demittatur perpendicularis IK ad lineam BL, eritque BK = AG = AM, atque adeo MF = KL.

II. Quoniam BI exponit pondus absolutum mobilis A vel B, ipsa BK exponet pressuram, quam pondus in curvæ punctum B exeret secundum directionem BL, sed præter hanc pressionem aliam insuper sustinebit idem curvæ punctum B à conatu centrifugo mobilis, ac per consequens hic conatus exponi debet per KL, quandoquidem pressio totalis BL æquari debet (secundum hypothesin) ipsi AF vel BI. Dicatur celeritas acquisita in B, V; eritque (§. 154.) $V^2 = BZ \cdot KL = BZ \cdot MF$, verum (§. 150.) est etiam $V^2 = 2AF \cdot DB$, ergo $BZ \cdot MF = 2AF \cdot DB$; hinc Bb. MF : BZ. MF = Bb. MF : 2AF. DB. Atqui similitudo sectorum BZb, GAb, & gFb præbet Bb : BZ = Mm (gb) : gF, atque ex similitudine triangulorum BbE, & FAG elicitur Bb : AF = Eb : FG, propterea subrogando in antecedenti analogia loco Bb, & BZ proportionales Mm & FG, atque loco Bb & AF, proportionales Ee & FG, eaque mutabitur in hanc alteram Mm. MF : FG. MF = Eb. MF : 2DB. FG, vel 2MF. Mm : FG. MF = 2Eb. MF : 2DB. FG vel ductis consequentibus in MF : FG, erit 2MF. Mm : MF² (= 2Eb. MF : 2DB. MF) = Eb : DB. Unde, quoniam decrementum 2MF. Mm est ad decrecentem MF² sicut incrementum Eb crescentis DB ad hanc crescentem, erit (§. 153.) crescens DB ad suam primam magnitudinem CA, ut decrecentis prima magnitudo, quæ est FA² ad decrecentem MF², adeoque sumta P media proportionali inter AC & DB, fiet P² : AC² = AF² : MF² vel P : AC = AF : MF, & convertendo P — AC :

P

$P = AG : AF$, hinc $AF^2 : AG^2 = P^2 : P^2 - 2AC \cdot P + AC^2$, & dividendo $FG^2 : AG^2 = 2AC \cdot P - AC^2 : P^2 - 2AC \cdot P + AC^2$, & $FG : AG = \sqrt{(2AC \cdot P - AC^2) : P - AC} = Eb : BE$: adeoque, si dicantur AC, a ; CD, x ; DB, y ; Eb, dy , erit $p = \sqrt{ay}$, & $2pdp = ady$, & $FG : AG = \sqrt{(2AC \cdot P - AC^2) : P - AC}$, fiet in his symbolis $dy : dx = \sqrt{(2ap - aa) : p - a}$, ergo $pdy - ady = dx\sqrt{(2ap - aa)}$, vel $apdy - aady = 2ppdp - 2apdp = adx\sqrt{(2ap - aa)}$, atque adeò $dx = (2ppdp - 2apdp : a\sqrt{(2ap - aa)})$ quæ mutatur in $dx = (q^2dq - a^2dq) : 2a^2$, cujus integralis est $10a^2x = q^3 - 5a^2q + 4a^3$ si scilicet positum fuerit $q = \sqrt{(2ap - aa)}$, atque retrogradiendo invenietur $q = \sqrt{(2a\sqrt{ay} - aa)}$ atque adeò æquatio curvæ quæsitæ ($aa, + (y - a - \sqrt{ay})$ in $\sqrt{(2a\sqrt{ay} - aa)}$) = $\frac{1}{2}ax$. Quod erat demonstrandum.

C O L L E A R I U M.

186. Quoniam invenimus $BZ : DB = 2AF : MF$ & $P : CA = AF : MF$, vel $2P : CA = 2AF : MF$, erit pariter $2P : CA = BZ : DB$ & invertendo $CA : P = DB : BZ$, atque adeò radius evolux in quolibet curvæ puncto ope hujus analogiæ innotescit, quæ analogia consentit cum ea, quam Ill. Marchio Hospitalius tradidit in Actis Acad. Reg. Scient. Paris. 1700. ab initio.

C A P U T. IV.

De Solicitationibus centralibus quibus corpora in orbibus mobilibus detinentur, & de motu Apsidum.

D E F I N I T I O.

187. **S**It ABE quilibet orbis *immobilis*, cui figura *abe* similis & Fig. 45. æqualis dicatur orbis *mobilis*, quia circa punctum C ad quod sollicitationes centrales diriguntur, reapse moveri intelligendus est; ea tamen ratione ut angulus ACa, quem axis ejus *ae* aliquo tempore descripsit, sit ad angulum aCb, quem arcus curvæ mobilis *ab* à mobili in curva incedente eodem hoc tempore descriptus subten- dit, in ratione data. Axis *ae* motus, dicitur motus Apsidum.

COROLLARIUM I.

188. Quia angulus aCA ponitur ubique ad angulum bCa in data ratione, erit etiam componendo angulus bCA ad angulum bCa , vel descripto per orbis mobilis punctum b circulo bB immobilem orbem secante in puncto B , angulus bCA ad angulum BCA in data ratione. Cum Illustri Newtono nominemus rationem anguli BCA ad angulum bCA æqualem datæ F ad G .

COROLLARIUM II.

189. Cum mobile a , orbem mobilem abe circumeundo describens, duplicem habeat motum, scilicet eum, quo in suo orbe mobili incedit, tum etiam motum ipsius orbis, ex gemino hoc motu liquet compositum iri motum secundum lineam curvam ANb . Idcirco idem est, si mobile in curva immobili ANb movetur, quam si in orbe mobili abe incederet, & vis centripeta aut sollicitatio centralis in curvæ ANb puncto b requisita prorsus eadem erit cum ea qua opus est ut mobile in curva mobili abe semper incedere possit absque eo, ut unquam à curva ab recedat, durante motu plani ejusdem $abea$. Propterea ad determinationem sollicitationis centralis, quæ corpus semper in perimetro orbitæ mobilis retinere possit, tantum quærenda esset expressio sollicitationum centralium pro singulis curvæ immotæ ANb ex duplici motu resultantis, scilicet ex motu orbitæ & ex motu corporis in orbita, punctis; ut Cel. Varignon id egit in Actis Acad. Scient. Paris. 1705. ad d. 5 Dec. Verum, quia tota res non ineleganter ex theoria conatuum centrifugorum derivari potest, id paucis ostendere libet.

PROPOSITIO XXXI. THEOREMA.

Fig. 45. 190. *Excessus sollicitationis centralis requisitæ ad id ut corpus aliquod in orbita mobili circa punctum C , ut abe revolvatur queat, supra sollicitationem centralem, qua idem corpus in orbe immobili ABE delatum in pari distantia BE , vel bC urgetur, æquatur excessui conatus centrifugi puncti b , in orbe mobili arculum bh describentis, supra conatum centrifugum mobilis cujusdam extremitati B radii vectoris CB annexi atque arculum BH describere nitentis eo tempusculo, quo punctum b suum arculum bh conficeret.*

Quia

Quia corpus in orbita mobili movendum à rotatione seu motu circulari plani *abe* acquirit conatum recedendi à centro C, atque adeò à curva ipsa *ab*, necessum est, ut quædam sollicitatio ad punctum C directa conatum ejusmodi excussorium retundat, ad id ut corpus in orbita mobili gyrari queat, nec extra eam vagetur, hancque sollicitationem præcise æqualem esse oportet conatui illi centrifugo à solo plani motu orto, alioqui corpus in orbita mobili non detineretur, si sollicitatio conatu centrifugo major vel minor esset: sed conatus centrifugus à motu plani *abe* oriundus est excessus conatus centrifugi puncti *b*, à motu radii vectoris *b* angulum *bCh* describere molientis, supra conatum centrifugum puncti B in orbita quiescenti ABE, arcum BH describere conantis; nam motus angularis *bCh* non solum involvit motum angularem BCH radii vectoris BC in orbita quiescenti alteri *bCh* contemporaneum, sed etiam motum ipsius orbitæ plani, ac propterea conatus centrifugus, qui resultat à motu puncti *b* in radio vectore *bC*, angulum *bCh* describente, non solum in se continet conatum centrifugum puncti B in radio vectore BC orbitæ quiescentis, angulum BCH describente, sed etiam conatum centrifugum, qui provenit à motu plani *abe*, adeoque hic conatus æquivalet excessui conatus centrifugi puncti *b*, supra conatum centrifugum puncti B in orbita immobili; atqui idem conatus centrifugus à motu plani *abe* ortus æqualis est sollicitationi centrali, à qua retundi debet; & hæc sollicitatio coercens conatum centrifugum æquatur excessui sollicitationis centralis in puncto orbitæ mobilis *b* supra sollicitationem centripetam in orbitæ immobilis puncto B cum altero *b* æquè alto. Ergo hic excessus sollicitationum centripetarum æquatur excessui conatum centrifugorum in *b* & B. Quod erat demonstrandum.

PROPOSITIO XXXII. THEOREMA.

191. *Isdem positis, excessus sollicitationis in orbitæ mobilis puncto b, supra sollicitationem centripetam in orbitæ quiescentis puncto B æqualeto, erit ad sollicitationem centripetam in puncto A orbitæ immobilis in composita ratione ex ratione $F^2 - G^2$ ad G^2 & ratione solidi AC^3 . AO ad solidum BC^3 ; existente AO radio circuli ejusdem curvatis cum curva ABE in A, seu radio circuli curvam osculantis in A.*

Compendii gratia velocitates circulationis radiorum *bC*, *BC*, *AC* designabimus respective per *ub*, *uB*, *uA*; conatusque centrifugos

Fig. 45.

N

. pun-

punctorum b, B, A , gyrantium per cfb, cfB, cfA , ac denique sollicitationes centripetas in iisdem punctis per, cpb, cpB, cpA .

Jam I. quia velocitates radiorum Cb, CB sunt ut anguli eodem tempore ab ipsis descripti, erit $ub:uB = \text{ang. } bCb : \text{ang. } BCH$ (§. 188.) $= F:G$, ergo $(ub)^2:(uB)^2 = F^2:G^2$. Atqui in circulis æqualibus conatus centrifugi sunt in duplicata ratione velocitatum, ergo $cfb:cfB = F^2:G^2$, & dividendo $cfb - cfB:cfB = F^2 - G^2:G^2$.

II. Porro cum in orbita quiescenti æqualibus temporibus æquales areolæ BCD vel BCH , &c. AC describantur, velocitates radiorum BC, AC hisce radiis erunt reciproce proportionales, hoc est $uB:uA = AC:BC$, & $(uB)^2:(uA)^2 = AC^2:BC^2$. atqui (§. 183. æqu. I.) est $(uB)^2 = BC.cfB$, & $(uA)^2 = AC.cfA$. Ergo $BC.cfB:AC.cfA = AC^2:BC^2$, vel etiam ductis in hac ultima analogia antecedentibus in AC & consequentibus in BC , eritque $AC.BC.cfB:AC.BC.cfA = cfB:cfA = AC^2:BC^2$, verum (num. I.) erat $cfb - cfB:cfB = F^2 - G^2:G^2$, ergo per rationum compositionem & ex æquo fiet $cfb - cfB:cfA = (F^2 - G^2).AC^2:G^2.BC^2$. Porro quia (§. 183.) $(uA)^2 = AC.cfA$, & (§. 154.) $(uA)^2 = AO.cpA$, existente AO radio circuli curvam ABE in puncto A osculantis, erit $AC.cfA = AO.cpA$, atque adeò $cfA:cpA = AO:AC$; ergo denuo ex æquo $cfb - cfB:cpA = (F^2 - G^2).AC^2.AO:G^2.BC^2$; atqui per Prop. præc. est $cfb - cfB = cpb - cpB$, ergo excessus sollicitationis centripetæ in b sollicitationem in B , est ad sollicitationem centripetam in A , in composita ratione, ex ratione $F^2 - G^2$ ad G^2 & ratione solidi $AC^2.AO$ ad solidum BC^2 . Quod erat demonstrandum.

COROLLARIUM I.

192. Adeoque in quolibet puncto b orbitæ mobilis abe , sollicitatio centralis erit ut $cpB, + (F^2 - G^2).AC^2.AO.cpA:G^2.BC^2$.

COROLLARIUM II.

193. Hinc si orbita ABE , abe , fuerit elliptica, ita ut $cpB:cpA = AC^2:BC^2$, atque adeò $cpB = AC^2.cpA:BC^2$, erit $cpb = AC^2.cpA:BC^2 + (F^2 - G^2).AC^2.AO.cpA:G^2.BC^2$.

SCHOLIUM.

194. Inventa jam generali lege sollicitationum centralium in orbitis.

itis mobilibus, problema, inveniendi ex data lege sollicitationum
 centripetarum rationem F ad G , qua motus apsidis ae determinatur,
 solutu difficile non erit per methodum mox exponendam. Ingenio-
 sa est via & oppidò elegans quam Cel. Newtonus sequutus est in
 solutione ejusdem Problematis, supponens orbitas propemodum cir-
 culares, quamque fufius explicat Sect. IX. Lib. I. *Princ. Phil. Nat.*
Math. & postea proluxo commentario illustravit Dav. Gregorius in
 fuis Astronomiæ Physiçæ & Geometriçæ Elementis Lib. IV. Sect. II.
 Laudatâ Newtoni methodus consistit in comparatione terminorum
 alicujus seriei infinitæ cum homologis terminis in Canone pro de-
 terminatione sollicitationum centripetarum in orbita mobili, eaque
 pro singulis novis exemplis novas series novumque calculum sub-
 ducendum deposcere videtur. Sed quid, si modum facillimum ape-
 ruero, quo idem absque ullo serierum infinitarum auxilio obtineri
 queat, imo longe plura, quandoquidem præbet canonem genera-
 lem, quæcunque sollicitationis centripetæ sit lex, rationem F ad
 G manifestantem?

195. Sit generaliter sollicitatio centripeta in orbitæ mobilis pun-
 cto b , ut $P:BC'$, eritque (§. 193.) $P = AC'. BC. cpA$, + $(F' - G')$.
 $AC'. AO. cpA : G'$, & si decrementum infinitesimum magnitudi-
 nis P , dicatur $Q. bm$, formula determinans sollicitationem centri-
 petam in orbitæ mobilis puncto d , erit $P' - Q. bm = AC'. dC. cpA$,
 + $(F' - G')$. $AC'. AO. cpA : G' = AC'. BC. cpA - AC'. bm. cpA$, +
 $(F' - G')$. $AC'. AO. cpA : G'$, quæ ex priore subducta relinquet
 $Q. bm = AC'. bm. cpA$, vel $Q = AC'. cpA$, qui valor in prima hujus
 articuli æquatione substitutus, efficiet $P = Q. BC + (F' - G')$. $Q.$
 $AO : G'$, ex quâ elicietur $F : G = \sqrt{P - Q. BC + Q. AO : Q. AO}$.
 Verum, quia ellipsin ABE ad formam circularem quam proxime ac-
 cedere cum Newtono supponimus, ideo ipsæ BC , AC & AO tan-
 quam æquales tractandæ sunt, nam semipis parametri ellipseos, seu
 AO , à semidiametro AC vel BC circuli in quem desinit, non dif-
 feret; ac propterea præcedens analogia abit in hanc simplicem $F :$
 $G = \sqrt{P : \sqrt{Q. AO}}$. Qui est Canon generalis, qui quærebatur atque
 promittebatur supra, pro orbitâ mobili elliptica.

196. Regulam præcedentem unico exemplo illustrare libet, quod
 nobis omnium instar erit, idque ab Illustri Newtono mutuabimur.
 Sit ergo sollicitatio centripeta in orbitæ mobilis puncto b , ut quan-
 titas $\frac{az^2 + bz^3}{z^3}$, ubi z significat bC vel BC in fig. 45, eritque proin-

de $P = az^m + bz^n$, & $Q \cdot bz = Q \cdot dz = amz^{m-1}dz + bnz^{n-1}dz$, hoc est $Q = amz^{m-1} + bnz^{n-1}$, hinc $F : G (= \sqrt{P} : \sqrt{Q} \cdot AO) = \sqrt{(az^m + bz^n : amz^{m-1} AO + bnz^{n-1} AO)}$. Verum, quia juxta monita in articulo præcedenti, z vel $BC = AC = AO$, cum Newtono æquales unitati poni possunt, reperitur $F : G = \sqrt{(a + b : am + bn)}$ prorsus ut habet Newtonus in exemplo 3. post Prop. 45. *Lib. I. Princ. Phil. Nat.* Sin vero fuisset $P = az^m - bz^n$, invenissemus pariter ut Lauda-
tiff. Vir, $F : G = \sqrt{(a - b : am - bn)}$.

Denique si sollicitatio centralis $P : BC^3$ fuerit ut BC^m , atque adeò $P = BC^{m+3}$, ex motu apsidum, seu ex ratione $F : G$, invenietur index m potestatis BC^m . Nam reperietur hoc casu $Q = m + 3 BC^{m+2}$, unde si $AO = AC = BC = 1$, erit $F : G = \sqrt{(1 : m + 3)}$ atque adeò $m = (G - 3F^2) : F^2$.

CAPUT V.

De Motibus gravium inter se connexorum atque in arcubus circularibus concentricis junctim delabentium; seu de motu Pendulorum compositorum eorumque centro oscillationis in omni possibili gravitatis variabilis hypothesis.

THeqriam centri oscillationis Hugenius primus, quod sciam, aperuit in parte quarta eximii Tractatus de Horologio Oscillatorio. Sed quia is principio institit, quod indemonstratum supposuit, verissima ejus doctrina ab omnibus integrum assensum non impetravit. Petebat enim, ut sibi concedatur, fore ut centrum commune gravitatis omnium, compositi cujusque penduli, partium non possit altius assurgere, cum unaquæque particula diffraeto vinculo, quo cum reliquis connexa erat, ea celeritate ascensum suum liberum incipiet, quam junctim cum reliquis descendendo acquisiverat, quin unde delapsus erat descensu totius penduli compositi. Celeb. Jac. Bernoulli alia via longitudinem penduli simplicis composito isochroni generaliter determinans, demonstrationem postulati Hugeniani inde deduxit, sed tantum in hypothesis gravitatis in singulas penduli partes uniformiter agentis. Nos verò rem generalius concipiemus, fingentes gravitatem in partes illas utcunque, difformiter agere atque

quæ hoc non obstante methodo directæ & facili memorabilem naturæ legem demonstrabimus; ascensum scilicet centri gravitatis omnium penduli compositi partium, modo paulo supra memorato, æqualem esse descensui ejusdem, tametsi, pro variante in singulis penduli partibus gravitate, centrum earum gravitatis multum diversum sit ab eo, quod est in hypothesei communiori gravitatis uniformis & proportionalitatis ponderum cum massis corporum.

DEFINITIONES.

I.

Pendulum compositum vocatur, quod pluribus corporibus seu partibus inter se connexis instructum est. Simplex verò quod unico pondere constat.

II.

Axis penduli compositi est recta, quæ ex puncto suspensionis immobili, circa quod scilicet totum pendulum reciproco motu eundo & redeundo oscillatur, per commune centrum gravitatis omnium partium penduli compositi transit.

III.

Axis oscillationis est linea penduli axi perpendicularis per punctum suspensionis transiens, circa quam pendulum vibrationes suas peragit.

IV.

Centrum oscillationis est punctum in axe penduli, cujus distantia ab axe oscillationis æquatur longitudini penduli simplicis composito synchroni.

V.

Pendulum simplex composito synchronum dicitur, cum hujus axis & illud ex situ horizontali, vel quolibet alio ad horizontem similiter inclinato, simul exire incipientes æquales constanter angulos simul oscillando conficiunt.

197. Penduli compositi CPQ, circa punctum suspensionis C convenientibilis, lineæ omnes CP, CM, CQ, PQ gravitatis expertes sint; in terminis vero rectæ PQ ponduscula quæcunque P, Q affixa existant, quorum commune centrum gravitatis sit M, recta CM per punctum

Fig. 46.

punctum suspensionis C & centrum gravitatis ponderum M ducta, vocatur *axis penduli compositi* PQC, recta vero CW axi CM perpendicularis per suspensionis punctum C ducta, est *axis oscillationis*. Porro si penduli compositi axis CM ex situ horizontali CA delapsus venerit in situm CN eo tempore, quo pendulum simplex etiam ex situ horizontali in CN ceciderit, angulosque perpetuo æquales ACM & ACN confecerint compositum CPQ & simplex pendulum CN, hoc illi *synchronum*, vel subinde etiam *isochronum* dicitur; pondusculum verò in pendulo simplici N, instar puncti gravis consideratum, ad axem penduli compositi adductum atque applicatum, in eo signat *centrum oscillationis* N.

VI.

198. *Solicitationes vicariæ* solcitationum gravitatis centralium sunt solcitationes tangentiales loco centralium gravitatis cogitatione substituendæ, atque solcitationibus hisce æquipollentes. Sic solcitationes tangentiales expositæ per facta ex magnitudinibus R, S, &c. & V in massas P, Q &c. & N, hoc est solcitationes R. P, S. Q, &c. & V. N in directionibus PR, QS &c. & NV, quæ tangentibus sunt arcuum Pe, Qf, &c. Næ à corporibus P, Q &c. & N oscillando descriptorum, in sua respectiva corpora agentes, sunt vicariæ solcitationum gravitatis centralium secundum directiones horizonti normales AP, BQ &c. YN in corpora P, Q, &c. & N agentium, si eundem cum hisce effectum producere valent, atque adeò in oppositas partes secundum Pr, Qs &c. & Næ agentes in æquilibrio consistunt cum solcitationibus gravitatis centralibus, quas deinceps etiam exponam per facta E. P, F. Q &c. & G. N ex magnitudinibus E, F, &c. & G in massas P, Q, &c. & N.

VII.

199. At denique *Solicitationes vicariæ similes* dicentur, quoties magnitudines R, S, &c. & V, homologis distantis PC, QC &c. & NC proportionales erunt.

VIII.

200. Motus penduli compositi CPQ & simplicis CN similiter accelerari dicuntur, cum celeritatis incrementa infinitesima à solcitationibus gravitatis centralibus quolibet tempusculo minimo in singulis penduli particulis P, Q &c. & simplicis pondusculo N simul

mul producta, ubique proportionalia sunt homologis distantis PC, QC &c. & NC particularum oscillantium & corpusculi N ab axe oscillationis.

201. Celeritates actuales & jam acquisitas particularum P, Q &c. penduli compositi, deinceps vocabimus p , q &c. respective, earumque elementa seu incrementa momentanea dp , dq &c. Celeritatem verò corpusculi N penduli simplicis nominabimus n , ejusque incrementum momentaneum dn . Ac tandem sollicitatio gravitatis centralis, qua particula P in directione AP urgetur, sit E. P, sollicitatio verò centralis particulam Q secundum directionem BQ urgens dicatur F. Q, ac sollicitatio gravitatis, qua particula N in directione YN afficitur, G. N.

PROPOSITIO XXXIII. LEMMA.

202. Sollicitationes vicariæ R, S, &c. juxta directiones PR, QS, &c. in particulas P, Q, &c. penduli compositi agentes eadem velocitatis incrementa singulis hisce particulis imprimere valent, quæ sollicitationes gravitatis centrales E, F, &c. juxta AP, BQ, &c. in easdem particulas P, Q, &c. agentes; atque adeo vicariæ illæ eodem, quo hæ centrales sollicitationes, modo penduli compositi motum accelerabunt.

Fig. 46.

Quia compositi penduli partes inter se connexæ sunt, similes arcus simul cunctæ describent, atque suum motum semel conceptum absque ulla mutatione continuarent, nisi gravitas indefinenter in eas agens motum penduli acceleraret. Ad rem nostram motus actualis consideratio nihil confert, quandoquidem in præsentī negotio hic motus jam acquisitus tanquam motus communis considerari debet, quo singulæ penduli particulæ abripiuntur, sed celeritatis incrementa particulis istis recens imprimenda tanquam motum earundem particularem nunc spectabimus, & hunc motum nascentem perinde oriri posse à sollicitationibus vicariis R, S, &c. ut à centralibus gravitatis E, F, &c. probandum.

Etenim si hoc negetur, imprimant, si fieri potest, gravitatis sollicitationes E, F, &c. particulis P, Q, &c. majorem celeritatem quam sollicitationes vicariæ R, S, &c. ergo hæ sollicitationes, secundum PR, QS, &c. agentes, non consisterent in æquilibrio cum sollicitationibus E, F, &c. iisdem particulis P, Q, &c. applicatis, quod est contra hypothefin. Idem absurdum sequetur, si dicatur sollicitationes gravitatis E, F, &c. minores particulis P, Q, &c. celeritates imprimere posse quam vicariæ. Ergo &c.

PRO-

PROPOSITIO XXXIV. LEMMA.

203. Si singulæ particulæ $P, Q, \&c.$ alicujus penduli compositi à sollicitationibus $P.R, S.Q, \&c.$ quarum $R, S, \&c.$ similes sint ipsi V , denotante V . N sollicitatione tangentiali mobilis N , juxta directiones $PR, QS, \&c.$ urgentur, celeritates infinitesimæ $dp, dq, \&c.$ & dn ipsis $P, Q, \&c.$ & N impressæ erunt similes, hoc est radiis $PC, QC, \&c.$ & NC proportionales.

I. Sint radii $NC, PC, QC \&c.$ libere atque independenter uni ab aliis volubiles circa axem C , & quia (§. 131.) quælibet sollicitatio æquivalet motui genito applicato ad tempusculum infinitesimum, quo motus iste producitur, & quia in casu nostro omnes sollicitationes vicariæ R, S, V , simul seu eodem tempore agunt, erunt hæ sollicitationes ut motus $P.dp, Q.dq \&c.$ & $N.dn$; atque adeò ipsæ $R, S, \& V$, ut $dp, dq \&c.$ & dn , atqui ipsæ $R, S, \&c.$ & N , (secundum hypothesin) sunt, ut radii $PC, QC, \&c.$ & NC , ergo & celeritates nascentes $dp, dq, \&c.$ & dn iisdem $PC, QC, \&c.$ & NC proportionales sunt.

II. Cum igitur celeritates $dp, dq, \&c.$ & dn similes sint, motus angulares $PCe, QCf, \&c.$ & NCI æquales, hoc est anguli simul descripti PCQ & QCf æquales erunt, perinde ac rectæ PQ & ef particulas PQ connectentes, adeò ut tali motu nulla variatio ratione mutux positionis particularum $P, Q, \&c.$ accidere possit. Propterea sollicitationes tangenciales similes $R, S, \&c.$ & V particulis $P, Q, \&c.$ similes motus imprimant, sive particulæ illæ P, Q , inter se connexæ sint, ut in pendulis compositis, sive non. Quod erat demonstrandum.

COROLLARIUM.

204. Hinc quia (§. 202.) sollicitationes vicariæ similes $R, S, \&c.$ & V in directionibus $PR, QS, \&c.$ & NV corporibus $P, Q, \&c.$ & N applicatæ eodem modo pendulorum simplicis CN & compositi CPQ motus accelerant, quo fieret à sollicitationibus gravitatis $E, F, \&c.$ & G in particulas $P, Q, \&c.$ & N agentibus, liquet omnino ambo pendula simplex & compositum, ex simili situ respectu horizontis moveri incipientia, similiter deinceps & constanter motum iri, ita ut æquales semper angulos YCN, ACM simul conficiant,

ficiant atque adeo (§. 197.) unum CN alteri CPQ *synchronum* aut *isochronum* sit; & conversim, si hæc pendula synchrona sint, sollicitationes vicariæ R, S, &c. & V similes erunt.

PROPOSITIO XXXV. THEOREMA.

205. Si singulæ particule cujusque penduli compositi derepente alicubi vinculo solutæ motum in altum convertant, unaquæque ea celeritate quam cum reliquis connexa oscillando acquisivit, commune omnium penduli partium gravitatis centrum ad eam ipsam altitudinem ascendet, ex qua delapsum erat descensu totius penduli compositi, cum scilicet omnes penduli partes adhuc connexæ essent.

I. Axis penduli compositi ex situ horizontali CA in situm CM delapsum esse ponatur motu accelerato, particulas vero P, Q, &c. vinculis solutæ ascendere in rectis P₂P, Q₂Q, &c. unamquamque celeritate initiali, quam cum reliquis oscillando acquisivit, ita ut commune omnium gravitatis centrum M ascendat per lineam M₂M. Probandum est hanc M₂M æqualem fore ipsi DM, quæ profunditatem denotat, ex qua omnium penduli partium centrum gravitatis cecidit motu totius penduli compositi. Quia nunc P, Q, N denotant massas corporum & E. P, F. Q, &c. G. N eorundem pondera, horum summa, excepto pondere N; dicatur M, hoc est, $M = E. P + F. Q + \&c.$, eritque (§. 48.) propter centrum gravitatis M, $E. P. AC + F. Q. BC = M. DC$, nec non $E. P. AP + F. Q. BQ + \&c. = M. DM$; ac denique $E. P. P_2P + F. Q. Q_2Q + \&c. = M. M_2M$.

II. Sit insuper pendulum simplex CN composito *synchronum*, adeo ut id cum CM congruat atque celeritates pondusculorum N, P, Q, &c. similes sint; eruntque adeo (§. 204.) sollicitationes vicariæ R, S, &c. V similes, verum quia (§. 198.) sollicitationes vicariæ sollicitationibus gravitatis centralibus E, F &c. G æquipollent, atque cum hisce in æquilibrio consistere queunt, erit (§. 56.) $E. P. AC + F. Q. BC + \&c.$ id est (sum. i.) $= M. DC = R. P. PC + S. Q. QC + \&c.$ & $G. N. YC = V. N. NC$, atque hinc resultat analogia $M. DC : G. N. YC = R. P. PC + S. Q. QC + \&c. : V. N. NC$ (vel quia R, S, &c. & V radii PC, QC, &c. NC proportionales sunt) $= P. PC^2 + Q. QC^2 + \&c. : N. NC^2$, at celeritates p, q, &c. n corpusculorum P, Q, N etiam radiis PC, QC, NC proportionantur, ergo $M. DC : G. N. YC$, vel (propter triangu-

similia CDM & CYN) ratio M. DM: G. N. YN = P. pp + Q. qq + &c.: N. nm.

III. Quoniam (secundum hypothesein) corpuscula P, Q, &c. celeritatibus initialibus p, q, ascendentia spatia P₂P, Q₂Q ascendendo emetiri possunt, (§. 141.) eadem corpuscula spatia 2PP, 2QQ à quiete perludentia celeritates suas p, q &c. acquirere queunt, adeo ut (§. 150.) 2E. P₂P = pp; 2F. Q₂Q = qq, & 2G. NY = nm; loco pp, qq, nm substituendo valores inventos in ultima analogia numeri secundi hujus, erit M. DM: G. N. YN = 2E. P. P₂P + 2F. Q. Q₂Q + &c. hoc est (num. 1. hujus) 2M. M₂M: 2G. N. NY = M. M₂M: G. N. YN. Ergo cum consequentes primæ & ultimæ rationis æquales sint, antecedentes etiam æquabuntur; atque adeo M. DM = M. M₂M, vel DM = M₂M. Id est centrum gravitatis ad eandem altitudinem ascendit, ex qua delapsum erat. Quod erat demonstrandum.

C O R O L L A R I U M I.

206. Resumendo ex num. 111 articuli præcedentis analogiam M. DC: G. N. YC (= R. P. PC + S. Q. QC + &c.: V. N. NC) = P. PC + Q. QC + &c.: N. NC, si loco rectarum DC, YC earum proportionales MC & NC in eadem analogia substituantur, fiet M. MC: G. N. NC = P. PC + Q. QC + &c.: N. NC, ex qua facile elicitur sequens formula generalis NC = (P. PC + Q. QC + &c.): G: M. MC pro determinatione penduli simplicis CN composito CP *isochroni*, in qua formula M = E. P + F. Q + &c. & E. P, F. Q &c. pondera corporum P, Q &c. denotant, ac punctum M ipsorum centrum gravitatis.

C O R O L L A R I U M II.

207. Si singulæ E, F, &c. & G æquales fuerint, formula præcedentis corollarii fit NC = (P. PC + Q. QC + &c.): M. MC, ubi nunc M = P + Q + &c. Atque hæc foret generalis formula pro omnibus figuris in systemate vulgari gravitatis uniformis in omnibus penduli partibus, quod secuti sunt Celeberrimi Geometræ Hugenus & Jac. Bernoullius sua methodo particulari.

COROLLARIUM III.

208. Iisdem positis, quæ in corollario antecedenti, si duæ tantum particulæ P, Q penduli compositi spectentur, quarum Metiam-nac centrum gravitatis & aggregatum designet. Habetur (§. 171.) $PG \cdot MQ + QC \cdot MP = MC \cdot PQ + MP \cdot MQ \cdot PQ$. Vel substitutis loco rectarum MQ, MP, & PQ ipsarum proportionalibus, quæ propter centrum gravitatis M particularum P, Q, eodem ac illarum ordine sumta, sunt P, Q, & P + Q seu M, fiet $P \cdot PC + Q \cdot QC = M \cdot MC + M \cdot MP \cdot MQ$, atque adeo formula præcedentis corollarii CN = $(P \cdot PG + Q \cdot QC) : M \cdot MC$, nunc fiet $CN = (M \cdot MC + M \cdot MP \cdot MQ) : M \cdot MC$. Adeoque, si innumera sumantur particularum P, Q paria, quibus totum pendulum compositum sit, longitudo penduli simplicis CN composito isochroni tunc erit $\int (M \cdot MC + M \cdot MP \cdot MQ) : \int M \cdot MC$, ubi \int significat summam seu integrale illius quantitatis, cui litera \int præfixa est. Idcirco, si cum Cel. Jac. Bernoullio particulæ P, Q inter se æquales, dicantur dp , & CM, x ; MP verò vel MQ, y , hæ enim æquales erunt cum ipsæ P & Q æquantur, earumque centrum gravitatis sit in puncto M; erit $CN = \int (2xxdp + 2yydp) : \int 2xdp = \int (xx + yy) \cdot dp : \int xdp$; quæ est ipsissima formula, quam Acutiss. Vir in Actis Academiæ Reg. Paris. Scient. 1703. ad diem 25. Apr. ex sua methodo elicit. Quomodo vero formula hæc figuris & solidis debeat applicari, non est hujus loci ostendere, cum id pendeat à calculo summatorio, quem non patitur institutum nostrum prolixius exponere; legi interim possunt, quæ habet super hanc rem Vir laudatissimus loco modo indicato.

SCHOLIUM.

209. Universalitas Canonis in corollario primo (§. 206.) exhibiti melius non poterit probari, quam si ostendatur illum jam continere regulam definiendi centrum oscillationis in quolibet pendulo composito, cujus partes diversæ specificæ gravitatis oscillentur in fluido quodam homogeneo, nunc, quod eodem recidit, cujus particulæ ex materia eadem ejusdemve specificæ gravitatis vibrationes suas in fluido diversæ densitatis peragant, qualem regulam nobis promittit Celeb. Joh. Bernoullius Act. Lips. 1713. pag. 88. Nam si ratio gravitatis specificæ pondusculi P ad fluidum, in quo oscil-

latur, sit ut G ad $G - E$, & ratio gravitatis specificæ pondusculi Q liquorisque ut G ad $G - F$, prædicta formula articuli 206. exhibebit longitudinem penduli simplicis CN in vacuo oscillantis atque composito CPQ , quod in fluido vibrationes suas peragit, isochroni.

Exempli causa sit P globulus aureus, Q ferreus, atque pendulum CPQ oscilletur in aqua; & quia gravitates auri, ferri & aquæ sunt ut numeri 100, 42 & 5 ad invicem quam proxime, erit $G : G - E = 100 : 5$, atque adeo $E = \frac{25}{100} G$; & $G : G - F = 42 : 5$, adeoque $F = \frac{37}{42} G$; hinc quia (secundum hypothefin) $M = E \cdot P + F \cdot Q$, erit M hoc casu æquale $(\frac{25}{100} P + \frac{37}{42} Q) \cdot G$; atque adeo formula generalis corollarii primi substitutione valoris M , fiet $NC = (P \cdot PC' + Q \cdot QC') \cdot G : (\frac{25}{100} P + \frac{37}{42} Q) \cdot G = (P \cdot PC' + Q \cdot QC') : (\frac{25}{100} P + \frac{37}{42} Q)$. In qua P & Q denotant massas harum particularum, seu etiam pondera earum absoluta, quæ (§§. 30, 152, 175.) massis semper proportionalia sunt. Punctumque M est centrum gravitatis, non ipsorum corpusculorum P, Q sed eorum partium $\frac{25}{100} P$ & $\frac{37}{42} Q$. Hinc ergo liquet, centrum percussiois differre in hoc casu à centro oscillationis. Errant ergo, qui nulla habita ratione gravitatis subito identificant, atque confundunt hæc duo centra oscillationis & percussiois.

Si formula corollarii primi applicetur corporibus P, Q , quæ liquore specificè leviora sunt, totus formulæ denominator migrabit in quantitatem negativam, quod indicat pendulum situ inverso respectu præcedentis casus oscillationes suas intra liquorem absolute describendo arcus versus fundum vasis cavos existente oscillationis axe prope fundum. Quomodo prædicta formula pendulis compositis debeat applicari, in quibus singulæ partes in una eademque linea recta dispositæ sunt, nimis planum esse existimo, quam ut ulla explicatione indigeat.

PROPOSITIO XXXVI. THEOREMA.

Fig. 47. 210. *Identitas centri oscillationis & percussiois eo casu, quo singulæ penduli compositi partium pondera massis earundem proportionalia sunt.*

Si

Si particulæ P, Q &c. virgis inflexilibus CP, CQ, PQ inter se connexæ convertantur circa axem CW, punctum in axe CN penduli N, in quo maxima vis in obstaculum ipsi objectum eo exeretur, vocatur centrum percussionis, ostendendumque est hoc punctum tantumdem ab axe oscillationis CW distare, quantum centrum oscillationis in casu Coroll. 2. Prop. anteced. (§. 207). Radiis CP, CQ agantur normales PB, QE axi CM occurrentes in punctis A & D, per quæ & per centra corpusculorum P, Q ducantur normales AO, DF, PG & QH ad axem CM. Atque hisce positis statim manifestum est conversione totius figuræ CPQ circa axem CW, particulas P, Q motum iri celeritatibus proportionalibus earum distantis PC, QC ab hoc axe, atqui juxta ea, quæ supra (§. 53.) dicta sunt, axis penduli CM eandem à particulis P, Q circa C in gyrum actis impressionem accipiet, quam si ejus puncta A & D, in quibus scilicet directiones ponderum in quolibet arcus ab ipsis describendi puncto motum suum prosequi nitentium axi occurrunt, juxta directiones AB & DE illis ipsis celeritatibus impellantur, quas particulæ P & Q &c. habent, propterea factis AB, DE &c. æqualibus vel saltem proportionalibus homologue radiis CP, CQ qui velocitates exponunt, quibus particulæ P, Q in gyrum aguntur, quæstio reducetur ad id, ut inveniatur centrum æquilibrii potentialium P. AB & Q. DE, sit N hoc centrum, quod ita comparatum esse debet, ut ductis ex eo ad singulas PB, DE, &c. perpendicularibus Na, Nd &c. omnia facta P. AB. Na æqualia sint omnibus factis Q. DE. Nd. Sed ductis BO & EF parallelis CM, triangula AOB, Na A similia præbent AB. Na = AO. AN & triangula similia DFE & NdD efficiunt DE. Nd = DF. DN; oportet ergo ut omnia P. AO. AN sint æqualia omnibus Q. DF. DN; considerentur tantum duæ P, & Q, eritque P. AO. AN = Q. DF. DN, vel P. AO. AC - P. AO. NC = Q. DF. NC - Q. DF. DC, atque adeò P. AO. AC + Q. DF. DC = (P. AO + Q. DF). NC; verum quia AO = CG & DF = CH propter triangula similia & æqualia ABO & CPG, utpote in quibus hypotenusæ AB & CP æquantur, ac propter similia & æqualia triangula DEF & CQH, in quibus pariter DE & CQ sunt æquales, fiet P. AO. AC + Q. DF. DC (= P. GC. AC + Q. HC. DC) = P. PC² + Q. QC²; & P. AO + Q. DF = P. GC + Q. HC, hoc est (§. 44) = M. MC; existente puncto M centro gravitatis particularum P, Q & M = P + Q. Idcirco factis substitutionibus debitis in P. AO. AC + Q. DF. DC = (P.

AO + Q. DF). NC, habebitur $P.PC^2 + Q.QC^2 = M.MC.NC$, atque adeo $NC = (P.PC^2 + Q.QC^2) : M.MC$. Quæ expressio prorsus eadem est cum ea, quam supra (§. 107.) reperimus pro centro oscillationis in hypothesi communi, qua particularum P, Q pondera massis ipsarum proportionalia sunt, vel, quod eodem recidit, in qua singulæ E, F, G &c. quales supra (§. 198.) pro significantis juxta massas P, Q, N gravitatis sollicitationibus centralibus adhibuimus, æquales sunt. In omni verò alia gravitatis hypothese differrent ab invicem centra oscillationis & percussionis. Quod erat demonstrandum.

COROLLARIUM.

211. Hinc si fuerint infinita particularum æqualium P, Q paria, tunc fiet $CN = \int (P.PC^2 + Q.QC^2) : \int M.MC$, adeoque nominando CN, t , atque retentis symbolis paragraphi 208. fiet $t = \int (xx + yy.dp) : \int x.dp$, quæ est ipsissima iterum formula, in quam dicto loco incidimus, quamque alia methodo etiam reperit Cl. Jac. Bernoulli in Actis Acad. Reg. Paris. Scient. Acad. 1704. ad diem 14 Apr.

CAPUT VI.

De Regulis motus in collisione Corporum.

DEFINITIONES.

I.

Corpora duo sibi directe occurrere dicuntur cum moventur in lineâ rectâ centra gravitatis jungente, atque per contactum eorundem corporum transeunte.

II.

Velocitates corporum propriae sunt illæ, quibus corpora moventur. *Velocitas* vero eorundem *relativa* est ea, qua cum ad se mutuo accedunt. Idcirco celeritas relativa corporum ex oppositis plagis sibi mutuo obviam venientium est *aggregatum* celeritatum eorundem propriarum. Sin vero velocius corpus alterum tardius ad eandem partem latum insequatur, velocitas eorum relativa erit *excessus* velocitatis majoris propriæ supra minorem.

III.

III.

212. Corpora *A*, *B* in planis horizontalibus moveri atque inter se collidi intelliguntur ad id, ut motus eorum ante & post occursum æquabiles evadant, nec iidem motus à gravitatis actione à plano utpote sufflaminanda, in quo mobilia incedunt, quicquam alterentur. Celeritates mobiliū propriæ ante occursum designabuntur Fig. 48. posthac per lineas rectas *AD*, *BD* in ipsorum directionibus sumtas, adeò ut quocunque modo mobilia *A*, *B*, incedant, dummodo non in rectis angulum continentibus ferantur, ipsorum celeritas relativa futura sit *AB*. Directiones verò particulares corporum, aut potius directionum plagæ, designentur deinceps per ordinem; quo literæ *A*, *B* & *B*, *D* scribuntur. Proinde *AD* significat mobile *A* ferri celeritate uniformi *AD* ex *A* versus *D*, & *B* ferri velocitate hac linea *BD* expressa ex *B* etiam versus *D*. Adeoque quoties signum *D* inter *A* & *B* cadit, toties ambo hæc corpora contrario sensu moventur, id est, ex oppositis partibus sibi invicem obviam veniunt celeritate relativa *AB*, quæ hoc casu composita est ex particularibus *AD*, *BD*; sin verò signum *D* cadit extra *AB*, ambo corpora movebuntur ad eandem partem, in qua signum *D* positum est celeritate relativa *AB* æquali in tali casu excessui velocitatis propriæ alterutrius mobilis supra celeritatem propriam alterius.

213. Et quia motuum plagæ etiam per signa + & - subinde designari solent, probe sciendum + *AD* idem esse ac - *DA*, & + *DA* idem ac - *AD*, & sic de ceteris. Nam motui + *AD* contrarius est, seu in plagam contrariam dirigitur, tum - *AD*, tum etiam *DA*, atque adeo hæc duæ expressiones sunt æquivalentes; pariter quia & + *DA* & - *AD* eidem motui + *AD* contrarii sunt, notationes + *DA* & - *AD* unum idemque significant, adeò ut una alteri semper sufficere liceat, quod aliquando bene notatum, utile esse comparietur.

IV.

214. Celeritates corporum inter se collisorum ante conflictum considerabimus quandoque tanquam acquisitas lapsu verticali à quiete incepto motu gravium naturaliter accelerato; & celeritates eorundem post occursum tanquam velocitates initiales corporum, quæ verticaliter in altum lata motu naturaliter retardato certas altitudines emeteri valent priusquam motus eorum ascensionalis penitus extinguatur.

V.

V.

215. Vis corporum absoluta ante conflictum est altitudo, quam centrum gravitatis commune mobilium perlabi potest, quando unumquodvis corpus per suam altitudinem cadendo velocitatem suam propriam acquirit. Visque mobilium absoluta post collisionem, est altitudo, ad quam assurgere potest idem commune centrum gravitatis corporum, quando unumquodque horum corporum celeritate initiali ea, quam in conflictu acquisivit, suam altitudinem ascendendo absolvit.

Fig. 50.

216. Sic posito mobile A acquirere celeritatem suam propriam AD lapsu accelerato ex altitudine EA, & B suam celeritatem propriam descensu accelerato ex altitudine FB, centrum gravitatis G mobilium A, B in punctis E, F existentium cadet ex altitudine GC. Et si mobilis A post conflictum celeritas uniformis sit Da talis, ut ea tanquam velocitate initiali rectam *ae* ascendendo conficere possit mobile A, alterumque B altitudinem *bf* celeritate initiali Db, quæ est velocitas uniformis, quam mobile istud B, in ipso conflictu acquisivit, commune corporum A, B gravitatis centrum c censetur ascendere posse vi absoluta mobilium post conflictum in recta verticali *cg* usque ad *g*.

VI.

217. Corpora, quæ nonnisi vi inertie materiæ prædita sunt, dicantur deinceps corpora inertia. Corpora verò, quæ vim actuosam habent repellendi corpora ea ipsa vi qua impulsa fuerunt, dicantur corpora actiosa. Corpora inertia alias etiam nominari solent *non elastica*, ac corpora actiosa *elastica*.

HYPOTHESES.

218. *Cum corpora actiosa inter se colliduntur eadem manet vis eorum absoluta post conflictum, quæ erat ante eundem conflictum.*

Excipimus corpora inertia, quorum vis absoluta post collisionem nunquam eadem est, quæ erat ante concursum, quandoquidem hæc vis in ipso conflictu quandoque penitus absorbetur, scilicet cum mobilia celeritatibus massis suis reciproce proportionalibus sibi invicem obviam veniunt. Sed ejusmodi corpora penitus inertia forte nulla dantur, nam etiamsi pleraque corpora perfecta actiositate vel elastici-

elasticitate prædita non sunt, quod particulæ eorum compressæ sese in pristinum statum restituere non valeant, eorum saltem elementa perfecte elastica esse queunt, à quo statuendo nullus ex præstantioribus Geometris hujus ævi abhorrere videtur. Verum quicquid rei sit, revertor ad corpora actiosa, quorum vis absoluta eadem manet vi hujus hypotheseos, si commune eorum centrum gravitatis ad eandem altitudinem cg ascendit post conflictum, ex qua delapsum erat ante occursum eorum, hoc est, positis quæ supra (§. 216.) si $cg = GC$.

219. Vires absolutas corporum æstimamus juxta altitudines, ad quas retardato suo à gravitate motu pertingere possunt, vel accuratius per facta ex his altitudinibus in massas corporum; in hac virium æstimatione præeuntem habemus Illust. Leibnitium, qui eandem non uno loco in Actis Eruditorum Lips. indicavit quidem, non tamen demonstravit, etsi apodictice demonstrari potest, ut forte alia id occasione ostendemus. Non ignoro perplures esse insignissimos viros, quibus talis vires æstimandi ratio non arrideat, existimantes eam à quantitibus motus petendam esse. Celeb. Papinus fane diu multumque cum Leibnitio disputans rotunde negavit corporum vires altitudinibus, quas corpora ascendendo conficere possunt, proportionales esse; quin imo vires eas temporibus proportionari putat, quibus altitudines modo nominatæ absolvuntur vel etiam celeritatibus initialibus mobilium æqualium. Sed in probando hoc suo asserto incautus labitur ipse, principium assumens aperte falsum, & hoc principium falsum est, quod existimet corpora cum diversis velocitatibus initialibus ascendentia æqualem à gravitate ipsis resistente ictuum numerum exceptura esse temporibus æqualibus. Sed si plures docti Geometræ, præjudicatâ opinione communis vires æstimandi rationis per quantitatem motus detenti, à nobis diversa sentiunt, adsunt tamen alii acutissimi Geometræ, qui Leibnitianam ultro admittunt, quin imo jam ante complures annos Nob. Hugenius eadem quodammodo usus est in demonstrationibus suarum regularum motus ex percussione; principii loco in iis assumens, non posse commune centrum gravitatis corporum inter se collisorum altius ascendere post occursum, quam descenderat ante conflictum; non tamen supponit ascensum centri gravitatis descensui ejusdem æqualem esse; alias vero assumit hypotheses, quæ æquivalentes sunt nostræ de æqualitate ascensus atque descensus centri gravitatis post & ante conflictum corporum. Idcirco hac nostra hypothese posita

regulas motus corporum actuosorum facili ratione inde derivabimus; sed priusquam hanc tractationem aggrediamur, unicam propositiunculam præmittere libet circa motum corporum inertium post conflictum.

• PROPOSITIO XXXVII. THEOREMA.

220. *Corporum inertium, atque sibi invicem directe occurrentium, celeritas & directio post conflictum est eadem, quæ erat ante communis ipsorum centri gravitatis occursum.*

Fig. 48. Sint AD celeritas uniformis corporis A, & BD velocitas corporis B ante conflictum, probandum est utrumque corpus A & B motum iri post occursum celeritate CD, quæ est celeritas, qua centrum gravitatis C mobilium A, B ferebatur ante collisionem, existente AC ad BC, sicut massa B ad massam A, seu ut pondus B ad alterius A pondus.

Demonstr. Quia motus corporum in collisione aliter non variantur quam pro ratione inertie materiæ, in ipso conflictu res eodem recidit, ac si corpora conjuncta, ac velut sibi invicem agglutinata movenda essent quantitate motus æquali excessui, quo motus major alterutrius ex mobilibus minorem alterius excedit, si corpora ex oppositis partibus sibi invicem obviam veniant, vel etiam æquali aggregato quantitatum motus utriusque corporis, si ambo ad easdem partes tendant. Unde cum in motus oppositione & casu, quo corporum centrum gravitatis G cadit inter puncta D & B (§. 44.) sit $B \cdot BD - A \cdot AD = (A + B) \cdot CD = A \cdot CD + B \cdot CD$, cumque $B \cdot BD - A \cdot AD$ sit excessus, quo motus B. BD fortioris B excedit motum alterius A, patet ambo corpora A & B post contactum celeritate æquali CD latum iri ex C versus O, id est celeritate & directione, qua centrum eorum gravitatis ante impactum ferebatur.

Sin vero ambo corpora A, B ad eandem partem versus O suis celeritatibus particularibus AD, BD moveantur, erit $A \cdot AD + B \cdot BD = (A + B) \cdot CD = A \cdot CD + B \cdot CD$, hoc est aggregatum motuum corporum A, B ante conflictum æquatur quantitati motus eorundem, sed celeritate CD centri gravitatis ante ictum movendorum, feretur ergo utrumque hac celeritate CD versus O. Quod erat demonstrandum.

PROPOSITIO XXXVIII. THEOREMA.

221. Si mobilia A, B in directionibus obliquis AD, BD quemlibet angulum ADB continentibus, atque celeritatibus hisce ipsis lineis AD, BD expressis sibi mutuo occurrant, commune illorum gravitatis centrum C eadem velocitate cum CD atque in directione hujus CD productæ in d post conflictum feretur. Fig. 49.

Sit MN linea jungens centra mobilium A, B in casu contactus, atque ad eam demissæ sint ex centrīs corporum A, B eorumque communi centro gravitatis C normales Aa, Bb, & Cc, motus juxta AD resolvetur in laterales Aa, & aD, motusque BD in laterales Bb, bD, at verò, cum motus juxta Aa & Bb paralleli sint, corpora hisce motibus in se invicem agere nequeunt, restant ergo soli motus aD & bD, quibus in se mutuo agunt. Jam si corpora A & B existerent in a & b, atque celeritatibus aD, bD sibi mutuo obviam venirent, post contactum utrumque moveretur (§. 220.) celeritate $D_x = cD$, existente c eorum centro gravitatis, cum sit AC:BC = ac:bc = B:A, unde quia motus aD & bD in obliquis virtualiter continentur, ideo hæc motuum modificatio etiam in conflictu virtualiter accidisse censenda est: propterea ducta per punctum x indefinita xP, in ea sumantur $xa = Aa$ & $x\beta = Bb$, ac quia motus Aa, Bb in ipso conflictu nullam mutationem subierunt, mobile A post conflictum movebitur, aut moveri putetur, motibus lateralibus D_x , & xa , ex quibus resultat motus D_x ; alterum verò B motibus lateralibus D_x & $x\beta$, ex quibus nascitur motus D_β . Sit d centrum gravitatis corporum A, B in a & b existentium, eritque (§. 44.) $A.xa + B.x\beta = (A+B).xd$. item $A.Aa + B.Bb = (A+B).Cc$, & (constr.) $A.xa + B.x\beta = A.Aa + B.Bb$, ergo etiam $(A+B).xd = (A+B).Cc$, vel $xd = Cc$: atqui per præcedentem est etiam $Cc = D_x$, ergo $Dd = CD$, atque adeò post conflictum centrum gravitatis mobilium A, B movetur celeritate Dd æquali illi Cc, quâ ante occursum incedebat. Quod erat demonstrandum.

Tantum de corporibus inertibus seu vi elastica carentibus, sequuntur leges motus corporum elasticorum.

PROPOSITIO XXXIX. THEOREMA.

222. Posita eadem quantitate vis absolutæ corporum inter se collisorum ante & post occursum eorum directum, facta ex massis corporum

in quadrata velocitatum collectivè sumta ante & post conflictum æquantur.

Hoc est $A. AD^2 + B. BD^2 = A. Da^2 + B. Db^2$, existentibus Da , Db celeritatibus corporum A , B post collisionem, & AD ac BD velocitatibus ante conflictum.

Demonstr. Posito A acquisivisse celeritatem suam AD casu ex altitudine EA , alterumque B ex altitudine FB , divisaque recta EF jungente puncta E , F in ratione reciproca ponderum A , B , linea GC denotabit descensum centri gravitatis mobilium A , B ; & ea , fb denotent altitudines, quibus accelerato motu transmissis mobilibus acquiruntur celeritates Da , Db , cum quibus deinceps in altum ferri incipientia iterum ad easdem altitudines ae , bf assurgere possunt; quo motu ascensionali eorum centrum gravitatis c ascendet per altitudinem cg . Jam quia (§. 218.) eadem manet vis absoluta corporum A , B ante & post conflictum eorum, erit $GC = cg$, vel posito C significare $A + B$, erit $C. GC = C. cg$; atqui (§. 44.) $C. GC = A. EA + B. FB$, & $C. cg = A. ae + B. bf$, ergo etiam $A. EA + B. FB = A. ae + B. bf$; verum (§. 150.) rectis EA , FB , ae , bf proportionalia sunt AD^2 , BD^2 , Da^2 , & Db^2 , unde sufficiendo hæc illarum loco in proxime antecedenti analogia, reperietur $A. AD^2 + B. BD^2 = A. Da^2 + B. Db^2$. Quod erat demonstrandum.

C O R O L L A R I U M.

223. Idcirco erit etiam $A. AC. AB + C. CD^2 = A. ac. ab + C. Dc^2$. Nam $A. AD^2 = A. AC^2 + 2. A. AC. CD + A. CD^2$, & $B. BD^2 = B. BC^2 - 2. B. BC. CD + B. CD^2$, ergo $A. AD^2 + B. BD^2 = A. AC^2 + B. BC^2 + (A + B). CD^2 + 2. A. AC. CD - 2. B. BC. CD$ (vel quia centrum gravitatis C efficit $A. AC = B. BC$ vel $2A. AC - 2B. BC = 0$, & $C = A + B$, erit) $= A. AC^2 + B. BC^2 + C. CD^2$ (seu quia $B. BC = A. AC$ vel $B. BC^2 = A. AC. BC$, etiam) $= A. AC. AB + C. CD^2$. Pari argumento inferetur $A. Da^2 + B. Db^2 = A. ac. ab + C. Dc^2$. Adeoque cum habeamus $A. AD^2 + B. BD^2 = A. Da^2 + B. Db^2$; erit etiam $A. AC. AB + C. CD^2 = A. ac. ab + C. Dc^2$.

PROPOSITIO XL. THEOREMA.

224. *Centrum gravitatis corporum actuosorum inter se collisorum eadem post occursum celeritate ac directione feretur, qua ante incedebat,*
ea-

eademque erit post impulsu à se mutuo recedentium corporum celeritas relativa, quæ ante conflictum erat accedentibus.

Positis quæ in præcedenti propositione, probandum est fore Fig. 50.
 $Dc = CD$ & $ab = AB$, nam AB est celeritas relativa ante, & ab celeritas relativa eorundem corporum A , B , post occursum, punctaque C , c centra gravitatis indicant in utroque casu.

Demonstr. Fingatur lineam rectam, in qua corpora moventur, infinite longam esse, atque moveri versus m velocitate infinite parva Am , huncque motum communem etiam corpora A , B in linea infinita incedentia participabunt; unde factis singulis $D\delta$, aa , cx , $b\beta$ æqualibus Am , globus A movebitur tantum celeritate absoluta Ad loco ipsius AD ante occursum; quandoquidem ex motu ejus proprio AD communis $D\delta$ utpote contrarius est auferendus: B verò incedet velocitate $B\delta$ ante conflictum, accedente ejus motui proprio BD communi $D\delta$ alteri BD conspirante. Post conflictum autem celeritates Da , Db , mutabuntur in $D\alpha$ & $D\beta$; verum quia omnes $b\beta$, cx , aa , $D\delta$ (secundum hypothesin) æquales, erunt $ax = ac$, & $a\beta = ab$; atque adeò velocitates AC , ac , nec non AB & ab inalteratæ manent in æqualitate superiore (§. 223.) solis CD & Dc variationem subeuntibus. Idcirco si in ea æqualitate $A.AC.AB + C.CD^2 = A.ac.ab + C.Dc^2$ loco CD & Dc substituantur $C\delta$ & $D\alpha$; fiet $A.AC.AB + C.C\delta^2 = A.ac.ab + C.D\alpha^2$, quæ ex altera subducta relinquet $C.CD^2 - C.C\delta^2 = C.Dc^2 - C.D\alpha^2$, vel $CD^2 - C\delta^2 = Dc^2 - D\alpha^2$, aut etiam $2CD.D\delta - D\delta^2 = 2Dc.cx - cx^2$, hoc est quia $D\delta = cx$, erit $2CD.D\delta = 2Dc.cx$, atque adeò $CD = Dc$.

Porro ex æqualitate $A.AC.AB + C.CD^2 = A.ac.ab + C.Dc^2$ abjectis æqualibus $C.CD^2$ & $C.Dc^2$, restabit $A.AC.AB = A.ac.ab$, vel $AC.AB = ac.ab$. Verum est $AB:AC = ab:ac$, vel $AB^2:AC.AB = ab^2:ac.ab$, igitur propter $AC.AB = ac.ab$, erit $AB^2 = ab^2$ atque adeò $AB = ab$. Quæ erant demonstranda.

PROPOSITIO XLI. PROBLEMA.

225. *Datis corporibus A, B utcumque inæqualibus sibi directe occurrentibus cum datis celeritatibus, invenire velocitates eorundem corporum post conflictum.* Fig. 52.

Ex præcedenti propositione hujus Problematis solutio facillima est. Nam factis $Dc = CD$, item $ca = CA$, & $cb = CB$, ubi observandum punctum D , quo rectæ velocitatum ante occursum repræ-

sentatrices terminantur, semper cadere debere inter puncta C, c , quibus centrum mobilium ante & post occursum signatur, punctaque a & b respectu puncti c , eodem ordine posita esse, quo alterum C situm est respectu corporum A, B . Quibus observatis erit semper Da , velocitas corporis A , & Db corporis B post conflictum.

Demonst. Quia (constr.) $ac = AC$, & $bc = BC$, erit $ab = AB$, & quia porro (constr.) $Dc = CD$, hoc est, quia celeritas relativa corporum post collisionem æqualis relativæ ante eandem, & pariter celeritas atque directio centri gravitatis utroque casu eadem est, per præcedentem corpora A, B non aliis quam velocitatibus Da, Db moveri possunt post collisionem. Quod erat demonstrandum.

COROLLARIUM I.

226. Hinc 1°. si mobilia A, B ad eandem partem ferantur, adeo ut punctum D cadat extra AB , sed ad partes corporis B ; erit $Da = CD - AC$ & $Db = CD + CB$. Sin verò punctum D ad partem corporis A extra AB cadat; fient $Da = CD + AC$, & $Db = CD - CB$. 2°. Si corpora A, B ex adversis partibus venientia inter se collidantur, ita ut D cadat inter A & B , & punctum C sit inter D & A , erit $Da = CD - AC$, & $Db = CD + CB$. Ac vice versa erit $Da = CD + AC$, & $Db = CD - CB$, quoties centrum gravitatis corporum situm est inter D & B .

COROLLARIUM II.

227. Adeoque si corpus A celeritate AD impingatur in quiescens B , ita ut puncta D & B confundantur, huic quiescenti B dabit impellens A celeritatem duplam ipsius CB . Atque adeo si ambo A & B fuerint æqualia, in ipso conflictu sistetur motus corporis impellentis A , alterumque B tota velocitate AB deinceps feretur, qua agens A in ipsum impegerat.

COROLLARIUM III.

228. Sin vero corpora ex oppositis partibus obviam veniant celeritatibus propriis AD, BD corporibus B, A reciproce proportionalibus, ita ut D incidat in C , utrumque corpus, qua advenerat velocitate, resiliet. Etenim hoc casu evanescit CD .

COROLLARIUM IV.

229. Generaliter, si corpora A, B dicantur m, n , eorum velocitates propriæ ante occursum u & r , invenietur Da celeritas corporis A post conflictum $= (mu - nu + 2nr) : m + n, = u, + (u - r) \cdot \frac{2n}{m + n}$, & Db vel celeritas corporis B post conflictum $= (\frac{1}{2}mu + mr - nr) : m + n, = r, + (u - r) \cdot \frac{2m}{m + n}$. Hæ expressiones elicite sunt ex debitis substitutionibus valorum linearum CD, AC & BC in expressiõibus Corollarii I. Da = CD - AC, & Db = CD + CB, pro casu, quo mobilia ante concursum ad easdem partes moventur. Formulæ pro altero casu corporum ex oppositis partibus in se mutuo irruentium ex hisce jam exhibitis elicientur mutando duntaxat signa quibus litera r affecta est, eritque Da = $u, + (u + r) \cdot \frac{2n}{m + n}$, & Db = $-r, + (u + r) \cdot \frac{m}{m + n}$.

PROPOSITIO XLII. THEOREMA.

230. Corpus A celeritate AD latum interventu corporis medii X eandem corpori quiescenti B velocitatem dabit, quam interventu alterius cujusdam corporis medii Y, si ipsum impellens A fuerit ad X sicut alterum Y ad quiescens corpus B.

Hoc est, si corpus A celeritate AD primum in corpus X irruat, & hoc celeritate ab impellente accepta deinceps incurrat in corpus quiescens B, dico hoc corpus B eandem celeritatem accepturum, quàm si ab alio corpore Y impulsus fuisset celeritate ea, quam Y pariter quiescens à corpore A itidem celeritate AD ipsi occurrente accepisset, existente scilicet A ad X ut Y ad B. Ut propositum demonstretur, constructio Propositionis XL. est geminanda, & pro utroque corpore intermedio X & Y seorsim ponenda: propterea figura, in qua lineæ majusculis litteris signantur, respicit corpus intermedium X, & quæ iisdem, sed minusculis literis notantur, pertinent ad figuram corporis alterius intermedii Y,

Jam ex §. 227. constat corpus X accepturum ab impellente A celeritatem DB duplam ipsius CD, existente C centro gravitatis corporum A, X, atque adeo AC ad CD in ratione corporis X ad corpus A; ac divisa DB in puncto E, ita ut DE sit ad EB sicut corpus B ad medium X, mobile X daturum alteri quiescenti B, in quod impingat velocitate DB, celeritatem duplam ipsius EB. Similis
con-

constructio, sed respectu corporum a , Y & b , inter quæ ipsa a & b corporibus A & B æquantur, repetita intelligatur, accipietque corpus b à medio Y celeritatem $2eb$. Probandum fore $EB = eb$.

Demonstr. Quia (secundum hypothesin) est $A : X = Y : B$, & propter centrum gravitatis C , $A : X = CD : AC$; nec non $Y : b(B) = be : de$, erit $CD : AC = be : de$, vel invertendo & componendo $AD : CD = 2.cd(db) : be$, adeoque etiam duplicatis consequentibus $AD : DB(2.CD) = 2.cd : 2.be = cd : be$. Verum est etiam $B : X = Y : A$, hoc est $DE : BE = ac : cd$, ergo & componendo $DB : BE = ad : dc$, hinc etiam $ad(AD) : DB = cd : BE$, sed paulò ante erat $AD : DB = cd : be$; ergo etiam $cd : be = cd : BE$, atque adeò $be = BE$. Quod erat demonstrandum.

231. *Aliter.* Sint $LN = AD = ad$, $PN = CD$; ac $pN = cd$, & denique dividatur LN in Q & q , ut LN sit ad QN sicut $B + X$ ad X , & LN ad qN ut $B + Y$ ad Y , & ostendetur puncta P, q , item & p, Q coincidere. Nam quia (secundum hypothesin) $A : X = Y : B$, erit $A + X : A = B + Y : Y$, id est $AD : CD = LN : PN = LN : qN$, ergo $PN = qN$ atque adeo coincidunt puncta P & q . Item quia $B : X = Y : A$, & $B + X : X = A + Y : A$, erit (constr.) $LN : QN (= ad : cd) = LN : pN$, ac proinde etiam $QN = pN$; coincidunt ergo puncta p, Q . Hisce positis, & quia $AD : DB(2.CD) = LN : 2.PN$, & $DB : 2.EB = LN : 2.QN$, erit ex æquo $AD : 2.EB = LN^2 : 4.PN.QN$. Eodem argumento invenietur $ad : 2.eb = LN^2 : 4.pN.qN$, ergo invertendo erit ex æquo $2.eb : 2.EB = 4.pN.qN : 4.PN.QN$, vel $eb : EB = pN.qN : PN.QN$; unde cum ostensum sit esse $pN = QN$ & $qN = PN$, erit omninò $eb = EB$. Quod erat demonstrandum.

C O R O L L A R I U M I.

232. Si loco alterutrius ex mediis X, Y sumatur corpus M medium proportionale inter A & B , atque adeo inter X , & Y , cum A sit ad $X = Y : B$, atque LN dividatur in R , ut tota LN sit ad RN sicut $A + M$ ad A , celeritas initialis mobilis A erit ad celeritatem corpori B interventu medii M acquisitam, sicut LN^2 ad $4.RN^2$. Atque adeò celeritas, quam acquireret corpus B interventu alterutrius X vel Y erit ad celeritatem, quam acquireret interventu medii M , sicut $4.PN.QN$ ad $4.RN^2$, vel sicut $PN.QN$ ad RN^2 . Nam quia $A + M : M = LN : RN$, & $A + M : A = B + M : M$, erunt
hoc

hoc casu ambæ PN, QN cum inter se, tum etiam RN æquales, unde cum generaliter sit $AD:2EB=LN^{\circ}:4.PN.QN$, erit in hoc casu particulari celeritas corporis A, ad celeritatem ipsius B ab M acceptam $=LN^{\circ}:4.RN^{\circ}$, & quia (§. 231.) velocitas ipsius B ab alterutro X vel Y accepta, est ad celeritatem initialem corporis A, sicut $4.PN.QN$ ad LN° ; erit ex æquo celeritas corporis B ab alterutro X vel Y accepta, ad celeritatem ejusdem à corpore M acquisitam sicut $4.PN.QN$ ad $4.RN^{\circ}$ hoc est, sicut PN.QN ad RN° .

COROLLARIUM II.

233. Quia (constr.) $PN:LN=A:A+X$, & $LN:RN=A+M:A$; A, erit ex æquo $PN:RN=A+M:A+X$. Similiter inveniatur $QN:RN=A+M:A+Y$, ergo per compositionem rationum erit $PN.QN:RN^{\circ}=(A+M)^{\circ}:(A+X.A+Y)=AA+2.AM+MM:AA+(X+Y).A+XY=AA+2.A.M+AB:AA+(X+Y).A+AB=A+2M+B:A+X+B$, nam $A.B=MM=XY$, adeoque unum alterius loco, ut factum est, substituere licet: Jam quia X, M & Y sunt in ratione continua, erit $X+Y$ major quam $2.M$ atque adeo $A+X+Y+B > A+2M+B$; hinc erit $RN^{\circ} > PN.QN$; unde cum (§. 232.) celeritas corporis B ab alterutro X vel Y accepta, sit ad ejusdem celeritatem à corpore M ipsi impressam, sicut PN.QN ad RN° , liquet hanc celeritatem illa perpetuo majorem esse. Imò hæc velocitas mobili B a corpore M collata major erit ea, quam idem B a corpore A celeritate AD ipsum impulisset, nam loco corporis X intelligi potest quodvis corpus; atque adeo unum ipsi A æquale, quod ab impellente A totam celeritatem (§. 227.) CD accipiet, adeo ut idem sit, siue mobile A cum sua celeritate AD immediate impingat in quiescens B, siue id impellat ope intermediarii ipsi A æquali, cui totam suam celeritatem contulerit; unde cum generaliter ostensum sit, interventu cujusvis corporis X; diversi ab M, minorem corpori B velocitatem collatum iri quam a medio proportionali M inter extrema A, & B; sequitur necessario etiam corpus A alteri B minorem daturum esse celeritatem quam M, etiamsi immediate in id impingat. Atque hoc corollarium continet demonstrationem facilem Propositionis penultimæ tractatus *Hugenii* de Motu corporum ex Percussione.

COROLLARIUM III.

234. Hinc primum ex corporibus continue proportionalibus ultimo majorem celeritatem dabit per corpora quotcunque interposita continue proportionalia, quam si eidem quiescenti immediate occurrisset.

SCHOLIUM.

- Fig. 54. 235. Ex præcedentibus jam facile elicietur regula determinandi velocitatem, quam ultimum corpus quiescens ex serie quotcunque continue proportionalium accipiet transmissio motu à primo in secundum, tertium, quartum &c. Primum corpus dicatur A, ejusque celeritas ab initio AD, ultimum V: dividatur celeritas initialis AD in puncto C, in reciproca ratione secundi corporis ad primum, vel, quod idem est, in ratione cujuslibet corporis in serie proportionalium ad corpus, quod illud in eadem serie proxime præbet, ita ut AC ad CD sit in hac eadem ratione, deinde ratio totius AD ad duplam CD continuetur in tot terminis uno minore quos sunt seriei corporum proportionalium, quorum ultimus sit Q, dico hanc Q exponere celeritatem ultimo corpori V collatam ab omnibus præcedentibus. Adeoque si numerus terminorum fuerit $n + 1$, celeritas initialis AD primi corporis erit ad Q celeritatem ultimo U acquisitam, sicut AD ad $(2CD)^n$, hinc habebitur $Q = (2CD)^n : AD^{n-1} = (2CD)^n$, sumpta scilicet AD instar unitatis, quod hoc loco fieri licet.

236. *Exempl.* Sint centum corpora in continua ratione dupla, motusque primum incipiat à maximo, queritur Q seu celeritas minimo V conferenda. Hoc casu erunt AC = 1, et CD = 1, atque adeo $(2 \cdot CD)^n = (2)^n$, est enim $n = 99$. Igitur habemus $Q = (2)^{99}$, & Log-us Q = 99. Log-um 2, atqui Log-us $(4:3) = 0.1249388$ qui Logarithmus ductus in 99 dat 99. Log. $(4:3) = 12.3689413 = \text{Log. } Q$, ergo $Q = 2338520732310$ quam proxime, nam hic numerus log-mo illi, cujus characteristica est 12. proxime convenit; atque adeo celeritas, quam corpus centesimum accipere debet, est ad celeritatem primi A ut 2338520732310 ad 1 proxime.

Sin vero motus a minimo incipiat, erit hujus celeritas ab initio ad velocitatem, quam centesimo & maximo dabit interpositis 98. reliquis continue proportionalibus, sicut numerus 27103713483146067 ad

ad unitatem proxime. Hugenus in postrema propositione tractatus supra (§. 233.) laudati numeros pro hisce casibus nostris minores exhibet, transcriptorum forte aut calculi lapsu.

PROPOSITIO XLIII. THEOREMA.

237. *Centrum gravitatis duorum corporum sphericorum elasticorum sibi invicem oblique occurrentium, eadem directione & celeritate feretur* Fig. 55.
post conflictum, quibus ferebatur ante concursum.

Globi elastici P, Q sibi mutuo occurrant in D celeritatibus propriis PD, QD, & post concursum resiliant celeritatibus propriis Dp, Dq, ita ut hæ lineæ eodem tempore æquabili motu absolvantur, quo rectæ PD, QD ante synodum; sintque puncta M & m centra gravitatis globorum in P & Q, item in p & q existentium; probandum est rectas MD & Dm tum æquales, tum etiam in directum positas esse; quandoquidem MD exponit velocitatem & directionem centri gravitatis M ante conflictum, Dm vero velocitatem & directionem centri communis gravitatis post collisionem. Sit D punctum contactus globorum, & BA recta jungens centra eorundem, quæ, ubi globi se mutuo contingunt, per punctum contactus transibunt; ex centris Globorum P, Q demissæ sint ad AB perpendiculares PA, QB, & ex M recta MC reliquis QB, AP parallela, quibus positis, manifestum est ex art. 29, motui juxta PD æquipollere laterales PA & AD, & motui QD laterales QB & BD. Jam quia motus juxta PA & QB paralleli sunt, globi quatenus motibus hisce agitantur, in se mutuo agere non possunt, sed soli motus juxta AD & BD, utpote directe contrarii, in casu conflictus considerandi veniunt reliquis tantisper sepositis & postea iterum resumendis. Porro quia M est centrum gravitatis globorum in P & Q existentium, etiã C eorundem globorum in A & B positorum erit centrum gravitatis; adeoque factis Dc = CD, nec non ca = CA & cb = CB, erit (§. 225.) Da celeritas propria globi A, & Db celeritas alterius B, post collisionem in indefinita linea ab. Porro per a & b ductæ sint rectæ ap = AP, & bq = BQ ipsi AB normales, quo posito & quia in ipso conflictu motus juxta PA & QB, utpote paralleli, nullam mutationem subire potuerunt, hi motus post impulsu illibati sunt conservandi; atque adeo post congressum corpus P à puncto D recedet motu Dp resultante ex lateralibus Da & ap, alterumque Q motu Dq nascente ex lateralibus Db & bq. Verum

quia (constr.) $ca = CA$; $cb = CB$; $ap = AP$; & $bq = BQ$, figura $abqp$ similis & æqualis erit figuræ alteri $ABQP$, atque adeo $cm = CM$: unde cum (constr.) etiam sit $Dc = CD$, triangulum Dcm simile & æquale erit triangulo DCM , atque adeo lineæ MD & Dm in directum positæ erunt, hinc centrum gravitatis globorum P , Q post conflictum eadem celeritate & directione quâ ante, progredietur. Quod erat demonstrandum.



DE
VIRIBUS ET MOTIBUS
CORPORUM

LIBER SECUNDUS.

DE
CORPORIBUS FLUIDIS.
SECTIO I.

De Viribus Fluidorum à Gravitate.



SI corpora fluida cum duris & consistentibus in hoc conveniunt, quod extensa sunt & particulis seu moleculis duris componuntur, ab iisdem tamen differunt, quod moleculæ fluidorum non solum exilissimæ sunt eousque, ut omnem oculorum etiam microscopiis armatorum aciem fugiant, sed etiam disjunctæ & valde mobiles, quæ cuilibet corpori solido trajicienti facile cedere atque varie inter se agitari queunt: cum ex adverso dura corpora consistant partibus sibi invicem varie implexis atque adeo ægre separandis, ita ut nullâ particularum sensibilibiter moveri possit, quin totum partium aggregatum, hæc est corporis Massa eundem motum participet.

228. Effigitur *Corpus Fluidum, cujus elementa* (§. 14.) à vi quacunque in ea agente commoveri possunt quantumque tota fluidi Massa oculorum judicio quiescere videatur, ut jam supra §. 25. dictum. Sic Aqua, Aer, Oleum, Hydrargyrus &c. sunt corpora fluida, item metalla fusa, quandiu in fluore sunt.

Adeoque distinctus fluidorum corporum conceptus summam involvit molecularum exilitatem, talemque earum configurationem,

ut par inde agilitas provenire queat. Et hisce specificis proprietatibus fluida distinguuntur à solidis in minutissimas itidem particulas discerptis, non tamen tantæ agilitatis nec parvitatís, ut eadem qua fluidi elementa inter se agitari queant facilitate. Sic frumenta in subtilissimum pollinem contrita in corpus fluidum ideo non abeunt, quia hujusmodi pollinis particulae ad eam exilitatem non accedunt; nec proinde ad eam mobilitatem perveniunt quam fluidorum natura requirit.

239. Cum de fluidorum viribus agere suscipimus, non ea nobis est mens, ac si particularum seu elementorum figuras definiri atque digito, ut ita dicam, monstrari posse crederemus, nec proinde curiosius in has elementorum corporum figuras inquiram, quia hæ nimis forte variare solent quam ut commode redigi possint sub mathematicos conceptus; nil enim impedire existimo, quominus unius ejusdemque fluidi particulae tam ratione magnitudinis, quam ratione figuræ, infinitis modis variare possint. Idcirco figurarum indagationem, quibus cujuslibet fluidi particulae circumscriptæ esse debent, Physicis relinquam, mihi quæ deinceps sufficiet nosse, figuras particularum cujusque fluidi, qualescunque eas fuerint, mobilitati earum nihil officere ipso facto, cum particulae sint (secundum hypothesein) alicujus fluidi, id est summe mobiles.

240. Nec etiam ad institutum nostrum pertinet anxie disquirere, num vera sit illorum opinio, qui fluidis quibuslibet motum quandam, quem *intestinum* vocant, tribuunt, quo fluidi particulae variis irregularibus motionibus ultro citroque cieri finguntur, ad distinctionem motus progressivi fluidi, quo tota ejus massa de loco in locum transfertur. Sic cum labitur amnis, motus quo aqua in alveo suo ad inferiora devolvitur, est progressivus; motus vero aquæ calidæ, id est internus motus ejus molecularum, vocatur motus *intestinus*: exemplum adduco aquæ calidæ; quia certo certius ejusmodi motu intestino particulae ejus agitantur, etsi motus ipse in oculos non incurrit; atque adeo tota aquæ massa quiescere videtur. Num vero omnia omnino fluida tali motu intestino agitentur philosophis pariter, ut dixi, expendendum relinquam; nec enim animus mihi est Philosophicis controversiis me quoquo modo irretire.

241. Corpora fluida à liquidis differunt ut genus à specie, cum liquida quidem fluida sint, non tamen vice versa. Liquida enim sunt, quæ in volumine non nimium exiguo fluunt donec eorum superficies in situm horizontalem se composuerit; unde, quia hæc proprie-

prietas non flammæ nec aëri aut ætheri competit; ideo hæc corpora tantum fluida, non vero liquida dicuntur. Nos in sequentibus etiam liquoribus fluidi nomen tribuentus, quia revera liquores sunt corpora fluida: idcirco

242. *Fluida homogenea*, seu *uniformiter gravia* sunt, quorum densitas per universam massam uniformis est, adeo ut pondera ipsorum absolutâ massis eorum proportionalia sint. Talia sunt præterpropter omnes liquores nobis cogniti.

243. *Fluida heterogenea*, seu *differenter gravia*, sunt, quorum densitas per universam fluidi massam non eadem est nec propterea pondera fluidi massis proportionantur. Tale fluidum est atmosphæra, cujus partes altiores, hoc est à terræ superficie remotiores rariores comperiuntur; etenim experimenta aëra in montium editiorum jugis rariorem produnt quam in vallibus. Variæ vero atmosphære densitates variis lineis exprimi possunt, atque hinc nascuntur,

244. *Scala densitatum* cujusque fluidi heterogenei est figura mixtilinea, cujus ordinatæ horizonti parallelæ fluidi densitatem exponunt in planis illis, in quibus ordinatæ existunt. Idcirco axis scalæ, ordinatæ ad angulos rectos excipiens, horizonti perpendicularis erit.

245. *Densitas-media* cujusque fluidi heterogenei est densitas uniformis alicujus fluidi homogenei, quod in eadem altitudine cum fluido heterogeneo eandem pressuram exerere valet in subjectum sibi planum horizontale ac fluidum heterogeneum. Talis media densitas innotescit applicando aream scalæ densitatum ad ejus axem, seu fluidi altitudinem super plano, quod ejus pressuram subit.

246. *Scala pressionum* seu *gravitationum* liquoris heterogenei est figura, cujus ordinatæ exponunt gravitationes seu pressuras fluidi in plana horizontalia exercitas, in quibus ordinatæ positæ sunt, abscissæ vero ordinatis respondentes designant distantias planorum, quæ pressionem subeunt à suprema liquoris superficie. Scala pressionum etiam definiri posset, quod sit quadratæ scalæ densitatum; quandoquidem postmodum (§. 258.) demonstrabitur areas scalæ densitatum homologis ordinatis scalæ gravitationum proportionales existere.

247. *Liquores in statu manente*, seu *in æquilibrio consistere* dicuntur, cum nulla liquoris pars vicinarum actione situ suo expellitur, sed omnes partes perfectum inter se æquilibrium servant.

248. *Infinitesimæ plani* cujusque aut etiam superficiæ particulæ gra-

gravitationem vel pressuram cujusvis liquoris subeuntes *puncta* deinceps à nobis compendii gratia nominabuntur.

Pressionis verò vel *gravitationis* nomine intelligimus impressionem, quam fluidum gravitate sua in sibi subjectum planum exerit. Idcirco, ut rem generaliter possimus tradere, prout in primo libro tantum non ubique id fecimus, fluida utcunque heterogenea esse concipimus, atque quænam pressiones atque effecta ab ejusmodi fluidis resultare debeant, generalibus theorematibus complectemur, ex quibus deinceps omnia derivari poterunt, quæ ad liquores homogeneos spectant.

CAPUT I.

De generalibus legibus gravitationis Liquorum in
subjecta plana.

PROPOSITIO I. L E M M A.

249. *Pressiones, quas corpora quæcunque solida vel fluida in se invicem exercent, sunt juxta directiones communi plano contingenti corpora perpendiculares, atque transeunt per contingentiae punctum eorundem corporum.*

Fig. 56.

Sit MN corpus quodcunque, in quod aliud corpus CD juxta directionem FC impingat; per commune contingentiae punctum D utriusque corporis transeat planum AB, ambo corpora in hoc eodem puncto D tangens, quod ideo commune eorum contingentiae punctum vocatur. Dico impressionem impellentis CD in patiens MN exeri tantum juxta directionem CE plano contingentiae AB perpendicularem, quæ per commune utriusque corporis punctum contactus D transeat.

Demonstr. Producat FC usque ad occursum H cum plano AB, & circa diametrum CH descriptum intelligatur parallelogrammum rectangulum CDHI, cujus latera CD, IH plano AB normalia & CI eidem æquidistans sunt. Jam (§. 39.) conatus seu pressio juxta CH æquipollet impressionibus juxta CD & CI. Verum, quia CI plano AB parallela est, nulla in planum istud impressio juxta hanc directionem exeri potest, sed duntaxat impressio juxta CD plano perpendicularem tota in hoc planum redundabit. Ergo impressio, quam corpus impellens C, in planum AB seu in corpus MN exerit

rit tantum fieri potest, juxta directionem CD plano AB perpendiculararem, quæ per punctum contactus D transit. Quod erat demonstrandum.

PROPOSITIO II. THEOREMA.

250. *Liquor vasi cuicunque inditus non potest in statu manenti consistere, priusquam ejus superficies situm horizontalem acquisiverit.* Fig. 57.

Sit vas BAC figuræ cujuscunque & quomodocunque positum; dico liquorem ei infusum HGIA non posse situm manentem habere, nisi superficies ejus HGIF horizontalis fuerit. Habeat enim hæc superficies in statu manenti positionem EGCF horizonti inclinatum: quo posito, quia liquidi moles GCIF plano horizontali HGIF imminens gravis est, atque in spatium GHEF defluere potest, nec quicquam adest quod hunc fluxum impedire queat, ea actu defluet spatium illud GHEF repletura; idcirco cum liquoris superficies GCE plano horizontali HGF inclinata est, non est in statu manenti, contra hypothesin.

COROLLARIUM.

251. Hinc si universa terra Oceano circumdata esset, nec in se ipsam converteretur, ejus superficies perfecte sphærica foret. Sed quia motu diurno circa centrum suum revolvitur, aquæ superficies sphærica non erit, sed figuram habebit sphæroidis latæ, quia aquæ partes quo propiores sunt æquatori, eo majorem habent conatum à centro recedendi, atque adeo minus graves sunt, quandoquidem conatus centrifugi tanto magis de corporum gravitate detrahunt quanto majores sunt. Ob hanc vero gravitatis inæqualitatem accidit, ut ad obtinendum partium æquilibrium, ad eandem ubique altitudinem aquæ pervenire nequeant, ut aliàs fieret, si terra motu illo diurno, ex quo conatus centrifugi partium aquæ resultant, careret, sed sub Æquatore altissima & in polis maxime depressa existat. Hinc est, quod Newtonus, Hugenius aliique telluris superficiei figuram alicujus sphæroidis assignarint, oriundæ ex revolutione alicujus Ellipseos circa axem minorem, existente axe majore diametro æquatoris terrestris. Sed de hisce suo loco sermo recurret.

• PROPOSITIO III. THEOREMA:

252. *Partes æquales (HI, IK) cujuslibet plani horizontalis (FG) intra liquorem quemcunque (DBCE) in statu manenti consistentem, vasisque, ut libet irregulari, (ABC) inditum, æquales pressiones subeunt ab imminente liquore (DFGE). Et partes minimæ laterum vasis (LF, MG) ad idem planum horizontale (FG) terminatæ easdem pariter pressiones ab incumbente liquore patientur juxta directiones (FP, GQ) iisdem partibus (FL, GM) perpendiculares, quas patiuntur æquales particule (FR, GK) plani horizontalis juxta directiones ipsius normales.*

I. Quoniam (secundum hypothesin) liquor vasis est in statu manenti, superficies ejus DE (§. 251.) horizontalis ac proinde plano FG parallela erit, & remoto cogitatione liquore DFG plano FG incumbente, residui in vase FBCG superficies FG etiam nunc in statu manenti consistet, quia horizontalis est. Adeoque si, restituto quem cogitatione removimus liquore DFGH, pars aliqua IK plani FG minorem pressionem subiret quam contigua & æqualis particula HI, liquor in loco IK deberet attolli, aut deprimi, vel ad latera dextrorsum aut sinistrorsum deflecti sive alicubi condensari, quandoquidem vis minor majori semper cedere debet, & aquæ vel liquoris particule per naturam fluidi cedere possunt, atqui talia sine motu partium, quo unæ ab aliis situ suo pelluntur, contingere nequeunt, ergo liquor non maneret in statu manenti, contra hypothesin. Partes igitur HI, IK omnesque reliquæ æquales plani FG, æquales pressiones sustinent. Quod est primum.

II. Sit planum LM alteri FG æquidistans, & (§. 250.) omnes ejus æquales particule NO, OM æquales itidem pressuras ab imminente liquore DLME subibunt. Idcirco liquor inter duo plana æquidistantia LM & FG, velut in prælo, fortiter constringitur & quidem viribus æqualibus in partes oppositas, scilicet à liquore incumbente DLME perpendiculariter deorsum atque à reactione plani inferioris FG perpendiculariter in altum; nam quanta vi planum istud premitur, tanta vi in rem prementem reagit. Unde cum plana NO & IK æqualibus viribus in oppositas partes urgeantur, necesse est ut in quolibet plano NI vel OK tantam pressuram subeat quantam in NO vel IK, alioqui si minorem pateretur, ibi elaboretur per planum NI liquor ONIK contra hypothesin. Et quia ob-

con-

contiguitatem partium aquæ particulæ laterales LF & MG vasis pressuras subire debent æquales illis, quas subeunt plana NI vel OK, & hæc pressiones pares illis, quas plana NO, IK, &c. patiuntur, liquet pressuras liquoris DFGE in particulas laterales vasis FL & MG æquales esse pressionibus, quas ab eodem liquore patiuntur particulæ illis æquales HI, IK plani horizontalis FG, (§. 249.) juxta directiones FP, GQ particulis illis FL & GM perpendiculares, perinde ac particulæ HI & IK, &c. itidem perpendiculis plano FG directionibus urgentur. Quod erat demonstrandum.

PROPOSITIO IV. THEOREMA.

253. *Pressiones seu Gravitationes cujuslibet liquoris homogenei in quæcunque plana horizontalia proportionales sunt altitudinibus liquoris super his planis.* Fig. 59.

Sit DE superficies liquoris DBCE vasi cuilibet ABC infusi, fundoque vasis BC horizontali, quantum opus est, protenso, demittatur ad eum perpendicularis ET, intelligatur insuper quodvis planum FG fundo BC & DE æquidistans, quod productum occurrat rectæ ET in puncto S. Pressiones liquoris in plana FG & BC exercitæ designentur per *pr.* FG & *pr.* BC, probari debet fore *pr.* FG : *pr.* BC = ES : ET. Nam ES est altitudo liquoris DFGE super plano FG, & ET altitudo liquoris super BC.

I. Sit ES alteri ET commensurabilis, & Ep communis utriusque mensura tantæ magnitudinis, ut ducto per punctum p plano dp, intra spatium vasis DdeE duci queat rectula eo parallela Ep vel perpendicularis ipsis DE & de, quod semper fieri potest quantumvis irregulare & superius angustum esse queat ipsum vas ABC. Factis porro singulis p2p, 2p3p, &c. æqualibus ipsi Ep, ductisque per singula divisionis puncta 2p, 3p, &c. planis 2d2p, 3d3p, &c. quibus positis, & quia puncto e primi strati liquoris imminet eo, hoc punctum e tantam pressuram sustinebit, quantum est pondus columnulæ eo, & (§. 252.) omnia reliqua plani de puncta pressionem patientur æqualem pressioni puncti e; punctum 2f in basi 2d2e secundi strati 2ed patietur pressionem compositam ex pressione, qua punctum ejus supremum d urgetur, & ex pondere columnulæ d2f æqualis ipsi oe, atque adeo gravitatio liquoris in punctum 2f & omnia reliqua plani 2d2e erit dupla ipsius in plano de, & propterea æquivalet ponderi columnarum oe + d2f, hoc est E2p; simili argumento

conficietur pressioem liquoris in quodlibet punctum plani $3d3e$ æquivalere ponderi columnæ ipsi $E3p$ æqualis in altitudine, hinc pressiones seu gravitationes liquoris in plano FG & BC æquivalentur columnis, quarum altitudines sunt æquales lineis ES & EF , ergo erit omnino $pr. FG : pr. BC = ES : ET$.

II. Sit ES alteri ET incommensurabilis, &, si fieri potest, ratio $pr. FG$ ad $pr. BC$ major quam ES ad ET , puta æqualis rationi $ES : EX$ cujus consequens EX minor quam ET defectu XT , ex quo defectu auferri poterit quædam TV minor quam XT , ita ut EV commensurabilis fiat ipsi ES . Quo posito, per punctum V planum bV transire intelligatur, eritque $pr. bc$ minor quam $pr. BC$, cum EV minor sit quam ET , & $pr. FG : pr. bc > pr. FG : pr. BC$. Jam quia (constr.) EV commensurabilis est ipsi ES , erit per partem primam hujus, $pr. FG : pr. bc = ES : EV$, & (secundum hypothesin) est $pr. FG : pr. BC = ES : EX$, ergo $ES : EV > ES : EX$, atque adeo EX major quam EV , contra hypothesin. Adeoque nequit $pr. FG : pr. BC$ major esse quam $ES : ET$.

Sit igitur ratio $pr. FG : pr. BC$ minor quam $ES : ET$, scilicet æqualis cuidam $ES : EY$ cujus consequens EY major quam ET , excessu TY , auferatur iterum ex hac TY portio YZ talis ut residua EZ alteri ES commensurabilis evadat, per Z transire fingatur planum $Z\kappa\beta$ fundo BC parallelum in quo $\kappa\beta$ instar fundi nunc considerabimus. Unde quia EZ (constr.) major est quam AT , erit $pr. \beta\kappa > pr. BC$, adeoque $pr. FG : pr. \beta\kappa < pr. FG : pr. BC$, & quia (constr.) EZ commensurabilis est ipsi ES , erit (num. 1 hujus) $pr. FG : pr. \beta\kappa = ES : EZ$, ex hypothesi verò est $pr. FG : pr. BC = ES : EY$, ergo $ES : EZ < ES : EY$, eritque adeo EZ major quam EY , iterum contra hypothesin, nam EZ necessario minor erat quam EY , quandoquidem ex hac EY ablata ZY relinquebatur EZ , nequit ergo ratio $pr. FG : pr. BC$ minor esse quam ratio $ES : ET$ & quia nec major, sequitur $pr. FG : pr. BC = ES : ET$. Quod erat demonstrandum.

C O R O L L A R I U M I.

254. Hinc ultrò sequitur, quod quælibet portio FM plani cujuslibet horizontalis FG ab incumbente liquore $DFGE$ tantam pressioem subire debeat, quantam sustineret à columna ejusdem liquoris portioni illi FM ad altitudinem ES perpendiculariter imminetis. Nam, quod in propositione universaliter ostensum est, nulla habita

bità ratione figuræ vasis, idem valet etiam de vasis cylindricis, in quibus illicò liquet gravitationes liquoris altitudinibus ejus proportionales esse. Unde, si altitudines liquoris super plano aliquo horizontali in vase prismatico & in vase irregulari utrinque æquales fiat, æquales utr. usque plani partes æquales pressiones sustinebunt. At in vase prismatico quælibet cujusque horizontalis plani portio sustinet pondus totius columnæ ipsi perpendiculariter imminenti; atque adeo portio quæcunque FM plani FG tantum onus sustinebit, quantum est pondus alicujus prismatis, cujus basis FM & altitudo ES. Adeoque totum planum FG sustinebit onus æquale massæ liquoris in prisma conformatæ, quæ planum FG pro basi habeat & ES pro altitudine.

COROLLARIUM II.

255. Et quia supra (§. 252.) demonstratum est, æquales particulas quam minimas FM & FL plani FG & lateris vasis, æquales pressiones sustinere, unamquamque juxta directionem sibi normalem, scilicet FM verticaliter deorsum, & FL juxta FR superficiei BFD in F perpendicularem, hinc sequitur *quamlibet particulam minimam, in vasorum lateribus pressuram subire debere ab incumbente liquore æqualem ponderi columnæ, cujus basis est particula, quæ pressionem sustinet, & altitudo est distantia particule à liquoris superficie.*

Arque hæc est generalis hydrostaticæ regula ex suis genuinis principiis eruta, quæ effi tantum in liquoribus homogeneis valere videtur, sese tamen ad quoscunque liquores, etiam heterogeneos, extendere in sequentibus probabitur.

SCHOLIUM.

256. Ex his ergo liquet, quod liquores homogenei gravitant in sua subjecta plana pro ratione altitudinis eorum super planis, in quæ gravitant. Ex qua fluidorum proprietate sequens nascitur paradoxum; quod scilicet parva liquoris cujusque copia tantundem in sibi subjectum planum gravitet, quantum ejusdem liquoris massa centies imo millies, major in eadem altitudine. Etenim si vasi acuminato BAC, cujus basis BC notabilis sit amplitudinis, aqua infundatur per-
tingens usque in A, & per Corollarium I. hujus, aqua tantam pressionem in fundum BC, exeret, quantam exereret cylindrus aqueus

Fig. 6a

IBCK in eadem altitudine cum vasis liquore. Idcirco pauxilla aqua in tubo acuminato gracilique ABC tantum effectum præstare potest, quantum aquæ moles centuplo, imo pluries, major in eadem altitudine, quod haud dubie non paucis paradoxum videbitur. Ejus tamen veritas ipsa experientia comprobata est, atque deinceps probari potest; nam si fundo vasis stricti ABC orbiculus aBCf inditus sit vasi tam accurate quadrans, ut nullas rimas relinquat, per quas infusa aqua infra orbiculum transire queat, in centro Q affixum habens filum QM quo attolli possit, cujus fili alterum caput stateræ MDO annexum sit in M; ex altera bilancis parte applicetur pondus P eousque augendum minuendumve dum orbiculus Bf nonnihil attollere incipiat stateram MO eam in partem flectendo, cui pondus appensum est, reperieturque hoc pondus P orbiculum paulisper attollere valens satis accurate æquari ponderi cylindri aquei BIKC, existentibus jugi brachiis DM, DO æqualibus. Unde cum pondus P tantillo majus esse debeat resistentia, quam in parte opposita superare potest, & hæc resistentia sit ipsa paucæ aquæ ABC gravitatio in orbiculum aBCf, omnino concludi debet hanc aquæ ABC gravitationem æquivalere gravitationi cylindri aquei IafK.

257. Sed inquires forte, si aqua ABC tantam gravitationem in suam basin exerceret, sequeretur fore, ut vas cum infusa aqua tantum ponderare debeat, quantum cylindrus aqueus IC auctus pondere vasis. Nam vas cum infusa aqua lanci impositum atque erecto situ detentum tantum ponderare debet, quanta vi lancem premet; sed lancem urgebit ea vi, qua basis vasis ab interno liquore urgetur aucta pondere vasis, hoc est pondere cylindri KB & vasis simul: interim tamen, si experimentum capiatur, comperietur semper pondus totius non fore majus quam infusæ aquæ & vasis pondera simul sumpta, atque adeo regula nostra hydrostatica phænomenis adversari videtur. Sed objectio falsæ innititur hypothese, quasi liquoris ABC in basin gravitatio etiam tota redundare atque exeri debeat in libræ lancem; quod tamen est falsum, nam si fundus BC urgetur onere IBCK à solo liquore ABC etiam latera tubi acuminati BRA & CSA in altum prementur, nam unumquodque horum laterum punctum tantæ vi premitur (§. 255.) quantum est pondus filamenti aquæ æqualis distantia puncti ab aquæ superficie, juxta directionem superficiæ vasis perpendicularem, adeoque applicando ea, quæ supra (§. 81.) generaliter & in abstracto ostensa sunt, casui præsentī, comperietur prædicta illa latera BRA, CSA vel potius inter-

ternam tubi acuminati superficiem convexam, tanta vi à liquore verticaliter in altum agi, quantum est pondus aquæ illius, qua cylindrus IC aquam in tubo ABC excedit. Unde, quia latera vasis & fundus cohærent, ea sola vis in lancem libræ MO redundare potest, quâ gravitatio aquæ ABC in basin BC excedit vim attollere conantem latera BRA & CSA vasis ABC ab aquæ pressioibus proveniente, aucta pondere vasis; vis vero illa, seu excessus cylindri IC supra massam aquæ, quæ modo nominatam vim attollentem exponit, est pondus solius aquæ in tubo acuminato ABC, ergo vis, qua lanx deprimi atque urgeri debet, est solum pondus aquæ ABC auctum pondere vasis, prorsus ut experientia id manifestat. Idcirco tantum abest, ut objectio ab experientia petita vim propositionis nostræ quicquam infringat, ut eam potius egregie confirmet.

PROPOSITIO V. THEOREMA.

258. *Gravitationes quorumcunque liquorum in subjecta plana horizontalia, sunt areis homologis in scala densitatum vel etiam ordinatis scalæ pressionis liquorum proportionales.* Fig. 6r.

Sit vas quodcunque irregulare ABC liquoris heterogenei plenum usque ad DE, & circa axem ET superficiem liquoris DE fundoque BC perpendicularem, atque adeò fluidi altitudinem super fundo designantem, extructæ sint curvæ HKN & EIX, quarum illa sit scala densitatum liquoris, utpote cujus ordinatæ EH, 3p3b, SK, TN densitates liquoris exponunt in illis planis, in quibus ordinatæ reperiuntur, hæc vero EIX scala pressionis liquoris, cujus scilicet ordinatæ 3p3q, SI, &c. gravitationes liquoris denotant in plana 3d3e, FG, &c. Ac denique area EHKNT applicata ad ejus altitudinem ET præbet mediam densitatem TV fluidi heterogenei. Ordinatæ verò scalæ gravitationum EIX (§. 246.) areis homologis scalæ densitatum HKN proportionales sunt, ultimæque TX toti axi AT æqualis esse ponitur. Quibus intellectis probandum est, fore gravitationem liquoris DFGE in planum FG ad gravitationem liquoris DBCE in fundum BC, ut area ESKH ad aream ETNKH, vel sicut SI ad TX, &c.

Vasis liquor divisus intelligatur, ut in præcedenti, in sua strata horizontalia æque alta quidem omnia, sed infinitesimæ altitudinis, per plana de, 2d2e, 3d3e, &c. fundo BC æquidistantia. Quia igitur cujusque strati altitudo insensibilis seu indefinite parva est, den-

densitas liquoris per totum stratum tanquam uniformis spectari potest, scilicet EH significabit densitatem primi strati $deED$, ordinata pb densitatem uniformem secundi $2d2ed$, atque ita porro de reliquis. Jam puncto e primi strati perpendiculariter imminet columnula seu filamentum eo , ejusque adeo pondus sustinebit: atqui pondus ipsius eo (§. 33.) est ut ejus volumen & densitas seu gravitas specifica conjunctim, hoc est $=eo.EH=Ep.EH$ seu $=rec-lo\ u$ areæ SHK inscriptum ordinatæ EH adjacent, eademque est pressio, quam subeunt omnia reliqua puncta plani de ; pressio verò, quam sustinebunt puncta baseos $2d2e$ secundi strati $2d2ed$, erit aggregatum ponderum filamentum cujusdam secundi strati, & æque alti filamentum eo in primo, quorum hoc, ut modo dictum, exponitur $rec-lo\ u$, illud verò $rec-lo\ 2u$ seu $p2p.pb$: atque adeo erit talis pressio in $2d2e$, $=u+2u$. Ebdem argumento conficietur gravitationem liquoris in tertium planum $3d3e$ exponi aggregato rectangulorum $u+2u+3u$; atque adeo pressio, quam plani FG puncta sustinebunt, exponetur omnibus rectangulis $u, 2u, 3u, 4u$ quæ areæ $ESKH$ inscripta sunt, atque ob infinitesimam cujusque altitudinem in hanc aream evanescent, ita ut loco aggregati omnium area ipsa $ESKH$ intelligenda sit, ac propterea pressio, quam planum FG à liquore incumbente subire debet, exponitur area homologa $ESKH$, & gravitatis liquoris in fundum BC per aream $ETNKH$; est ergo omnino $pr. FG: pr. BC=ESKH: ETNKH=SI: TX$ per §. 246. Quæ erant demonstranda.

COROLLARIUM I.

259. Hinc pressio, quam particula quævis FR plani FG ab imminenti liquore patitur, æquivaleret ponderi absoluto massæ liquoris cujusdam homogenei, cujus densitas æqualis sit densitati mediæ TV liquoris heterogenei, volumen vero prisma rectum super basi FR & altitudine æquali SI homologæ ordinatæ scalæ pressionum $SI: X$. Nam, juxta Propositionem præsentem, pressio, quam subit particula FR , exponi debet factò ex area $SEHK$ in particulam FR plani FG ; & (secundum hypothesin) $SEHK: TEHKN=SI: TX=SI: TV: TX.TV$, atque (§. 245.) area $ETNKH=ET.TV$, cum ipsa TV seu media liquoris densitas sit ea, quæ oritur applicando dictam aream ad altitudinem ET , atque adeo facta, uti posthac semper factum supponemus, TX æquali ET , etiam rectangulum $TX.TV$ areæ

areæ ETNKH æquetur; reperietur rectangulum SI. TV ubique æquale homologæ areæ ESKH, & factum ex hac area in FR, exponens gravitationem seu pressionem in hanc particulam, erit æquale facto SI. TV. FR, quod designat prisma, cujus basis FR est planum pressionem sustinens, altitudo verò SI ordinata scalæ gravitationum, ductum in mediam densitatem TV liquoris heterogenei: atqui (§. 33.) prisma SI. FR ductum in TV exponit pondus liquoris homogenei, cujus densitas est TV & volumen ipsum prisma SI. FR; ergo particula FR plani FG ab incumbente liquore heterogeneo pressionem subit æqualem ponderi prismatis fluidi, cujus basis sit ipsa particula pressionem sustinens, altitudo ordinata homologa SI scalæ pressionum, & densitas uniformis TV media densitas liquoris heterogenei.

C O R O L L A R I U M II.

260. Unde, quia æquales & minimæ particule lateris FL & contigua FR in plano horizontali FG (§. 252.) æquales ab imminente liquore heterogeneo pressionem sustinent, quælibet, juxta directionem ipsi perpendicularem, etiam FL pressionem subibit æqualem ponderi prismatis liquidi, cujus basis sit particula hæc ipsa FL fluidi impressionem excipiens, altitudo verò SI ordinata homologa scalæ pressionum & denique TV media densitas liquoris heterogenei.

C O R O L L A R I U M III.

261. Si liquor est homogeneus, cujus densitas sit HE scala densitatum fiet recta axi ET parallela per punctum H ducta, eritque adeo hoc casu $TV = EH$, & curva EIX mutabitur in lineam rectam angulum semirectum cum axe ET continentem; adeò ut iterum hinc liqueat, cujusque liquoris homogenei gravitationes altitudinibus liquoris super planis, quæ pressionem subeunt, proportionales esse. Nam in triangulo rectilineo ETX ordinatæ SI, TX, quæ gravitationes liquoris in plana FG, BC significant, abscissis ES, ET proportionales erunt existente linea EIX recta, qualem nunc esse supponemus, ne pro hoc casu particulari novum schema delineare necessum habeamus.

COROLLARIUM IV.

Fig. 62. 262. Sed si liquores homogenei diversæ densitatis vel gravitatis specificæ inter se conferuntur, gravitationes sunt in composita ratione densitatum & altitudinem, adeoque si in syphonis ABd crure ABC insit liquor DC cujus densitas uniformis sit EH , & altitudo super fundum æqualis HN ; alteri verò cruri ab insit liquor dt densitatis eh vel nc ad altitudinum ce in crure assurgens, erit hujus liquoris gravitatio exprimenda rectangulo $he.et$, & liquoris DEC gravitatio exponi debet rectangulo $EH.HN$, adeoque, si tubi per horizontalem bB communicantes, atque rectangula $EH.HN$, $he.et$ æqualia fuerint, liquores in æquilibrio consistent, quod proinde continget, ubi altitudines liquoris EC , & densitatibus seu (§. 33.) gravitatibus specificis he , HE fuerint reciproce proportionales.

CAPUT II.

De gravitationibus Liquorum in Vasorum latera, & de Tuborum firmitatibus requisitis ad perseverandas liquorum pressiones.

IN Capite proxime antecedenti eas solum gravitationes liquorum contemplati sumus, quæ in plana horizontalia exeruntur; in hoc verò examinandæ veniunt pressiones liquorum laterales, quibus parietes seu spondæ vasorum afficiuntur. Talis enim indaga præbebit regulam pro definiendis tuborum firmitatibus ad resistendum aquæ pressioibus & viribus, quibus liquores vasorum latera ab invicem diducere conantur.

PROPOSITIO VI. THEOREMA.

Fig. 63. 263. Vasis vel tubi $EAQP$ ex utraque parte $ETPS$ & $AYQV$ apertis & liquori $paad$ immissi usque ad ETP , superficies externa & convexa ab ambiente liquore eadem vi introrsum versus axem premetur, qua cava vasis superficies extrorsum urgetur ab interno vasis liquore.

*Nam si loco vasis $EAQP$ intelligatur moles liquoris ejusdem constitutionis cum liquore ambiente, ejusdemque figuræ, magnitudinis

dinis & positionis cum vase, quia (secundum hypothesein) omnia sunt in statu manenti, massæ liquidæ EAQP superficies externa eadem vi ab ambiente liquore ~~æq~~ urgebitur, quâ superficies ejus cava à liquore EAYQP, alioqui, si alterutra pressio alteri prævaleret, partes liquoris ad motum concitarentur, nec proinde aqua vel liquor foret in statu manenti, contra hypothesein. Jam eandem impressionem exercebit liquor ambiens in superficiem vasis rigidam convexam, quàm in similem æqualem & similiter positam superficiem aquæ EAYQP, ac pariter hic liquor vel aqua in suam cavam superficiem eandem impressionem exseret, quàm exsereret in similem & æqualem superficiem cavam, sed rigidam vasis. Ergo externa & interna vasis superficies à liquore ambiente & interno, in vasis cavitate existente, æqualibus viribus in oppositas partes, juxta directiones superficiiei vel superficiebus perpendiculares, urgentur. Quod erat demonstrandum.

PROPOSITIO VII. THEOREMA.

264. Si Prisma rectum NEABL terminatum superficie curva NCEBL, rectangulo NLBC & duabus figuris similibus ac æqualibus quibuscunque BAC, LEN, cujuslibet liquoris heterogenei plenum sit, & planum cba basi CAB parallelum, ab eadem distet intervallo Aa, insensibili respectu totius liquoris altitudinis EA vel MD. Superficies cava CcaABB & rectangulum BCcb viribus æqualibus in partes directe oppositas prementur; ipsaque potentia, qua superficies & rectangulum afficiuntur, æquabitur ponderi prismatis liquidi, cujus basis est rectangulum BbcC, & altitudo ordinata af scalæ gravitationum EZa liquoris heterogenei, densitas verò uniformis Aa eadem cum media densitate ejusdem liquoris heterogenei. Fig. 63.

Singula curvæ cab puncta eandem pressionem sustinent, æqualem (§. 260.) scilicet ponderi filamentum liquoris homogenei, cujus altitudo est af ordinata scalæ gravitationum, & densitas uniformis recta Aa, quæ liquoris heterogenei mediam densitatem repræsentat; & singula puncta curvæ CAB pressionem subeunt æqualem ponderi (§. 260.) filamentum ejusdem ac modò liquoris homogenei, cujus densitas uniformis sit iterum Aa, altitudo verò Aa homologa ordinata scalæ pressionum. Verum, quia differentia æg ordinatarum fa, aA (secundum hypothesein) insensibilis est atque adeo contemnenda præ his ordinatis, singula puncta superficiiei cavæ CaB una eademque

potentia, quam exponit pondus filamenti liquidi altitudinis af vel Aa & densitatis Aa affici censerit debent, adeoque impressio, quam à fluido vasi indito patietur dicta superficies curva & cylindrica (§. 63.) æquivalet pressioni, quam subiret rectangulum $BCcb$, si etiam singulis ejus punctis potentia af applicata esset, atque gravitatio in hoc rectangulum est ut af . BC . Bb , vel af . BC . Aa , ductum in Aa , cum pondus cujusque filamenti af sit ut hoc filamentum, tanquam volumen, ductum in densitatem seu specificam gravitatem Aa . Atqui solidum af . BC . Bb ductum in Aa denotat (§. 33.) pondus massæ fluidæ solido isti quoad volumen æquali, cujus uniformis densitas æquetur mediæ densitati Aa liquoris nostri heterogenei. Ergo superficies cava CaB & rectangulum Cb æquali vi in oppositas partes urgentur, & tanta quantum est pondus prismatis liquoris homogenei, cujus prismatis basis sit ipsum rectangulum Bc superficiem curvam CaB subtendens, altitudo verò af ordinata scalæ gravitationem EZa ; & liquoris homogenei densitas sit media densitas Aa liquoris heterogenei. Quod erat demonstrandum.

COROLLARIUM I.

265. Vires, quibus altera superficies cava $CcgybB$ & rectangulum ipsam subtendens CBb in oppositas partes urgentur, etiam æquales erunt, si toti prismati $EAQP$ idem liquor heterogeneus inditus fuerit, utpote quæ vires exponuntur una eademque re, scilicet pondere prismatis liquidi basin rectangulam CBb & altitudinem af habentis, cujus densitas uniformis eadem est ac prius, media densitas Aa fluidi heterogenei.

COROLLARIUM II.

266. Propterea gravitatio liquoris heterogenei in totam superficiem cavam $CNEABL$ vel in rectangulum $NCBL$, item in superficiem $NCVQPTLB$ & idem rectangulum $NCBL$ æquivalet ponderi prismatis recti & liquidi, cujus basis sit area seu trilineum $EZaAE$ altitudo CB , densitasque uniformis Aa .

Nam si altitudo AE vasis in innumeras particulas indefinite parvas qualis Aa divisa, & per singula divisionum puncta a plana horizonti parallela, quale $acqb$, ducta intelligantur, per art. 264. quælibet superficiecula cava cAb vel cQb & rectangulum CBb pressionem subibunt

bunt æqualem ponderi liquoris homogenei, cujus volumen fit parallelepipedum seu prisma rectum, cujus basis rectum CBb ac altitudo af , scilicet homologa ordinata scalæ pressionum EZa , & cujus liquoris homogenei densitas sit A_w par mediæ densitati liquoris heterogenei vasis EQ vel ECB , atque pondus liquoris homogenei sub dicto volumine (§. 33.) exponitur factum & volumine in densitatem liquoris, quæ est A_w , seu media densitas liquoris heterogenei, hoc est per af . BC . Dd . A_w , $= A_w$. BC . rectum fA , & pressio omnium superficiëcularum CaB vel omnium CqB , quæ in tota $CNELB$, vel in tota $CNPLB$ continentur, exponetur per factum ex A_w . BC in omnia rec-la fA , quæ areæ $EzaA$ inscribi possunt, vel quia hæc rec-la areæ inscripta in hanc ipsam aream desinunt, per factum ex A_w . BC in aream $EzaA$. Atqui hoc factum (§. 33.) æquivalet ponderi quam habet massa liquoris homogenei, cujus densitas est A_w & volumen est prisma ex basi $EzaA$ & altitudine BC . Ergo etiam pressio liquoris heterogenei in superficiem curvam $CNELB$, vel in $CNPLBQ$ æquivalet ponderi ejusdem liquoris homogenei massæ.

267. Zonæ vero $CcabB$ vel $CcqbB$, quorum communis altitudo Aa nunc ponatur finitæ magnitudinis, pressione subibunt exponendam pondere prismatis liquidi, cujus basis sit trapezium vel quadrilineum $afzA$, altitudo BC , & densitas uniformis A_w .

C O R O L L A R I U M III.

268. Unde si planum $EMDA$ rectangulo $NCBL$ in medio MD occurrat ad angulos rectos, in hoc plano reperietur media directio pressionum, quas singula puncta superficiërum NAL & NQL subeunt à liquore heterogeneo, cum in dicto plano $EMDA$ media sit directio pressionum, quas singula puncta rectanguli $NCBL$ ab eodem in vase liquore heterogeneo sustinent, & pressiones hujus liquoris in superficies curvas NAL & NQL eadem fiat cum pressione, quam sustinere debet rectangulum $NCBL$. Idcirco, si per centrum gravitatis areæ $EzaA$ planum rec-lo NB perpendiculare ductum intelligatur, cujus & plani $EMDA$ prolongati communis sectio sit ZK , hæc KZ (§. 54.) erit media directio gravitationum liquoris in superficiem cavam NAL . Et punctum K vocari nunc potest *Centrum pressionum vel gravitationum* liquoris heterogenei.

COROLLARIUM IV.

269. Hinc liquoris heterogenei pressio lateralis, quam sustinent superficies cavæ NAL vel NQL aut etiam rec-lum æquale CBL, est ad pondus absolutum liquoris heterogenei NLBCE, sicut factum ex prismatico recto, cujus basis est figura EZaA, & altitudo BC in Aa ad factum ex prismatico NEABL in Aa, vel omissa hac Aa, velut prisma illud ex EZaA in BC ad hoc prisma NEABL. Nam (§. 266.) prisma EZaA. BC ductum in Aa significat pressionem, quam superficies curva CEB vel CQPB ab interno liquore heterogeneo patitur, & prisma NEABL ductum in eandem Aa (§§. 245. & 33.) significat pondus absolutum liquoris heterogenei sub volumine NEABL. Propterea, si area AaZE fuerit ad bilineum BACB, basin prismatis seu vasis NEAB, sicut AE ad BC, pressio lateralis, quam superficies cava NAL vel NQL sive rectangulum NCB subeunt, æquabitur ponderi absoluto massæ liquoris heterogenei NEAB, & pressio illa lateralis hoc pondere absoluto major minorve existet, prout ratio trilinei EZaA ad bilineum BACB major aut minor fuerit ratione AE ad BC.

COROLLARIUM V.

270. Adeoque, si vas nostrum ponatur esse tubus SAYPQ, in quo rectangulum SVYT sit maxima sectio basi AYQV recta, duæ partes superficiei cavæ SEAT & SPQT, rectangulo SVYT adjacentes, *maximam* pressionem à liquore heterogeneo, tubo indito, patientur, atque adeò hic liquor, recensitas tubi partes à se invicem avellere conans, *maximam* impressionem in lineas SV & TY, in quibus duæ partes SEAT & SPQT sibi invicem adhærent, exseret, adeò ut, ni tubus satis firmus sit, qui liquoris pressionibus resistere valeat, in loco infimo linearum SV vel TY rumpi, vel saltem rimis pertundi debeat à liquoris pressurâ. Nam quia factum EZaA. VY. Aa exponit pressuram, quam semitubus SAT vel SQT à latere subit, & propter maximum rectangulum SVYT, basis ejus VT major est basi CB cujuslibet alius rectanguli NCBL, ultrò liquet veritas asserti.

COROLLARIUM VI:

271. Si ergo semel constiterit juxta quam proportionem procedant firmitates tuborum varias crassities habentium, ex collatione harum firmitatum cum liquorum gravitationibus innotescant facili negotio crassities tubi seu spissitudo materiæ, ex qua tubus paratus est, quæ requiritur ad id, ut tubus citra sui rupturam liquoris ei inditi pressionem perferre possit. Firmitatum vero ratio, quibus duo diversi tubi pollent, demonstrabitur in sequenti propositione.

PROPOSITIO VIII. THEOREMA.

272. *Resistentiæ seu firmitates tuborum sunt in composita ratione ex ratione tenacitatis materiæ unius ad tenacitatem materiæ alterius tubi, ex ratione crassitiei ad crassitiem, & denique ex altitudinis tubi unius ratione ad altitudinem alterius.* Fig. 64

Sit tubus, cujus orificium figura interior AVQY, crassities materiæ, ex qua tubus paratus est, VV. vel AA aut QQ, & altitudo tubi Vv seu Yy, erunt rectangula uVV & yYY partes, in quibus semitubi uAy & uQy à se invicem avellendi juxta directiones VF & YF à potentiis in contrarias partes agentibus, sibi mutuo adhærent. Jam quia tot vinculis semitubi conjunguntur, quot sunt puncta physica in rectangulis illis uVV & yYY, manifestum est resistantiam tubi æqualem esse vi requisitæ ad omnia vincula seu fibras dilacerandas, atqui vis ejusmodi seu resistantia tubi est ut vis, qua unum vinculum seu una fibra rumpi potest & numerus fibrarum conjunctim, vis verò, qua opus est ad rumpendum unam fibræ, est nobis tenacitas materiæ tubi vel saltem huic tenacitati proportionalis, numerus verò fibrarum est ut summa rectangulorum uVV & yYY, ergo vocando tenacitatem materiæ tubi T, erit ejusdem tubi resistantia sicut factum ex T in duplum rectangulum uVV, hoc est ut 2.T.VV. Vv, vel etiam ut 2.A.C.T, vocando altitudinem tubi Vv, A & crassitiem materiæ seu VV vel YY, C. Sic etiam in alio tubo, cujus firmitas, crassities materiæ ejusdemque tenacitas, ac denique tubi altitudo dicantur, f, c, t & a, & F indicet pariter firmitatem primi tubi, erit f ut 2act, & cum paulo ante fuerit F ut 2ACT erit omnino $F:f = TCA::tca$. Quod erat demonstrandum.

COROLLARIUM I.

273. Hinc figuras 63 & 64, junctim inspiciendo, quia (§. 267.) pressio liquoris heterogenei, quæ in partes uAy & uQy exferitur, est $afaA$. VY. Au , hæc pressio etiam erit = AMDS, nominando altitudinem zonæ quæ ABQ, quæ est Aa ut supra, A, quadrilinium $afaA$ = A.M, diametrum VY vel AQ = D. adeoque pr. uAy + pr. uQy = 2AMDS, existente Au = S. Ponendo igitur liquoris pressionem in zonam aAQq præcise æqualem esse ejus firmitati, seu F = pr. uAy + pr. uQy , erit (§. 272.) 2. FOA = 2.AMDS, vel CT = MDS, & in alio tubo ct = mds , indicando similes res per similes litteras in utroque tubo majusculis in primo, & minusculis in altero. Ergo CT : ct = MDS : mds .

COROLLARIUM II.

274. Habeant insuper tubi nostri orificia circularia, atque contineant liquores homogeneos, eritque eo casu linea EZa recta angulum semirectum continens cum EA, adeo ut sit af = Ea, Au verò, quæ dicta est S, designat densitatem seu gravitatem specificam liquoris, & M erit Ei bisecta scilicet Aa in i ; quandoquidem M. Aa = $afaA$, & hoc casu hoc quadrilinium abit in trapezium æquale rectangulo sub Ei & Aa. Hisce positis analogia corollarii præcedentis transformabitur in sequentes I°. C : c = (M. S. D : T) : ($m. s. d : t.$). Hoc est, crassities materiæ in ambobus tubis firmitates habentibus liquorum pressionibus æquipollentes, sunt ut facta ex altitudinibus liquorum mediis & gravitatibus eorundem specificis in diametros orificiorum applicata ad tenacitatem materiæ, ex qua tubi fabricati sunt.

275. Adeoque si liquores ejusdem speciei & tubi ex eadem materia facti fuerint, crassities tuborum æqualiter firmorum erunt in composita ratione altitudinum, liquorum, & diametrorum tuborum, hoc est in ratione rectangulorum per axem tuborum.

276. II°. T : t = (M. S. D : C) : ($m. s. d : c$). Hoc est tenacitates materiæ tuborum æqualis roboris, sunt ut facta ex altitudinibus liquorum mediis & gravitatibus eorum specificis in diametros tuborum applicata ad crassities materiæ, ex qua tubi parati sunt.

SCHOLION.

227. Ut usus præcedentium regularum innotescat, unum atque alterum exemplum afferre libet. *Exempl. I.* Ad Calcem Operis nonnullorum Academiae Reg. Paris. Scientiarum sociorum, quod inscribitur, *Divers Ouvrages de Mathematique & de Physique de Messieurs de l'Academie Royale des sciences*, extat dissertatiuncula Celeb. Olai Romeri Pani De Crassitie & Viribus tuborum in aqua ductibus, secundum diversas fontium altitudines, diversasque tuborum diametros, in qua dissertatione fol. 517. relatum legitur, tubum plumbeum diametri 16 pollicum, cum crassitie 6; linearum (linea ipsi est 12^a. pollicis vel 144^a. pedis Parisiensis pars) pressioni aquæ 50 pedum in altitudine sufficienter restitisse in experimento quodam Versaliis olim sumpto, qua observatione posita, quærit Autor qualis crassities alii tubo plumbeo tribui debeat orificium habenti 10 digitorum, ut aquæ pressionem 40 pedum perferre queat. Canon articuli superioris 275 quæstioni illico satisfaciet, cum hoc casu crassities sint ut rectangula per axem, nam in tubo observationis multiplicando aquæ altitudinem 50 pedum in diametrum tubi 16 pollicum, productum 800 denotat rectangulum per axem in tubo observationis, & ducendo altitudinem aquæ 40 pedum in diametrum 10 pollicum alterius tubi proveniet 400 pro rectangulo per axem in hoc tubo, quod cum illius 800 tantum dimidium sit, hujus tubi crassities juxta canonem tantum dimidia erit crassitiei in tubo observationis, quæ erat 6; linearum; ergo quæsitæ alterius tubi crassities erit tantum 3; linearum, loco 4; lin. circiter, quam Dn. Romerus reppererat, quia resistentias tuborum statuit esse in duplicata ratione crassitierum cæteris existentibus paribus, quas supra in propositione apparet esse in simplice non duplicata illa ratione.

278. *Exempl. II.* Mariottus censet, ut habetur in eodem Opere quod in antecedenti exemplo memoravi fol. 513, tubum cupreum sex pollicum in diametro aquæ pressionem 30 pedum perferre posse cum crassitie dimidiæ lineæ. Ponamus has tuborum plumbei & cuprei resistentias aquæ pressionibus præcise æquari, inveniendaque sit proportio tenacitatis plumbi & cupri. In formula superiore (§. 276.) elisis S & s utpote æqualibus provenit $T : t = (M. D : C) : (m. d : c)$. ubi majusculæ ad tubum plumbeum, minusculæ verò ad cupreum pertinent, hinc subrogatis ordine loco M, D, C, nu-

T

meris

meris 50, 16, 64; & loco m, d, c, numeris 30, 6 & 1; invenietur $T:t = \frac{16}{50} : 360 = 240:684 = 20:57$, atque adeo tenacitas plumbi foret, juxta has observationes, paulo major quam subtripla tenacitatis cupri.

PROPOSITIO IX. THEOREMA.

Fig. 23, 24. 279. Si vasis BAS, liquoris cujuscunque heterogenei pleni, partes BAE, SAE instar alarum foliis circa verticem A ab invicem diduci queant, earundemque partium vel complementorum OB₁A, OS₁A solida analogae B₂B₁A₂E, S₂S₁A₂E, vel B₂B₁B₂A, S₂S₁S₂A indicentur iisdem signis δ, ν , quibus eorundem solidorum analogorum centra gravitatis signantur, signoque μ pseudocuneus LPQ scale gravitationum LrQ atri que vasis alae communis, quo ejusdem pseudocunei centrum gravitatis signatur, potentiae quaedam aequales ponderi massarum δ, ν liquoris cujusdam homogenei, cujus densitas eadem sit cum PV media densitate liquoris in vase heterogenei, in directionibus suis homologis ad b_1 vel δa & δe per centra gravitatis solidorum δ, ν transeuntibus planisque BS normalibus vasi applicatae, & aliae potentiae γ & ϵ inter se aequales, utpote singulae aequales ponderi molis liquidae μ , cujus densitas uniformis etiam sit PV aequalis mediae densitati liquoris heterogenei, vasi applicatae in directionibus $b_1, \delta a$, plano BS aequidistantibus, & per centrum gravitatis μ pseudocunei scale gravitationum transeuntibus; haec quatuor potentiae δ, ν, γ & ϵ simul agentes, quaelibet scilicet secundum suam directionem, eadem vi pollent ad diducendas vasis alas, quam habet eidem vasi inditus liquor heterogeneus.

Haec propositio tantum est casus particularis corollarii primi Propositionis X. libri primi, nam quae in hac propositione generaliter dicitur scala potentiarum solido patienti perpendiculariter applicatarum, nunc est scala gravitationum LrQ, quandoquidem quodvis punctum b in superficie AB₁B₂ urgetur juxta directionem b_1 superficiei perpendiculararem (§. 260.) potentia aequali ponderi filamentum liquidum voluminis $3er$ & densitatis PV, aequalis mediae densitati liquoris heterogenei, quod pondus filamentum $r3e$ exponitur (§. 33.) facto $r3e$. PV ex volumine scilicet in densitatem liquoris, atque adeo liquoris gravitationes in cavam vasis BAS superficiem idem praestant ac potentiae singulis punctis cavae isti superficiei applicatae, quas designant ordinatae respectivae $r3e$ scale gravitationum LrQ ductae in datam PV. Propterea (§. 81.) liquor heterogeneus vasis

vasis eundem effectum præstabit, quem potentia expressæ per solida δ, κ , & α ducta in PV, atque adeo æquales ponderi liquoris homogenei densitatis. PV sub voluminibus illis δ, κ, α , applicatæ solidi BAS in directionibus $a\delta, \xi\kappa$ vel $\delta\alpha, \kappa\xi$ & $b\gamma, \sigma\alpha$. Quod erat demonstrandum.

COROLLARIUM I.

280. Adeoque momenta fluidi heterogenei vasis alas diducere conantis circa hypomochlion A (§. 82.) pro ala BAE erunt PV. $\delta \cdot \alpha E + PV. \gamma \cdot A\epsilon$, & pro ala SAE erunt PV. $\kappa \cdot \xi E + PV. \alpha \cdot A\epsilon$. Hæc enim facta PV. δ , PV. γ , PV. α , PV. κ significant pondera liquoris densitatem PV habentis sub voluminibus δ, γ, α , & κ .

COROLLARIUM II.

281. Antecedens corollarium juxta §. 263. etiam obtinet, cum vasis alæ ab aliquo fluido ambiente extus premantur, sed permutationis gravitationum directionibus, hoc est, sicut interni liquoris gravitationes vasis alas ab invicem diducere conantur, ita vice versa ambientis fluidi pressione fit, ut eadem alæ ad se invicem constringantur fortiter. Unde eadem formulæ, quæ in corollario præcedenti momenta liquoris interni vasis alas dilatare conantis designabant, momenta pariter liquoris ambientis alasque constringere conantis expriment, sed scalæ gravitationum liquoris exterioris applicatæ.

SCHOLION.

Adeoque, ad æstimandas liquoris pressiones in vasis diducibilibus, tota difficultas eo reducitur, ut habeatur regula calculum subducendi pro inventione momentorum solidorum δ & κ respectu plani recti AE, & pseudocunei α respectu plani PQ, vel subinde etiam respectu plani OAO figuræ 24, quoties scilicet vasis vertex A sursum respicit. Calculus vero facile reduci potest ad quadraturas figurarum, ut ex sequentibus duobus theorematibus haud difficulter perspicietur.

PROPOSITIO X. THEOREMA GEOMETRICUM.

Fig. 27.

282. Solidi cujusvis CBAD, cujus sectiones cbd basi CBD parallelæ sint, figuræ similes & similiter positæ, momentum respectu plani CAD basi CBD recti, æquabitur facto ex trilineo quodam AEFfA in rectangulum sub EF, quam ipsi BE rectæ CD normali æqualem ponimus, & data recta D ejus magnitudinis, ut parallelepipedum sub quadrato rectæ BE vel EF & hac data D, æquale fiat solido ex bilineo CBD in XE, existente hac XE distantia centri gravitatis X bilinei CBD ab ejus basi CD, ipsum verò trilineum ea lege descriptum sit, ut ejus ordinatæ EF, ef sint in triplicata proportionem ordinarum ipsi in directum positarum BE, be, in figura AbBE, quæ plano CAD recta est, & per axem AE figuræ CAD transit.

Sit x centrum gravitatis figuræ cbd , eritque xe distantia hujus centri à basi cd bilinei cbd in plano figuræ AbBE, quandoquidem figuræ CBD, cbd (secundum hypothesein) similes & similiter positæ sunt, eritque adeo CBDC. $XE:cbdc.xe = BE^3:be^3$ id est constr. $= EF.ef = D.EF^2:D.EF.ef$, atqui (constr.) est $D.EF^2$ vel $D.BE^3$ æquale solido ex CBDC in XE, ergo etiam $D.EF.ef$ æquabitur solido ex $cbdc$ in xe , seu momento bilinei cbd axi cd appensi. Jam, quia momentum solidi totius CBAD respectu plani CAD æquatur momenti omnium bilineorum $cbdc$, quæ in hoc solido continentur, id est, omnibus $cbdc$ in xe , idem solidi momentum etiam æquale erit omnibus $D.EF.ef$, quorum singula singulis $cbdc.xe$ æqualia sunt, atqui omnia $D.EF.ef = D.EF.omn.ef = D.EF.aream EAfF$. Ergo momentum solidi CBAD æquatur facto ex area EAfF in rectangulum D.EF. Quod erat demonstrandum.

COROLLARIUM I.

283. Adeoque momentum complementi solidi CBAD respectu ejusdem plani CAD, seu solidi residui post deductionem ipsius CBAD à prismate recto & æqualto CDBG, æquabitur facto ex trilineo AFH in rectangulum D.EF. Nam momentum prismatis CDBG est factum ex rectulo EH in rectangulum D.EF, & solidi CBAD momentum æquatur facto AEFfA. D.EF, adeoque momentum complementi hujus solidi CBAD æquatur omnino facto ex rectulo EH, demto trilineo EAF, in rectangulum D.EF, hoc est facto ex AFH in D.EF.

C.O.

COROLLARIUM II.

284. Unde, si solidum nostrum CBAD fuerit analogum solido patienti BAE propositionis præcedentis, atque adeò idem sit cum solido δ , erit hoc casu $\delta \cdot \Delta E$ seu momentum solidi $\delta = EAfF$, ΔEF , in casu figuræ 23. quo vertex solidi BAS deorsum respicit, & $\delta \cdot \Delta E = HFfA$. D. EF in casu figuræ 24, quo vertex sursum respicit.

PROPOSITIO XI. THEOREMA GEOMETRICUM.

285. Si prisma rectum super basi CAD sectum intelligatur superficie quadam curva QrLCD, nascetur inde cunei species QACD, cujus acies erit in linea CD, ejusque facies curva aciei CD adjacens oritur motu parallelo lineæ CD, ita ut fixum in ea punctum E semper in curva LrQ existat inter movendum; lineaque CD plano LPQ perpendicularis sit, hujus cunei momentum respectu plani PQ alteri CAD recti æquabitur factò areæ seu bilinei EiA in rec-lum AE. CD, ubi bilinei ordinata quæcunque ei fuerit ad ordinatam homologam ex figuræ PLQ, sicut rectangulum coordinatarum Ae, cd in figura CAD, ad rectangulum ex datis AE, CD. Fig. 28.

Nam quia (secundum hypothesin) $ei:er = Ae.cd:AE.CD$, erit $Ae.cd.er$ hoc est momentum rec-li cd. er ad distantiam Ae plano PQ appensi = solido AE. CD. ei. Atqui momenta omnium rectangulorum $cd.er$ contentorum in pseudocuneo æquivalent momento istius pseudocunei, ergo etiam omnia EA. CD. ei, hoc est, factum ex rec-lo AE. CD in bilineum EiA, æquantur momento pseudocunei QACD. Quod erat demonstrandum.

COROLLARIUM I.

286. Quoties figuræ CAD vertex A deorsum conversus est, atque adeo cum puncto P congruit, toties curva EiA per puncta L & P transibit, adeo ut ordinatæ ejus in his punctis nullæ sint. Sed si vertex A ejusdem figuræ CAD sursum respicit, adeo ut basis CD per punctum P transeat & vertex cum puncto L confundatur, curva LrI transibit quidem per punctum L, non verò per punctum P, cum ordinata ejus in hoc puncto PI ipsi PQ seu PL æqualis futura sit, nam si CD est in P & A in L, analogia $en:er = Ae.cd:AE.CD$, fiet.

fiet $PI:PQ=AE.CD:AE.CD$, atque adeò $PI=PQ=PL$, ubi scilicet Ae facta fuerit AE . Hocque casu erit momentum solidi respectu plani per L transeuntis alterique PQ æquidistantis, æquale facto ex rec-to $AE.CD$ in aream PLI .

COROLLARIUM II.

287. Hinc, si figura CAD fuerit sectio recta in solido patiente BAS figurarum 23 & 24, & curva LrQ scala gravitationum liquoris heterogenei, solidum $QPCD$ erit pseudocuneus scalæ gravitationum, & momentum ejus, seu $u. Ae$, in casu figuræ 23 = $AE.CD.LIPL$, & $u. Ae$ in casu figuræ 24, = $AE.CD.LIIP$.

SCHOLIUM.

288. Patet ergo computum momentorum liquorum in vasis ducibilibus gravitantium totum deduci ad investigationem arearum $AEffA$, LiP & $LiIP$ in figuris 27, 28. quæ in particularibus exemplis semper haberi possunt, si non algebraice, saltem transcendenter. Sit enim vas BAS conicum liquore homogeneo plenum, adeò ut curva LrQ abeat in lineam rectam, quo casu solida δ & \times erunt similia & æqualia solidis BAE . & SAE , & solidum $CBAD$ erit semissis conii recti, in quo cum sit $EA^3:eA^3(=BE^3:be^3)=EF:ef$, liquet curvam AfF fore hoc casu parabolam cubicam, atque adeò trilineum EAF erit $=\frac{1}{2}AE.EF$, & $AFH=\frac{1}{2}AE.EF$. Et quia CBD est semicirculus, cujus centrum in E , erit $CBDG.XE=\frac{1}{2}BE^3=D.BE^3$, atque adeò $D=\frac{1}{2}BE$. Hinc (§. 284.) $\delta.aE=u.xE=D.EF$. $AEF=\frac{1}{2}BE.EF$. $AEFA=\frac{1}{2}BE.EF$. $\frac{1}{2}AE.EF=\frac{1}{2}AE.BE^3$.

Fig. 28. Porro existente linea LrQ recta & $LP=PQ$, erit etiam $Le=er$, & sic ubique: unde cum (§. 285.) ei sit ad er ut $Ae.cd$ ad $AE.CD$, erit ubique ordinata $ei=Ae.eE.cd:AE.CD=Ae^3.eE:AE^3$, substituendo loco rationis $cd:CD$ æqualem rationem $Ae:AE$ propter similitudinem triangulorum Acd & ACD , quandoquidem in præsentī casu figura ACD est triangulum. Hinc reperietur per notissimas quadraturarum methodos bilineum $EiA=\frac{1}{2}AE^3$: hinc in casu figuræ 23. habebitur (§. 287.) $u. Ae(=AE.CD.LIAL)=AE.CD.\frac{1}{2}AE^3$, seu, quia CD tantundem est ac $2BE$, $=\frac{1}{2}BE.AE^3$.

Erit

Erit ergo $PV. \delta. aE + PV. u. Ae = \frac{1}{2} PV. AE. BE^2 + \frac{1}{2} PV. BE. AE^2 = \frac{1}{2} PV. AE. BE. AB^2 = PV. u. \delta E + PV. u. Ae$ quia in praesenti casu alas BAE & SAE, utpote semisses conici recti BAS, similes & aequales sunt. Fig. 23.

289. Si conus BAS ab aëre etiam extus premi ponatur, & quæ-
ratur altitudo AE ipsius conici, in suppositione æquilibræ internæ li-
quoris pressionis in cavam conici superficiem cum externa aëris in con-
vexam, erit hoc casu scala gravitationum LrQ linea recta axi LP
seu AE parallela, cujus ab hac AE distantia sit PQ in figuris 23,
24, & 28, & EM vel AN in figura 27. Hoc casu solidum δ vel π
erit prisma baseos $CBDC$ & altitudinis EM seu PQ , hujusque
prismatis momentum seu $\delta. aE$ nunc fiet $= CBDC. XE. EM$ (vel quia
supra inventum est $CBDC. XE = \frac{1}{2} BE^2$) $= \frac{1}{2} EM. BE^2$. Loco pseu-
docunei π nunc habebimus prisma ex basi CAD & altitudine PQ ,
unde, quia generaliter est $ci : cr = Ae. cd : AE. CD$ (vel propter trian-
gula similia CAD & cAd) $= Ae^2 : AE^2$, & propter æquales cr &
 PQ , cum linea LrQ ipsi EA parallela supponenda sit, atque per Q
transiens, erit $ci = Ae^2. PQ : AE^2$, hocque casu foret curva EiA pa-
rabola conica, cujus parameter est $AE^2 : PQ$, adeo ut area $EiAE$
hoc casu futura sit $= \frac{1}{2} AE. PQ = \frac{1}{2} AE. EM$; atque adeo $\gamma. Ae = u.$
 $Ae (= AE. CD. EiAE) = \frac{1}{2} AE^2. CD. EM = \frac{1}{2} BE. EM. AE^2$. Idcir-
co vocando atmosphæræ densitatem mediam Z , erit summa mo-
mentorum pressionis aeris, seu $Z. \delta. aE + Z. u. Ae = \frac{1}{2} Z. BE. EM.$
 $BE^2 + \frac{1}{2} Z. BE. EM. AE^2 = \frac{1}{2} Z. BE. EM. AB^2$. Hinc, quia (secun-
dum hypothefin) in casu æquilibræ $PV. \delta. aE + PV. u. Ae = Z. \delta. aE$
 $+ Z. u. Ae$, erit etiam $\frac{1}{2} PV. AE. BE. AB^2 = \frac{1}{2} Z. BE. BM. AB^2$, ad-
coque $PV. AE = 4. Z. BM$. Invenimus enim supra, $PV. \delta. aE + PV.$
 $u. Ae = \frac{1}{2} PV. AE. BE. AB^2$, & paulò ante pro momentis aeris ex-
tus prementis, seu pro $Z. \delta. aE + Z. u. Ae$ invenimus $\frac{1}{2} Z. BE. BM.$
 AB^2 . Atqui $PV. AE$ denotat pondus columnæ liquidæ, cujus altitu-
do AE & media densitas PV , & $Z. BM$ gravitationem totius at-
mosphæræ, quam simplicius per p indicabimus, ergo si vas conicum
BAS hydrargyri plenum sit, oportet altitudinem AE quadruplo
majorem esse altitudine columnæ mercurialis æquivalentis atmosphæ-
ræ pressionem, atque adeo minimum 120. digitorum, cum atmosphæ-
ræ gravitatio æquivalet 30. digitis Mercurii, ad obtinendum æqui-
librium inter externam atmosphæræ pressionem & internam Mer-
curii gravitationem follis conici alas ab invicem diducere conan-
tem.

Sin

Sin vero coni vertex sursum conversus esset, ut in fig. 24. eo casu præcedentia theoremata præberent $PV.AE = \frac{1}{2} Z.BM$ pro casu æquilibrium inter pressuram externam aëris & internam Mercurii, atque adeo pro hoc æquilibrio obtinendo nunc sufficeret altitudo AE 60. digitorum. Atque hæc determinationes ad amissum consentiunt cum iis, quæ Celeb. Jac. Bernoullius super hac re prædixit in *Actis Erudit. Lips.* 1686. & 1687. occasione alicujus perpetui Mobilis in Novellis Reipublicæ literariæ D. Bælii 1685. propositi, quod consistebat in quadam follis specie triangularis, circa axem horizontalem alterutrius alæ medio affixum mobilis, Mercurio modo implendi, modoque etiam in situm rectum deducti iterum aliquo usque deplendi &c. Hujus machinæ successum irritum fore ex principiis hydrostaticis & vectis natura ostendit eleganter modo laudatus Bernoullius. Papius verò, etsi successum pro dubio habuisse videtur atque imperfecta pressionum æstimatione impossibilitatem motus ejus utcunque ostenderit, nihilominus tamen Bernoullianam machinæ discussionem eludi posse existimavit, motum parallelum alis tribuendo, quo vectis rationem, in qua Bernoullii impugnatio fundata erat, cessaturam esse confidebat perperam. Ea vero, quæ super prædictam machinam in utramque partem agitata fuere, legi possunt in *Actis Lips.* supra citatis.

CAPUT III.

De Æquilibrio Corporum solidorum in Fluidis quibuscunque demersorum, vel iisdem Fluidis innatantium.

PROPOSITIO XII. THEOREMA.

290. **O**Mne fluidum heterogeneum corpus quodcunque solidum in ipso demersum, vel eidem innatans, tanta vi in altum pellere conatur, quantum est pondus massæ liquoris cujusdam homogenei sub volumine solidi analogi corpori demerso ejusve parti immersæ, cujus densitas æquet mediam densitatem fluidi heterogenei, secundum directionem fluidi superficiei normalem per centrum gravitatis solidi analogi transeuntem.

Fig. 25. Generale istud theorema aliud non est quam §. 83. in concreto sumtus; idcirco resumendo schemâ dicti paragraphi ponendoque lineam OLQ , quæ illic dicebatur scala potentiarum solido patienti appli-

applicatarum nunc esse scalam pressionum seu gravitationum fluidi heterogenei, planumque FO, quod supra in citato loco planum sublime vocabatur, nunc in concreto erit superficies fluidi, in quo corpus ABAS demersum est, & ex dicto paragrapho 83. illicò liquebit solidum corpus aBAS ea vi in altum urgeri, quæ æquetur ponderi massæ liquidæ 2a2B2A2S sub volumine solidi demerso corpori analogi, cujus densitas uniformis æqualis sit PV seu mediæ densitati fluidi heterogenei. Nam (§. 260.) singula puncta superficiei corporis aBAS pressionem subeunt æqualem gravitati seu ponderi filamentum cujusdam fluidi homogenei, cujus filamentum longitudo eadem est cum homologa ordinata scalæ gravitationum OLQ, & fluidi homogenei densitas uniformis æqualis mediæ densitati PV fluidi heterogenei, in quo corpus aBAS demersum est, quod pondus filamentum (§. 33.) æquatur perpetuo facto ex volumine ejus exposito per ordinatam scalæ gravitationum in densitatem ejus PV, unde, quia in casu præsentis potentia singulis punctis superficiei aBAS perpendiculariter applicatæ sunt ordinatæ respectivæ scalæ OLQ in datam PV ductæ, liquet (§. 83.) potentiam corpus aBAS in fluido heterogeneo attollere conantem facto ex solido 2a2B2A2S in PV exponendam esse, hoc est (§. 33.) pondere massæ liquoris homogenei, cujus densitas PV & volumen sit modo recensitum solidum, dictæque potentia directionem xy plano FO, hoc est fluidi superficiei normalem, transire per centrum gravitatis solidi 2a2B2A2S. Quod primum de corpore demerso aBAS erat demonstrandum.

Non diversa erit demonstratio circa corpus aBAS fluido heterogeneo XZ innatans. Sit enim hujus fluidi scala gravitationum curva LQ, & 2B2A2S solidum analogum parti immersæ BAS, potentia solidum aBAS attollere connitens etiam nunc erit pondus molis fluidæ 2B2A2S, cujus densitas uniformis PV æquatur mediæ densitati liquoris heterogenei, ejusque directio superficiei liquoris heterogenei FL perpendicularis, transibit per centrum gravitatis ejusdem solidi 2B2A2S per §. 83. Quod erat demonstrandum. Fig. 26.

C O R O L L A R I U M I

291. Hinc corpora in fluidis existentia non gravitant totâ suâ absolutâ gravitate, seu pondere absoluto, sed duntaxat pro quantitate, qua pondus illorum absolutum superat pondus massæ fluidi homogenei, cujus volumen sit solidum corpori dato analogum, densitas-

V

que

que par mediz densitati fluidi, in quo corpus demersum est. Adeoque, si pondus massæ fluidæ modo dictæ æquetur ponderi absoluto corporis, hoc corpus in fluido non gravitabit, hoc est, non descendet nec ascendet, & tantum negative gravitabit, hoc est, in fluido ascendet, si nominata fluidi moles gravior fuerit quam demersum corpus, vi æquali excessui, quo fluidi pondus sub volumine solidi, dato corpori analogi, hujus pondus excedit.

COROLLARIUM II.

292. In corollario precedenti jam supponitur lineam jungentem centra gravitatis corporis dati & solidi eidem analogi, juxta scalam gravitationum, fluidi superficiem normalem esse, alioqui corpus in fluido demersum in omni casu circa seipsum convertetur, usque dum dicta linea centra gravitatis conjungens fluidi superficiem perpendicularis facta fuerit. Nam si linea xy producta superficiem fluidi FO ad angulos rectos occurrat, atque per centrum gravitatis solidi $2a2B2A2S$ transeat, vi præsentis propositionis solidum $aBAS$ juxta directionem hanc xy sursum agatur, ipsum verò proprio pondere descendere nititur juxta directionem tu parallelam xy per centrum gravitatis corporis $aBAS$ transeuntem. Jam, si linea connectens centra gravitatis corporum $aBAS$ & $2a2B2A2S$ plano FO obliqua sit, necesse est ut directio tu corporis $aBAS$ descendere conantis & xy directio potentiz attollentis fiat diversæ, seu non congruentes, unde, quia idem corpus $aBAS$ à duabus potentiis oppositis in partes agentibus juxta tu & xy urgetur, liquet id in se ipsum conversum iri juxta ordinem literarum $aBAS$, nec motum ejusmodi conversionis prius posse cessare, quam corpus eum intra fluidum situm nactum sit, quo directiones tu & xy sibi invicem congruant, atque adeo linea jungens centra gravitatis solidorum $aBAS$ & $2a2B2A2S$ plano FO perpendicularis facta sit.

Hactenus generalia circa æquilibria & motus corporum in omni generis fluidis positorum, sequuntur unum alterumve corollarium circa fluida homogenea, & faciliora aliquot problemata.

COROLLARIUM III.

293. Si corpus $aBAS$ fluido homogeneo immersum est, fluidi scala gravitationum erit triangulum rectangulum isosceles OPQ , &

& solidum $2a2B3A2S$, corpori $2BAS$ analogum, eidem simile & æquale erit; atque adeo fluidum homogeneous tanta vi seu potentia corpus in ipso demersum vel innatans attollere conatur, quantum est pondus massæ liquoris sub volumine corporis demersi simili & æquali vel partis fluido immersæ. Idcirco cuilibet corpori tantum de suo pondere intra ejusmodi fluidum decedit, quantum ponderat massa fluidi modo recensita. Atque in hoc corollariolo fundantur ferme omnes regulæ, quas Auctores circa æquilibria solidorum cum fluidis homogeneis subinde tradunt.

COROLLARIUM IV.

294. Hinc etiam (§. 292.) linea jungens centra gravitatis corporis cujusque fluido homogeneo innatantis & in eo in æquilibrio consistentis, ejusque partis fluido immersæ superficiei fluidi normalis existet. Alioqui corpus fluido innatans hinc & inde vacillaret, donec in hunc situm se composuerit.

COROLLARIUM V.

295. Diversæ partes unius ejusdemque corporis diversis liquoribus homogeneis immersæ in casu æquilibrii, sunt in reciproca ratione densitatum seu gravitatum specificarum liquorum, quibus idem corpus successive immersum esse ponitur.

Dicantur liquores L, l , eorum gravitates specificæ S, s , corporis liquoribus successive immisi partes immersæ P, p ; & dico fore $P:p=s:S$. Nam quia corporis liquori L immersa pars est P & S specifica gravitas liquoris, factum ex P in S (§. 33.) exprimet pondus absolutum massæ liquidæ sub volumine P , & eandem ob rationem $p.s$ denotabit pondus massæ liquoris l sub volumine p ; sed pondera $P.S$ & $p.s$, quæ in casu æquilibrii uni eidemque corpori liquoribus L, l immerso æqualia sunt, etiam inter se æquabuntur; adeo ut $P.S=p.s$, & per consequens $P:p=s:S$.

SCHOLIUM.

296. Corollarium præcedens fundamentum continet diversarum machinularum hygrostaticarum, quibus diversorum liquorum specificæ gravitates explorari solent. Ustatissima constat bulla vitrea M collo tacti & cavo MA instructa, cui subinde pauxillum Mercuri

Fig. 67.

rii infundi solet, ut machinula in liquoribus situ semper erecto consistat, bulla vero M ut plurimum definit in sacculum N, in quo infusus Mercurius se colligere possit. Machinulae collum MA ab artificibus in partes æquales dividi solet, sed perperam, ad indicandas æquales gravitatis liquorum differentias. Verum quacunque ratione collum divisum sit, ope nonnullarum observationum machinula apta redditur indicandis omnium liquorum specificis gravitatibus. Ipsæ vero observationes sequenti ratione peragi debent.

Fig. 67. Notetur primum totius machinulae cum indito Mercurio pondus, quod nominabimus P, idque granis expressum supponemus.

Divisiones colli.	Pondera machinulam liquori immergentia.
1 . . .	$P = P$
2 . . .	$2P = P + a$
3 . . .	$3P = P + b$
4 . . .	$4P = P + c$
5 . . .	$5P = P + d$
6 . . .	$6P = P + e$
&c.	&c.

Machinula deinde liquori quidam L immissa mergatur usque ad primam divisionem, seu usque ad GG, quod semper fieri potest addendo vel demendo nonnihil Mercurii. Appendantur porro machinulae successivis vicibus tot grana, usque dum eadem liquori L immergatur ad divisiones omnes sequentes.

2, 3, 4, 5, 6, ponderaque totalia, quæ ma-

chinulam in eodem liquore usque ad dictas divisiones descendere faciunt, sint P, P + a, P + b, P + c, &c. qualia in adjecto laterculo conspiciuntur, & quæ pondera in hoc laterculo etiam signantur per P, 2P, 3P, 4P respective; in quibus expressionibus numeri literæ P præfixi non denotant multipla ponderis P, sed sunt duntaxat notæ generales characteristicae significantes ad quamnam colli divisionem referendus sit granorum numerus per literam P cum suo præfixo numero significatus. Adeoque P, 2P, 3P, 4P &c. significant quidem diversos numeros granorum P, P + a, P + b, P + c qui ex observatione innotescunt, atque adeò in tabella quadam, ut in superiori laterculo, diligenter notandi sunt, sed minime progressionem arithmeticam, qualem series P, 2P, 3P, &c. exhibere videtur; ex ejusmodi observationibus parata tabella machinulam omnium reliquorum liquorum gravitati investigandæ aptam reddunt; nam remotis omnibus granis a, b, c, d, &c. ut sola machinula cum indito Mercurio remaneat, immergatur ea in liquore quodam A, usque in BB, id est ad quartam colli divisionem, & in alio liquore O immergatur usque ad 6 seu in CC, eritque gravitas specifica liquoris A ad gravitatem specificam alterius O, ut numerus granorum 6P conveniens sextæ colli divisioni ad numerum granorum 4P, qui convenit quartæ divisioni; id est gravitates specificæ liquorum sunt

in

in reciproca ratione numerorum ex constructa tabula excerptorum, qui colli divisionibus, ad quas in liquoribus machinula descendit, conveniunt. Demonstratio facilis est, nam (§. 295.) gravitas specifica liquoris A est ad gravitatem specificam alterius O sicut N6 ad N4 hoc est, in reciproca ratione partium machinulae liquoribus immersarum, atqui N6 est ad N4, ut massa liquoris L cujus volumen est N6 ad massam ejusdem liquoris cujus volumen est N4; hæ verò massæ N6 & N4 liquoris L ponderabunt 6P & 4P grana respectively, cum tot grana cum fluidi L massis modo indicatis in æquilibrio fuerint vi observationis paulo ante descriptæ; ergo gravitas specifica liquoris A est ad gravitatem specificam liquoris O, ut 6P ad 4P, prout dicebatur. Hujus generis aliæ machinæ ex iisdem principiis construi possunt.

SCHOLIUM II.

297. Et si me non lateat æquilibria fluidorum cum inter se, tum etiam solidorum corporum cum fluidis homogeneis ex aliis principiis nonnihil brevius posse deduci, scilicet ex fundamento maximi descensus centri gravitatis, quem omnia corpora inter se commissa affectant; seu, quod ferme eodem redit, ab æqualitate momentorum corporum inter se agitandorum, cujusmodi principiis Pascalius alii-que usi sunt. Verum, præterquam quod talia principia indirecta sunt, ea vix ac ne vix quidem absque longis ambagibus fluidis heterogeneis applicari posse videntur in eâ universalitate, in qua præcedentes propositiones ex principiis suis proximis directe deduximus; malui methodo & fundamentis circa potentias singulis punctis cujusque corporis applicatis, quæ in primo libro exposuimus, insistere, utpote quæ modum non inelegantem subministrarunt pressiones fluidorum heterogeneorum ad æquivalentes pressiones fluidorum homogeneorum reducendi.

PROPOSITIO XIII. PROBLEMA.

298. *Datis diametro alicujus pileæ metallicæ cavæ, & ratione specificæ gravitatis metalli, ex quo pila parata est, ad aliquem liquorem homogeneum, invenire diametrum cavitatis pileæ ad id requisitæ, ut pila in liquore illo homogeneo ad datam profunditatem immergatur.*

Sit pila FDE, & ex diametro ejus FM, profunditate LM, ad quam pila liquori APB immergi debet, & ex ratione 1 ad n scilicet.

cet gravitatis specificæ metalli ad liquoris gravitatem, invenire oportet diametrum HN cavitatis pilæ HIK superficiæ FDE concentricæ.

Quia in casu æquilibrii pilæ cum liquore pondus pilæ (§. 293.) æquari debet ponderi, seu gravitati massæ fluidæ DME, atqui pilæ gravitas est factum ex sphaera FDE—sphaer. HIK in specificam metalli gravitatem, quæ est ut 1, & gravitas massæ liquoris, est ut factum ex ejus volumine DME in gravitatem ejus specificam n , ergo sphaer. FDE—sph. HIK = n . segm. DME. Dicantur FM, a ; circumfer. FDE, b ; LM, c & denique HN, x ; eritque sphaera FDE—sph. HIK = $(a^3b - bx^3) : 6a$; & segmentum sphaericum DME = $(3abcc - 2bc^3) : 6a$, quod segmentum ductum in n , præbet $(3abccn - 2bcn^3) : 6a = (a^3b - bx^3) : 6a$, ex qua elicitur $x^3 = a^3 - 3accn + 2c^3n$, vel $\sqrt[3]{a^3 - 3accn + 2c^3n} = x$, seu posita $c = a : m$, existente m numero quocunque, erit etiam $x = a \sqrt[3]{m^3 - 3mn + 2n : m^3}$. Quod erat demonstrandum.

COROLLARIUM.

299. Hinc, si tota pila fluido debet immergi, fiet $c = a$, seu $m = 1$, & postrema æquatio mutabitur in $x = a \sqrt[3]{1 - n}$. Idcirco, si pila ænea in aëre octingentes aquâ levior natare ponatur, erit, posita gravitate specifica æris noncupla gravitatis aquæ, $n = 1 : 7200$, atque adeò formula $x = a \sqrt[3]{1 - n}$ abit in $x = a \sqrt[3]{7199 : 7200}$, atqui per compendium logarithmorum invenietur valor rationalis ipsius $a \sqrt[3]{7199 : 7200}$ inter fractiones decimales 0.999954 & 0.999964, adeoque $a - x$ seu dupla metalli crassities est minor quinque centies millesimis diametri FM, atque adeò crassities ipsa FH vel MN minor una quadragesies millesima ejusdem diametri FM particula. Unde, si globus æneus cavus parari deberet, cujus crassities MN tantum sit unius scrupuli seu 144^m pedis partis, pilæ diametrum majorem 277 pedibus esse oporteret, ut in aëre librata consistere possit. Sin vero cum P. Francisco de Lanis Pilæ æneæ diametrum 8. pedum assumere velimus, ejus crassities minor requiretur, quam una quinquies millesima pedis pars, ac denique si diameter statuatur cum eodem Autore Tom. II. fol. 291. *Magisterii Naturæ & Artis*, 25 pedum, crassities metalli foret minor quam tres quadringentesimæ pollicis partes. Hisce similia etiam exhibere digna-

dignatus est Illustris Leibnitijs Tom. I. *Miscellaneorum Berolinensium* pag. 127. ex quibus omnibus abunde liquet, spem abjiciendam esse omnem, fore ut navigatio aërea fortunato aliquando eventu suscipi queat, in quam egregius ille de Lanis nos erigere voluisse videtur.

PROPOSITIO XIV. PROBLEMA.

300. *Data specificâ gravitate bacilli teretis & gracilis AB & liquoris cujusque homogenei, determinare quousque bacillus extremitate sua A à filo suspensus, ita ut altera extremitate B libere pendeat, liquori debeat immergi.* Fig. 68.

Ponatur gravitatem specificam bacilli AB se habere ad gravitatem specificam liquoris ENF ut BD ad bacilli longitudinem AB, atque bacilli partem BC liquori immergi, quaeritur magnitudo ipsius AC vel BC ex datis AB & DB.

Analysis Geometrica. Per §. 293. bacillus liquori immersus usque ad C perpendiculariter fursum agitur vi æquali ponderi liquoris sub volumine BC partis bacilli liquori immersæ juxta directionem IK per centrum gravitatis, seu per medium I ejusdem BC transeuntem liquorisque superficiei EF normalem; adeoque si filo IKP trochleam K amplectens appensum fuerit pondus P, æquale gravitati massæ liquidæ BC, hoc pondus P in directione KP descendere nitens eandem vim in bacillum juxta directionem IK exeret ac fluidum ENF bacillum attollere conitens; ipse vero bacillus proprio suo pondere descendere conatur juxta directionem OQ superficiei liquoris EF itidem perpendicularem & per centrum gravitatis bacilli, quod est in ejus medio O transeuntem, idcirco liquor baculum attollere conans & gravitas eundem effectum præstabunt, quem præstarent pondera P & Q, quorum hoc bacilli gravitatem absolutam, illud verò, ut jam dictum, pondus liquoris sub volumine BC designant, lineæ inflexili & gravitatis experti AB in directionibus IK & OQ inter se parallelis ac superficiei liquoris EF normalibus, applicata, unde, cum bacillus liquori aliquousque immersus (secundum hypothesin) in statu manenti, seu in æquilibrio, consistat, ex principio veteris erit (§. 55.) $P \cdot SU = Q \cdot TV$, demissa scilicet ex A normali AU super EF, vel $P : Q = TV : SV = 2OA : 2JA$ (seu producta BA in M, ut AM æqualis sit CA) $= BA : BM$. Nam, quia IA est media arithmetica inter BA & CA vel AM, ejus dupla seu 2IA æquabitur

tur aggregato extremarum BA & CA vel AM, hoc est rectæ BM, & dupla ipsius OA est BA. Verum pondus P est ad pondus Q (§ 33.) ut factum ex illius volumine BC in gravitatem ejus specificam AB ad factum ex volumine alterius Q seu AB in densitatem seu gravitatem specificam ejusdem BD, hoc est $P : Q = BC \cdot BA : AB \cdot BD = BC : BD$. Atqui paulo ante habuimus $P : Q = BA : BM$, ergo inde nascitur $BA : BM = BC : BD$, & $BM \cdot BC = BA \cdot BD$. Hinc si centro O & intervallo OB vel OA descriptus semicirculus BNA, atque per punctum in ejus diametro datum D perpendicularis diametro DN ducta sit semicirculum DNA, secans in N, erit $BN^2 (= BA \cdot BD) = BM \cdot BC$, atque adeò recta BN tanget semicirculum CNM centro A & intervallo AC vel AM descriptum in puncto N, quod proinde communis erit intersectio semicirculorum BND & CNM; atque adeò æquales existent AC & AN; atqui hæc AN est media proportionalis inter datas BA & DA, ergo etiam AC, atque adeò hæc AC data est. Quod erat inveniendum.

C O R O L L A R I U M.

301. Adeoque etiam ex parte bacilli BC cuilibet liquori immersa & bacilli ipsius longitudine AB, semper innotescet ratio gravitatis specificæ liquoris ad gravitatem specificam bacilli; etenim ad longitudinem bacilli BA, ejusque partem CA extra liquorem extantem duntaxat sumenda est tertia proportionalis DA, eritque BA ad BD semper ut gravitas specifica liquoris ad gravitatem specificam bacilli liquori aliquousque immerfi. Atque adeò portiones diversæ BD, quæ resultant à diversitate liquorum, quibus bacillus successive immergi potest, erunt in reciproca ratione gravitatum specificarum ipsorum liquorum. Liquet ergo talem bacillum aptum exhibere instrumentum hygrostathmicum (Gallis *Pese-liqueur* dici solitum) quo liquorum specificæ gravitates examinari queant. Qua ratione bacillus dividi debeat, ut ex partibus ejus immerfis gravitates liquorum dignosci queant, facile colligitur ex hoc corollario, adeoque eidem ulterius explicandæ superfedeo.

Hactenus aliquot exemplis illustravimus hydrostaticæ regulam indicantem quousque corpora solida liquidis immergi debeant, ut cum hisce liquidis æquilibrium faciant; restat adhuc unicum exemplum adducendum, quo alia hydrostaticæ regula, situm corporum solidorum in fluidis consistentium respiciens, illustretur, hunc in finem

PROPOSITIO XV. PROBLEMA.

302. *Data ratione specificæ gravitatis prismatis triangularis ABG Fig. 65: ad gravitatem alicujus liquoris XBZ, determinare situm prismatis, in quo præcedente vertice B trianguli ABG, id liquori immissum cum eo in æquilibrio maneat.*

Sit MBN pars liquori immersa & punctum D ejus centrum gravitatis, C vero centrum gravitatis trianguli totius ABG; adeoque (§. 294.) lineam DC, jungentem centra gravitatis totius & partis immerse triangulorum, oportet esse liquoris superficiei XZ perpendicularem in casu æquilibrii. Jam ex centrobaricis constat, centra gravitatis C, triangulorum ABG & MBN reperiri in lineis BP & BQ, bases AG & MN triangulorum bifariam dividentibus in punctis P & Q, lineasque vel intervalla PC, QD triontes esse totarum PB & QB; hinc ductis PQ, PM & PN, ipsæ PQ & CD æquidistantes erunt, cum PC & QD sint partes similes ipsarum PB & QB. Jam cum oporteat ipsam CD perpendicularem esse rectæ XZ, necesse est ut etiam PQ eidem XZ vel MN normalis sit, unde, quia jam QM & QN æquales ostensæ sunt, ipsas PM & QN pariter æquari oportet.

Porro, quia in casu æquilibrii massæ liquoris MBN pondus (§. 293.) æquale est ponderi absoluto prismatis ABG, per §. 33. erit gravitas specificæ liquoris ad gravitatem prismatis ut triangulum ABG ad triangulum MBN, atque adeo hæc triangulorum ratio data, quandoquidem ratio gravitatis specificæ liquoris ad prisma ABG (secundum hypothefin) data est. Propterea problema eo reducitur, ut describatur centro O & intervallo quodam PM vel PN circulus MON, qui ex lateribus AB & GB abscindat segmenta MB & NB talia, ut ducta linea MN, triangulum ABG sit ad triangulum MBN, vel rectangulum ABG ad rectangulum MBN in ratione data specificæ gravitatis liquoris ad gravitatem prismatis ABG, quam dicemus *a:f*. Idcirco demissis ex P perpendicularibus PR ad BA, PS ad BG ac denique BV ad AG, si dicantur AB, *a*; BG, *b*; BR, *l* & BS, *m*; incognita verò BM, *x*; ex comparatione triangulorum rectangulorum PRM & PSN, in quibus juxta superius ostensa hypothefis PM & PN æquantur, elicietur æquatio, quæ reducta exhibe-

bit istam biquadraticam $x^4 - 2lx^3 + 2bfmx - bbf = 0$, cujus radices determinabunt BM vel BN, atque adeò punctum M vel N & radius PM circuli describendi MON, cujus intersectiones M & N cum rectis BA & BG determinant positionem rectæ MN. Quod erat inveniendum.

Similiter incidissemus in æquationem biquadratam, si loco prismatis ABG sumsissemus conum scalenum.

CAPUT IV.

De Figuris, quas fluida in corporibus flexibilibus stagnantia hisce corporibus flexibilibus inducere debent.

Consideravimus hactenus vasa liquores continētia tanquam rigida & inflexibilia, quorum figuræ à liquorum gravitationibus mutari nequeant. Sed si vasa materia molli & flexili consent, non continget, ut liquor intra eorum cavitatem stagnans in statu invariante statim consistere queat, quæcunque figura ipsis tributa fuerit, sed posteaquam ipsorum latera variis modis inflexa fuerint, eam liquoris pressuræ figuram vasis inducent, quam perfectum inter omnes potentias gravitantes æquilibrium deposcet.

Ejusmodi vasa in œconomia animali magno numero occurrunt, cum pleraque flexilia & mollia, utpote ex fibris carnosis contexta, sint, in quibus vasis varii humores & fluida periodicis motibus circumeunt. Quales igitur figuras ejusmodi vasa induere debeant non injucunda nec inutilis est disquisitio. Revera enim talis indagatio non contemnenda Celeb. Joh. Bernoullio produxit circa Vires & Motus musculorum in Dissertatione ejus super hac materia oppidò eleganti, cujus præcipua contenta in Actis Lips. 1694. pag. 200. seq. continentur. Sic etiam insignis Medicus & Geometra Scottus Archibaldus Pitcairnius illius generis speculationes in Physiologiam loco multiplicium illorum fermentorum, quibus secretionum in œconomia animali negotium antehac transigi credebatur, ad Garumantas procul & Indos ablegandarum, invehere conatus totus in eo est, ut probet in sua docta Dissertatione de *Circulatione Sanguinis*, orificia vasorum & poros glandularum partiumque corporis nostri alias quam circulares figuras non habere, nec proinde figuris, sed figurarum amplitudine inter se differre; ex quo deinceps concludit,

dit, *nulla fermentis peculiaris superesse promptuaria, fermentaque ipso animalis nulla.*

Figuram vasorum circularem ex generali Mechanicæ principio, *Quod fluida quaecunque pressionem suam communicent per lineam corpori continenti & fluidi actionem sustinenti in quovis puncto impulsus perpendiculararem*, supra etiam (§. 249.) à nobis demonstrato, derivare contendis, sectionem canalisi axi rectam tanquam polygonum infinitilaterum respiciens, cujus polygoni latuscula indefinite parva impressiones fluidi juxta directiones ipsis normales sustineant, & quia hæ impressiones in singula latera æqualia polygoni in circumstantiis apud Autorem æquales sunt, eas per lineolas rectas & polygoni lateribus perpendiculares repræsentat. Hucusque omnia bene, sed dum ex eo, quod hæ perpendiculares laterum polygoni cum se invicem angulos efficiunt, concludere vult, aut saltem inferre videtur, omnes dictas perpendiculares in uno eodemque puncto concurrere debere, fallitur, etsi cæterum certissimum sit perpendiculares illas reapse in uno eodemque puncto convergere; nam ex eo, quod duæ quæque perpendiculares concurrant, non sequitur omnes in uno puncto coire. In omni curva rectæ, quæ duobus curvæ contiguæ elementis perpendiculares sunt, angulos continebunt, hoc est, concurrent, sed quis inde inferret omnes perpendiculares curvæ in uno eodemque puncto convenire? Ex principiis ergo illis, quæ Cl. Vir posuit, & quæ tanquam vera ultro admittenda puto, nondum satis ostendit rem eò deduci, *ut inveniantur curva cujus omnes subtangentes in puncto concurrant*, prout scribit pag. 28. *Dissert. Medic.* Voluit dicere rem deduci ad inventionem seu investigationem curvæ, cujus omnes subperpendiculares curvæ ad unum idemque punctum terminentur, nulla enim datur curva, cujus subtangentes concurrant, quandoquidem omnes subtangentes sumuntur in eadem linea, id est, in axe datæ curvæ, seu in alia linea, quæ instar axis sit. Fateor quidem, quod, si omnes curvæ perpendiculares in puncto concurrant, omnes subnormales ad unum idemque punctum quoddam terminatum iri, ast etiam est fatendum, tunc ea reductione problematis ad considerationem subnormalium non opus esse; nam si omnes curvæ perpendiculares in quodam puncto convergant, ilicò concludendum hanc curvam esse circum, adeò ut problema jam solutum sit absque ulteriore reductione, sive ad proprietatem nominatam subperpendicularium, sive ad methodum, quam Pitcairius dicit inversam fluxionum: Idcirco nos sequenti Problemate perspicue ostendere conabimur cur-

vam quæsitam reapſe eam eſſe, cujus cunctæ perpendicularares in idem punctum ſeu centrum vergant, non obſtante, quòd hoc idem problema jam ſupra (§. 102.) ſolutum ſit, ſed diverſa ratione ad illuſtrationem generalis theorematis, quod infinita ejusmodi alia problemata ſolvit.

PROPOSITIO XVI. PROBLEMA.

Fig. 69. 303. *Dato tubo AB ex materia molli ſeu flexili clauſo in B, aperto-
que in A ad horizontem verticaliter erecto, & aquæ aliſve liquoris
pleno, determinare figuram, quam ſectio qualibet horizontalis in tubo à
liquoris preſſuris acquirat.*

Fig. 70. Sit AZBX figura quæſita, cui rectæ ZX, AB ad angulos rectos in R ſe invicem decuſſantes perpendiculariter occurrant in punctis A, Z, B, X. Sint contigua curvæ elementa DC, DE & Zz, Aa, punctis Z, A adjacentia ſingula inter ſe æqualia, ducanturque zy, DK rectæ ZX normales, iſiſque æquidiſtans EN, nec non per puncta C & D rectæ CM & DN ipſi ZX parallelæ, & per a lineola ab eidem ZX æquidiſtans; ac denique fiant $Dm = EN$ & $Dg = CM$. Quibus poſitis, quia ſectionis tubi ZAXB ſingula puncta à liquoris ſuperficie æqualiter diſtant, ſingula puncta æqualem preſſionem ſubibunt, & quodvis ejus punctum D (§. 255.) preſſionem ſuſtinebit æqualem ponderi filamentum liquoris, cujus longitudo, quam per lineam DH curvæ perpendiculararem in puncto D indicabimus, æquetur fluidi altitudini ſuper ſectione ZAXB, juxta directionem curvæ ubique normalem Ds; ergo ſingulæ DH, quæ ſumuntur in lineis curvæ perpendicularibus, potentias eidem curvæ applicatas repræſentabunt, atque adeo rectum DH. DC refert potentiam in totum elementum DC agentem. Verum potentia DH (§. 39.) æquipollet lateralibus DF & FH, quarum hæc ipſi ZX parallela, illa verò eidem perpendicularis eſt; ergo etiam potentia agens in totum curvæ elementum CD, quæ exponitur recto DH. DC, æquipollet potentiis lateralibus CD. DF & CD. FH, vel quia triangula ſimilia CDM & DHF præbent $CD.DF = CM.DH$ & $CD.FH = DM.DH$ potentiis lateralibus per rectangula CM. DH ac DM. DH exponendis juxta directiones DF & FM vel huic parallelam, agentibus.

Jam (§. 98.) eſt generaliter $\int FH$, hoc eſt aggregatum potentiarum juxta directiones FH, ſeu juxta directiones rectæ ZX parallelas

las agentes in omnia elementa curvæ CD vel DE, in curvæ arcu ZDE vel ZD contenta, id est per modò ostensa, omnia rectangula DM. DH respectu arcus ZD, quæ componunt rectangulum DK. DH, ad DN — Zy, seu CM — Zy, sicut firmitas curvæ in puncto A, quam firmitatem hac litera A designamus, ad constans curvæ elementum CD; hoc est $DK. DH : CM - Zy = A : CD$, vel quia (secundum hypothesin) ZX curvæ ad angulos rectos occurrit in Z, atque adeò Zy respectu Zz & CM evanescit, fiet $DK. DH : CM = A : CD$ & permutando $DK. DH : A = CM : CD$.

Item omnes DF seu /DF, hoc est, in præsentī casu omnia rectangula CM. DH pertinentia ad arcum curvæ DA, hoc est, rectangulum KR. DH, quandoquidem omnes CM componunt KR, seu finem arcus DA, sunt ad DM — Ab sicut A ad CD, vel quia etiam RA (secundum hypothesin) curvæ normalis est in A, atque adeò Ab præ Aa vel CD aut MD evanescit, erit etiam $KR. DH : DM = A : DC$, & permutando $KR. DH : A = DM : DC$; atqui paulo ante etiam habuimus $DK. DH : A = CM : CD$ seu invertendo $A : DK. DH = DC : CM$ ergo ex æquo $KR. DH : DK. DH = KR : DK = DM : CM = FH : DF$, adeoque juncta DR triangula DKR & DFH similia sunt, atque adeò rectæ DR & DH ubique in directum jacent, ac proinde omnes DH curvæ ZDA normales productæ in eodem puncto R concurrunt; hinc curva quæsitæ ZDA est circulus. Quod erat inveniendum & demonstrandum.

C O R O L L A R I U M I.

304. Analogia præcedentis paragraphi $DK. DH : A = CM : CD$, elemento curvæ Aa vertici A adjacenti applicata, præbebit $bR. DH : A = ab : aA$, verum quia RA curvæ perpendicularis est, fiet $ab = aA$ ergo etiam $A = bR. DH$ seu $AR. DH$. Est igitur firmitas tubi in quolibet sectionis puncto, ut rectangulum ex radio sectionis AR vel ZR in potentiam sectionis puncto applicatam DH, hoc est in liquoris altitudinem super hoc punctum. Propterea 1°. in tubis æqualium orificiorum tenacitates seu firmitates requisitæ ad perferendas fluidi pressuras erunt ut altitudines fluidi homogenei ductæ in suas densitates seu gravitates específicas. 2°. Si facta ex altitudinibus liquorum in densitates æqualia fuerint, firmitates tuborum erunt ut radii orificiorum. 3°. Si ejusmodi facta radiis sectionum tuborum axibus normalium reciproce proportionalia fuerint, firmitates erunt æquales.

COROLLARIUM II.

305. Quia vires æquales eidem vel similibus subjectis similiter applicatæ non nisi similes effectus producere possunt, ideo nihil refert, an tubus seu vas flexile à pondere liquoris in ejus cavitate gravitantis, an vero à fluido quodam elastico extrorsum prematur juxta directiones, perinde ac fluidum facit, curvæ perpendiculares. Nam fluidi elastici pressiones semper revocari possunt ad æquivalentes pressiones alicujus liquoris, cujus altitudines per DH representabantur. Hinc enim est, quod bullæ aquæ, quas pueri loturam saponis per fistulas stramineas flatu suo protrudentes subinde ludendo formant, in globulos intus cavos rotundentur. Idcirco viscositatis aquæ in ejusmodi bullis vis requisita ad resistendum aëris inclusi elasticitati est ut hæc vis elastica, ducta in radium bullæ vel potius in radium cavitatis ejusdem.

SCHOLION.

306. Non abs re fuerit hoc loco observasse firmitates tuborum flexibilium eodem prorsus modo se habere, quo firmitates tuborum rigidorum, has enim ostendimus esse (§. 275.) ut rectangula tuborum per axes, seu ut facta ex altitudinibus liquorum inter se & absolute homogeneorum in diametros tuborum, quoniam crassities tuborum in hac factorum ratione esse oportere ostendimus, & cæteris paribus, resistentiæ sunt ut crassities, in flexibilibus vero resistentia seu firmitas in quolibet puncto est ut vis inflans, seu ut liquoris altitudo ducta in tubi semidiametrum, adeoque firmitas tubi in duobus punctis diametraliter oppositis perinde ac in rigidis est factum ex liquoris altitudine in totam diametrum. Hinc non video, quibus rationibus Vir ingeniosus D. Parent rationem peripheriæ ad diametrum formulis suis pro firmitatibus tuborum rigidorum æstimandis introduxerit in Commentariis Academiæ Reg. Scientiarum 1707.

PROPOSITIO XVII. PROBLEMA.

Fig. 71. 307. Si in limbo $ZDAX$ in terminis suis Z & X fixo stetnet quilibet liquor heterogeneus, cujus scala gravitationis sit curva ROB , invenire figuram limbi mantentem.

Sint

Sint iterum, ut in precedenti problemate, Zz , CD , DE , Az elementa curvæ ZDA æqualia; & DL , El ordinatæ axi AR rectæ, Dz vero & E , eidem axi parallelæ; & reliquis ductis quales in figura apparent. Jam, quia omnia in æquilibrio sunt per hypothesein & (§. 160.) elementum curvæ CD pressuram sustinet æqualem ponderi prismatis liquidi $CD. LO$, cum LO sit ordinata scalæ gravitationum, potentia qua elementum CD urgetur juxta directionem perpendicularem erit $DC. DH$ facta DH ubique æquali homologæ LO , & quia insuper ob omnes potentias curvæ perpendiculares (§. 96.) firmitas linteï in omnibus punctis eadem est, atque adeo per datam quantitatem A designari potest, erit (§. 98.) $\int FH$ seu omnes $FH: DN = Zy = A: DC$, vel quia Zy evanescit præ ipsa DN , fiet $\int FH: DN = A: DC$, & permutando $\int FH: A = DN: DC$. Jam, quia potentia FH , quæ ex DH derivata est, non solum punctum D , sed integrum elementum DC respicit, loco FH poni debet $FH. DC$ perinde ac loco DH in hoc casu intelligi debet $DH. DC$, & quia præterea $FH. DC$ (propter triangulorum DHF & CDM similitudinem) æquale est rec- lo $DH. MD$, vel $DH. NE$, id est, $LO. LI$, erunt omnia $LO. LI$ areæ RLO inscripta æqualia huic areæ, ergo $\int FH$, id est, area $RLO: A = DN: DE$ vel DC , & hæc analogia respectu elementi curvæ Az fiet area $ROsb$ vel $ROSA: A = ab: aA$, unde, quia in A , elementum $aA = ab$, erit etiam $A = area ROSA$, adeoque præcedens analogia $RLO: A = DN: NE$ mutabitur in $RLO: RAS = DN: NE$.

Sit denique curva RQT ejus naturæ, ut rec- lum $SA. AT$ sit = trilíneo $ROSA$, & $SA. LQ$ = trilíneo ROL , eritque $ROL: RAS = AS. LQ: AS. AT = LQ: AT$: unde cum invenerimus $ROLR: BASR = DN: NE$, erit etiam $LQ: AT = DN: NE$. Hinc centro A intervalloque AT descripto quadrante circuli TKV , ductaque per Q rectæ RA parallelæ QK quadranti occurrente in K , ac denique acta AK , erit etiam $AI: AK = DN: DE$, atque adeo triangu-
 la DNE & AIK sunt similia & similiter posita, ac proinde radius AK parallelus erit tangenti curvæ quæsitæ in puncto D . Eritque pariter $DN: NE = AI: IK$. Quæ erant inveniendæ.

COROLLARIUM I.

308. Ducta per quadrantis punctum K tangente Kz , si in recta LO sumatur $Lz = Kz$ & sic respectu cujuscvis alijs curvæ puncti, omnia

omnia puncta β erunt in curva quadam, RA_β asymptotam AS habente, cujus area SAL_β ad partes asymptotæ æquabitur rectangulo sub radio AT & ordinata DL curvæ ZDA . Nam triangula similia AIK & AK_β præbent $AI:IK = K_\beta:AK$, sed $AI:IK = DN:NE$, ergo $K_\beta:AK$ vel $AT = DN:NE$, ergo $AT \cdot DN = K_\beta \cdot NE = L_\beta \cdot Ll$, ergo omnia $AT \cdot DN$ hoc est rectangulum $AT \cdot DL =$ omnibus rectangulis $L_\beta Ll$, quæ areæ $AL_\beta S$ inscripta sunt, id est, huic areæ $ALA_\beta S$, atque adeo $DL = AL_\beta S : AT$.

COROLLARIUM II.

309. Analogia, in quam paragrapho 307. circa finem incidimus, $DN:NE = AI:IK$ immediate præbet æquationem differentialem curvæ quæsitæ $DN = NE \cdot AI:IK$. Nam si dicantur $Zx = y$, $\pi D = RL = x$, $AI = LQ = p$, adeoque $IK = \sqrt{(bb - pp)}$ existente $AT = AK = b$, $RA = AS = a$, & denique $\pi p = DN = dy$, $NE = Ll = dx$, superiorque æquatio $DN = NE \cdot AI:IK$ factis debitis substitutionibus juxta denominationes linearum modo institutas, mutabitur in $dy = p dx : \sqrt{(bb - pp)}$. quæ est æquatio differentialis curvæ quæsitæ ad amissim convenientem cum æquationibus, quas Celeberrimi Bernoulli Fratres, quisque sua methodo, invenerunt. Si linea ROS fuerit recta, curva RQT erit parabola conica æquationem habens $aap : b = xx$, & substituto valore $bxx : aa$, loco p in æquatione differentiali ante inventa $dy = p dx : \sqrt{(bb - pp)}$, habebitur $dy = x dx : \sqrt{(a^2 - x^2)}$ quæ iterum coincidit cum eâ quam supra (§. 104.) dedimus.

COROLLARIUM III.

310. Quoniam (§. 96.) tenacitas lintei in omnibus punctis eadem est, recta 12 angulum DiA à tangentibus curvæ DI & Ai formatum bifecans (§. 110.) erit media directio omnium fluidi gravitationum in curvam DA , & subtenfa anguli TAK æqualis angulo LDI (§. 112.) parallela existet mediæ directioni 12 , adeoque (§. 110.) erit potentia juxta mediam directionem 21 ad tenacitatem lintei in D ut sinus anguli DiA ad sinum $Ai2$, hoc est, ut sinus KAT ad sinum KTA , id est, sicut KT ad AK . Unde cum tenacitas lintei (§. 307.) sit trilineum $ROSA$ (constr.) = $AS \cdot AT$. vel AK , erit potentia juxta $21 = AS \cdot AK \cdot KT : AK = AS \cdot KT = AR \cdot KT$. Et quia in symbolis corollarii antecedentis $KT = \sqrt{(2bb - 2bp)}$ & $AR = a$, erit potentia juxta mediam directionem $21 = a \sqrt{(2bb - 2bp)}$.

SCHO-

S C H O L I O N.

311. Curva hujus propositionis ZAX uni parti famosi problematis circa isoperimétras ab ingeniosissimis Bernoulliis soluti, satisfacit. Nam si ex singulis ejus punctis D, E, &c. indefinitæ Dæ, Eð, &c. axi AR parallelæ agantur, & in iis fiat $xc = LQ$, $pb = lq$, &c. nascetur curva ZEX, quæ cum basi ZX, majus spatium continebit quam quælibet alia curva ex alia isoperimétrica ZDAX simili lege descripta, ut in Actis Lips. 1701. pag. 213. & Comm. Acad. Reg. Scient. Paris. 1706. d. 17. Apr. ab eximiis Geometris est ostensum.

Præter æquationem $dy = p dx : \sqrt{(bb - pp)}$ Dn. Jac. Bernoullius invenit aliam hujus formæ $dy = (b - p). dx : \sqrt{(2bp - pp)}$ quæ *minimum* continet, & altera *maximum*. Sed una ex altera nullo negotio elicitor, etenim, si in priore $dy = p dx : \sqrt{(bb - pp)}$ loco p ponatur $b - p$, seu complementum ejus ad maximam b , orietur altera æquatio, & si in altero pro $b - p$ substituatür p , redibit prior.

312. Radius circuli curvam osculantis in ejus puncto quolibet D, seu radius evolutæ Dy, est quarta proportionalis ad LO homologam ordinatam scalæ gravitationum ROS, & datas RA & AT. Cujus rei demonstratio ex nostra constructione facilis est.

C A P U T V.

De Pressionibus Aeris et Gravitate.

Quæ Capitibus I. & II. hujus libri secundi circa pressiones omnis generis fluidorum *generaliter* ostensa sunt, etiam de *Aëre* in *specie* intelligenda esse nemo non videt, quandoquidem etiam Aër gravis est, atque adeò legibus fluidorum gravitate sua agentium subjici debet. Propterea supersedere particulari deductione phenomenorum ex aeris gravitate provenientium, eamque ex superioribus à nobis adductis Lectoris industriæ eliciendam relinquere potuissimus, nisi argumenti præstantia ejusmodi deductionem vindicare sibi videretur.

312. Aëra gravem esse extra omne dubitum est positum, cum experimenta omni exceptione majora gravitatem ejus invincibiliter adstruant. Talia experimenta apud Galilæum, Boyleum, Mariottum, Borellum & alios dilucide describuntur, qui præinde consuli possunt.

Huc etiam facit schediasma Celeb. Jac. Bernoulli Actis Lipsf. 1685. pag. 430. insertum, quo peringeniosum ponderandi aeris modum aperuit, cum successu aliquando in opus deductum.

313. Antiquissimum probandæ gravitatis æris experimentum Aristotelis illud videtur esse, quo Philosophus *Urem inflatum plus trahere quam compressum & flaccidum existimavit*, & post eum plerique etiam ex recentioribus Philosophis, quorum nemo ante Jac. Bernoullium experimenti fallaciam cognovisse videtur, tametsi omnes idem experimentum parum accuratum judicant. Ast Bernoullius in Actis Lipsf. 1685. pag. 436. luculenter ostendit, atque deduxit ex principiis hydrostaticis, *Urem seu vesicam inflatam non esse gravioris ponderis, quam complicatam, licet ærem gravitate haud destitui præsupponas*. Quod mirum est ante ipsum neminem vidisse, aut saltem à se observatum monuisse illis occasionibus, quibus de æris gravitate ejusve probandæ rationibus agebatur; cum illius ratio vel leviter attendenti satis manifesta sit; atque duobus verbis explicari possit. Nam cum vesica tumida cum aëre incluso ponderatur, id contingit in aëre cuius columna lancibus imminet, adeo ut pondus in unam trutinæ lancem agens sit hæc columna aërea & vesicæ pondus; si postea expresso seu expulso è vesica aëre vesica denuo ponderatur, lanci eadem ac prius columna aërea imminebit, adeo ut & hoc quoque casu pondus in lancem agens futurum sit eadem ac prius columna aërea atque vesicæ pondus. Adeoque utroque casu, sive tumida sive compressa & flaccida vesica trutinæ appendatur, semper idem pondus ut reperiatur necesse est, vel si quando contingat ut postquam aërem è vesica expressimus, ejus pondus tantillo minus quam ante reperiatur, ejusmodi ponderis decrementum non aëris expulsi gravitati debet tribui, sed particulis pinguibus inter contractandum & comprimendum vesicam ab ea abrais, vel alia de causa exhalantibus. Sed ut hæc omnia verbo complectar, æris ponderatio ope vesicæ, perinde se habet, ac si quis aquæ phialæ inclusa pondus exploraturus primum phialam cum inclusa aqua ponderaret, & deinceps effusa in lancem trutinæ aqua, hujus aquæ effusæ & phialæ pondus eadem trutina conjunctim quæreret, quis non videt idem pondus utroque casu repertum iri, sive phiala cum infusa aqua, sive etiam vacua phiala, sed aqua, quam capiebat, lanci infusa, simul ponderentur?

314. Idcirco si ponderandi aeris modus fallaciâ vacare debet, oportet vasis volumen post expulsum aërem non mutari, & deinde aeris ejecti

ejecti pondus satis accurate innotescet. Ad hoc proinde Celeb. Joh. Bernoullius ex amplo recipiente vitreo aërem, quantum fieri potest, diligenter eduxit, & aquæ in aëris expulsi locum ingressum permittit, quo experimento comperit gravitatem aëris ad aquam esse ut 1 ad 740 circiter. Sed alio postea, eoque magis accurato, experimento per condensationem aëris in amplo vase æneo tentato invenit gravitatem aëris ad aquam, ut 1 ad 774¹. Hinc, quia hæc ratio rationi 1:800 proxime æquatur, ob numerorum commoditatem hanc posteriorem loco alterius 1:774¹ deinceps adhibebimus, ad exprimendam rationem specificæ gravitatis aëris ad gravitatem aquæ.

Aëris gravitas etiam probari solet, & teste, phænomeno Barometrorum. Sed ut argumenti vis melius capiatur, sequentem propositionem facilem præmittam, ex qua deinde præcipuum Barometri symptoma, item & Antliæ Ctesibianæ, Siphonum reflexorum, aliorumque ejusmodi instrumentorum phænomena, per modum corollariorum, deducam. Et denique in Scholio annexo Barometrum novæ constructionis à Celeb. Joh. Bernoullio excogitatum proponam, quo atmosphæræ variantes pressiones, magis quam ullo alio barometro, sensibilibus indicari queunt.

PROPOSITIO XVIII. THEOREMA.

315. Si in vase amplo MON liquoris cujuscunque pleno, usque ad MN demittatur vasculum BE argentum vivo continens, cum tubo vitreo AB utraque sui extremitate aperto & vasculo BE perpendiculariter insistente; sed ita tamen, ut orificium ejus apertum A semper extra liquorem MON extet, hydrargyrus per orificium tubi inferius B ascendet, usque dum altitudo ejus in tubo CD, sit ad altitudinem PC liquoris super superficie residui in vasculo Mercurii, ut specifica gravitas liquoris MON ad specificam gravitatem Mercurii.

Id est, posito liquorem MON aquam esse, decies quater argento vivo leviolem, altitudo DC Mercurii in Tubo AB constanter decima quarta pars erit altitudinis aquæ PC.

Hæc propositio tantum casus est particularis Propositionis V. hujus secundi libri, & coincidit cum corollario IV. ejusdem Propositionis, in quo indicatur pressiones liquorum homogeneorum in se, sed heterogeneorum inter se æquales fore, atque adeo liquores ipsos in se invicem gravitantes in æquilibrio consistere, quoties facta ex

eorum altitudinibus in specificas eorum gravitates æqualia, atque adeò altitudines specificis gravitatibus reciproce proportionales fuerint. Unde, quia (secundum hypothesin) argentum vivum in tubo AE in altitudine CD pressioni liquoris in altitudine MO æquilibratum est, erit (§. 262.) altitudo Mercurii CD ad altitudinem liquoris tubum ambientis MO, sicut hujus liquoris specifica gravitas ad gravitatem specificam hydrargyri. Quod erat demonstrandum.

C O R O L L A R I U M I.

316. Cum tubi AB liquor ambiens MON quodcunque fluidum grave repræsentare possit, ponamus eum significare aërem atmosphæræ, tubique foramen superius A extra atmosphæram extare; vel, quia hæc conditio in praxi impossibilis est, sumemus aliam, quæ ipii æquivalet, supponendo tubum AB una sui extremitate A hermetice sigillatam esse, adeò ut orificio ejus aperto B sursum converso & tubo Mercurio impleto per hoc orificium, posteaque eodem digiti pulpa obstructo, atque Mercurio in vasculo CE stagnanti immisso, post retractum digitum orificium inferius B intra argentum vivum vasis CE obstruentem, nullus aër forinsecus adveniens tubi partem superiorem AD à Mercurio descendente ad D usque relictam ingredi possit, & hoc pacto jam obtinetur scopus conditionis, quæ requiritur in propositione ut orificium apertum A extra liquorem MON promineat eo solo fine, ut liquor ambiens fistulam ingredi nequeat; quibus positis, & quia argentum vivum in fistula AB ad altitudinem plus minus 28. digitorum pedis Parisiensis suspensus hæret, oportet atmosphæræ gravitationem æquivalere pressioni isti Mercurii ad altitudinem 28. suspensi, etenim si aër gravis non esset in nulla prorsus intra fistulam AB altitudine elatus conspiceretur; sed in eadem cum Mercurio vasculi CE superficie terminatus; eodem plane modo, quo argentum vivum in fistula AB figuræ 73. plane ad nullam altitudinem CD attolleretur, si nullus esset liquor ambiens, qui in Mercurium vasculi CE gravitare possit.

C O R O L L A R I U M II.

317. Ut sciatur, in qua altitudine pressio aquæ æquivalet pressioni atmosphæræ, resumitur casus propositionis præsentis & per liquorem MON intelligenda est aqua decies quater levior quam Mer-

Mercurius, atque dispiciendum est, quousque tubus AB cum vasculo CE vasi MON debeat demergi, ut Mercurius in fistula utrinque aperta assurgat ad altitudinem 28. digitorum. Jam quoniam (§. 315.) demerso vasculo ad profunditatem 28. pollicum infra superficiem aquæ MN Mercurius assurgit in tubo AB ad altitudinem CD unius digiti; demergendum erit vasculum CE in liquore seu aqua MON ad profunditatem quater & decies 28. pollicum id est ad profunditatem 392. pollicum, hoc est, paulo minus quam 33. pedum, ut Mercurius ad altitudinem 28 pollicum elevetur. Igitur *pressio atmosphære æquivalet pressioni aquæ in altitudine 33. pedum circiter.* Ac per consequens, si ær atmosphære uniformis ubique densitatis esset, altitudo atmosphære foret 26400. pedum; sed multo major erit, quandoquidem ær, quo altior est, eò etiam rariorprehenditur.

COROLLARIUM III.

318. Ex hisce principiis peti etiam debent rationes phænomenorum antliæ Ctesibianæ. Hæc antlia consistit in Cylindro ligneo vel subinde etiam metallico BA cylindrice excavato, ab utraque parte Fig. 74aperto quidem, sed inferius orificium B aquæ immergendum nonnihil angustius habens cavitate antliæ. Cavitati huic intruditur, ope virgæ ferreæ, embolus coriaceus CD, attollendus per vices atque depressendus, qui per totam antliæ longitudinem antliæ cavitati tam affabre quadrare debet, ut omnem æri ex superiori cavitatis parte in inferiorem transitum præcludat. Ejusmodi organon *Antlia suctoria* vel *Aspirans* subinde vocatur, quod in ea quadam attractionis specie attolli aqua videatur. Sed ascensionis aquæ causa eadem est, quæ Mercurium etiam in Barometris suspensum tenet; *pressio* scilicet *atmosphære*. Nam retracto embolo CD in *mn*, necesse est aquam vigore hujus atmosphære pressionis per orificium B antliam ingredi & cavitatem *mBn* ab ære vacuum implere, siquidem (secundum hypothesin) ex superiore antliæ parte *Amn* ær embolo *mn* impeditus in cavitatem *mBn* transire nequit, nec proinde quicquam est in spatio *mBn*, quod externæ æris pressionis aquam per orificium intrudenti resistat. Hinc, quo altius attolletur embolus, eò altius etiam aqua, ipsum pone insequens, in antlia assurgit; usque dum embolo delato in MO ad distantiam ab aqua IK 33. pedum circiter, aquæ altitudo super IK totidem pedum fuerit, adeo ut per corolla-

larium præcedens ejus pressio æquivalet pressioni atmosphæræ. Nam si embolum quantum voles ulterius eleves in *cd*, aqua non ideo altius enitetur, sed in altitudine sua 33. pedum subsistet, quæ altitudo aquæ maxime limitata est, ut aquilex quondam Galilæo retulit, utpote quæ atmosphæræ pressioni æquivalet.

COROLLARIUM IV.

Fig. 75. 319. Quod ad siphones reflexos attinet, eorum vires ex præcedentibus commode deducuntur. Sit ABC ejusmodi tubus in B inflexus inæqualium crurum AB & CB, & in vulgus notum est, quod immisso breviori crure AB vasculo EF, aquæ aliussve liquoris pleno, si suctionis ope aqua ex longiore brachio BC eliciatur, fore, ut aquæ aut liquoris fluxus juxta ABC ex breviori in longius brachium tamdiu continuetur, donec vasculum EF penitus exhaustum fuerit, modò crus brevius AB altitudinem in aqua 33. pedum circiter non superet, sed eadem minus sit, & orificium C cruris BC humiliter sit orificio A alterius cruris AB. Hujus phænomeni ratio statim apparebit considerando hunc siphonem aliud non esse, quam geminum barometrum, cujus utrumque crus simplicis barometri vires obeat. Etenim cogitando crus AB aquæ plenum in vasculo EF itidem aquam continenti insistere, concipitur barometrum simplex BAEF, & crus CB aquæ plenum in vasculo GCH aqua pariter impleto erectum, efficit alterum barometrum BCGH. Representet nunc KL columnam aquæ 33. pedum æquivalentem atmosphæræ pressioni, & in ea sumantur KM = AB cruri minori, & KN = CB cruri majori. Jam, quia gravitatio atmosphæræ in aquam EF est KL, & gravitatio aquæ BA in crure siphonis minoris est tantum KM, prævalebit externa aeris pressio KL internæ pressioni aquæ in tubo BA, quæ est KM, vi LM, quam vim ideo attollentem atmosphæræ in tubo BA deinceps dicemus, quia tanta præcise vi atmosphæræ pressio aquam AB in crure minori siphonis elevare conatur. Eodem argumento erit LN vis attollens atmosphæræ in crure longiori BC, nam hæc vis attollens est excessus pressiois externæ KL supra internam BC, quæ est KN ex constructione, atque adeo aqua in tubo BC revera attolletur, aut saltem pressio atmosphæræ eam attollere conabitur, vi illa LN. Verum, quia vis attollere conans aquam in tubo AB est LM, & vis attollens aquam in tubo BC est LN, & minor majori cedere debet, liquet aquam revera in tubo AB in

in altum coactum iri vi MN, æquali differentia virium attollentium LM & LN. Hanc ergo differentiam MN appellare possumus *vim motricem* aquæ in tubo reflexo juxta ordinem AQBC, propterea aqua ex vasculo EAF per tubum recurvum ABC fluet, & per orificium C sese exonerabit, & effluet, donec totum vasculum EAF depletum fuerit.

COROLLARIUM V.

320. Quia MN est vis motrix aquæ in siphone ABC circulantis, Fig. 75. & hæc vis MN est differentia inter KN & KM, id est inter BC & BA, hoc est DC, facta scilicet $BD = BA$.

Hinc 1°. vis motrix nulla est, nec proinde aqua in siphone juxta ABC fluere potest, ubi crura BA & BC æquantur. 2°. Nec fluere potest, cum crus brevius AB excefferit vel æquaverit altitudinem 33. pedum atmosphæræ pressioni æquipollentem. Sint enim Km major quam KL & æqualis AB, & $Kn = BC$, & quia nunc interna pressio aquæ BA est mK ; externa verò atmosphæræ est LK, prævalēbit externæ interna vis nL , quæ nunc est *vis extrudens*, quoniam hac vi nL aqua aliquousque ex tubo BA hoc casu extrudetur, tantum abest, ut externa aëris pressio vim habeat attollendi aquam ut in corollario antecedenti, sic etiam nL est vis extrudens aquam ex tubo BC. Adeoque hæ vires extrudentes efficient, ut in crure minori aqua se demittat usque in Q ita ut QA nunc æquetur ipsi LK, perinde ac PC in altero crure, aqua in eo sese demittente in P, scilicet in utroque crure eousque, quo vires extrudentes evanuerint.

COROLLARIUM VI.

321. Sed si AB fuerit minus 33. pedum & BC multò majus, fluet quidem ex minori AB per majus BC, sed absque eo, ut in toto tubo aqua continua sit, sed in summitate formabitur subinde vacuum. Sit enim ut prius KL, 33 pedum, AB vel KM minor quam KL & BC, cui æqualis sit Kn major quam KL; quibus positis, si Lm major fuerit quam LM plus aquæ effluet ex tubo BC quam influere potest per crus AB, atque adeo in summitate B erit vacuum, nec proinde aqua inter fluendum per totum siphonem contigua erit. Nam quia Kn hoc casu exprimit pressionem aquæ in tubo BC & KL pressionem atmosphæræ minorem, nL exponit vim extrudentem aquam

aquam ex tubo BC; in altero verò AB, vis attollens est LM, major ideo erit vis extrudens nL vi attollente LM, atque adeò plus aquæ egredietur atque expelletur ex tubo BC, quam ingreditur in tubum AB. Idcirco ubi fluxus ad statum manentem perductus fuerit, relinquetur in summitate vacuum BP æquale excessui, quo vis extrudens nL superat vim attollentem LM, seu æquale $nL - LM$. Idcirco existente $nL - LM = 0$, vel vi extrudente æquali vi attollenti, aqua in siphone contigua erit.

COROLLARIUM VII.

322. Ope corollarii præcedentis jam facile derivabitur solutio sequentis Problematis. *Dato minore siphonis crure AB invenire longitudinem majoris BC, ut aqua in siphone fluens in summitate siphonis vacuum BP relinquat datæ magnitudinis R.* Nam positis KM cruri minori, KL atmosphæræ pressioni seu 33. pedum, & Kn cruri majori æqualibus, per corollarium 6. hujus aqua per siphonem ABC fluens relinquet vacuum $BP = nL - LM$, unde cum hoc vacuum debeat esse æquale R, erit $nL - LM = R$, vel $nL = R + LM$, hinc $nK = LK + R + LM = 2LK + R - MK$, hoc est, crus majus BC æquari debet residuo detracti minoris cruris AB ex dupla atmosphæræ pressione data R. aucta. Adeoque, si AB fuerit 16. pedum & R, 10. pedum, erit $BC = 60$. pedum. Sed in ejusmodi casu adhibenda foret aqua ab aëre, quantum fieri potest, purgata; aliàs aër ex aqua transpirans ac sese in spatio BP sensim sensimque colligens liberum aquæ fluxum ex crure AB in alterum BC impedit.

SCHOLIUM.

323. Quanquam supra dictum sit in Barometris ordinariis Mercurium in altitudine 27. vel 28. pollicum certorum locorum respectu subsistere, id tamen non in mathematico rigore est accipiendum quasi argentum vivum barometri, in eodem semper loco constituti, in eadem altitudine constanter hæreret; nam ejusmodi Mercurii altitudines subinde variant, & ex hisce variationibus variationes in atmosphæræ pressioibus utcunque dignoscuntur. Dico *utcunque*, nam y. Celeb. *Wolffius* in sua *Atrometria* optime notavit, variationes Barometrorum non satis accuratè diversitatem gravitationis atmosphæræ indigant, & propterea, quæ aliàs barometra vocari solent instrumenta,

menta, duntaxat *Baroscopii* appellatione digna censuit, *Barometri* nomen instrumento illi reservaturus, si quod unquam inveniri possit, quod aëris gravitationes accuratissime monstret.

Inter alios defectus, quibus communia baroscopia laborant, forte præcipuus est, quod variationes eorum non satis sensibiles sunt; hanc ob rem eximii Philosophi Hugenius, De la Hire, & Joh. Bernoullius alias baroscopiorum constructiones excogitarunt, quibus instrumentis minimæ in aëris gravitate mutationes sensibilibus exprimerentur; hinc nata sunt gemina, quæ vocantur barometra Hugeni & Hirei, quorum constructionibus explicandis nunc non immorabor, cum Hugeni barometrum compositum in Ephemeridibus Gallicis descriptum habeatur, & apud alios passim Autores de rebus hisce agentes & Celeb. Hireus baroscopii à se excogitati descriptionem etiam tradiderit in Actis Academiæ Regiæ Paris. Scient. 1708. d. 21 Martij. Sed quia barometrum, quod Acutiss. Geometra Joh. Bernoullius jam à multis retro annis excogitavit publico nondum innotuit, nec à simplicitate sua contemnendum est, ejus descriptionem, ab Ingeniosiss. Autore mihi benigne communicatam, hoc loco afferre non pigebit, constructio itaque barometri Bernoulliæni ita habet.

324. Sit ABC tubus à duobus ramis inæqualium diametrorum compositus, figuram gnomonis præ se ferens; rami horizontalis BC in C aperti diameter lineam seu duodecimam digitis Parisini partem non excedat; rami verò verticalis AB in summitate obstructi diameter esto 4. linearum vel amplius adhuc, prout variationum gradus in hoc barometro magis sensibiles sunt exprimendi, & rami hujus altitudo sit, qualis in barocopiis communioribus, 30. aut 31. pollicum, longitudo verò rami horizontalis BC, quæ à proportionem diametrorum ramorum pendet, 3. pedum minimum esse debet. Si tubo sic parato Mercurius infundatur, & ramus ejus horizontalis pariter plenus sit Mercurio ad medietatem usque E circiter, aëre existente mediæ consistentiæ, habebitur barometrum, quod 16. vicibus magis sensibiles exhibebit variationes, quam ordinaria barometra. Liquet enim, quod, descendente Mercurio in ramo verticali ex spatio unius pollicis, progredietur in ramo horizontali ex E in F per spatium 16. pollicum; nam ramus verticalis aliud non est, quam simplex seu commune baroscopium.

Quod si verò ramus horizontalis angustior aut verticalis amplior fieret, nemo non videt fore, ut variationes crescant in duplata

ratione diametrorum, adeo ut hæ variationes in infinitum magis magisque sensibiles reddi queant. Sed quia praxis talia semper incommoda secum trahere solet, quæ theoriæ successum difficilem efficiant, nimia est fugienda horizontalis rami angustia, quia æris pressio non satis commode agit in tubo valde angusto, nec in eo Mercurius facile movetur. Horizontali igitur ramo vix minor quam unius lineæ diameter tribui debet. Propterea, loco imminutionis ejus diametri, satius est verticalem ramum majoris amplitudinis assumere, non quidem per totam ejus longitudinem, sed tantum in summitate, addendo scilicet tubo BM, qui ejusdem ac in vulgari-
 Fig. 77. bus barometria crassitie esse potest, capsulam vitream AM, in qua Mercurius perinde ac in Hugenii geminato descendet atque ascendet. Verum existente hac capsula valde laxa, insignis rami horizontalis longitudo, quæ hoc casu requiritur, instrumentum inconcinnum usuique parum accommodatum redderet, nisi incommodo isti promptum esset remedium, contorquendo ramum horizontalem in spiralem vel quoquo alio modo in minus spatium redigendo flexuris illis, quas figura 78. exhibet, dummodo hæ flexuræ omnes in eodem plano horizontali existant.

Ad commodiorem hujus Barometri impletionem non abs re fore notat Autor, si ramus perpendicularis AB in exiguum tubulum in L apertum desinat, ita ut per ejus orificium argentum vivum infundi possit, dum orificium rami horizontalis C, obstruatum teneatur. Ambobus ramis hoc pacto impletis orificium L hermetice est figillandum & obturamentum, quo orificium C obstruebatur, demendum, ut argentum vivum in verticali tubo AB ad consuetam in communioribus barometris altitudinem se demittere possit scilicet ad terminum D, & ex horizontali ramo superfluum effluere hydrargyrus; sed quia hac ratione ramus horizontalis Mercurii plenus manebit, suctione pars ejus conveniens est adimenda vel beneficio tubi capillaris ampullula instructi, quæ calefacta atque tubo horizontali intrusa atque in eo refrigerens Mercurium in suam cavitatem trahet. Hac ratione barometrum constructum usuique paratum erit.

Cæterum non inutile fuerit, si tubus verticalis in loco, quo horizontali jungitur, exigua curvatura instar receptaculi H instruatur, ad impediendum ex horizontali in verticalem ramum æris ingressum, si quando horizontalem forte Mercurius deficeret, aut fortasse etiam ex nimia atmospheræ pressione seu à vibrationibus Mercurii
 ex

ex translatione barometri de loco in locum orta, quod postremum inconueniens si non tolli penitus, saltem obstruendo orificium C, minui potest.

Præter simplicitatem, qua Bernoullianum istud barometrum se commendat, aliis insuper prærogativis præstare videtur barometris compositis hætenus inventis. Nam tubi pro Bernoulliano & facile parantur facileque etiam implentur, nec liquores in eo adhibentur in vapores sensibilibiter abeuntes, quibus barometri effectus mirum quantum alterari solent. Nam in baroscopio à nobis descripto solus adhibetur Mercurius, qui in vapores sensibilibiter non solvitur. Geminatum vero Hugeni barometrum, præterquam quod tubos requirat ægre parabiles & difficillime liquoribus implendos, liquores deposcit evaporationi obnoxios, cui incommodo illud etiam quod à Celeberrimo De la Hire ingeniose excogitatum & in Actis Acad. Reg. Paris. Scient. loco jam supra indicato subiectum est, aliudque præterea incommodum secum trahit, quod liquores ejusdem specificæ gravitatis sed impermiscibiles requirat, alioqui variationes ejus non indefinite augeri poterunt, sed intra certos terminos consistent quos transgredi nequeunt. Nam vocando specificas gravitates argenti vivi, & ex liquoribus in barometro isto adhibendis gravioris scilicet & levioris m, t, p ; capsularum vitrearum diametrum a , diametrum tubi angustioris b , invenio post Clarif. Bernoullium, variationes in barometro Hireano se habere ad variationes in barometro ordinario seu communi, ut quantitas maa ad $2mbb$, + $(aa - bb.t - p)$. Jam quo minor est b quam a , eo propius accedit hæc ratio, rationi m ad $t - p$, quæ limitem exprimit, intra quem variationes barometri à Cl. De la Hire inventi collatæ cum variationibus Barometri communis continentur, quæ data ratio m ad $t - p$ eo solum casu infinita fit, quo $t = p$, hoc est eo casu, quo liquores in Hireano barometro adhibiti ejusdem sunt specificæ gravitatis, sed qui invicem permisceri nequeant.

Posteaquam descriptio Bernoulliani barometri coram Concilio Academicæ Scientiarum Regiæ Parisiensis prælecta fuit, nuntiatum est Celeb. ejus Autori similem barometri constructionem jam ante complures annos excogitam fuisse à Celeberrimo Astronomo Joh. Dominico Cassino, sed postea neglectam ab ipso jacuisse, quod in praxi non successisset ob aërem, qui Mercurio in tubo seu ramo horizontali se miscuisse ejusque liberum fluxum impediisse scribitur. Sed quia, quid hac in re laudatus Vir molitus sit, nusquam memo-

riæ proditum sit, nec Bernoullius de ejus tentaminibus quicquam fando audiverit, inventionis laus ipsi denegari non potest, maxime quod ejus cum successu in Belgio factum esse periculum testari potest; & incommodum illud, quod Cassino remoram iniecit, tolli posse arbitratur, tubum horizontalem suctione implendo; vel etiam si compressione crumenæ cujusdam coriaceæ argenti vivi plenæ tubiq[ue] horizontalis orificio applicatæ Mercurius tubo intrusus ascendere cogatur usque ad summitatem tubi verticalis, orificium superius apertum habentis; hac Mercurii intrusione peracta, & obturato summo verticalis tubi orificio, crumena à tubo horizontali est removenda, ut argentum vivum in tubo verticali ad consuetam altitudinem delabi possit. Denique ut Mercurii fluxus in tubo horizontali commode fiat, tanta tubo isti amplitudo est tribuenda, quantâ opus est ut Mercurius in eo contineatur, absque eò ut diffluat.

CAPUT VI.

De Vi Elastica Aëris in Genere.

325. **A**ër, quantum experimentis constat, nullo alio in cæteris fluidis & liquoribus exemplo, sibi peculiarem habet affectionem, quâ non solum continuo se expandere conatur, sed etiam ad majus, quam antea occuparat, spatium seu volumen reapse se expandit quoties nullo corpore ambiente impeditur. Conatus ejusmodi expansivus aëris *Elater* seu *Vis elastica* ejus nuncupatur. Experimenta, quæ hanc aëri *elasticitatem* inesse evincunt, plura à Boylio, Mariotto, Jac. Bernoullio aliisque cautis observatoribus tentata & feliciter ad exitum deducta sunt, quæ apud laudatos Autores legi possunt, vel etiam in Aërometria Clariss. Wolfi, in qua selectissima quæque experimenta accurate describuntur. Inter hæc experimenta unum alterumve hoc loco recensebo, quod aëris vim elasticam ad oculum demonstrare existimo.

I. Vesica bubula vel porcina flaccida & complicata, sed obstrutum habens orificium ope circumligati fili, in recipiente sensim sensimque intumescere conspicitur, simul atque aër ex recipiente educitur ope antliæ pneumaticæ, & si vesica tenera sit, rumpi subinde observatur à solo elatere paucilli aëris in vesicæ rugis latentis.

II. Ab eodem aëris elatere phiala vitrea tenuiorum parietum & probe obstructa in recipiente ab aëre evacuato in minuta subinde fragmenta dissilit; & huic simile phænomenum bibulos quandoque terret, cum generosum vini haustum facere volentes lagenam suam vitream hiscentibus labris tam arcte admovent, ut præ metu vel unius solum nectaris sui guttæ effusionis, communicationem aëris externi cum eo, qui lagenæ inest, tollant, atque strenue fugendo lagenæ aër rarefiat, quo fit, ut prævalente externi aëris pressione lagena in frustula conteratur, & merum pereat.

III. Vis elastica aëris probatur etiam experimento hæmispheriorum æneorum, quæ educto ex eorum cavitæte aëre, tam pertinaciter sibi invicem adhærere comperiuntur, ut maximis etiam ponderibus ipsis appensis, vel in oppositas partes trahentibus, vix separari possint, quæ tamen aëris plena nullo ferme negotio ab invicem diducuntur.

326. Verum, recensitis experimentis non obstantibus, D. Parent Elasticitatem aëris in Historia Acad. Reg. Paris. Scientiarum Academiæ 1708. in dubium vocare velle videtur, si Historiæ verba obiter tantum expendantur; ast textus diligentius inspectus postea manifestat, elaterem aëris in sensu paragraphi præcedentis non denegari. Nam Autor modo nominatus tantum negat particulas aëris concipiendas esse instar lamellarum plicatiliū, vel instar filamentorum in spiras contortarum, & sese postea evolventium, aut ullius rei instar hisce æquivalentis. Sed eas potius tanquam moleculas considerandas arbitratur, materiæ æthereæ, ultra quam cogitari possit, exili & agitativissimæ innatantes. Idcirco juxta laudatum Auctorem moleculæ aëreæ tanto magis ab invicem distant, & quod elateris speciem præ se ferre dicit, tanto magis à se invicem recedere conantur, quo abundantior fuerit ætherea materia meatus aëris transfluens, & quo perniciosior ejus motus. Ab hac enim materia ætherea vim omnem derivandam esse putat, qua aëris moleculæ in alia corpora agere possint. Ex quibus omnibus abunde liquet Cl. Parent tendentiam illam molecularum aërearum, qua à se invicem discedere conantur, non negare, nec proinde vim illam elasticam nostro sensu sumtam in dubium vocare. An autem hæc aëris Elasticitas, seu conatus particularum ejus à se invicem recedendi, proveniat ab elasticitate propria particularum compressarum, & deinceps in pristinum statum se restituere molientium, an vero ab æthere interfluente, quæstiones sunt physicæ, quæ in utramque par-

tem disputari possint, quæque omnes suis difficultatibus circumdatæ sunt.

327. Hypothesi Parentianæ explicandæ elasticitatis aëris similem ante plures annos etiam excogitaram, sed cui postea nuncium missi, quod eadem posita, non aëra tantum, sed omnes prorsus liquores vi elastica præditos esse debere, quæ tamen liquores carent, ex ea sequi viderim. Nam si aëreæ moleculæ ideo à se invicem recedere conantur, quod rapidissimo ætheris motu per poros aëris indefinenter circulantis ejusdem aëris moleculæ à se invicem abigantur & repellantur, cur quæso in reliquis liquoribus moleculæ non eodem modo ab invicem repelluntur ab interfluente æthere, qui non minus trans liquorum poros, quam trans aëris meatus fluere & moveri debet? Respondebitur forte disparitatem provenire à crassitie molecularum, quibus liquores componuntur, nec non à longe majori liquorum densitate, quam sit aëris densitas, & ob has duas rationes fieri, ut moleculæ liquorum non eo successu, quo aëris particulæ à se invicem ab interfluente æthere abigantur, cum ipsæ particulæ abigendæ valde magnæ & ætheris trans liquorum poros fluentis copia valde parva sint respectu aëris. Ast valde dubito, an hæ rationes sincere philosophantibus satisfactoriæ sint; nam angustia pororum in liquoribus, quæ adducitur ad reddendam rationem, cur liquores vi elastica careant; potius contrarium probare videtur. Notum enim est, fluida eò velocius moveri solere quo angustiora sint loca, per quæ fluant, sic fluminis in diversis sectionibus fluentis velocitates sunt sectionibus reciproce proportionales, ac propter hanc rationem, velocitas ætheris fluentis per porum alicujus liquoris *L* erit ad velocitatem ejusdem fluentis per porum aëris *A*, ut amplitudo pori aëris ad porum liquoris; atqui in diversis liquoribus pororum similiter positorum amplitudines, hoc est, distantie duorum vicinorum elementorum in liquoribus, sunt in reciproca subtriplicata proportionem densitatum; nam duæ massæ similes & æqualis ponderis diversorum liquorum volumina habent densitatibus suis reciproce proportionalia, & volumina, quæ (secundum hypothesin) sunt solida similia, sunt in triplicata proportionem laterum homologorum, adeoque & densitates erunt in reciproca triplicata ratione laterum homologorum in solidis similibus, atque adeo latera ejusmodi homologa in reciproca subtriplicata ratione densitatum; verum particulæ in ambobus liquoribus, præter propter similiter positiæ, admittunt interstitia lateribus solidorum homologis proportionalia,

naliam, unde cum latera solidorum sint in reciproca subtriplicata ratione densitatum, erunt etiam pororum amplitudines seu particularum fluidorum sibi invicem proximarum distantiae in reciproca subtriplicata ratione densitatum. Atqui velocitas ætheris fluentis trans porum liquoris L est ad celeritatem ejusdem fluentis trans porum æris A, reciproce, ut porus æris seu interstitium duarum ejus molecularum vicinarum ad porum liquoris, atque adeo directe in subtriplicata ratione densitatis liquoris L ad densitatem æris A, id est, in subtriplicata ratione gravitatis specificæ liquoris ad gravitatem specificam æris. Jam cum, ut supra (§. 314.) dictum, gravitas aquæ ad gravitatem æris sit ut 800. ad 1, & radix cubica ex 800. sit quam proxime 9.2; erit velocitas ætheris trans aquam ad celeritatem ejusdem trans ærem proxime ut 92. ad 10; hinc, quia fluidorum impressiones in corporibus quæ agunt, sunt in duplicata ratione velocitatum, ut id suo loco ostendetur, erit hoc casu vis ætheris ad abigendas moleculas aquæ ad vim ejusdem ad abigendas à se invicem moleculas æris, ut quadratum ex 92. ad quadratum ex 10. proxime, id est ut 8464. ad 100; adeoque aquam oporteret habere in Parentii Hypothesi plus quam octoginta vicibus majorem vim elasticam quam ær, cur igitur nulla in aqua elasticitasprehenditur? multò major adhuc deberet esse elasticitas hydrargyri & aliorum fluidorum aqua specificè graviorum.

Verum quicquid sit de causa physica elateris æris, ad institutum nostrum sufficit æri vim elasticam inesse, quod præter experimenta ab initio hujus capituli relata, etiam probari potest effectibus antliæ Guerikianæ à Roberto Boyle postea magis perfectæ, cujus opera ær in vasis quibuscunque, quæ eidem rite applicari queunt, quantum velis rarefiat, atque adeo pars æris quantacunque repetitis haustibus educi potest, quod minime succederet si ær virtute illa expansiva careret.

328. Est vero ejusmodi *Antlia Pneumatica* tubus æneus in tota suacavitate perfecte lævigatus, ita ut embolus, qui ultro citroque in eadem cavitate agitandus antliæ cavitati ubique accuratissime quadret, nec ulla rimas relinquat per quas ær transpirare possit.

Embolus est pistillum ex circulis coriaceis orificio antliæ perfecte quadrantibus conflatum, quod antliæ cavitati ope manubrii centro ejus inserti ad fundum antliæ intrudi & dehinc iterum ad caput ejusdem seu orificium retrahi possit.

Epistomium Antliæ est clavicula cylindrica tubo incurvato antliæque

que fundo afferruminato ad angulos rectos inserta, libere hinc inde volvenda, foramine rotundo amplitudinis circiter tubi recurvi pertuso, eum in finem, ut foramen istud cum cavitate tubi recurvi antliæ communicans liberum aëri ex vase, ex quo aër expelli debet (quod vas *Recipiens* cum aliis brevius deinceps vocabitur) per tubum recurvum in antliam transitum permittat, & in alium sensum conversa, & cum sæpius jam nominato tubo recurvo non communicans modo commemoratum aëris transitum ex recipiente in antliam impediatur atque tollat.

Spiraculum est cavitas ex summitate epistomii in foramen ejus transversum desinens, & cum tubi recurvi cavitate subinde communicans; hians acicula ænea pro rei indigentia obturanda, ejus usus, ut spiraculum apertum cavitati antliæ cum aëre subtili liberam communicationem permittat.

Tubus inflexus fundo antliæ afferruminatus plerumque desinit in cochleam marem, cui catinus æneus in centro cochlea fœmina excavatus circumvolvitur. Catino applicatur circulus coriaceus madefactus, cui recipiens ut plurimum campaniforme imponitur, & circum circa aqua affunditur marginibus catini, ad margines ejus elatis contenta, ad impediendum externi aëris ingressum.

Agitatio emboli constat uno ejus *itu* ex fundo antliæ usque ad orificium seu caput ejus, unoque *reditu* ab orificio usque ad fundum.

329. In figura 79. AB est corpus antliæ, EF embolus cavitati antliæ affabre adaptatus, ut antlia nusquam perfluere queat; BOH est tubus ad O inflexus antliæ fundo in B afferruminatus, & cum ejus cavitate & cum recipiente M communicans per foramen H; hujus tubi foramini inseritur epistomium IK, quod, prout in hunc vel illum sensum convertitur, tollit vel aperit communicationem antliæ cum recipiente M. Hoc epistomium IK perforatum est usque ad ejus foramen transversum, ac hæc cavitas vocatur spiraculum cui acicula I inseritur, ut communicatio antliæ cum externo aëre tollatur, acicula verò removetur iterumque extrahitur, quoties hac communicatione opus est; vel ad expellendum aërem ex antliæ cavitate, vel etiam ad admittendum externum aërem, eo casu, quo aër recipientis est condensandus. CD est catinus, cujus margines in C & D non nihil elevati marginum instar sunt, aquam circa recipiens affusam continentes; catino circulus coriaceus in centro perforatus & madefactus applicatur, cui deinceps recipiens M imponitur mani-

manibusque fortiter astringitur, &, ut modo dictum, circumcirca aqua affunditur in catino, omnia ad id, ne aër exterior per ullam rimam in recipiens se insinquare queat. Et sic omnia ad usum erunt parata. Non me latet artifices nonnihil aliter antlias construere solere, quoad nonnullas circumstantias, cum ejus corpori situm inclinatum dent, qui tamen in schemate nostro est horizontalis; sed hoc accidentale est, nec ad ejus essentielles usus facit. Sic etiam spiraculum subinde aliter quam à nobis descriptum est parare consueverunt & tubum BOH; sed quocunque modo id construant, idem semper effectus debet præstari, cum eo qui est in antlia hujus descriptionis. Imò vero, si quæ aliter parant, id duntaxat respicit faciliorem antliæ usum.

330. Præparatis omnibus quæ §. præcedenti descripta sunt, aperiat epistomium IK, ut recipiens M cum antlia AB per tubum HOB communicare possit, obturato scilicet spiraculo I, & retrahatur embolus EF usque ad orificium antliæ A in ef, quo fiet ut aër qui cavitatem recipientis M & tubi HOB impleverat, se diffundat per totum spatium MHOBef, compositum ex cavitatibus recipientis M, tubi HOB & antliæ Bef, atque adeò residuus recipientis aër se habebit ad aërem, quem antea continebat, ut recipientis M tubique HOB cavitates simul ad cavitates M, BOH & Bef simul sumtas, ac propterea raritas ejusdem aëris residui erit ad raritatem aëris totalis, qui antea recipienti inerat, ut MHOBef ad MHOI. Dehinc clauditur epistomium IK, extrahiturque spiraculi I obturamentum, atque intrusionem emboli ef versus fundum antliæ B aër ex antliæ cavitatem per apertum spiraculum expellitur, ac clauso denuo spiraculo I prima emboli agitatio peracta erit, eodem tenore repetentur secunda, tertia, quarta, &c. agitationes; ex quibus ultro fluit sequens

PROPOSITIO XIX. THEOREMA.

331. Si cavitates antliæ Bef, tubi BH & recipientis M simul, fuerint ad cavitatem solius recipientis M ut recta Q ad aliam P, raritas aëris residui post quamlibet emboli agitationem erit ad raritatem ejus ante hanc agitationem, ut Q ad P. Fig. 79.

Nam, quia post emboli itum ex B in ef aër recipientis M (§. 330.) se diffundit per totum spatium MHOBef, raritas aëris residui in cavitatem M post emboli itum, ad raritatem ejus ante hunc itum,

A a

erit

erit, ut spatium $MHBef$ compositum ex cavitatibus recipientis M tubi HOB & antliæ Bef ad cavitatem recipientis solius M , id est (secundum hypothesin) ut Q ad P . Quod erat demonstrandum.

COROLLARIUM I.

332. Si ratio P ad Q continuetur in quotcunque terminis R , S , T , &c. & primus P exponat raritatem aëris in recipiente M in statu naturali existentis, termini sequentes progressionis nostræ Q , R , S , T , &c. indicabunt raritatem aëris in recipiente residui, post primam, secundam, tertiam, quartam, &c. emboli agitationem. Nam, quia raritas aëris post primam emboli agitationem est ad raritatem ejus ante hanc agitationem ut Q ad P , & hic terminus P exponit raritatem aëris in statu naturali qualis erat ante primam agitationem, ideo exponet Q raritatem aëris in recipiente residui post primam emboli agitationem, sic quia raritas aëris post primam ad raritatem post secundam emboli agitationem est ut P ad Q , vel ut Q ad R , & Q exponit raritatem aëris post primam emboli agitationem, exponet R raritatem aëris residui post secundam emboli agitationem, eodemque argumento conficitur exponere S , T , &c. raritates residui in recipiente aëris post tertiam, quartam, &c. agitationem.

COROLLARIUM II.

333. Hæc etiam obtinent, mutatis mutandis, in condensationibus aëris recipientis. Quo casu loco itus, quem diximus esse educationem emboli ex fundo antliæ B usque in ef , nunc per itum intelligam intrusionem emboli ef usque ad antliæ fundum. Propterea, si progressio T , S , R , Q , P continuetur in totidem terminis q , r , s , t , &c. hi termini significabunt raritatem aëris in recipiente M , post primum, secundum, tertium, quartum, &c. emboli itum seu in antliam intrusionem. Nam aër, qui ante primam intrusionem diffusus erat in spatio $MOef$, post primam intrusionem redigetur in spatium multo angustius $BOHM$, vel neglecta cavitate tubi BOH (quæ insensibilis est præ cavitate recipientis M , & quæ tubi cavitates etiam subinde tollitur, spatium $EFOH$ aqua implendo) raritas aëris ante primam emboli intrusionem, quæ dicitur P , ad raritatem ejusdem aëris post primum itum est ut spatium $MHOef$ ad spatium M .

M, hoc est, ut Q ad P seu P ad q; ergo q repræsentat raritatem aëris in recipiente M post primam emboli intrusionem, & pari argumento termini sequentes r, s, t, &c. indicabunt raritates post secundam, tertiam, quartam, &c. emboli intrusiones.

COROLLARIUM III.

334. Unde, cum (§. 20.) densitatibus raritates reciprocè sint proportionales, magnitudines Q, R, S, T, &c. quæ à magnitudine P æquè remotis q, r, s, t, &c. etiam reciproce proportionales existunt, exponent densitates aëris in recipiente M, post primam, secundam, tertiam, &c. emboli intrusionem in anthia AB.

PROPOSITIO XX. PROBLEMA.

339. *Cavitatibus antliæ & recipientis, vel saltem ratione unius ad alteram datis, definire, quot emboli agitationibus opus sit ad reducendum recipientis aërem ad datum raritatis vel densitatis gradum.* Fig. 80.

Ad axem AZ extructa sit quæcunque log-mica Bin, in qua magnitudines P, Q, R, S, &c. aptentur tanquam ordinatæ, ut in Po, Q₁, R₂, S₃, T₄, &c. quæ cum (secundum hypothesin) sint in progressionem geometrica, intervalla axis PQ, QR, RS, ST, &c. erunt æqualia. Numeri ordinatis adscripti indicant, quot emboli agitationibus opus sit ad redigendum recipientis aërem ad eum raritatis gradum, quem ordinata quæque exponit; sic Po significat nulla emboli agitatione aërem reduci ad raritatem Po seu P, S₃ verò innuit 3 emboli agitationibus aërem reduci ad raritatem S₃ vel S, & sic de reliquis; littera verò n denotat numerum quæsitum emboli agitationum, quibus aër Recipientis reducitur ad raritatem datam Z, quæ ordinata Zn repræsentatur. Hac raritates repræsentandi ratione fit, ut quælibet abscissa PS sit ad abscissam PQ ut numerus 3 ordinatæ S₃ adscriptus ad unitatem 1 ordinatæ P₁ adscriptam, hinc erit etiam PZ : PQ = n : 1, vel simpliciter n = PZ : PQ. Atqui PZ est log-us rationis Zn ad Po seu Z ad P, & PQ log-us rationis Q₁ ad Po seu Q ad P; ergo numerus quæsitus n = log. (Z : P) : log. (Q : P). Atque hinc resultat regula Bernoulliana.

Log-us rationis (Z : P) quam habet raritas aëris desiderati ad raritatem aëris naturalis, dividatur per log-um rationis (Q : P) quam
A a 2
habent

habent antlia & recipiens simul, ad cavitatem solius recipientis, indicabit quotiens quæsitum agitationum numerum n. Qui erat inveniendus.

Hujus regulæ à Celeb. Jac. Bernoullio olim sine demonstratione publicatæ analyfin ex calculo exponentialium petitam jam anno nifallor 1693. promulgavit Cl. Varignon in Actis Acad. Reg. Scientiarum, eamque postea multis accessionibus auctam in Actis ejusdem Academiæ anni 1705. denuò cum publico communicavit.

COROLLARIUM I.

336. Cum log-us cujusque fractionis sit differentia log-orum numeratoris & denominatoris, erit log-us $Z:P = \log. Z - \log. P$, & $\log. Q:P = \log. Q - \log. P$. adeoque $n (= \log. (Z:P) : \log. Q:P) = (\log. Z - \log. P) : (\log. Q - \log. P)$.

Hinc si $Q:P = 2:1$, & $Z:P = 6:1$, erit $\log. Z - \log. P = 0.7781512$, & $\log. Q - \log. P = 0.3010300$, adeoque $n = 0.7781512 : 0.3010300 = 2\frac{1}{2}$ circiter.

Porro ope canonis superioris ex tribus quantitativibus $Z:P$, $Q:P$ & n , datis quomodocunque duabus, tertia semper per log-os haberi potest. Sed hisce non vacat diutius immorari.

COROLLARIUM II.

337. Quanquam hoc Problema tantum de rarefactione aëris agit, canon tamen, in quem circa finem §. 335. incidimus, etiam casibus illis applicari potest, quibus aër recipientis non quidem rarefaciendus sed condensandus est. Ut si quæritur, quot emboli pulsibus aër recipientis in naturali vel quocunque alio statu constitutus, cujus densitas ad densitatem aëris in naturali statu data sit, ad gradum densitatis X reduci possit. Fiat ut X ad P ita P ad Z , & hæc Z exponet (§. 20.) raritatem aëris cujus densitas est X , quandoquidem P repræsentat densitatem & raritatem aëris in statu naturali. Jam datis $Q:P$, & $Z:P$ invenietur per canonem citatum numerus quæsitus n pulsuum emboli, quibus aëri raritas $Z = P^2 : X$ seu densitas X inducitur. Verum hoc casu, quo aër recipienti est intrudendus, magnitudo Z est infra ipsam P , atque adeo log-us rationis $Z:P$ erit negativus, hinc etiam valor numeri n negativus existet, quo tamen aliud non indicatur, nisi emboli itus in casu condensationis con-

contraria ratione se habere, quam in casu, quo recipientis aër est rarefaciendus, adeò ut ad signa non debeat attendi.

S C H O L I O N.

338. Modus est expeditus explorandi rationem cavitatis antliæ ad cavitatem recipientis, si vas quoddam cylindricum super basi seu fundo suo rectum aqua impleatur tanta, quantam recipiens & antha simul capere possunt & dehinc aquæ altitudo notetur per A; deinde ope siphonis tantum aquæ exhauriatur ex vase cylindrico, quantum aquæ capere potest antlia; residuæque in vase cylindrico altitudo signetur B, dico A fore ad B sicut Q ad P, nam cylindrus ex altitudine B æquatur cavitati recipientis solius, unde cum sit altitudo A ad altitudinem B, ut cylindrus A ad cylindrum B, id est, ut cavitates antliæ & recipientis simul ad cavitatem solius recipientis, hoc est (secundum hypothesein) ut Q ad P, liquet propositum.

C A P U T VII.

De Viribus elasticis aëris cum densitatibus ejus comparatis.

Non solum per experimenta, quorum nonnulla initio capitis proxime antecedentis recensui, constitit aëra vi elastica prædictum esse, sed etiam Philosophis innotuit hanc vim expansivam aëris eo majorem esse, quo major sit aëris densitas, & vice versa; idcirco examinandum adhuc restat an elasticitates crescant præcise juxta proportionem densitatum, an vero secundum aliam quamcunque rationem. In hoc capite nonnulla exhibebimus theoremata ad hanc rem scientia.

339. Cum aëris elasticitas consistat in nisibus illis, quibus aëris moleculæ à se mutuo recedere conantur, manifestum est, quod pressio, quam quodlibet planum, quo aëris expansio impeditur, à particulis aëris plano contiguis subit, æqualis est universæ vi singularum particularum urgentium.

P R O P O S I T I O XXI. T H E O R E M A.

340. Si aër sub volumine cujusvis prismatis BOF redigatur in mi-

A a 3

Fig. 81.
nus

mus volumen GOF, nisusque, quibus proxime quæque molecule C, c & I, i à se invicem recedere conantur, sint in reciproca ratione densitatis, cujus exponens est n, intervallogum Cc & Ii earundem molecularum, hoc est, in ratione Cc^{-n} ad Ii^{-n} , vel Ii^n ad Cc^n . Erunt vires, quibus plana BC & GI ab aëre elastico BF & GF premuntur, ut potestas n densitatis aëris BF ad similem potestatem aëris GF. Hoc est, ut d^n ad D^n vocando densitatem aëris in volumine BF, d & densitatem in volumine GF, D.

Nam vis, quâ planum BC à particulis aëris ipsum tangentibus urgetur, est ad vim, qua planum GHI à particulis aëreis ipsi contiguis urgetur, est ut omnes particule in plano BC ad omnes, quæ sunt in plano GHI, vel potius, ut vis ex omnibus, quibus particule plano illi adhærentes possent, resultans, ad vim resultantem ex viribus, quibus omnes molecule plani huius GHI præditæ sunt, atqui vis omnium C, quæ sunt in plano BC, est ad vim omnium I, quæ sunt in plano GHI, ut vis unius C ad vim unius I, id est (secundum hypothesin) ut Ii^n ad Cc^n ; ergo vis, qua planum BC est ad vim, qua planum GHI urgetur, ut Ii^n ad Cc^n . Verum est Ii ad Cc ut IF ad CF, seu ut prisma BF ad prisma GF, id est, ut densitas aëris BF ad densitatem aëris GF vel, sicut d ad D, ergo Ii^n ad Cc^n , id est, vis, qua urgetur planum BC, ad vim, qua ab incluso aëre GF planum GHI urgetur, est ut d^n ad D^n , seu directe, ut densitatum dignitas cujus index est n. Quod erat demonstrandum.

COROLLARIUM.

341. Adeoque, si vires, quibus particule C, c, & I, i à se invicem aufugere conantur, fuerint interstitiis Cc, Ii reciproce proportionales, vires elasticæ aëris erunt densitatibus proportionales.

PROPOSITIO XXII. THEOREMA.

Fig. 82. 342. Si aër, qui est sub volumine CFE, redigatur in volumen minus cfe priori simile, ac vires, quibus molecule aëreæ in utroque volumine à se invicem recedere conantur, sint, ut in propositione precedenti, in reciproca ratione potestatis ex indice n intervallogum GH, gh quibus molecule, G, g planis BAE & bae adjacentes à proximis H & h distant, erit vis, qua totum planum BAE ab aëre elastico FCG urgetur, ad vim, qua planum bae ab aëre elastico fce premitur, ut latus cubicum ex potestate

testate densitatis d' aëris FCE ab indice n' denominata, ad latus cubicum ex pari dignitate densitatis D aëris-cfbc; hoc est, ut radix cubica ex d' ad radicem cubicam ex D'.

Quia volumina CFE, cfe sunt solida similia, etiam plana BAE, bae erunt figuræ similes, & particulae aëreæ in iis similiter positæ erunt. Propterea vis elástica aëris CFE, quæ exeritur in planum BAE, erit ad vim elasticam aëris cfe redundantem in planum bae, ut vis, qua unica particula G premit planum BAE ad vim unius particulae g prementis planum bae, id est (secundum hypothesein) ut gh ad GH, seu quia GH & gh in solidis similibus CFE & cfe sunt lineolæ similiter positæ, ut ab ad AB. Jam quia solidum cfe est ad solidum CFE ut densitas aëris in FA ad densitatem aëris in volumine fa, id est, ut d ad D, tum etiam ut solidum fa ad solidum FA, vel quia hæc solida (secundum hypothesein) similia sunt, ut ab ad AB, erit $ab:AB = \sqrt[n]{C.d}:\sqrt[n]{C.D}$ & $ab:AB = \sqrt[n]{C.d}:\sqrt[n]{C.D}$. Ergo vis aëris, quæ exeritur in planum BAE, est ad vim, quæ exeritur in planum bae, ut latus cubicum ex d' ad latus cubicum ex D'. Quod erat demonstrandum.

COROLLARIUM I.

343. Figura verò KIE in plano BAE similis & æqualis figuræ bae pressionem subibit ab aëre elastico FA, se habentem ad pressionem, quam aër elasticus fa exerit in planum bae, ut latus cubicum ex d' ad D'. Nam pressio figuræ KIE est ad pressionem figuræ BAE, ut figura KIE, vel æqualis bae ad figuram BAE, id est, propter figurarum similitudinem ut ab ad AB, & (§. 342.) pressio figuræ BAE ad pressionem figuræ bae, ut $\sqrt[n]{C.d}$ ad $\sqrt[n]{C.D}$, ergo ex æquo & per compositionem rationum pressio in figura KIE ad pressionem in figura bae se habet, ut latus cubicum ex d' ad D'. Ut habet Celeb. Newtonus Sch. Prop. 23. Lib. II. Pr. Ph. Nat. Math.

COROLLARIUM II.

344. Hinc, si iterum fuerit $n=1$, aut vires centrifugæ molecularum aëris suis distantis ab invicem reciproce proportionales, erunt vires elasticæ, seu pressionès, quas æquales figuræ KIE & bae à suo quæque aëre subibunt, in ratione densitatum, atque in hac circumstantia res convenit cum Corollario Propositionis præcedentis. Et

con-

conversim, si vires elasticæ densitatibus proportionales fuerint, molecularum vires, seu conatus centrifugi, distantis suis à proximis moleculis reciproce proportionales erunt.

PROPOSITIO XXIII. THEOREMA.

Fig. 83. 345. Si vires elasticæ aëris fuerint, ut rationes, quas habent quantitates aëris ad residua voluminum, sub quibus aer continetur, eadem vires erunt ut ordinatæ ad lineam alterutri hyperbolæ equilateræ asymptotam æquidistantem, densitates vero, ut abscissæ ordinatis homologæ, quarum abscissarum origo sit in ipsa hyperbolæ curva.

Si segmenta AD lineæ datæ AB exponant quantitates aëris in eodem volumine, per totam AB exposito, contentas, eandem AD densitates aëris simul indicabunt; nam juxta §. 16, densitates sunt ut rationes, quas materiæ quantitates habent ad volumina, in quibus continentur, & hoc loco diversæ aëris quantitates eidem volumini inclusæ spectantur. Segmenta vero DB ipsius AB sunt residua voluminis AB, detractis scilicet ex hoc volumine aëris quantitatibus AD, AD, &c. In punctis D ad AB excitatæ sint perpendiculares DC exponentes vires elasticas aëris, densitates AD homologas habentis; quibus positis, & quia (secundum hypothesin) elasticitas aëris sub densitate AD est, ut ratio AD ad DB, fiat, assumpta quadam data H, ratio DC : H = AD : DB, eritque componendo DC + H : H = AB : DB, atque adeò producta recta EB datæ AB normali in G, ut GB fiat æqualis assumptæ datæ lineæ H, ductaque per punctum G linea GF alteri AB æquedistanti, erit CF : DF = AB : DB; vel ducta per C parallela CE ipsi AB, fiet EG : BG = AB : CE, unde curva AC cujus ordinatæ DC exponunt vires elasticas aëris, abscissæ verò AD densitates respectivas, est hyperbola inter asymptotas GF & GE. Quod erat demonstrandum.

COROLLARIUM.

346. Si ipsæ AD fuerint exiguæ magnitudinis, respectu totius AB, trilineum, vel trilinea, ADC spectari possunt tanquam rectilinea absque errore sensibili, ac hoc casu elasticitates DC ejusmodi densitatibus AD quam proxime proportionales existerent; sin verò densitates majores sint, quam ut AD præ tota AB evanescat, elasticitates aëris in longe majori crescent proportionem quam densitates.

Hy.

Hypothesin præsentem excogitavit Celeb. Jac. Bernoullius ejusque rationem physicam dare conatus est in tractatu suo de *Gravitate Aetheris* pag. 97. seqq. quas Lector ibi legere atque examinare poterit. Ex hac hypothesi etiam Celeb. ejus Frater Johannes hanc nostram Propositionem XIII. proposuit in eleganti sua Dissertatione *De Motu Musculorum* jam supra laudata.

S C H O L I O N.

347. Leibnitiana hypothesis, qua Illustris Vir statuit aërem ut plurimum mixtum esse ex materia *compressibili* & *incompressibili* fortasse non incongrue ad præsentem propositionem exigi potest. In ista hypothesi aëris puri seu materia tantum compressibili constantis elasticitates essent densitatibus proportionales, in aëre verò mixto ex compressibili & incompressibili vires elasticæ non sequuntur rationem densitatum, sed in majori harum ratione existunt inter se, ita ut pro varia proportionem mixturæ ex compressibili materia & incompressibili elasticitatum cum densitatibus collatarum lex variare debeat, atque adeò rationi consentaneum sit, vires elasticas inter se esse in proportionem rationum, quas quantitates materiæ compressibilis sub aliquo volumine contentæ habent ad residua hujus voluminis materiæ incompressibilis plena, ut habet hypothesis hujus Propositionis XXIII. Cæterum Boylius, Mariottus, Bernoullii, Amontonius, Joh. Polenus & alii accuratis experimentis comperierunt densitates aëris viribus comprimentibus, seu elasticitatibus ejus quam proxime proportionales existere. Modus unus inter alios quo experimentum sumserunt, est qui sequitur.

348. Sit tubus ABC instar siphonis reflexus apertus in A & hermetice figillatus in C, per orificium A argentum vivum infunditur in breviori crure pertingens usque in E, & in longiore AB usque in H, & ubi omnia in statu manente fuerint, basis D ab incumbente Mercurio HD, aucto pressione totius atmosphæræ, seu 28. digitorum, eandem pressuram subibit, quam basis E ab elasticitate aëris spatii CE inclusi; si porro Mercurius infundatur per orificium A ut tandem subsistat in I, & in altero ramo CB pertingat usque ad G, ita ut aër CE in spatium angustius CG redactus sit, basis F pressuram sustinebit columnæ IF auctæ atmosphæræ gravitatione 28. digitorum, alteraque G ab aëre elastico CG parem pressionem subibit. Idcirco si IF + 28. digit. Mercurii ad HD + 28. digit. fuerit, ut

Fig. 84.

B b

CE

CE ad CG, erunt vires comprimentes seu elasticitates aëris ejusdem densitatibus directe proportionales, ut à Mariotto, Amontonio & Poleno pluribus experimentis comprobatum est. Vid. Mariotti *Tentamen de Natura Aëris*, tum etiam Tractatus de Motu Aquarum, in quibus ejusmodi experimenta à se capta distinctè exponit, perinde ac post ipsum fecit Amontonijs in Commentariis Acad. Scient. Paris. Sed quia communiter spatia CE, CG, &c. p̄t̄ exigua sunt in eorundem mensuris & proportionibus explorandis, facile est errorem committere; idcirco Mariottus modo isti proportionēs investigandi inter vires elasticas, seu vires comprimentes, & densitates aëris, merito alium adjecit ex observationibus barometri peti- tum, quem Jac. Bernoullius deinceps magis excoluit in suo Tractatu de Gravitate Ætheris. Hic modus est indirectus, quia in eo assumitur id, quod est probandum instar principii, & conclusio confertur cum phænomenis, cum quibus si conspiraverit retrogrado ordine concluditur principium assumptum esse verum. Nam fistulæ barometri in hoc altero experimentalis modo infunditur Mercurius ad certum signum usque, reliquo tubi aëri naturalis consistentiæ relicto, non verò, ut in communi barometrorum constructione fieri solet, totus tubus hydrargyro impletur; dehinc inverso tubo, obstructo ejus orificio, & demisso infra superficiem Mercurii in vasculo quodam stagnantis, aperitur obstructum orificium, ut Mercurius in fistula vasculo perpendiculariter insistenti descendere queat, qui non totus quidem ex tubo effluet, sed tamen humilior se in fistula demittet, propter aërem fistulæ introductum, quam in barometro ordinario; ex quo, quantum fieri potest, omnis aër diligenter excludi solet. Jam si mercurius hac operatione posita, ad illud ipsum signum delabitur, & in eo subsistit, in quo ipsum subsistere debere calculus indicavit, qui in hypòthesi fundatur, quod densitates sint viribus comprimentibus proportionales, ecquis de bonitate hypotheseos ambiget? Quod vero Mercurius ad ea præcise signa perveniat, quæ ipse calculus in hac memorata hypothese fundatus determinavit, id constitit Mariotto & Jac. Bernoullio ex observationibus accuratis. Quousque vero Mercurius in præmemoratis circumstantiis se demittere debeat, manifestabit sequens Problema.

PROPOSITIO XXIV. PROBLEMA.

Fig. 85.

349. *Datis atmospheræ pressione, & longitudine alicujus fistulæ AB apertæ*

• *apertæ in B, clausæ verò in A, definire ad quam altitudinem intra fistulam suspensus manere debeat Mercurius, si, post impletionem fistulæ eo usque ut sola pars longitudinis datæ, V æqualis, Mercurii vacua, sed aëris naturalis plena retineatur, & postquam apertum orificium B digiti pulpa vel alia ratione obstructum, inversoque tubo idem obstructum orificium argento vivo in vasculo D stagnanti immersum fuerit, tubo existente in situ perpendiculari, ita ut aër tubo inclusus in summitate fistulæ AB æquali V primum se colligere possit, dein remoto digito orificium B obstruente, Mercurius libere descendere queat.*

Fiat AG æqualis columnæ argenti vivi æquivalentis atmosphæ-
ræ, seu 28. digitorum circiter, eique in G ad angulum rectum AGO
aptetur linea indefinite longa GH, & in recta AL per A transeunte,
ipsi GH parallela sumatur AL æqualis V, seu columnulæ aëreæ AC
tubo AB Mercurii pleno usque in C intromissæ, descriptaque in-
tra asymptotas AGH hyperbola LKN per punctum L, sumtaque
in asymptota AG linea AB æqualis fistulæ AB longitudini datæ,
ducatur per punctum B linea BK angulum femirectum constituens
cum asymptota AG, agaturque ex puncto K hyperbolæ, in quo re-
cta BK ei occurrit, linea IK parallela asymptotæ GH, eritque AI
æqualis altitudini columnæ argenti vivi BM, in qua in æquilibrio
existet cum externa atmosphære pressione, & BI vel IK exponet
spatium AM, in quod aër naturalis consistentiæ in fistula AC sese
extendet.

Demonstr. Quia densitas aëris AM est ad densitatem aëris AC ut
AC ad AM, id est, ut AL ad IK, seu propter hyperbolam LKN,
ut GI ad GA, & densitates aëris viribus elasticis ejus sub illis den-
sitatis gradibus sunt (secundum hypothesin) ut hæ densitates, erit
vis elastica aëris AM ad vim elasticam aëris AC, ut GI ad AG;
atqui aër naturalis consistentiæ AC vim elasticam habet atmosphæ-
ræ pressioni per AG expositæ æqualem, ergo vis elastica aëris AM
æquipollet columnæ Mercuriali GI, atque adeo pressio composita
ex elasticitate aëris AM & gravitatione columnæ BM = AI, est AG
composita ex AI & IG, æqualis ergo est interna pressio, resultans
ex vi elastica aëris AM & gravitatione Mercurii MB, externæ at-
mosphære AG, ac propterea columna argenti vivi in altitudine
MB intra fistulam librata hæret. Quod erat demonstrandum.

COROLLARIUM I.

350. Ex hisce nunc facile elicietur valor rectæ BI aut æqualis IK vel AM. Sed in hac determinatione casus distinguere debent. Nam fistulæ longitudo AB major esse potest quam AG, vel minor. Si illud, & quia angulus semirectus IBK lineam BI alteri IK æqualem efficit, adeo ut figura IKPB sit quadratum æquale duobus re-ctangulis IO & GP simul, hoc est $IK^2 = IK \cdot BG + GH \cdot HN = IK \cdot BG + AG \cdot AL$, ergo $IK = \frac{1}{2}BG + \sqrt{(\frac{1}{4}BG^2 + AG \cdot AL)}$. Hinc existente BG nulla coincidentibus punctis B & G, fiet $IK = \sqrt{AG \cdot AL}$.

Sin vero iisdem positis fistulæ AB longitudo minor fuerit quam AG, fiat Aß eidem fistulæ longitudini æqualis, positaque constructione problematis antecedente paragrapho tradita, simili fere argumento inveniatur $ik = -\frac{1}{2}BG + \sqrt{(\frac{1}{4}BG^2 + AG \cdot AL)}$.

COROLLARIUM II.

351. Si jam cum Cl. Jac. Bernoulli, qui etiam in suo Tractatu *De Gravitate & Ætheris* pag. 117. seqq. hoc problema tractavit, ponamus AC vel AL, a ; BC, b ; adeoque $AB = a + b$, $AG = b + c$, unde $AG - AB = BG = c - a$, & denique $CM = y$; substitutis hisce valoribus in ultima æqualitate paragraphi proxime antecedentis, inveniatur $ik = a + y = \frac{1}{2}a - \frac{1}{2}c + \sqrt{(\frac{1}{4}aa + \frac{1}{4}ac + \frac{1}{4}cc + ab)}$ adeoque $y = -\frac{1}{2}a - \frac{1}{2}c + \sqrt{(\frac{1}{4}aa + \frac{1}{4}ac + \frac{1}{4}cc + ab)}$, quæ est ipsissima æquatio, quam insignis vir etiam reperit. In eandem incidissemus æquationem, si in altera formula corollarii præcedentis loco BG substitutum fuisset $a - c$.

In numeris sit fistula AB, 21. digit. AG. nunc 27. digit. AC; 1. dig. inveniaturque ik vel AM, 3. digitorum adeoque BM, 18. digitorum.

PROPOSITIO XXV. PROBLEMA.

Fig. 85, 86. 352. *Datis columna AG argenti vivi, æquivalente pressioni atmosfæræ, & longitudo fistulæ AB, definire quantum spatium AC aëris naturalis consistentiæ plenum in summitatem fistulæ debeat introduci, ut, postquam aër ex AC se extendit in spatium AM, Mercurius in data altitudine BM intra fistulam suspensus maneat.*

In

In hoc problemate ex datis AG, AB, AI vel BM quæritur AL vel AC aut V. Idcirco facto iterum angulo semirecto ABK, & AI = data, in fistula altitudine Mercurii manentis BM, agatur IK parallela asymptotæ GH rectæ BK occurrens in K, per quod punctum nunc ducenda est hyperbola NKL, rectæ AL ipsi GH parallelæ occurrens in L, erit AL spatium quæsitum. Demonstratio eadem penitus est cum demonstratione propositionis antecedentis, atque adeo hoc loco non repetenda. In numeris habebitur AL applicando rectangulum datum GIK ad lineam AG, quæ atmosphæræ pressionem exponit: nam GI est excessus, quo AG excedit datam AI vel BM, & IK vel BI aut AM est etiam (secundum hypothefin) data, adeoque & rectangulum GI.IK eique æquale rectangulum AG.AL datum erit, adeo ut diviso rectangulo GI.IK per AG, quotiens, vel in geometrica phrasi quarta proportionalis ad AG, IG & IK futura sit AL denotans quantitatem quæsitam aëris in fistulam AB intromissi, ut Mercurius in data altitudine BM consistat. Quod erat inveniendum.

SCHOLIUM.

353. Si jam determinatæ hujus & antecedentis propositionis cum phænomenis convenerint, ut satis egregie cum iis conspirare deprehensæ sunt, omnino inferri debet, assumptam hypothefin, quod densitates aëris viribus comprimentibus seu elasticitatibus ejus proportionales sint, naturæ satis consentaneam esse, modo ea non in majore latitudine sumatur, quam experimenta, cum quibus convenire videtur. Ejusmodi verò experimenta cum aëre mediocris densitatis capta sunt, idcirco, si quis præmemoratam hypothefin ad aërem densissimum vellet extendere, insigniter hallucinaretur, quandoquidem juxta superius dicta (§. 346.) in aëre densiore elasticitates majorem habent inter se proportionem quam densitates ipsis convenientes.

CAPUT VIII.

De Densitatibus aëris in diversis Atmosphæræ locis in omni possibili elasticitatum hypothefi.

IN hoc capite non agetur de aliis aëris densitatibus quam quæ aëri à pondere incumbente inducuntur, propterea in hisce sermo

mo non erit de rarefactione & condensatione aëris, quæ à calore & frigore proveniunt.

DEFINITIONES.

I.

Fig. 87, 88. 354. Curva C_1C_2C circa axem OA_2A extructa, cujus ordinatæ AC , $2A_2C$, &c. exponunt gravitatem variabilem cujusque corporis in locis A , $2A$, &c. per quæ ordinatæ transeunt, dicatur *scala gravitatis variabilis*.

II.

355. Curva verò B_1B_2B circa eundem axem A_2A descripta est *scala densitatum* atmosphæræ, quia ordinatæ ejus AB , $2A_2B$, &c. exponunt densitates atmosphæræ in locis A , $2A$, &c. per quæ ordinatæ ductæ sunt.

III.

356. Et curva $A_2D\delta$ subter CB horizontem circa eundem axem AO descripta, sit *scala elasticitatis* aëris, cujus scilicet abscissæ AO , A_2O , A_1O repræsentent elasticitates aëris sub densitatibus OD , $2O_2D$, $1O_1D$.

IV.

357. Productis ordinatis scalæ elasticitatis aëris DO , $1D_1O$, $2D_2O$ in E , $1E$, $2E$, &c. si singula rectangula DOE , $1D_1O_1E$, $2D_2O_2E$ inter se & dato plano æqualia fuerint, puncta E , $1E$, $2E$, &c. erunt in curva $E_1E_2E_e$, quam *reciprocam scalæ elasticitatis* deinceps vocabimus.

AXIOMA.

358. Elater aëris æqualis semper est vi comprimenti, atque adeo in quolibet atmosphæræ loco aëris vis elastica æquivaleret ponderei aëris incumbentis. Nam vires directe contrariæ, ut vis aërem comprimens & elater aëris, æquales sunt, quia omnia in statu manenti posita esse intelliguntur.

PRO-

PROPOSITIO XXVI. THEOREMA.

359. *Ordinatae quaecunque aequales ab & od in scalis densitatum & elasticitatum aëris ultra communem scalarum axem AT productae, in scala gravitatis variabilis & curvæ scalæ elasticitatis aëris reciproca perpetuò areas aequales ACca & OEeo abscedent.* Fig. 87.

Ordinatae ab & od suis respectivis ab & od indefinite vicinæ protrahantur in α & f . Jam gravitas aëris aT loco a incumbentis, aëri-que in hoc loco densitatem ab vel od inducens (§. 358.) æquatur elasticitati aëris expositæ per abscissam Ao , & pondus aëris loco a incumbentis æquatur elasticitati aëris in α , quæ repræsentatur abscissa $A\alpha$; adeoque differentia ponderum aT & aT , id est, pondus columnulæ aëreæ aa æquabitur differentiæ elasticitatum $A\alpha$ & Ao hoc est wo . Atqui (§. 32.) pondus columnulæ aa exponitur solido $ab.ac.a\alpha$; ergo hoc solidum æquatur alii solido ex wo in datum planum $EO.OD$, vel (§. 357.) ipsi æquale planum $eo.od$, id est, $ab.ac.a\alpha = eo.od.wo$; seu deletis (secundum hypothefin) æqualibus ab & od , rec-lum $ac.a\alpha =$ rec-lo $oe.wo$, & cum descendendo versus CB & ED hoc ubique eveniat, ut singula elementa arearum $ACca$ & $OEeo$ æqualia sint, æquabuntur etiam universa, id est omnia $ac.a\alpha$ seu area $ACca$, quam illa exhauriunt, erunt æqualia omnibus $oe.wo$, seu areæ $OEeo$. Quod erat demonstrandum.

COROLLARIUM I.

360. Si nunc scala elasticitatum aëris AID_2D ponatur esse parabola indefiniti gradus, cujus quælibet ordinata $IOID$ sit ut AIO^m , seu ut dignitas abscissæ AIO ab exponente m denominata, erit propter rec-lum $DIOIE$, æquale dato rectangulo DOE , atque adeo propter $IEIO$ alteri DIO reciproce proportionalem, $IEIO$ reciproce ut AIO^m . atque adeo curva EIE_2E hyperbola indefiniti gradus m . Sit insuper curva CIC_2C alia hyperbola indefiniti gradus n , adeo ut quælibet ejus ordinata $ICIA$ sit reciproce ut abscissæ dignitas n , id est, reciproce ut OIA^n . Jam si æquales ordinatæ $IAIB$ vel $IOID$ exponunt densitatem aëris in IA , (§. 359.) quadrilinea $AIAICC$ & $OIOIEE$ æqualia erunt, atqui juxta methodum supra (§. 92.) expositam invenitur Quadrilineum $AIAICC = (OA.AC - OIA.IAIC) : n - 1$, & quadrilineum hyperbolicum $OIEIEO = (AIO.$

$= (AIO. IOIE - AO. OE) : m - 1 = (AO. OE - AIO. IOIE) : 1 - m$. Ergo $(OA. AC - OIA. IAI C) : n - 1 = (AO. OE - AIO. IOIE) : 1 - m$. Jam, quia ipsæ AC & OE nullius sunt determinatæ magnitudinis, fiat $AC : EO = n - 1 : 1 - m$, eritque rec-lum OA. AC ad rec-lum AO. OE in hac eadem ratione ac consequenter etiam rec-lum OIA. IAI C ad rec-lum AIO. IOIE in eadem erit ratione $n - 1$ ad $1 - m$ seu AC ad OE. At vero in hyperbola C₁C₂C est rec-lum OA. AC : OIA. IAI C = OIAⁿ⁻¹ : OAⁿ⁻¹, ergo ex æquo & per compositionem rationum erit OA. AC : AIO. IOIE = AC. OIAⁿ⁻¹ : OE. OAⁿ⁻¹, item in hyperbola E₁E₂E, est AIO. IOIE : AO. OE = AO^{m-1} : AIO^{m-1} (hoc est propter parabolam A₂D₁D) = OD^{m-1} : IOID^{m-1}, ergo denuo ex æquo habetur OA. AC : AO. OE = AC. OIAⁿ⁻¹. OD^{m-1} : OE. OAⁿ⁻¹. IOID^{m-1}. Ex hac vero deducitur OIAⁿ⁻¹. OD^{m-1} = OAⁿ⁻¹. IOID^{m-1}, & rejectis quantitibus datis, seu constantibus, quæ proportionibus non alterant, scilicet OD^{m-1}, & OAⁿ⁻¹, erit OIAⁿ⁻¹ ut IOID^{m-1}, vel dividendo exponentes per $m - 1 : m$, resultabit sequens IOID ut OIA^{m-n+1}. Hinc

1°. Si cubus vis comprimentis proportionetur quadrato-quadrato densitatis, & gravitas sit reciproce ut quadratum distantia à centro gravium, erunt $m = \frac{1}{2}$, & $n = 2$, adeoque $mn - m : m - 1 = -3$, ergo IOID erit hoc casu, ut OIA⁻¹, hoc est, densitas erit reciproce ut cubus distantia.

2°. Si cubus vis comprimentis sit ut quadrato-cubus densitatis, & gravitas reciproce ut quadratum distantia, fient $m = \frac{1}{2}$, & $n = 2$, ergo $mn - m : m - 1 = -\frac{1}{2}$, id est, densitas IOID erit in reciproca sesquuplicata ratione distantia OIA.

3°. Si vis comprimens sit ut quadratum densitatis, & gravitas in reciproca duplicata ratione distantia, fient $m = \frac{1}{2}$, & $n = 2$, ergo $mn - m : m - 1 = -1$, quod indicat densitatem hoc casu esse in reciproca ratione distantia.

Ex hisce ergo liquet veritas assertionum nonnullarum sine ulla demonstratione prolatarum ab Illustr. Newtono in Scholio post Prop. 22. Lib. II. *Pr. Phil. Nat. Math.* Et, quanquam hoc corollarium tantum casus sit particularis propositionis nostræ generalissimæ, idem tamen infinites infinitos casus diversos in se continet.

COROLLARIUM II.

361. Nam si scala elasticitatum aëris A_2D_1D fuerit linea recta, hoc est, si elasticitas aëris, aut vis comprimens, est ut densitas, curva E_1E_2E erit hyperbola conica intra asymptotas CA & AO descripta; est enim $1E_1O : EO = OD : 1O_1D$ (propter rectam A_2D_1D) $= AO : A_1O$. Hinc, si hyperbolæ quadrilinéæ EO_1O_2E , $1O_2O_2E_1E$, &c. sint æquales inter se, & hisce æqualibus quadrilinéis æquantur totidem in scala gravitatis variabilis AC_1C_1A , $1A_1C_2C_2A$, &c. homologæ ordinatæ AB , $1A_1B$, $2A_2B$, &c. in scala densitatum B_1B_2B erunt continue proportionales. Nam propter æqualitatem trapeziorum hyperbolicorum O_1E , $1O_2E$, &c. abscissæ AO , A_1O , A_2O , &c. vel abscissis hisce respectivæ ordinatæ in scala elasticitatis OD , $1O_1D$, $2O_2D$, &c. hoc est AB , $1A_1B$, $2A_2B$, &c. ipsis eodem ordine sumtis æquales erunt in continua ratione. Idcirco, si vires comprimentes, vel æquivalentes vires elasticæ aëris densitatibus ejus proportionales, in scala vero gravitatis quadrilinéa AC_1C_1A , $1A_1C_2C_2A$, &c. æqualia fuerint, densitates aëris in locis A , $1A$, $2A$, &c. erunt semper in continua ratione.

COROLLARIUM III.

362. Propterea si gravitas in loco quolibet $1A$, seu ordinata $1A_1C$ fuerit reciproce ut O_1A^n , existente curva C_1C_2C hyperbola indefiniti gradus exponentis n , & magnitudines OA^{1-n} , O_1A^{1-n} , O_2A^{1-n} , &c. sumantur in progressionem arithmeticam ascendente, ordinatæ scalæ densitatum AB , $1A_1B$, $2A_2B$, &c. erunt continue proportionales. Nam quia OA^{1-n} , O_1A^{1-n} , O_2A^{1-n} , &c. proportionales sunt hisce sequentibus eodem ordine sumtis O_2A^{n-1} , O_1A^{n-1} , OA^{n-1} , &c. hisce jam proportionantur rectangula $OA.AC$, $O_1A.1A_1C$, $O_2A.2A_2C$, &c. ergo hæc rectangula sunt etiam in progressionem arithmeticam, atque adeo $(O_1A.1A_1C - OA.AC) : n - 1$ id est, juxta ea quæ §. 360. dicta sunt, quadrilineum AC_1C_1A æquatur $(O_2A.2A_2C - O_1A.1A_1C) : n - 1$, seu quadrilineo $1A_1C_2C_2A$; adeoque (§. 361.) ordinatæ AB , $1A_1B$, $2A_2B$, &c. erunt continue proportionales.

COROLLARIUM IV.

363. Si nunc n sit 1, adeoque curva C_1C_2C hyperbola conica centrum habens in O , quadrilinea æqualia A_1C , $1A_2C$, &c. habebunt abscissas OA , O_1A , O_2A , &c. continue proportionales, & vice versa, si hæ abscissæ fuerint in progressionē geometrica, quadrilinea prædicta erunt æqualia, ac consequenter densitates AB , $1A_1B$, $2A_2B$, &c. erunt continue proportionales, plane ut habet Prop. 21. Lib. II. *Princ. Ph. Nat. Math. Cel. Newtoni*, quam seorsum demonstravit.

COROLLARIUM V.

364. Si n sit 2, atque adeo curva C_1C_2C hyperbola quadratica, id est, si gravitates corporum sint in reciproca duplicata ratione distantiarum à centro, &c. OA^{-1} , O_1A^{-1} , O_2A^{-1} , &c. in progressionē arithmetica, atque adeo seriei hujus reciproca OA , O_1A , O_2A , in progressionē harmonica, (§. 361. 362.) ordinatæ AB , $1A_1B$, $2A_2B$, &c. erunt in progressionē Geometrica. Hoc ipsum demonstratum dedit alia ratione Cel. Newtonus Prop. 22. Lib. II.

COROLLARIUM VI.

365. Si n sit 3, hoc est, si gravitas est ut distantia corporis à centro O , curva C_1C_2C mutabitur in lineam rectam transeuntem per centrum O , seriesque, quæ juxta §. 362. debet esse in arithmetica progressionē OA^{1-2} , O_1A^{1-2} , O_2A^{1-2} , &c. nunc fiet OA^2 , O_1A^2 , O_2A^2 , &c. adeoque, si quadrata distantiarum OA , O_1A , O_2A , &c. fuerint in progressionē arithmetica, trapezia rectilinea, A_1C , $1A_2C$, &c. erunt æqualia, atque adeo (§. 361.) ordinatæ scalæ densitatum AB , $1A_1B$, $2A_2B$, erunt continue proportionales. Ut asseruit, sed absque ulla demonstratione, laudatissimus Newtonus in Scholio post Prop. XXII. Lib. II. *Princ. Phil. Nat. Math.*

COROLLARIUM VII.

366. Sin verò n fuerit 0, id est, si gravitas corporum uniformis seu constans fuerit, qualis communiter considerari solet, tunc scala

gra-

gravitatis C_1C_2C erit linea recta axi AT parallela, ut in fig. 88. & series OA^1 , O_1A^1 , O_2A^1 , &c. quæ constituere debet progressionem arithmeticam ad id, ut ordinatæ AB , A_1B , A_2B , &c. sint in contigua proportione, nunc erit simpliciter OA , O_1A , O_2A , &c. in progressionem arithmetica, atque adeo ipsæ distantiae A_1A , A_2A ordinarum scalæ densitatum atmosphæræ erunt æquales, scalæque ipsa B_1B_2B proinde erit logarithmica. Huic collario simile quid jam olim primus, quod sciam, observavit acutissimus Edmundus Halley.

COROLLARIUM VIII.

367. Iisdem, quæ in corollario præcedenti, positis, si scalâ gravitatis uniformis tC producaturs usque ad occursum E hyperbolæ E_1E_2E , & per hoc punctum E agatur EOD scalæ elasticitatis æris A_2B_1D occurrens in D , erit subtangens ab log-micæ B_1B_2B æqualis abscissæ AO scalæ elasticitatis, ordinatæ OD correspondenti. Nam (§. 359.) est $ac. aa = eo. ou$ atque adeo $ou : aa = eo : EO$, $EO : eo = od : OD = Ao : AO$. atqui gd vel ys est ad dg vel $ou = od$ vel $ab : Ao$, ergo ex æquo $ys : aa = ab : AO$. & propter tria similia ayb & bab , est $ys : aa$ vel $by = ab : ab$, ergo etiam $ab : AO = ab : ab$, atque adeo AO æquatur subtangenti ab logarithmicæ B_1B_2B .

COROLLARIUM IX.

368. Præterea erit, iisdem positis, quodlibet quadrilinum hyperbolicum OE_1E_2O ad datum rec-lum AOE , ut A_1A distantia ordinarum AB & A_1B æqualium ordinatis OD , O_1D scalæ elasticitatis applicatis hyperbolæ QE , O_1E , in directum positis, ad subtangentem ab log-micæ B_1B_2B . Nam, quia (secundum hypothesin) $OE_1E_2O = \text{rec-lo } AC_1C_1A$, erit quadrilinum $OE_1E_2O : AO. OE = A_1A. AC : AO. AC = A_1A : AO = A_1A : ab$.

COROLLARIUM X.

369. Quia altitudines Mercurii in barometro sunt, ut pressiones atmosphæræ in diversis ab horizonte distantis, & pressiones atmosphæræ & elasticitates æris pressiones illas sustinentis, si elasticitates densitatibus æris proportionales fuerint, ut quidem in corollariis

lariis 2, 3, 4, 5, & 6. hujus Propositionis supposuimus, altitudines Mercurii in barometro in locis A, 1A, 2A, &c. positi, erunt ut ordinatæ AB, 1A1B, 2A2B, &c. in scalâ densitatum B1B2B, si scilicet gravitas corporum uniformis, seu in omni à centro terræ O distantia eadem fuerit, ut tuto id assumere licet. Propterea datis quantitatibus Mercurii in barometro in locis A, 1A, & 2A existente, & altitudine A1A, inveniatur logarithmorum ope altera distantia seu altitudo A2A. Nam, quia A1A est ad A2A ut log-us rationis AB ad 1A1B, ad log-um rationis AB ad 2A2B, si log-us rationis AB: 2A2B ducatur in datam altitudinem A1A, & productum dividatur per log-um rationis AB: 1A1B, quotiens manifestabit altitudinem quæsitam A2A. Sin verò ex datis altitudinibus A1A, A2A & ratione AB: 1A1B quæratür ratio AB: 2A2B, seu ratio Mercurii in barometro collocato in A ad quantitatem Mercurii barometro existente in 2A, log-us rationis AB: 1A1B tantum multiplicandus est per A2A & productum dividendum per A1A, & manifestabit quotiens log-um rationis quæsitæ AB: 2A2B, invento verò log-mo ipsa ratio ex tabulis usualibus logarithmorum illico innotescet.

S C H O L I O N.

370. Ut regula noni corollarii exemplo aliquo illustretur, ponatur altitudinem Mercurii in A seu AB esse 28. digitorum, & in altitudine loci 1A supra A, id est A1A, 63. pedum Mercurium una linea deficere, ita ut 1A1B tantum sit 335. linearum, cum AB, seu 28. pollices, contineant 336. lineas. In altitudine vero A2A seu in loco 2A quantitas argenti vivi 16½ lineis deficiat à quantitate in A seu AB, adeo ut 2A2B tantum sit 319½ lin. Quæritur in hisce datis altitudo A2A. Juxta canonem (§. 369.) log-us rationis AB: 2A2B seu nunc log-us 336:319½ multiplicari debet per A1A seu 63. & productum dividi per log-um AB: 1A1B seu log. 336:335, & quotiens indicabit quæsitum; atqui productum ex log. 336—log. 319½ in 63. divisum per log. 336—log. 335, præbet 1053½, ergo hic numerus exprimit, quot pedum sit altitudo quæsitæ. Hoc exemplum sumimus ex Mariotti *Tentamine De Natura aëris*, qui pag. 194. & 195. refert, Celeberrimum Cassinum observasse olim in summitate alicujus Montis in Provincia Gallix, cujus altitudinem diligenti dimensione 1070. pedum invenerat, Mercurium barometri 16½ lineis depressiorem fuisse, quam ad radicem montis ubi ad 28. digit.

digit. subsistebat, idcirco altitudo montis calculo nostro elicitæ 17: eirciter pedibus deficit ab observata 1070. pedum, sed hæc differentia forte inde venit, quod cum Mariotto posuimus in altitudine 63. pedum argentum vivum una linea defleere à Mercurio barometri in horizonte ad 28. digitos sublato. Verum si altitudinem in qua Mercurius una linea in barometro decrefcit, vel uno tantum pede major fiat, scilicet 64. pedum, calculus, juxta Canonem superiorem subductus, præbëbit altitudinem Montis 1069½, adeo ut unica 9^{ma} pedis ab observata altitudine deficiat.

371. Cl. Mariottus, etsi hypothefin quod densitates aëris viribus comprimentibus proportionales sint, suam fecit, atque logarithmico calculo altitudines locorum ex argenti vivi differentiis eliciendas censuit, in calculo suo, eidem exemplo paragraphi præcedentis aptato, logarithmici tamen non est usus, sed faciliiori quidem, minus exacto verò computo altitudinem montis elicit 1080. pedum, idque sequenti ratione. Quoniam atmosphæra pressio in loco infimo æquivalet 28. digitis Mercurii seu 336. lineis, totam atmosphæram in 336. partes æquiponderantes dirimit, quarum unaquæque unius lineæ Mercurii gravitationi æquipollet; sed harum aëris partium altitudines inæquales erunt, adeo quidem, ut ea, quæ divisioni 168. semissi ipsius 336. respondet, duplo altior seu major futura sit quam infima altitudo 63. ped. primæ Mercurii lineæ versus horizontem conveniens, atque adeo sit 126. pedum; altitudinum seu partium atmosphære differentias, singulis Mercurii lineis homologas, fursum crescere fingit in arithmetica progressionem, quam à geometrica, juxta quam incrementa partium fieri recte judicat, perparum abludere arbitratur, idcirco dividendo 63. per 168, secundæ atmosphære divisionis incrementum supra primam horizonti proximam reperit, & ducendo 63. in 168, invenit 1029. ped. pro altitudine totali, seu montis altitudine, si modò singulæ atmosphære divisiones 168 lineis Mercurii respondentes æquales extitissent, verum quia crescunt in proportionem arithmetica, ideo omnia incrementa repertæ altitudinis 1029. pedum adjicit; hunc in finem numerum 136. qui est aggregatum omnium numerorum naturalis progressionis 1, 2, 3. usque ad 16. inclusive, ducit in 168, & productum 51. ipsi exhibet summam omnium incrementorum, atque adeo hic numerus 51. alteri 1029. additus dedit summam 1080. experimentem altitudinem montis quæsitam.

372. Cl. Maraldus atmosphæram itidem in 336. partes æquiponderan-

derantes distinguit perinde ac Mariottus, & harum partium altitudines in progressionem arithmetica crescere fingit, agnoscens tamen extensiones aëris non esse præcise in reciproca ratione ponderum incumbantium, ut Mariotti hypothesis requirit, deinde etiam à Mariotti numeris discessit, statuens primam eamque horizonti contiguam atmosphæræ partem gravitati unius lineæ Mercurii convenientem esse 61. pedum, & post hanc sequentes crescere juxta numeros 1, 2, 3, 4, &c. ita ut partes secunda, tertia, quarta, &c. futuræ sint 62, 63, 64, &c. pedum. Hanc progressionem omnibus observationibus barometro factis super diversis Galliz montibus, satis prope quadrare se deprehendisse indicat laudatus vir; cum protrahendæ inde ab Observatorio Regio per Meridionalom Galliz partem Meridianæ Cel. Cassino opus dirigenti operam suam juxta alios commodaret, atque adeo intra limites semissis Milliaris Gallici, quibus observationes suas terminari dicit, hujus progressionis beneficio locorum altitudines satis accurate haberi posse errore vix unam alteramque hexapodam excedente; ac juxta eandem progressionem altitudo atmosphæræ foret 12796. hexapodarum, seu; quod idem fere est, 6. Milliarium Gallicorum cum semisse. Hæc Cel. Maraldi progressio calculo aptissima est, sed cum observatione Cassiniana, ex Mariotto supra §. 370. relata, non satis convenire videtur, nam altitudo ex omnibus 164 divisionibus seu partibus composita invenietur esse 1122. pedum, & tamen altitudo montis inventa erat 1070, excessus est 52. pedum, seu plus quam 8. hexapodarum.

Ut autem certò constet, quantum hypothesis partium atmosphæræ uni Mercurii lineæ æquiponderantium, & juxta arithmeticam progressionem sursum crescentium; conspiret aut discrepet à Mariotti & Boylei Hypothesi, quâ densitates atmosphæræ in diversis locis sunt, ut vires comprimantes seu elasticitates aëris, querenda prius est curva, cujus axis in partes arithmeticam progressionem constituentes divisus sit, ordinatæ verò per singulas axis divisiones ductæ efficiant progressionem itidem arithmeticam, sed descendantem, dehinc inventa hac curva, definienda est scala elasticitatis aëris, & ex hac elicienda scala densitatum atmosphæræ. Huc faciunt sequentia Problemata.

PROPOSITIO XXVII. PROBLEMA.

Fig. 89.

373. Si axis, seu linea AH, divisus sit in partes AC, C₁C, C₂C, &c. arithme-

arithmetica: progressionem ascendente[m] constituentes, & per singula-
rum terminos transeant ordinata AB, CD, 1C1D, 2C2D, &c. jux-
ta progressionem arithmetica[m] decrecentes, definiere curvam BD1D2D
per singularum ordinatarum terminos B, D, 1D, 2D, transeuntem.

Per puncta D agantur parallelæ ipsi AH, & in prima DE pro-
ducta sumatur EF = DE, ac per F ducta FP parallela AB, in linea
1E1O à linea FP deorsum ponatur 1O1F æqualis excessui, quo se-
cunda divisio C1C primam AC, vel tertia secundam, seu quarta
tertiam, atque ita deinceps, excedunt, ducaturque per puncta F &
1F, recta FG, eruntque AC = DE = EF, item C1C = 1E1F, &
1C2C = 2E2F, atque sic porro. Adeoque A2C = 2E2F + 1E1F + EF.
Verum 2E2F = rec-lo 2E2F. 2E1E 2E1E, & 1E1F = rec-lo 1E1F.
1EE:1EE, ergo quia 2E2F = 1EE = EB ex hypothesi quandoquæ-
dem AB, CD, 1C1D, 2C2D (secundum hypothesin) sunt in pro-
gressionem arithmetica; erit 2E2F + 1E1F = (rec-lum K2E + rec-lo
11E): BE; hæc vero rectangula simul sumpta quotcunque eorum
fuerint, æquantur trapezio EF2F2E simul cum triangulis IF2F,
K1F2F, quæ sunt extra trapezium EF2F2E, & dicta triangula
simul æquantur rec-lo sub dimidia 2O2F & 2E1E vel BE: ergo
2E2F + 1E1F = (EF2F2E + 1/2 2O2F.BE): BE = EF2F2E:BE,
+ 1/2 2O2F; ac proinde A2C = EF2F2E:BE, + 1/2 2O2F + EF =
2E2F + 1E1F + EF, eodem argumento probatur esse indefinite Ac
vel ed = EFfe:BE, + 1/2 pf + EF vel ep, vel bisecta pf in q ductaque
per q recta FqQ, erit ed = EFfe:BE, + pq + ep = EFfe:BE, + eq;
adeoque ed.BE = EFfe + eq.BE, atque trapezium EFfe = rec-lo
eq.eE; ergo ed.BE = eq.eE + eq.BE = Be. eq; hinc curvæ quæsitæ
hæc est proprietas, ut de vel cA ubique sit ad homologam eq ut
de ad BE, quæ proprietas parabolæ communi competit.

II. Nam si quædam T fiat ad EB, sicut EM (quæ resultat à con-
cessu M rectæ QF productæ cum recta AB itidem protensa) ad
EF; hinc erit etiam eq:eM (=EF:EM) = BE:T, curvæ vero
modo recensitæ proprietas exhibet de:eq = Be:BE, ergo ex æquo
de:M = Be:T, & de.T = Me.Be = Ne² - NB², bisecta scilicet
BM in N; hinc de.T + NB² = Ne² = rd², & si V sit tertia propor-
tionalis ad T & BN erit T.V = BN², atque adeo de.T + T.V
(= de.T + NB²) = rd², idcirco, si in rN perpendicularis ad AB pro-
ducta versus S, sumatur NR = V, erit T.Rr = rd², atque adeo
curva quæsitæ RBD1D est parabola, cujus parameter est T, & ver-
tex in R; in quâ T est quarta proportionalis ad datas EF, EM
&c

& EB, & V tertia proportionalis ad T & datam BN. Propterea parabola est specie & magnitudine data, ejusque portio BD₂DH quæsito satisfacit. Quod erat inveniendum.

COROLLARIUM I.

374. Quoniam partes AC, C₁C, C₂C, &c. sunt arithmetice proportionales, adeo ut earum differentiæ æquales sint, ordinatæque AB, CD, C₁D, C₂D, &c. etiam juxta proportionem arithmeticam, id est, per æqualia decrements immutuantur, partes illæ AC, C₁C, C₂C, &c. repræsentabunt atmosphæræ divisiones, quarum unaquæque æquivaleret ponderi columnulæ liquoris homogenei altitudinis BE, vel E₁E, &c. in methodo Mariotti & Cl. Maraldi, ipsæque BE, E₁E, &c. denotabunt æqualia decrements liquoris in barometro adhibiti, ac denique ordinatæ AB, CD, C₁D, C₂D, &c. exponent quantitates Mercurii seu liquoris in barometro in locis, A, C, C₁, C₂, &c. versante.

COROLLARIUM II.

375. Quoniam in hypothese Mariotti densitates aëris ponderibus incumbentibus proportionales sunt, & quantitates argenti vivi in barometro æquivalent ponderibus aëri compresso in diversis locis incumbentibus, & quoniam (§. 374.) ordinatæ *cd* exponunt quantitates argenti vivi in locis *c*, sequitur (§. 355.) portionem parabolæ B₂DH esse scalam densitatum atmosphæræ in suppositionibus Mariotti; & tamen supra (§. 366.) est ostensum, hanc scalam densitatum in hypothese Mariottiana logarithmicam esse; ex quo liquet progressionem arithmeticam, quam Vir alioqui perspicacissimus loco progressionis geometricæ faciliore calculi ergo assumpsit, atque à geometrica parum abluere existimavit, curvam suppeditare toto cælo diversam à log-mica, quam progressio geometrica in hypothese ejus, ipso etiam consentiente, adhibenda produxisset. Quoniam igitur, stantibus progressionibus à Celeb. viris Mariotto & Maraldo adhibitis, densitates aëris viribus comprimentibus aut elasticitatibus ejus nequeunt proportionales esse, disquirendum superest, juxta quam densitatum progressionem elasticitates crescant, vel, quod idem est, quæri debet scala elasticitatum atmosphæræ, quæ ubi data fuerit, scala densitatum ultrò determinabitur.

PRO-

PROPOSITIO XXVIII. PROBLEMA.

376. Si in parabola BDH propositione præcedenti reperta AC, A₁C, A₂C, &c. designent altitudines locorum, & ordinatæ CD, iC₁D, 2C₂D repræsentent quantitatem Mercurii barometro versante in locis C, iC, 2C, &c. invenire scalas elasticitatis æris & densitatum. Fig. 89

In figura 90. sint linea recta $am = AM$, $an = AN$, $ab = AB$, & $ad = Ae$, eritque $db = eB$, & ipsæ bn , mn respectivis BN & MN æquabuntur. Per punctum b agatur rectæ ab normalis ib , quæ sit ad mb ut data recta A, quæ gravitatem uniformem exponit ad T parametrum parabolæ B₂DH, linea recta nib jungens puncta n & i erit reciproca scalæ elasticitatis, idcirco producendo ib in β & per hoc punctum ducendo hyperbolam $l\beta\beta$ intra asymptotas an & nk , hyperbola ista erit scala elasticitatis æris in suppositionibus Mariotti atque Maraldi, & applicando trapezium $bigd$ ad datam rectam A, resultabit altitudo ed , in cujus termino d densitas æris atmosphæræ est sicut ad .

Demonstr. I. Ducatur linea miz per puncta m & i , & hæc singulas hu , gz , &c. ipsi ib parallelas bifariam dividet in x , y , &c. si scilicet recta iu alteri am æquidistans ducta fuerit, hinc quælibet yd erit media arithmetica inter gd & zd , vel inter gd & ib , atque adeo rec-lum bdy æquabitur ubique trapezio homologo $b\delta gi$: quibus positis triangula similia mdy & mbi suppeditant analogiam $md : dy (=mb : bi, \text{constr.}) = T : A$, atque adeo $md.b\delta : dy.bd = de.T : de.A$. atqui cum md & bd in fig. 90. æquales sint homologis Me & Be in fig. 89. & (§. 373, n. 11.) rec-lum Me. Be = T.ed, erit etiam $md.bd = de.T$; ergo æquabitur quoque rec-lum $dy.bd$, id est, ut paulo ante, dictum trapezium $b\delta gi$, cui rec-lum bdy æquale est, rec-lo A. de ex gravitate uniformi A in altitudinem alicujus loci de , & cum hoc ita sit de reliquis, (§. 359.) linea nib , vel ejus portio ib , erit reciproca scalæ elasticitatis æris.

II. Propter hyperbolam $l\beta\beta$ habetur $b\beta : d\delta = nd : nb = gd : ib$, atque adeo singula rec-la, $gd\delta$, $ib\beta$, hal , &c. sunt æqualia, ac proinde (§. 357.) curva $l\beta\beta$ est scala elasticitatis, cum lineam ib ejus reciprocam esse ostensum sit.

III. Quia (num. 1. hujus) $ibd\delta = A.de$, erit $de = ibd\delta : A = bd.yd : A$, eritque adeo altitudo loci d , in quo densitas est $d\delta$, quarta proportionalis ad A, bd seu Be, & yd , eaque semper haberi potest, ac

proinde scala densitatis atmosphæræ in hac hypothefi femper per puncta describi geometrice poterit. Quæ omnia erant inveniendæ.

COROLLARIUM I.

377. Patet iterum multum abesse, ut vires comprimentes aëris ejusve elasticitates densitatibus proportionales sint, stante progressionē arithmetica altitudinum AC, C₁C, C₂C æquivalentium æqualibus cylindris Mercurii aliusve liquoris homogenei, quorum altitudines exponuntur per BE, E₁E, E₂E, &c.

COROLLARIUM II.

378. Densitas aëris ad horizontem erit ad densitatem ejus in extremitate atmosphæræ sicut *bß* ad *al*, vel sicut *an* ad *bn*, hoc est in altera figura (89.) sicut AN ad BN vel MN.

COROLLARIUM III.

379. Hinc si dicantur AC vel AP aut E₁O, *a*; excessus ipsius E₁F supra EF, hoc est O₁F, *e*; tum AB = *b*, & BE = E₁E = *l*, inveniatur BN = NM = $2al - el : 2e$, & AN = $b + (2al - el) : 2e$, = $(2be + 2al - el) : 2e$; eritque proinde AN ad BN, hoc est, densitas atmosphæræ in horizonte ad densitatem ejusdem in confinio atmosphæræ totius ejusve termino, ut $2be + 2al - el$ ad $2al - el$. Igitur si in hac ratione generali cum Cel. Maraldo loco *a*, *e*, *b* & *l* ponatur. 61, 1, 336 & 1, fiet AN ad BN ut 793 ad 121. Sin. verò cum Mariotto sint *a* = 63 ped., *e* = 1 ft., *b* = 28 poll. = 336 lineis & *l* = 1 lin. erit $2be + 2al - el$ ad $2al - el$, ut 1007 ad 335 seu quam proxime in ratione tripla.

SCHOLIUM.

380. Liqueat igitur, in suppositionibus D. Maraldi, aërem prope horizontem non septuplo densiorem esse aëre in termino atmosphæræ, nec Mariotti suppositiones eundem quadruplo densiorem facere ad horizontem, quam sit in summitate atmosphæræ, & tamen omni illic elastica virtute destitui oportere; quandoquidem nihil ipsi incumbit, quod ejus expansionem, si quam haberet, impedire valeat, quod procul omni dubio paradoxum est. Nam si experimentis.

mentis Academiæ Florentinæ *Del Cimento*, Roberti Boylei, aliorum-
que constat, ærem vi elaterii 60^{ca}, 152^{ca} imo & millies rariorem
fieri posse, quam in statu naturali, qui sit, ut in suppositionibus
Maraldi non septies, in Mariotti verò non quidem quater rarior
in summitate atmosphæræ quam in statu naturali, omni vi elastica
destiguatur? Verum quidem est, Clariss. Maraldum non ultra ex-
tensionem semissis Milliariis Gallici progressionis suæ periculum fe-
cisse, nec adeò ulterius eam extendi debere, expresse monuisse.

PROPOSITIO XXIX. PROBLEMA.

381. Si scala elasticitatis aëris AIDD fuerit hyperbola communis in- Fig. 98
ter asymptotas FPQ angulum rectum continentes, atque singula rectan-
gula EOD, IEIOID dato rectangulo PFA æqualia fuerint, quæri-
tur reciproca linea EIE scalæ elasticitatum, & scala densitatum at-
mosphæræ BIB in suppositione gravitatis uniformis seu constantis, cujus
scala sit CIC axi AIA parallela.

In recta indefinita AM fumatur AI æqualis datæ AF, ductaque
per punctum I recta IT parallela AO, intra lineas MI & IT tanquam
asymptotas descripta intelligatur hyperbola EIE, ita ut quodlibet
in ea rec- lum ILE æquetur quadrato datæ AI, eritque hæc hyper-
bola EIE reciproca scalæ elasticitatis AIDD; adeò ut facto rec-lo
ACIC æquali quadrilineo OEIEIO, densitas aëris in loco IA fu-
tura sit per §. 359, IOID vel IAI B.

Demonstr. Quia (secundum hypothesin) EO. OD = FP. FA, erit
EO : FA seu LO = FP : OD seu FG, ergo convertendo EO : EL =
FP : GP (id est propter hyperbolam AIDD) = GD seu FO : FA,
ac dividendo LO : EL = AO vel IL : AF seu AI vel LO : ergo rec-la
extremorum & mediorum æquabuntur, id est LO² = AI² = IL. LE,
atque adeò punctum E est in hyperbola EIE inter asymptotas MI
& IT; ac propterea reciproca scalæ elasticitatis in præsentī hypo-
thesi est hyperbola communis. Hinc, si rectangulum quoddam AIC
cuiuslibet in hac hyperbola quadrilineo OIOIEE æquale factum, at-
que linea ICIA protensa ad alteram axis partem IAI B æqualis
facta fuerit ordinatæ IOID, punctum IB (§. 359.) erit in scala
densitatis atmosphæræ BIB. Quæ erant demonstranda.

S C H O L I O N.

382. Hoc problema est tantum applicatio theorematum nostri generalis, supra (§. 359.) exhibiti, hypothefi particulari, quam Propositione 23. hujus excuffimus; quoniam in superioribus jam vidimus, densitates aëris viribus comprimentibus non femper proportionales exiftere; fed præfentem hypothefin cum observationibus propriis confpirare. Cæterum liquet etiam, quod, quia fcalæ denſitatum reciproca EIE etiam eſt hyperbolæ, perinde ac in hypothefi denſitatum viribus comprimentibus proportionalium, hoc ſolo cum diſcrimine, quod in hac hypothefi ejus aſymptota una ſit ipſa AO , in præſenti verò recta IT , modo nominatæ AO æquidiſtans, linea ſeu ſcala denſitatum BIB ope log-micæ cujuſdam per puncta deſcribi poſſit. Nam ad aſymptotam AM ducta per punctum L logarithmica $LISS$, cujuſ ſubtangens ſit æqualis AI , perinde ac AC , quæ gravitatem uniformem exponit, fiat recta LR angulum ſemirectum ILR continens cum IL , atque ipſam $ILID$ ſecans in IR , ſi CIC conſtanter æqualis fiat ipſi $IRIS$ interceptæ inter log-micam $LISS$ & rectam $LIRR$, atque per punctum IC ducta indefinita $ICIB$ in ea ultra axem abſcindatur, ut prius AIB æqualis ordinatæ OID in ſcala denſitatum atmofphæræ BIB . Hiſce diu nonnihil inſtitimus, quia cognitio denſitatum atmofphæræ utilitate ſua non caret, nam præterquam quod accuratiſſimus haberetur modus menſurandarum altitudinum montium aliorumque in ſuperficie terræ altiorum objectorum ope barometrorum, cognita lege, juxta quam denſitates atmofphæræ furſum decreſcunt, accuratius innotefceret linea in quam radii ſolares ſiderumve atmofphæram trajicientes incurvantur, quod utique utilitatem haberet eximiam in aſtronomicis. Cæterum difficillimum, ſi non impoſſibile, eſt à priori noſcere quamnam denſitates atmofphæræ cum ponderibus incumbentibus collatæ, legem ſequi debeant propter mille anomolias, quæ in atmofphæra contingunt, idcirco res ex observationibus bene multis & diligenter inſtitutis derivari debet modo ſequenti.

383. In recta quadam indefinita abſcindantur lineæ eandem inter ſe proportionem habentes, quam altitudines locorum diligentiffime obſervatæ, & per ſingula diviſionum puncta agantur perpendicularès eandem inter ſe proportionem habentes, quam quantitates Mercurii in barometro in prædictis locis verſante, & ſic tot habebuntur

tur puncta, quot sunt observata locorum altitudines, per quæ puncta proinde duci potest linea quædam regularis eo prorsus modo, quem Celeb. Newtonus Lemm. V. Lib. III. *Pr. Ph. Math.* absque ulla demonstratione exponit, & talis curva apta nata esset ad exprimendam relationem, quæ est inter altitudines locorum & argenti vivi quantitatem barometro successive in his locis versante. Ex hac curva elici potest linea reciproca scalæ elasticitatum, & ex figura hujus scalæ reciproca deduci potest ipsa scala elasticæ virtutis in aëre; dehinc, ope theorematis nostri §. 359. ipsa etiam scala densitatum atmosphæræ per puncta describi potest. Verum multis observationibus opus est, quia, quo plura sunt puncta positione data, eo accuratius definitur ipsa curva, de qua ante dixi; quomodo vero calculus subducendus sit pro hac curva aliàs commodius aliquando dicetur, quando demonstrationem præfati V. Lemmatis Newtoniani demonstratum dabimus cum aliis nonnullis affinibus materiis.

SECTIO II.

De Motibus Aquarum.

IN Sectione præcedenti pressiones tantum fluidorum ex gravitate, quas tum in subjecta plana tum etiam in vasorum latera exercent, contemplati sumus: In hac vero secunda Sectione, quæ ad motus liquorum per foramina, utlibet vasis insculpta, erumpentium pertinet, breviter excutiemus. Hoc argumentum utilitate suâ celeberrimis Geometris Castello, Baliano, Torricellio, Borellio, Mariotto aliisque se probavit, atque ab ipsis diligenter nec sine fructu examinatum est quidem, non verò exhaustum, quandoquidem Cel. Gulielmus ipsorum repertis nonnulla adjecit, ipsorumque, maxime verò Torricellii, doctrinam motui fluminum ingeniose applicuit. Nemo tamen hanc materiam adeo generaliter pertractavit ac Celeb. Varignonius, qui præclara atque universalia exhibuit theoremata, quibusvis liquoribus applicabilia, & quæ hac in re assequutus est, velut Iliada nuci, simplicibus formulis inclusit.

CAPUT IX.

De motibus Liqueorum, per minora foramina erumpentium.

PROPOSITIO XXX. THEOREMA.

Fig. 92. 384. *Quantitates, seu filamenta liqueorum, æquali tempore per quolibet orificia æquabili motu effluentia, sunt in composita ratione ex rationibus orificiorum & velocitatum, quibus liquores, quisque per suam foramen, erumpunt.*

Sint DEF, GH vasa quælibet foraminibus quibuslibet K & I pertusa, exeantque dato quodam tempusculo motu uniformi filamentum KN ex vase DEF & filamentum IO ex vase GH, ita tamen, ut superne tantum liquoris restituatur, quantum effluit, atque adeo in utroque vase liquor in eadem altitudine constanter conservetur; & hisce positis ultro liquet longitudines filamentorum KN & IO utpote æquali tempore uniformi motu descriptas, velocitatibus aquæ ex foraminibus K & I erumpentis proportionari, vel potius has velocitates repræsentare. Ex Geometriæ vero elementis constat, ipsa filamenta esse in composita ratione foraminum K & I tanquam basium prismatum, & longitudinum KN & IO, id est, velocitatum, quibus hæ longitudines describuntur, quare constat Propositum.

PROPOSITIO XXXI. THEOREMA.

Fig. 92. 385. *Quantitates motus, seu impetus liqueorum quorumcunque, & per quævis foramina erumpentium, sunt in ratione composita ex rationibus duplicata celeritatum, simpla densitatum seu gravitatum specificarum liqueorum, & denique simpla foraminum.*

Ex vasis ABC & DEF erumpant eodem vel æquali tempore, per foramina B & K filamenta BM & KN, quorum longitudines celeritates exponent, quibus hæc filamenta e vasis egrediuntur. Gravitates specificæ, seu densitates liqueoris in vase ABC exponatur per magnitudinem R, densitasque liqueoris DEF per S. In KN sumatur tertia proportionalis ad BM & KN & sit ea KV, & probari debet, quantitatem motus filamenti BM se habere ad quantitatem motus filamenti KN ut B. BM². R ad K. KN². S, aut propter rectas BM, KN, KV continue proportionales, sicut B. BM. R ad K. KV. S.

De-

Demonstr. Quoniam per quantitatem motus alicujus corporis intelligitur factum ex massa hujus corporis in celeritatem, qua id fertur, erunt quantitates motus filamentorum BM & KN in composita ratione ex rationibus massæ ad massam, & celeritatis unius ad celeritatem alterius, sunt verò massæ BM & KN inter se (§. 18.) ut volumina BM & KN, id est, ut facta B. BM & K. KN ducta in densitates liquorum, seu (§. 33.) in gravitatem eorundem specificam R & S, velocitates verò sunt ut longitudines BM & KN; est ergo quantitas motus filamenti BM, quam simpliciter ejus motum deinceps dicemus, ad motum filamenti KN, ut R. B. BM² ad S. K. KN², hoc est, sicut R. B. BM ad S. K. KV. Quod erat demonstrandum.

Literæ B & K denotant orificia Vasis ABC & DEF quomodo-cunque insculpta.

PROPOSITIO XXXII. THEOREMA.

386. *Velocitates liquorum quorumlibet sunt in subduplicata ratione altitudinis liquorum super orificiis, per quæ erumpunt, si liquorum superfluis eandem semper, durante effluxu, positionem servarint.* Fig. 92

Iisdem positis, quæ in præcedenti, sint BQ & KD liquorum altitudines, & sumatur Ks media proportionalis inter QB & DK, probari debet fore $BM:KN = BQ:Ks = \sqrt{BQ}:\sqrt{KD}$.

Demonstr. Motus sunt ut eorundem causæ genitrices, & hæ causæ sunt pressiones liquorum foraminibus incumbentium, atqui gravitatio liquoris QB (§. 255.) æquivaleret ponderi columnæ BQ. B, & (§. 33.) ejus pondus est ut factum ex volumine in gravitatem specificam R, adeoque B. BQ. R est ut gravitatio filamenti QB, & K. KD. S. propter eandem rationem erit ut gravitatio filamenti DK, adeoque gravitatio QB: gravit. DK = B. BQ. R: K. KD. S, unde, cum gravitatio QB sit ad gravitationem seu pressionem DK, ut motus BM ad motum KN, erit B. BQ. R: K. KD. S = motus BM: mot. KN (§. 385.) = B. BM. R: K. KV. S, adeoque BQ:KD = BM:KV, atqui est ratio BQ ad KD duplicata rationis BQ ad Ks, & BM:KV duplicata rationis BM:KN, ergo BQ²:Ks² = BM²:KN², & BQ:Ks = BM:KN = $\sqrt{BQ}:\sqrt{KD}$. Quod erat demonstrandum.

Hæc propositio generaliter obtinet, ubicunque foramina B, K vasis insculpta fuerint in fundo vel ad latera vasis, abstrahendo tamen à frictionibus, quas liquores in foraminibus exeundo subeunt, aliisque motus impedimentis, ut resistentiâ aëris, &c.

COROLLARIUM.

387. Quoniam quantitates liquorum simul effluentes BM & KN (§. 384.) sunt in composita ratione ex rationibus foraminum B & K & velocitatum, hæ quantitates erunt in composita ratione ex ratione foraminum, & supduclicata ratione altitudinis liquorum in vasis, abstrahendo à densitatibus liquorum exeuntium, nam quantitates absolutæ filamentorum BM & KN seu massæ eorundem, sunt in composita ratione ex subduplicata altitudinum BQ & KD, ex simpla densitatum R & S, & denique ex simpla itidem foraminum B, K.

SCHOLION.

388. Celeberrimus Varignon in Comment. Acad. Reg. Scient. 1703, 14 Nov. velocitates liquorum erumpentium in circumstantiis hujus propositionis demonstrat esse, ut radices ex factis altitudinum in specificas gravitates liquorum, divisas per densitates homologas, quod cum præsentis proportionis probe conspirat, cum (§. 33.) densitates gravitatibus specificis liquorum directe proportionales sint.

PROPOSITIO XXXIII. PROBLEMA.

389. *Definire quantum liquoris effluere debeat ex dato vase per datum foramen tempore dato, si liquor vasis constanter in eadem altitudine data conservetur.*

Sint data altitudo liquoris a , foramen vasis f , tempus datum t , m spatium quod grave accelerato motu, alio dato tempore d , perlabitur. Jam, quia tempora descensuum gravium (§. 151.) sunt in subduplicata ratione spatiorum confectorum, erit $\sqrt{m} : \sqrt{a} = d : n$, ubi n denotat tempus, quo grave altitudinem a accelerato motu cadendo abolveret, adeoque $n = d\sqrt{a} : \sqrt{m}$. Jam quia liquor ea velocitate effluit, quam grave casu ex altitudine a acquirere potest, & hac velocitate semel acquisita, duplum spatium describit æquabili motu eo tempore n , quo accelerato motu simplex a percurrebatur, filamentum liquoris hoc tempore n , æquabiliter effluens celeritate æquali, quam grave acquirit ex casu accelerato ex altitudine a erit $2af$. Unde si tempore n effluit filamentum liquoris $2af$, tempore t effluet

effluet filamentum $2ast:n$ vel substituendo $dva:vm$ pro n , quantitas $2astvm:dva=2ftv(am):d$. Quod erat inveniendum.

SCHOLION.

390. Dicatur quantitas liquoris dato tempore t per foramen f effluens x , sitque foramen circulus diametri e ; eritque $f=\pi ee:4\delta$, qui valor substitutus in $x=2ftv(am):d$ exhibet $x=\pi fteev(am):2\delta d$, ponendo $\delta:\pi$ pro ratione diametri ad circumferentiam circuli.

Exempl. Quæritur quantum aquæ effluere debeat ex vase cylindrico indefinenter pleno 15 ped. 5 poll. 7 lin. alto, per foramen circulare in fundo pollicis unius in diametro, tempore 6 secundorum. Erunt ergo $a=15$ ped. 5 poll. 7 lin. $t=6''$ $e=1$ poll. $=12$ lin. $\delta=113$ & $\pi=355$. Jam, cum Hugenius observarit grave aliquod altitudinem 15 ped. & 1 poll. tempore minuti secundi perlabi, d significare potest 1'', & m , 15 ped. 1 poll. seu 2172 lin. Loco literarum adhibendo numeros hactenus indicatos & operationem logarithmis perficiendo inveniatur log-mus x , seu quantitatis $\pi fteev(am):2\delta d=6.4811958$ log-us numeri quæsit in lineis cubicis, idcirco si ex hoc log-mo log-us ipsius 12 triplicatus, seu log-us cubi ex 12, auferetur, remanebit log. $x=3.2436522$ log-us numeri quæsit in pollicibus cubicis expressi, cui log-mo convenit proxime numerus 1752 ergo tot pollicum cubicorum erit aqua effluens ex vase 6 secundis temporis, vel unius pedis cubici, & 24 pollicum.

391. Vicissim ex aquæ quantitate tempore dato effluente & observatione data elicietur altitudo vasis, ad id requisita, ut quocunque alio tempore determinata quædam aquæ copia effluat, nam ex formula superiore $x=\pi fteev(am):2\delta d$ elicietur $a=4\delta d d x x:\pi fteevtm$, in qua excepta a omnes reliquæ sunt quantitates datæ.

PROPOSITIO XXXIV. THEOREMA.

392. Si ex vase quocunque liquore pleno BAD liquor per foramen F effluat, & circa lineam AC liquoris superficiei BD normalem descripta sit parabola EGS', verticem suum habens in puncto E tantum distanti à liquoris superficie quantum foramen vasis F, & curvæ AID ac OMN ejus indolis, ut singula rectangula sub data recta V & ordinata HI curvæ AID, tum etiam sub ordinatis GH parabolæ & HM
E c curvæ

Fig. 93. *curvæ OMN æqualia ubique sint sectioni vasis respectivæ KL, dico fore I°. ut tempus descensus superficiei BD in XX per spatium CY ad tempus descensus in KL per spatium CH sit, ut area COZY ad aream COMH. II°. Ut velocitas superficiei KL sit in composita ratione ex directa ordinatæ parabolæ GH, & reciproca ordinatæ HI curvæ AID, id est, ut GH:HI.*

Demonstr. Quia in parabola est $PC:GH = \sqrt{EC}:\sqrt{EH}$ (§. 386.) = velocitas liquoris effluentis sub altitudine EC ad celeritatem effluentis sub altitudine HE, ideò, si PC exponat celeritatem illius liquoris, qui habet altitudinem EC super foramen F, ordinata GH exponet celeritatem, qua filamentum liquoris indefinite parvum FH tempusculo itidem indefinite exiguo erumpit, existente liquoris altitudine super foramen F linea EH. Sed eo tempusculo, quo effluit filamentum FT, superficies KL descendens spatiolo infinitesimo Hh se demittet in kl, ita quidem ut duo prismata sub sectione KL & altitudine Hh, & FT necessario æqualia sint, unde quia (constr.) sectio KL = GH.HM, erit GH.HM.Hh = F.FT, vel HM.Hh:F = FT:GH. Atqui FT, seu longitudo filamenti, applicata ad celeritatem, qua id effluit æquabili motu, exponit tempus effluxus huius filamenti, seu synchroni descensus superficiei KL ex hoc situ in kl per spatiolum Hh, ergo etiam HM.Hh:F exponit hoc idem tempusculum descensus, & omnia rectangula HM.Hh, quæ in area CHMO continentur: seu hæc ipsa area, divisa per F, exponet tempus descensus superficiei KL ex BD in KL per spatium CH, eodemque argumento, colligitur tempus descensus BD in XX per spatium CY exponi area CYZO, divisa per F; ergo tempus per CH:tCY = CHMO:CYZO. Quod est primum.

II°. Quia velocitas superficiei KL est ad velocitatem GH filamenti FT, ut Hh ad FT, hoc est, ob æqualitatem prismatis ex KL in Hh & prismatis ex F in FT, sicut F ad planum KL, quod (constr.) æquatur rectangulo V.HI, erit velocitas superficiei KL ad GH = F:V.HI, atque adeo cel. superficiei KL = F.GH:V.HI, id est, omissa ratione constanti F:V, quæ proportionem indeterminatarum magnitudinum non alterat, velocitas superficiei KL est ut GH:HI. Quod erat secundum.

COROLLARIUM I.

393. Si itaque area tota COMNNE dividatur in quadrilinea æqua-

• æqualia CYZO, YHMZ, HMNNE, aut quamcunque aliam inter se rationem habentia, tempora descensus superficiei liquoris BD per spatia CY, YH, HE aut æqualia, vel aliam inter se datam rationem, quam habent homologæ areæ. Atque hinc liquet, quodlibet vas adhiberi posse loco clepsydræ, dummodo figura ECOMN figuræ vasis conveniens in suas partes æquales divisa fuerit per lineas superficiei horizontali aquæ BD parallelas, atque divisionum puncta in latere vasis rite notata fuerint. Sed hisce diutius non immorabor, quandoquidem Celeb. Varignon hoc argumentum pene exhaustisse videtur in Comment. Reg. Scient. Parif. Academ. 1699, 29 Apr.

COROLLARIUM II.

394. Pariter datis curvis EGP, OMN dabitur tertia AID, atque adeo curva BKALD genitrix vasis, idque ex sectione $KL = V$. $HI = GH \cdot HM$. Adeoque, si vas sit solidum rotundum ex conversione figuræ BAD circa axem CA, veletiam si singulæ vasis sectiones BD, KL, &c. figuræ similes & similiter positæ fuerint, ordinatæ HI erunt, ut quadrata ordinatarum homologarum KL.

COROLLARIUM III.

395. Idcirco, si quærat^r vas BAD tale, ut descensus CY superficiei liquoris BD sint ut tempora descensus, erit curva OMN hoc casu linea recta axi AR parallela, unde cum planum KL, seu circulus ex diametro KL æquatur rec-lo GHM, erit quadratum ex KL ut rec-lum ex HG in datam HM, vel simpliciter ut GH, vel quadrato-quadratum rectæ KL ut quadratum HG, unde cum hoc quadratum sit ut abscissa HE, erit quadrato-quadratum ut HE, atque adeo curva quæsitæ BAD erit parabola biquadratica. Ut ab aliis sæpius jam demonstratum est.

• In hisce areæ CYZO, CHMO tantum proportionem temporum indicant, quibus superficies liquoris BD spatia CY, CH descendendo describit. Sed si tempus absolutum sit definiendum, quo quilibet descensus contingit, consuli debet sequens

PROPOSITIO XXXV. THEOREMA.

396. Si parabola EGS parameter æqualis fuerit altitudini RE, quam grave, casum à quiete in R incipiens, motu naturaliter accelerato per labi
Ec 2 potest

potest uno minuto secundo temporis; positisque omnibus, quæ in Propositione præcedenti, numerus minutorum secundorum, quibus superficies BD spatium CH cadendo conficit, æquabitur numero, qui oritur ex divisione areæ CHMO per duplum foraminis F.

Si liquor constanter maneret in altitudine ER, ejus prima gutta, prope foramen F, ea celeritate erumperet, qua motum in altum convertens tempore eodem minuti secundi per altitudinem ER ascendere potest, quo cadendo eandem celeritatem acquirit, atque gutta erumpens motum suum uniformem prosequens hoc tempore describet spatium duplum ipsius ER, unde cum effluentis liquoris particulæ contiguæ sint, tempore unius minuti secundi effluet per foramen F filamentum $2F$. RE, & si liquor maneret in altitudine HE per idem foramen effluet tempore, quod se habet ad unum minutum secundum in subduplicatâ ratione HE ad RE, est, in ratione GH ad SR, filamentum $2F$. HE, unde si massa liquoris $2F$. HE effluit tempore (GH:SR) quanto tempore effluet massa KL. Hb (constr.) = GH. HM. Hb? Id per regulam auream invenietur fieri tempore GH². HM. Hb: $2F$. HE. SR; jam quia RS vel RE est parameter parabolæ, atque adeò GH² æquale rec-lo HE. SR, erit tHb = HM. Hb: $2F$. ergo tCH = areæ CHMO: $2F$, id est numerus secundorum temporis, quo liquoris quantitas BKLD per foramen F effluit, præscindendo à frictionibus aliisque motus impedimentis, reperietur, applicando aream homologam CHMO ad duplum foraminis F. Quod erat inveniendum & demonstrandum.

Aliter & brevius.

397. Supra (§. 392. n. 1.) incidimus in hanc analogiam HM. Hb: F = FT: GH, unde duplicatis consequentibus provenit HM. Hb: $2F$ = FT: $2GH$. Atqui FT: $2GH$ indicat particulam minuti secundi temporis, quæ filamentum FT vel ei æqualis massa KL. Hb vel KkLL effluit. Nam $2RE$ vel $2RS$ exponere debet velocitatem acquisitam tempore unius minuti secundi ex lapsu gravis per altitudinem RE, quia hæc altitudo duplicata $2RE$ divisa per celeritatem $2RE$, dat I, seu unum minutum secundum, & quia velocitates & descensu per RE & HE acquisitæ & hisce æquales celeritates, quibus aqua per foramen F erumpit, existente ea in vase in altitudinibus RE & HE manentibus, sunt in subduplicata ratione RE ad

ad HE seu SR ad GH, id est, $2SR$ vel $2RE$ ad $2GH$; hæ enim SR & ER æquales sunt, cum RE (secundum hypothesin) parameter sit parabolæ, unde cum $2SR$ exponat celeritatem aquæ erumpentis sub altitudine RE, altera $2GH$ exponet celeritatem aquæ erumpentis sub altitudine HE, hinc filamentum FT æquabili motu effluens, applicatum ad suam celeritatem $2GH$, exponit tempus effluxus hujus filamenti, seu tempus effluxus massæ liquidæ HkIL, id est, $tHb = FT : 2GH$, & cum supra inventum sit $HM.Hb : 2F = FT : 2GH$, erit $tHb = HM.Hb : 2F$, atque adeo $tCH = CHMO : 2F$, ut supra. Quod erat demonstrandum.

C O R O L L A R I U M.

398. Ergo præsens propositio ex antecedenti facile elicitur parametro parabolæ EGS tantum eum valorem assignando, quem Propositio indicat, & semper continget, ut areæ CYZo, &c. applicatæ ad duplum foraminis præbituræ sint tempora minutis secundis expressa, quibus homologæ liquoris quantitates effluere debent.

PROPOSITIO XXXVI. THEOREMA.

399. Si liquor ex vase amplo & constanter pleno ADC affluat per lumen EGHF plano BDIC horizonti utcumque obliquo insculptum; descripta circa axem BD parabola BLO, cujus parameter P sit ad lineam A, quam grave quoddam dato tempore t motu a quiete incipiente, sed naturaliter accelerato, perlabi potest, ut sinus anguli ABD inclinationis planorum ABC, & BDI ad sinum totum, hoc est, sicut RG ad BG; quantitas Q liquoris tempore quolibet dato T per lumen illud EGHF effluentis exponetur frusto EIKMLGHFE prismatis parabolici BDOPMNV ducto in duplum exponentis rationis temporum, hoc est in $2T : t$. Fig. 94.

Quia manente vase liquoris pleno, per quodlibet punctum physicum G sectionis seu luminis EGHF filamentum liquoris $2RG$ effluere debet æquabili motu, tempore eo, quo grave quoddam altitudinem RG acceleratò motu descendens conficere potest, & quia tempora descensus gravium sunt in subduplicata proportionem spatorum, juxta ea. quæ articulo 151. ostensa sunt, erit tempus descensus gravis in altitudine A, quod tempus nominatum est t, ad tempus per altitudinem RG, sicut \sqrt{A} ad \sqrt{RG} ; vel sicut A ad $\sqrt{(A.RG)}$
E c 3 = $\sqrt{(P.BG)}$

$\equiv \sqrt{(P.BG)}$ quandoquidem $A:P=BG:RG$, vel sicut A ad GL ob parabolam BLO , in qua est $GL \equiv \sqrt{(P.BG)}$; adeoque tempus descensus per altitudinem RG alicujus gravis reperitur esse $GL.t:A$. Jam, quia hoc tempore punctum G effundit filamentum liquoris $2RG$, idem punctum effundet tempore T , filamentum $2A$. $T.RG:GL.t=2T.GL^2:GL.t=2T.GL.t$. Similiter punctum physicum F effundet, eodem tempore T , filamentum $2T$. $FK:t$, atque sic respective reliqua luminis puncta. Igitur quantitas Q liquoris per universum lumen $GEFH$ dato tempore T effluentis est factum ex omnibus GI , FK , &c. quæ in solido $EILMKFHGE$ continentur in $2T:t$, id est, factum ex hoc solido in $2T:t$. Quod erat demonstrandum.

COROLLARIUM I.

400. Si planum BDI lumine EGH pertusum, rectum fuerit horizonti, rectæ BG & RG , atque adeo P ac A æquales fient; adeo ut magnitudo ipsa, seu spatium A , quod grave tempore t accelerato motu à quiete incepto percurrere potest, parameter sit parabolæ BLO .

COROLLARIUM II.

401. Dicantur porro sinus anguli RBG , i ; sinus totus r , parabolæ BLO parameter p , qui antea P nominabatur, similiterque longitudinem A litera a insigniat, fiantque insuper $GE=b$, $GH=c$, $BG=z$, $BE=x$, eruntque $EI=\sqrt{px}$ & $GL=\sqrt{pz}$, adeoque quadrilineum parabolicum $EGLI$, seu trilineum BLG —trilineum $BIE = \frac{1}{2}z\sqrt{pz} - \frac{1}{2}x\sqrt{px}$ (id est, si ad contrahendam formulam pro $\frac{1}{2}z\sqrt{z} - \frac{1}{2}x\sqrt{x}$ ponatur u) $=u\sqrt{p}$, adeoque solidum $EKLGF = cu\sqrt{p}$, adeo ut sit $Q = 2Tcu\sqrt{p}:t$.

COROLLARIUM III.

402. Sed, si ipsæ BG , BE datæ non sint, sed earum tantum proportio, quæ sit eadem cum m ad 1, solidum parabolicum præcedente paragrapho inventum habebitur in solis quantitativibus b , c , & m . Nam quia (secundum hypothesin) $z:x=m:1$ erit $z=mx$ & $z\sqrt{z} - x\sqrt{x} = mx\sqrt{mx} - x\sqrt{x} = (m\sqrt{m}-1)$ in $x\sqrt{x}$. Sed $z-x=mx-x=b$, seu $x=b:m-1$, & $x\sqrt{x} = b\sqrt{b}:m-1\sqrt{(m-1)} = b\sqrt{b}:n\sqrt{n}$ si
sci-

scilicet loco $m - 1$ ponatur n . ergo $z\sqrt{z} - x\sqrt{x} = (m\sqrt{m} - 1).b\sqrt{b} : m\sqrt{n}$. Hinc a seu $\frac{1}{2}z\sqrt{z} - \frac{1}{2}x\sqrt{x} = (\frac{1}{2}m\sqrt{m} - \frac{1}{2}).b\sqrt{b} : n\sqrt{n} = (2m\sqrt{m} - 2).b\sqrt{b} : 3n\sqrt{n}$.

SCHOLIUM.

403. Sed, quia A vel a denotat altitudinem, quam grave quoddam accelerato motu à quiete incepto cadendo describere potest tempore dato t , & quia propter frictiones aliaque impedimenta fieri nequit, ut filamenta fluidi eodem tempore effluentia per puncta physica G , E , F , &c. præcise dupla sint altitudinum GR , EQ , EQ , &c. ideo propositio Mathematica est potius quam Physica. Et si enim scitur quantam oporteat esse altitudinem A tempore unius minuti secundi, vel quolibet alio à gravi decidenti in vacuo describendam, non tamen in praxi talem altitudinem adhibere licet, quandoquidem ab omnis generis resistentiis abstrahere non semper convenit, sed dicta altitudo A ex phænomenis est elicienda sequenti modo:

PROPOSITIO XXXVII. PROBLEMA.

404. *Idem positis, quæ in præcedenti Propositione, invenire magnitudinem A , atque adeò parametrum P parabolæ BIO ex observationibus seu phænomenis.* Fig. 94

Quia (§.§. 384. & 386.) quantitates fluidi per puncta quælibet physica G , E , F , &c. fluentia sunt in subduplicata ratione homologarum GR , EQ , &c. seu ipsarum GB , EB , &c. quantitates illæ per ordinatas parabolæ GL , EI , &c. recte exponi possunt, adeo ut quantitas fluidi, per universum lumen $EGHF$ effluentis, debeat exponi solido $ELKFG$. Atqui retentis symbolis superioribus, erit solidum istud $= cu\sqrt{p}$, ut supra inventum, ergo $Q = cu\sqrt{p}$, & $QQ = ccu\sqrt{p}$, id est $p = QQ : ccu$, atqui (§. 399.) est $p = ai : r$, ergo $a = rQQ : iccu$. Jam, quia (secundum hypothesin) Q ex observatione, & reliquæ r , i , c , u , etiam datæ sunt, ipsa altitudo quæ sita a ex hisce datis ope repertæ æquationis facili negotio haberi potest. Quod erat inveniendum.

SCHOLION I.

405. Ad illustrationem hujus canonis, & inventionem altitudinis a , nullam præstantiorem novi observationem, quam quæ relata est circa finem Tractatus *De Mensura aquarum fluentium* Celeberrimi Gulielmini, qui merito suo primum locum in Miscellaneis Italicis Physico-Mathematicis à P. Gaudenzio Roberti editis, occupat. Adhibuerat sagacissimus Gulielminus vas cylindricum bipedalis diametri alicubi ad latus horizonti rectum lumine quadrato pertusum, cujus singula latera erant 3 linearum pedis Bononiensis, & ejusdem luminis basis horizonti parallela 3 pedibus cum 11 unciis (pollicibus) ab aquæ superficie distabat in vase. Experimento octies repetito sine ulla variatione invenerat Doctissimus Vir, 32 libr. & 10 uncias per lumen illud tempore unius minuti horarii effluxisse, & pollicem cubicum continere unciam unam aquæ cum granis 146, id est, in universum grana 786. Divisit postea 32 libr. 10 uncias, id est, 252160 grana per 786 grana unius pollicis cubici, invenitque 320 $\frac{1}{3}$ pollices ejusdem generis prædicto illo tempore effluxisse. Jam, si formulam superiorem observationi isti velimus applicare, sciendum i & r hoc casu æquari, quia lumen plano aut superficiæ cylindri horizonti rectæ insculptum est; ac proinde erit hoc casu $p = a$. Ut altitudinem quæsitam a in numeris inveniamus totam operationem logarithmis perficiemus, ponentes $Q = 320\frac{1}{3}$ poll. cub. $c = 3$ lin. $z = 3\frac{1}{2}$ ped. = 564 lineis & $x = 561$ lineis. Quibus positis, erunt

Log. ($\frac{1}{2}z\sqrt{z}$)	-	-	-	-	3.9508274	} Subtr.
Log. ($\frac{1}{2}x\sqrt{x}$)	-	-	-	-	3.9473531	

• Log. ($\frac{1}{2}z\sqrt{z} : \frac{1}{2}x\sqrt{x}$) = log. numeri 1.008033...0.0034743

Ergo ($\frac{1}{2}z\sqrt{z} - \frac{1}{2}x\sqrt{x}$) = 1008033 : 1000000, adeoque ($\frac{1}{2}z\sqrt{z} - \frac{1}{2}x\sqrt{x}$) seu u : $\frac{1}{2}x\sqrt{x} = 8033 : 1000000$, & log. $u =$ log. ($\frac{1}{2}x\sqrt{x}$) + log. 8033 - log. 1000000. Jam

Log. ($\frac{1}{2}x\sqrt{x}$)	-	-	-	-	3.9473531	} Add.
Log. 8033	-	-	-	-	3.9048778	

Log. 1000000	-	-	-	-	7.8522309	} Subtr.
Log. 1000000	-	-	-	-	6.0000000	

Log. u	-	-	-	-	1.8522309
----------	---	---	---	---	-----------

Log. u

Log. n	1.8522309	} Add.
Log. $c = 3$ lin.	0.4771212	
Log. cu	2.3293521	} Subtr.
Log. Q lineis cubicis expressa	5.7437973	
Log. cu ,	2.3293521	
Log. ($Q:cu$)	3.4144452	Dupl.
Log. ($QQ:ccuu$) = log. a in lineis	6.8288904	} Subtr.
Log. 144,	2.1583625	
Log. a seu ($QQ:ccuu$) in pedibus,	4.6705279	

Hic inventus log-us ipsius a est fundamentalis numerus in calculo quantitatis aquæ per datum foramen affluentis deinceps adhibendus, loco Tabulæ, eundem in finem, à supra laudato Guilielmino improbo laboris tædio confectæ. Nos enim, qui logarithmis semper calculum absolvi posse jam ostendimus, & uno adhuc exemplo clarius id probabimus, Tabula Guilielminea plane non indigemus; nec eadem Clariss. ejusdem Autor opus habuisset, sibi que ipsi multo tædio pepercisset, si animum advertisset, calculum eo modo eaque methodo subduci posse, quam hoc loco exposuimus.

SCHOLIUM II.

406. Videamus nunc præcedentium usum in aliquo exemplo. Ponamus igitur cum Guilielmino sectionem FG, seu luminis planum angulo 88 grad. inclinatum esse ad horizontale planum, atque luminis rectangulæ basin GH esse 50 ped. altitudinem vero GE, 10 ped. ac denique proportio celeritatum in G & E sit eadem quæ 4 ad 1. Jam quia (§. 386.) velocitates in G & E sunt in subduplicata proportionem ipsarum GR & EQ seu ipsarum GB & EB, hæc lineæ ipsæ erunt ut quadrata velocitatum in G & E, id est, GB:EB = 16:1, atqui supra (§. 402.) erat posita $z:n$ seu GB:EB = $m:r$, ergo $m=16$, adeoque $n=m-1=15$. Item $b=10$ ped. & $c=50$ ped. Ergo $u=(2m\sqrt{m},-2)$. $b\sqrt{b}:3n\sqrt{n}=28\sqrt{10}:\sqrt{15}$ ergo $cu=1400\sqrt{10}:\sqrt{15}$. Hisce positis

Quia Log. a	4.6705279	} Add.
Log. i fin. 88 grad.	9.9997354	
	14.6702633	

F f

Log.

$$\text{Log.}(ai:r) \pm \text{log.} p. \quad 4.6702633$$

$$\text{Log.} v p_i$$

$$\text{Log.}(r) = 1400 \sqrt{10} : \sqrt{15} \quad 2.3351316 \quad \text{Add.}$$

$$3.0580824$$

$$\text{Log.}(civp) = Q \quad 5.3932140$$

Huic log. mo numerus 247285 quam proxime convenit. Gulielmus suo calculo invenit 247321, differentia 36 est insensibilis prae numero 247285, denotante quot pedes cubici tempore unius minuti horarii effluere debeant per lumen illud seu sectionem horizonti inclinatam. Atque sic in aliis procedendum.

CAPUT X.

De Cursu Fluminum.

DEFINITIONES.

I.

Generali *Fluminis* vocabulo indigitatur hoc loco aqua in super-
ficie terre itinere plerumque varie inflexo à locis altioribus in-
tra alveum suum ad depressiora indefinenter fluere.

II.

Alveus fluminis est cavitas in superficie telluris, intra quam aqua
decurrit.

III.

Sectio Fluminis est communis sectio alvei & plani secantis alvei
fundo perpendicularis. Ejusmodi sectio ordinarie est figura aliqua
irregularis ac propterea vocari solet *Sectio naturalis* ad distinguen-
dam eam ab artificiali: nam

IV.

Sectio artificialis est semper parallelogrammum rectangulum, quia
intelligitur esse sectio alvei artificialis, seu parallelepipedum formam
habentis.

V.

Altitudo viva fluminis est distantia cujusque puncti in superficie
fluminis à fundo ejusdem. Et *latitudo viva* est basis alicujus sectio-
nis artificialis.

VI.

VI.

407. Flumen in eodem dicitur statu manere, vel in statu manenti esse, cum inter fluendum nusquam attollitur ejus superficies & intumescit, nec alibi deprimitur vel decrescit, sed eodem semper tenore, durante fluxu, se habet, abstrahendo tamen ab inæqualitatibus accidentalibus, scilicet à vorticibus &c. quæ à fundi & spondarum asperitatibus provenire solent.

PROPOSITIO XXXVIII. THEOREMA.

408. *Existente flumine in statu manenti, temporibus æqualibus æquales aquæ copię per omnes fluminis sectiones transfluent.* Fig. 95

Si negas, transeat ergo plus aquæ per sectionem AB quam per vicinam sectionem CD, & intumescet aqua inter has sectiones in *bmd* exempli gratia; sin verò plus aquæ transiret per sectionem CD quam per AB, aqua inter has sectiones decresceret in *md*, atque adeo flumen non maneret in eodem statu, contra hypothesein.

COROLLARIUM.

409. Et conversim etiam, superficies fluminis manens erit, si per singulas fluminis sectiones AB, CD, EF, &c. eadem aquæ quantitas temporibus æqualibus persit.

PROPOSITIO XXXIX. THEOREMA.

410. *Si castellum aqua plenum ABCD communicet cum lacu, quæ indefinite amplo per canalem inclinatum IFE, superne opertum superficie curva IHF, atque exitu aquæ ex castello per lumen CI, in canali aqua ita fluat, ut in punctis quibuscumque F, E sectionis EF celeritates pendeant à pressionibus aquæ incumbens juxta altitudines SL, rO, quibus puncta illa à suprema aquæ in castello superficie manente AD distant, faciantque pressionem illam, ut per singulas canalıs sectiones GH, EF, &c. eadem temporibus æqualibus aquæ copia fluat. Dico fore, ut eodem tenore aqua in canali inclinato fluat remoto operimento IHF, curvilineo, quo faceret operta canalıs aqua indicata ista superficie operiente, modo tantum aqua castello insuat, quantum per singulas canalıs sectiones jugiter transit.* Fig. 96

Si negas, attollatur ergo aqua, amoto operimento curvo IF ϵ , quam inter sectiones GH & EF, ergo minus aquæ fluit per sectionem EF quam per præcedentes versus CI vi pressionis naturalis aquæ incumbentis, contra hypothefin.

S C H O L I O.

411. *Pressionum naturalium* nomine intelligimus eas, quarum oper velocitates aquæ, ut in E & F, sunt in subduplicata proportionē altitudinum Or, Ls, vel ipsarum OD, & LD. Nam quæcunque sit superficies IHF ϵ , eadem aquæ copia per singulas sectiones GH, EF, &c. fluet propter contiguitatem partium aquæ, quandiu canalī superficie illa curva opertus manet, nec tamen ideo celeritates aquæ reguntur à partibus incumbentibus, juxta tenorem & legem pressionum naturalium; hoc est, velocitates, ex. gr. in E & F, non sunt hoc casu generali ex necessitate in ratione subduplicata Or, ad Ls. Ac propterea contingeret ut remoto operimento canalī superficie tamdiu mutetur, usque dum aqua defluens in canali eam nacta sit, quæ à pressionibus aquæ naturalibus unice dirigatur, ac manens fiat, & hæc proinde ea ipsa est, quam operimento IF ϵ attribuiamus, adeo ut aqua continue in canali fluere queat, si ejus superficies figuram habeat istius operimenti, siue aqua tecta sit isto operimento siue non.

C O R O L L A R I U M I.

412. In hac pressionum naturalium hypothefi innotescere potest, quantum aquæ per singulas sectiones canalī dato tempore fluere debeat. Nam producta prima sectione IC in D usque ad occursum cum superficie aquæ in castello AD, & indefinite deorsum in O, & juxta conditiones paragraphi 404, vertice D circa axem DO descripta parabola DTV, ordinatæ ejus LT & OV, quæ transeunt per puncta L & O, in quibus lineæ EL & EO superficiei aquæ in castello AD parallele, & per terminos cujuscunque sectionis FE ductæ, axi parabolæ DO occurrunt, exhibebunt quadrilīneum parabolīcum LTVO, quod in latitudinem sectionis artificialis ductum manifestabit quantitatem aquæ per sectionem FE unius minuti horarii tempore fluentis, quia calculus propositionis 37. ad hoc tempus est aptatum. Ipsius regulæ ratio patet ex hac ipsa propositione recensita.

COROLLARIUM II.

413. Et data prima canalis sectione IC dabitur quælibet alia EF. Etenim ductis per I, C ordinatis parabolæ IZ, CG, & per punctum E recta EO parallela AD, ac ordinatâ OV, fiat quadrilineum VOLT æquale quadrilineo IZGC, determinabitque OL, intercepta ab ordinatis OV, LT, altitudinem vivam sectionis EF. Nam, quia hæc nominata quadrilinea parabolica (constr.) æquantur, hæc quadrilinea ducta in canalis latitudinem producant solida æqualia, quæ (§. 404.) quantitatem aquæ fluentis per quâmlibet sectionem canalis IC vel EF, &c., exponunt; unde cum hac ratione per singulas sectiones eadem aquæ copia fluit, patet (§. 409.) superficiem aquæ manentem esse. Vicissim data qualibet sectione EF, semper invenire licet primam IC.

PROPOSITIO XL. PROBLEMA.

414. *Datis superficie aquæ in castello AD, & uno puncto I in superficie manente aqua in canali defluentis IHE, invenire quotlibet alia.* Fig. 96.

Hoc problema jam solutum est in corollario ultimo præcedentis propositionis, sed, quia constructio per quadrilinea parabolica procedens nonnihil incommoda est, ope parabolæ cubicæ secundæ res paulò elegantius confici potest.

Describatur itaque per puncta D & G parabola cubica DPG, in qua cubus abscissæ cujuseunque DL æquetur parallelepipedo ex quadrato ordinatæ respondentis LR in parametrum Q, ita ut sit ubique $DL^3 = Q \cdot LR^2$. Sitque P parametrum parabolæ conicæ DZF, & R = $\frac{1}{2}DC$. Et hisce positis, data prima sectione IC, reliquæ omnes inveniri possunt ope parabolæ cubicæ, atque adeò curva IHE per puncta describi. Nam ductis ordinatis IP, CG parabolæ cubicæ per superioris IR terminum P, agatur PQ parallela DC, & si sectio canalis in E expetatur, acta EO parallela AD per punctum O, & ducta ordinata paraboloidis OS, in quâ sumtâ SY æquali GQ, agatur per Y recta YR parallela DO, hæc YR exhibebit altitudinem vivam sectionis EF per punctum E transeuntis, ita ut EF sit = YR; ergo puncta omnia F geometricè inveniri possunt.

Demonstr. I. Parabola cubica, quam paraboloidem dicam, præbet $DC^3 = Q \cdot CG^2$, parabola verò conica $CG^3 = P \cdot DC$, & $Q \cdot CG^2 =$

Ef 3.

P. Q. DC.

P. Q. DC; ergo $DC^2 = P. Q. DC$, vel etiam $P. Q = DC^2$. Est ergo DC media geometrica inter parametros parabolæ & paraboloidis.

II. In paraboloides est $Q. LR^2 = DL^3$, vel $P. Q. LR^2$, ad est (num. i. hujus) $DC^2. LR^2 = P. DL^3$, vel quia parabola efficit $P. DL$ æquale LT^2 , $= LT^2. DL^2$, hinc $DL^3 : LR^2 = DC^2 : LT^2$, atque adeo $DL : LR = DC : LT$, hinc $DL. LT = DC. LR$, & per consequens $DL. LT$ seu parabola $DZTL = DC. LR$ (secundum hypothesein) $= R. LR$. Similiter reperietur parabola, seu area parabolica, $DGVO = R. OS$, ergo quadrilinium $LTVO = R. YS$. Sic etiam quadrilinium $IZGC = R. QG$, unde quia (constr.) $YS = QG$, adeoque quadrilinium $LTVO$ æquale quadrilino $IZGC$, (§. 413.) eadem aquæ copia per sectiones IC & EF fluat, atque adeo superficies aquæ IHF manens erit. Quod erat demonstrandum.

S C H O L I O N.

415. Ope præsentis, ejusque quæ eam præcedit, ex datis inclinatione canalís seu angulo CAD, sectione qualibet EF ejusque distantia AE à superficie aquæ in castello AD, vel ab origine canalís, innotescunt proportio velocitatum E & F, & reliquæ sectiones omnes. Nam ex dato angulo DAC & distantia AE, innotescet ipsa Or, & ex hac & angulo ABC, complemento anguli CAD, elicietur OD; unde, cum sectio EF eique æqualis OL data sit ex hypothese, ea ex OD subtracta relinquet LD cognitam. Jam descripta circa axem DO & vertice D parabola DGV, ordinatæ LT & OV exponent proportionem celeritatum aquæ in E & F. Sed quia multi sunt casus, quibus distantia EA actuali dimensione haberi nequit, sæpius hic modus determinandi præmemoratas celeritates in præxi minime succedit, & mechanice eas velocitates investigare convenit.

PROPOSITIO XLI. PROBLEMA.

Fig. 97. 416. *Invenire per observationes artificie mechanice proportionem velocitatum in E & F cujusque sectionis fluminis canalísve EF.*

Habeatur filum GP cum pondere P, aquâ aliquantum specificè graviore, altero ejus capiti annexo, demissoque pondere P usque ad fundum canalís C, id pondus ab aqua per punctum E sectionis

FE

EE fluente nonnihil abripitur, & aquæ impressiones in hoc pondus efficiens ut situm GP à situ verticali GE angulo quodam EGP declinet. Dehinc extracto pondere ex fundo, & aquæ eum in modum immisso, ut prope superficiem ad punctum F ut in p consistat, declinatio fili gp à situ verticali ge, in quem pondus cum filo se aliqui compesuisset, nisi aquæ prope F currentis impressionibus à situ perpendiculari abductum fuisset, sit angulus egp, quem simplici littera g indicabimus, & angulum priorem EGP littera simili G. Horum angulorum complementa ad rectum dicantur C & c, inclinatio canalis, seu angulus GEF, autem I; dehinc assumatur quædam N, quæ sit ad tangentem anguli G, ut sinus complementi C est ad sinum anguli C — I, item π ad tangentem anguli g in ratione sinus anguli c ad sinum anguli c — I, eritque velocitas aquæ in E ad velocitatem in F in subduplicata ratione magnitudinis N ad π .

Demonstr. I. In altera figura 98. representent MN vel MP, aut Mp longitudinem fili GP vel gp, & MN horizonti verticalis contineat cum recta NQ angulum MNQ æqualem angulo GEI in fig. 97, sintque anguli NMQ, NMq æquales angulis EGP, egp, seu G & g respective, ductaque NR perpendiculari ad MN, erunt NR tangens anguli G, & Nr tangens anguli g: Et NRM erit C seu complementum anguli G, ac NrM complementum alterius g, id est c. Quia etiam angulus RNQ æquabitur angulo GEF, seu angulo I, nam si ex æqualibus GEI & MNQ auferentur recti FEI & MNR remanebunt æquales GEF, RNQ. Eritque adeo angulus RQN = C — I, & rqn = c — I.

Fig. 98.

II. Quia gravia in situm horizonti rectum se componere affectant, atque in talem se reapse reducant, quoties filo annexa à perpendiculari situ abducta, atque sui iterum juris facta sūt. Idcirco filum GP non potest in hoc situ consistere, nisi impressionibus aquæ fluentis per E juxta directionem sectioni EF normalem, vel fundo Et parallelam, in eo detineatur, necesse igitur est, ut præter gravitatis actionem in corpus P, quæ se in hoc exerit juxta directionem ipsi GE parallelam, alius cujusdam potentiz actio accedat, quam hoc casu concipimus fieri, ut dictum, juxta directionem ipsi GE parallelam. Jam si in figura 98. MN exponit gravitatem ponderis P, quam in aqua habet, altera potentia, quæ fundo canalis parallela est, exponetur linea NQ, quandoquidem (secundum hypothesein) angulus MNQ æqualis est angulo GEI, atque actione duarum potentiarum collateralium MN & NQ (§. 39, 40.) detinetur pondus P filo annexum

nexum in situ MP, cum MN angulum NMQ seu angulum G continente, similiter repræsentat Nq vim abducentem aquæ filumque angulo g seu *egp* à verticali *ge* declinare facientis: adeo ut vires abducentes sint ad se invicem ut NQ ad Nq. Atqui in triangulo NRQ, est NR ad NQ ut sinus anguli NQR seu C—I ad sinum anguli NRQ seu NRM, id est C, & ex hypothese est tangens anguli G seu NR ad magnitudinem N, sicut sinus C—I ad sinum C, ergo $N = NQ$. Eodem probabitur argumento esse $n = Nq$. Itaque vis abducens filum GP à situ perpendiculari GE, est ad vim abducentem fili *ge* ut N ad n.

III. Sunt vero vires abducentes ut impressiones aquæ in globum P, exsertæ juxta directiones fundo C parallelas: impressiones vero sunt in duplicata ratione velocitatum in E & in F, ut in sequentibus demonstrabitur, ergo quadratum velocitatis in E est ad quadratum velocitatis in F, ut N ad n, ac per consequens velocitas in E est ad velocitatem aquæ in F, in subduplicata ratione magnitudinis N ad magnitudinem n. Quod erat demonstrandum.

COROLLARIUM.

417. Si angulus GEF, seu inclinatio canalís ad horizontem, nullus est, erit N ad n eo casu, ut tangens anguli G ad tangentem anguli g; atque adeo velocitates aquæ in summo & imo sectionis FE erunt in subduplicata ratione tangentium angulorum g & G.

SCHOLIUM.

Fig. 96. 418. Hæc omnia, quæ de canali Iò ostensa sunt, fluminibus quoque applicari possunt, si hæc per totam suam longitudinem eandem latitudinem sectionesque artificiales admitterent, & aquæ fluentes à spondis & fundi inæqualitatibus nullam resistantiam paterentur. Verum quia tales fluvii mathematici in rerum natura non existunt, dispiciendum est, num præcedentia nullum præbere queant adminiculum, quo fluminum aquæ fluentes ad mensuram revocari, eorumque affectiones generaliores explicari queant. Hac in re non inelegantem rationem pro fluvij mediocris altitudinis & latitudinis excogitavit Castellus quam Celeb. Gulielmus deinceps magis perfecit. Hæc methodus ita habet.

Fig. 99. 419. Intelligatur *Cataracta* seu *Regulator* ABDA constans duobus
signis

tignis parallelis & verticalibus AB, AD horizontali BD conjunctis, & crenis suis instructis, adeo ut his crenis tabula EH inferi, quæ pro re nata attolli & demitti queat ope funis VS unco V alligati, atque adeo lumen FBDH modo arctari modo etiam ampliari queat. Hæc Cataracta seu Regulator in loco commodo fluvii mediocris transversim debet aptari, ita ut tignum BD ripis perpendicularare sit fundoque contiguum, ac denique tigna AB & AD fundo normalia, adeo ut totum planum ABDA fundo ripisque perpendicularare sit.

Si jam quæzatur, quantum aquæ per sectionem BM fluminis PQ dato tempore fluere debeat? In hac sectione vel alio commodiore loco collocandus est Regulator eo modo, ut dictum, & tabula EF mobilis demittenda est, ut sectio MB reducatur ad minorem FB, quo fiet, ut minor aquæ copia fluente per lumen arctum FB quam antea per MB, aqua supra sectionem MB intumescat sensim, atque sensim attollatur, usque dum aqua superficiem manentem PN adepta sit, quo casu tantum aquæ fluet per lumen FB, quantum ante fluxerat per MB & quantum per quamlibet aliam sectionem PR fluit, alioqui superficies PN manens non esset. Sed eam ponimus esse manentem, ut sane ad talem statum de necessitate se aliquando componet; quo casu corpus aquæ PRNB tanquam amplo castello seu receptaculo inclusa considerari potest, cui tantum aquæ influit superne per PR, quantum effluit per lumen FB. Atque hisce jam positis calculus facili negotio absolvetur pro obtinenda quantitate aquæ effluentis, dato quodam tempore, per lumen FB. Nam si vertice N & circa axem NB parabola descripta intelligatur NSQ, cujus parameter p sit $= ai : r$ retentis symbolis, quæ supra (§. 401.) significante i sinum anguli observatione dati PNB, r sinum totum & a eam magnitudinem, cujus log-us jam antea (§. 405.) repertus est. Unde, quia etiam BN & FN seu z & x ex observatione datæ sunt, quantitas Q aquæ per lumen FB effluentis juxta normam paragraphi 406. facile calculo subducetur.

In Propositionibus præcedentibus consideravimus ut plurimum motus aquarum tanquam liberrime factos absque ulla resistentia ex frictionibus. Verum, quia aquæ in fluviorum alveis decurrentes varias resistentias à fundo & spondis subeunt, ejusmodi resistentiarum omnino ratio habenda, atque in certis resistentiarum hypothesebus velocitates singulorum alicujus sectionis punctorum determinandæ sunt.

Fig. 100.

PROPOSITIO XLJ. PROBLEMA.

Fig. 101. 420. *Resistentiis aquæ fluentis existentibus proportionalibus aquæ velocitatibus in singulis sectionis punctis, invenire ipsas velocitates.*

Sit flumen BHK, atque EG sectio ejus, AB superficies manens horizontalis, seu initium canalıs aut fluminis. Producat̃ur EG in Q usque ad occursum ejus cum plano AB. itidem producto, & denique ex quibuslibet punctis E, F, G sectionis EG ad AQ demissæ sint perpendiculares EL, FM, & GN, &c. atque ordinatæ EH, FI, GK &c. alicujus curvæ KIH ipsi GE perpendiculares exponant velocitates aquæ per puncta E, F, G fluentis. Sint jam LE, a , QE, b ; ordinata EH, quæ aquæ per punctum E fluentis quantitatem designat $=c$; resistentia fundi ex contactu $=m$, resistentia spondæ $=n$; QF, x & FI, y atque hæc ordinata pariter quantitatem aquæ per punctum F fluentis indicat, ejusque celeritas est $y:c$, ac motus $=yy:c$. Et, quia (secundum hypothesein) resistentia in E, hoc est m , ad resistentiam in F se habet ut EH ad FI , erit resistentia in F, quatenus hæc participat resistentiam in fundo, $=my:c$, & resistentia in eodem loco proveniens à resistentia spondæ $=ny:c$. De tractis nunc resistentiis à quantitate pressionis aquæ puncto cuilibet F incumbentis, quæ quantitas per MF, seu $ax:b$ exponitur, & reliquum $(ax:b) - (my - ny):c$, exponet vim extrudentem aquam per punctum physicum F, & cum hæc vis extrudens constanter proportionalis sit motui aquæ genito, erit $(ax:b) - (my - ny):c = yy:c$, id est $acx - bmy - bny = byy$, quæ est æquatio ad parabolam, cujus axis principalis ab EQ distat, propius accedens ad B, intervallo $\frac{1}{2}m + \frac{1}{2}n$, & vertex in hoc axe à fundo DH distat intervallo $b + \frac{bm}{4ac}$, facta scilicet $p = m + n$; ac denique parabolæ hujus parameter erit $\frac{a}{c}$. Quod erat inveniendum.

Fortasse aliæ possunt excogitari resistentiæ hypotheses, quæ præsentente veriores sint, hanc enim à nobis assumptam non pro certissima vendito, sed duntaxat uno exemplo facili ostendere placuit, quo pacto velocitates aquarum fluentium assignari debeant, non neglectis resistentiis, quæ à frictionibus proveniunt.

S E C T I O I I I .

De Effectis Fluidorum ex percussione.

EXpendimus hactenus motus fluidorum, qui resultant ex pressione gravitatis, modo etiam excutiendi sunt effectus eorundem ex percussione, quoties ad alia fluida, aut ad dura corpora, alliduntur, vel etiam, quoties solida fluidis impinguntur. Ad hujus generis effectus referri debent motus imminutiones, quas corpora solida in fluidis protrusa tum ratione figuræ, tum etiam ratione motus ipsius subeunt, id est, resistentiæ corporum in fluidis delatorum. Quæ omnia, & nonnulla alia huc spectantia, sigillatim in hac tertiâ Sectione ad examen revocabuntur.

D E F I N I T I O .

421. Cum fluidum in aliud fluidum aut solidum corpus impingitur, fluidi actio in alterum corpus dicitur *Percussio*, & effectus, qui in corpore excipiente percussione editur, dicitur *Impressio*.

In superioribus subinde impressionis vocabulum tatori paulò sensu sumimus, etiam pro designando effectû, qui à *pressione* fluidorum provenit.

A X I O M A .

422. Eandem à fluido impressionem excipiet corpus quodcunque solidum, sive id data cum celeritate dataque in directione in fluido feratur, sive fluidum eadem celeritate & directione in idem corpus solidum, sed quiescens, impingat.

C A P U T X I .

De generalibus Affectionibus percussionis fluidorum.

P R O P O S I T T O X L I I . T H E O R E M A .

423. Fluidorum ABb, CDd plano MN æquabili motu ad angulos rectos occurrentium, ita tamen, ut partes eorum à plano repercussæ libere recedere queant, absque eo quod advenientes impendant, quantitates, æquabiles

G g 2

Fig. 102]

libus

libus temporibus ad planum MN accedentes, erunt in composita ratione celeritatum AB, CD, latitudinum Bb, Dd & densitatum M, N.

Sint ABb, & CDd quantitates fluidorum æqualibus temporibus ad planum MN æquabili motu accedentes, eruntque celeritates accessus ut AB ad CD. Quantitates verò fluidorum ad planum MN, simul appellentium sint in composita ratione voluminum & densitatum, & volumina in composita ratione celeritatum AB, CD & latitudinum, ergo massa ABb est ad massam CDd, sicut AB. Bb. M ad CD. Dd. N. seu in composita ratione ex rationibus celeritatis AB ad celeritatem CD, latitudinis Bb ad latitudinem Dd, & denique densitatis M ad densitatem N. Quod erat demonstrandum.

COROLLARIUM I.

424. Hinc impressiones, quas massæ fluidæ ABb, CDd in planum MN exerent, erunt in composita ratione ex duplicata velocitatum AB, CD, & ex simplici tum latitudinum Bb, Dd, tum densitatum M, N, id est, impressio massæ ABb erit ad impressionem alterius CDd, sicut AB². Bb. M ad CD². Dd. N, vel sumpta ED tertia proportionali ad AB & CD, sicut AB. Bb. M ad ED. Dd. N. Nam impressiones sunt ut motus fluidorum & motus in composita ratione massarum & velocitatum.

COROLLARIUM II.

425. Hinc etiam, si fuerint tubi AB, DE liquoribus quibilibet pleni, quorum liquorum densitates sint M & N, effluantque liquores per foramina æqualia B, E, impingantque in extremitates vectis EB circa O convertibilis, erit momentum liquoris CB ad momentum alterius FE, ut M. CB. BO ad N. FE. EO.

Fig. 103.

Nam percussiones in B & E sunt ut motus fluidorum, adeoque (§. 424.) in composita ratione ex duplicata velocitatum & simplici densitatum, existentibus tuborum foraminibus æqualibus; velocitates vero fluidorum ex tubis erumpentium (§. 386.) sunt in subduplicata ratione altitudinum CB & FE, seu duplicata velocitatum eadem, quæ altitudinum CB & FE, ac propterea percussio in B erit ad percussionem in E sicut CB. M ad FE in N. Verum hæ percussiones, quatenus in vectem BE circa O convertibilem agunt, habent rationem potentiarum motricium vecti applicatarum, ergo cum po-
tent.

rentiæ vectis habeant momenta proportionalia factis ex potentiis ipsis in distantias earum ab hypomochlio O, habetur momentum percussionis in B ad momentum percussionis in E, sicut M. CB. BO ad N. FE. EO.

COROLLARIUM III.

426. Propterea torrentes DG, HL, celeritatibus aA , bB ad planum EL accedentes, in æquilibrio consistent cum tertio ON celeritate Cc in idem planum EL impingente, si positis torrentum densitatibus R, S, T, & latitudinibus EG, KL, MN; fuerint R. Aa^2 . EG. AC = S. Bb^2 . KL. BC, & R. Aa^2 . EG + S. Bb^2 . KL = T. Cc. MN, Nam si planum EL consideretur instar vectis, erunt (§. 425.) R. Aa^2 . EG. AC & S. Bb^2 . KL. BC momenta percussionis æqualia, atque adeò in æquilibrio consistent cum tertio QMN quandoquidem (secundum hypothesin) ejus media directio cC transit per C, & ejus percussio, seu T. Cc. MN, æquatur duabus oppositis potentiis simul sumtis, scilicet R. Aa^2 . EG + S. Bb^2 . KL.

In hoc corollario præcipua continentur quæ circa collisiones & percussiones fluidorum inter se notatu digna occurrere possunt.

COROLLARIUM IV.

427. Resistentiæ, quas corpora solida in fluidis delata patientur, erunt in composita ratione densitatum & duplicatæ velocitatum: adeoque hæc resistantiæ in uno eodemque fluido erunt in duplicata ratione celeritatum. Nam, quia (§. 422.) corpora in fluidis incedentia easdem à fluido impressiones subeunt, quas subirent, si fluidum ea celeritate, qua corpora in eo feruntur, in hæc corpora quiescentia impingeret, & quia hæc impressiones sunt ut percussiones fluidi, id est in composita ratione ex duplicata celeritatum & simplici densitatum, resistantiæ vero ut impressiones, quas corpora, quibus resistitur, in fluido subeunt, liquet omnino resistantias, quas corpora in medio fluido mota patientur, esse in composita ratione densitatum & duplicatâ velocitatum, aut si corpora in eodem medio ferantur, in duplicata ratione celeritatum.

PROPOSITIO XLIII. THEOREMA.

Fig. 105. ● 428. Si fluidum, seu torrens CABD, data quadam celeritate impingat perpendiculariter in planum AB, deinde etiam eadem celeritate, sed sub angulis obliquis KOF, KOE alteri plano EF primo AB æquali, erit impressio, quam subibit planum AB, ad impressionem alterius plani EF juxta directiones OP, OQ planis normales, in duplicata proportionem sinus totius ad sinum anguli incidentiæ KOE; vel, ductis per E, O & F perpendicularibus HL, KOP, IMF ad planum AB, & MN normali plano EF, sicut OF ad ON.

Quod fluida CABD, HEFI impressiones in plana AB & EF exerant juxta directiones OP, OQ planis normales, constat ex §. 249. Ex puncto R agantur RS, RT perpendiculares & parallelæ plano EF. Jam, quia filamentum fluidi KO ad angulos rectos in planum LM incidit, sub obliquis verò KOE, KOF in planum EF, & si RO celeritatem filamenti exponat, per se caret fore, ut filamentum totam suam vim in planum obliquum EF exercere nequeat, quia directio RO plano isti directe opposita non est, sed resoluta celeritate RO in laterales æquipollentes RS & RT, duntaxat ager in planum EF celeritate RS plano isti directe opposita atque contraria, cum altera RT utpote cujus directio plano EF parallela est, nullam prorsus impressionem in idem planum exercere possit. Est igitur impressio filamenti KO in plano LM ad impressionem ejusdem in plano EF ut RO ad RS, seu ut OF ad OM, unde quia idem est filamentorum numerus binis planis LM & EF allabentium, erit impressio torrentis HLMI in plano LM ad impressionem ejusdem in plano EF, sicut OF ad OM, impressio vero torrentis CABD in plano AB est ad impressionem torrentis HLMI in plano LM, sicut AB ad LM, id est, sicut OF ad OM, aut OM ad ON, ergo ex æquo impressio torrentis CABD in plano AB est ad impressionem torrentis HEFI in plano EF, sicut OF ad ON, id est, in duplicata ratione sinus totius OF ad sinum anguli incidentiæ LFO vel KOE. Quod erat demonstrandum.

COROLLARIUM.

Fig. 106. 429. Hinc si fluidum MABN plano AB allabatur celeritate data V, erit impressio, quam planum istud à fluido in id impingente exci-

excipiet, factum ex quadrato velocitatis in rectam AD; ducta scilicet AC perpendiculari ipsis AM, BN & demissa ex C super AB perpendiculari CD. Nam (§. 424.) impressio, quam subiret planum AB à fluido perpendiculariter impingente, est ut $V^2 \cdot AB$, per propositionem verò præsentem est impressio perpendicularis fluidi in plano AB ad impressionem ejusdem, sed oblique impingentis plano AB; ut AB ad AD, seu $V^2 \cdot AB$ ad $V^2 \cdot AD$; ergo $V^2 \cdot AD$ exponit impressionem fluidi oblique incidentis MABN in planum AB celeritate V, hæcque impressio exseritur juxta directionem EF plano perpendicularem & per ejus centrum gravitatis transeuntem, per §. 249. & §. 54.

S C H O L I O N I.

430. Ex præsentī propositione facile deducitur vis clavi seu gubernaculi, cujus ope naves, in quem volueris situm, converti possunt; quod paucis est indicandum. Sint itaque AB navis, B puppis cuius cardini inseritur clavus BH convertibilis circa B, cui per centrum gravitatis X normalis ducta sit XY. Ponamus jam navem progredi juxta BA ex B versus A quacunq̃ue data velocitate, clavumque BH firmatum esse, ut cum AB producta in T quemcunq̃ue angulum acutum HBT constituat. Progrediente igitur navi versus E, aqua ABHG, juxta directiones rectæ AB parallelas, ea ipsa celeritate in clavum BH impinget, qua navis contrario sensu versus E fertur; & quia (§. 422.) idem effectus resultat, si aqua ABHG data celeritate in clavum navis quiescentis impingat, quam si navi progrediente clavus eadem illa celeritate aquæ allidatur, & aquæ clavo impingentis impressio est BS, posita unitate pro velocitate, ductisque BR normali ipsi GH, & RS normali BH, quæ impressio exponenda per BS exeritur in clavum juxta directionem XY per centrum gravitatis clavi BH ductam. Idcirco progrediente navi juxta BA, aqua resistens eundem effectum præstabit, ac si clavus impelleretur juxta XY potentia quadam BS, atque adeò hinc liquet, hac potentia BS navim in seipsam conversum iri. Sed quia directio XY alteri HG, juxta quam navis progreditur, non conspirans nec directe contraria, nec etiam perpendicularis est, potentia BS quatenus directioni XY applicatur, non est absoluta potentia, quæ navis conversionem causetur; sed ductis BN perpendiculari BH, æqualique facta ipsi BS, & NO parallela BV, hæc NO exponet vim plenam.

Fig. 107.

nam conversionis navis, quoniam ON normalis est directioni navis OA, & potentia $BN = BS$ resolvitur in æquipollentes BO & QN, quarum BO, in directum posita ipsi OA, nihil ad gyrationem navis conferre, sed tantummodo ejus motum progressivum aliquantum morari potest, adeo ut sola potentia ON restet, quæ conversionis effectum præstet. Similiter si clavus habeat situm BF, denotabit KI vim rotationis navis, si scilicet ductis QL & BI normalibus clavo BF, factaque $BI = BL$, etiam IK rectæ AT perpendicularis ducta fuerit.

431. Ex contemplatione figuræ statim apparet, ipsas KI & ON æquales esse posse, etsi anguli IBK & NBO diversi sint. Ex quo sequitur, duas diversas clavi positiones æqualiter aptas esse posse ad navis conversionem circa se ipsam. Agantur enim SP & LM parallelæ TB, quæ ipsis ON & KI respective æquales erunt, quandoquidem triangula PSB & ONB, nec non MLB & KIB similia & æqualia existunt. Jam $HR:PS (= HB:SB) = HB^2:RB^2$, & $ML:QF = QB^2:FB^2$, ergo si PS & ML vel KI & ON æquales sint, erit ex æquo $HR:FQ = QB^2:RB^2$, atque adeò $HR.RB^2 = FQ.QB^2$. Hinc, si BH vel BF dicatur a ; RH, t ; QF, u , erunt $RB^2 = aa - tt$, & $QB^2 = aa - uu$, adeòque $HR.RB^2 = FQ.QB^2$ fiet $aat - t^3 = aa u - u^3$, seu $u^3 - t^3 = aa u - aat$, adeòque dividendo per $u - t$, erit $u^2 + ut + tt = aa$, quæ est æquatio indeterminata infinitas suppeditans diversas clavi positiones, quarum binæ & binæ æqualiter aptæ sunt ad navis conversionem.

432. Idcirco, si $u = t$, habebitur $3tt = aa$, atque adeò $t = \sqrt{\frac{1}{3}aa}$; & hic valor sinus anguli VBH dabit positionem gubernaculi BH, in qua vis rotationis navis *maxima* existet. Unde si angulus VBH fuerit graduum 35, 16' circiter, vel angulus HBT graduum 54, min. 44, positio clavi BH ad conversionem navis aptissima erit.

S C H O L I O N II.

Fig. 108, 109. 433. Quæ in præcedenti scholio ostensa sunt, etiam molis alatis facili negotio possunt applicari. Sit enim DE ala verticalis vento circumagenda, cum axicula molæ AB quemlibet angulum acutum ECB continens; ventusque celeritate ut 1, & in directione nN parallela CB, alæ DE allabatur, sintque Ee, Ff parallelæ AB, & FC = CE, ductisque EM, ML normalibus ad Ff & FE, & LV parallela rectæ Ff. Per alæ centrum N ducta intelligatur Ni æqualis LE

LE plano alæ DE perpendicularis, & exponet hæc N₁ venti impressionem ejusque directionem, quam quælibet linea 2F2E alteri FE parallela subibit, adeò ut totalis impressio, quam ala à vento excipiet, juxta directionem alæ normalem, futura sit PC.N₁. Porro si per punctum I transeat recta 13 parallela N₂ vel AB, & per punctum N recta N₃ eidem N₂ normalis, impressioni N₁ æquippollebunt laterales 31 & N₃, quarum prima 31, utpote AB seu axiculo parallela, ad alæ conversionem nihil confert; sed tantum N₃ eidem axiculo molæ AB perpendicularis: adeoque vis rotationis alæ ex impressione juxta N₁ derivata erit PC.N₃. Verum, quia rectæ N₁, 13 & N₃ totidem aliis LM, LV & MV parallelæ sunt in plano EFM, & triangula LEV & MLV similia, erunt etiam MLV & 1N₃ æquiangulara & æqualia, quoniam insuper est LE = N₁. Hinc etiam LV = N₃ = vi rotationis alæ DE. Hinc itidem PC.N₃ = PC.LV.

Igitur si dicantur FE, a ; PC, b ; FM, t ; reperietur LV = $(aa - t^2):aa$, & PC.LV = $(aabt - bt^2):aa$. Intelligatur insuper alam DE aliam habere positionem ac modo habuit, cui respectiva FM sit u , reliquis iisdem manentibus, quæ antea, erit hoc casu homologa PC.LV = $(aabu - bu^2):aa$. Unde, si in binis hisce diversis positionibus ala debeat eadem vi circumagi, ponendum $(aabt - bt^2):aa = (aabu - bu^2):aa$. Hinc $u^2 - t^2 = aan - aat$, quæ divisa per $u - t$, præbet $uu + tu + tt = aa$, quæ est eadem æquatio ac antea (§. 431). Adeoque facta $t = u$, reperitur iterum $t = \sqrt{\frac{1}{2}aa}$, atque adeò angulus FEM graduum 35 min. 16; alaque DE in hac positione à vento efficacissime circumagetur. Unde, si alæ DE & GI verticales subcontrario situ eodem angulo seu æquali ECB & HCB scilicet 54⁸². 44' ad AB inclinentur, idemque de horizontalibus, in schemate non expressis, intelligatur, mola alata efficacissime versabitur & circumducetur à vento juxta directiones AB parallelas in alas impingente. Alas autem oppositas situm subcontrarium habere oportet, alioqui, si in eodem plano existerent, prorsus circumagi non possent, quandoquidem venti impressio in una ala destrueretur æquali impressione in ala opposita.

Fig. 108.

CAPUT XII.

De Resistentiis figurarum in fluidis motarum.

DEFINITIO.

Fig. 110. 434. SI fuerit figura quaecunque CBABC, linea CBABC ex curvis vel rectis composita, & recta CC terminata, & hæc figura in directione axis MA in fluido feratur ex A versus S; à posita parte verò super basi CC apposita sit alia figura CYC, cujus area curva CYC & recta CC comprehensa, sit ad rectum ex basi eadem CC in CL vel MO, quæ quadratum celeritatis exponit, quæ figura in fluido incedit, sicut resistentia quam patitur figura CAC in fluido, præeunte ejus vertice A in recta MA, ad resistentiam, quam eadem figura subiret præeunte ejus basi: vel, quod eodem recidit, sicut resistentia figuræ aut potius lineæ curvæ CBABC ad resistentiam rectæ FF basi CC parallelæ & æqualis fluidi impressiones ad angulos rectos excipientis. Linea CBABC dicetur *patiens*, lineaque CIYIC *scala resistentiæ figuræ patientis*.

PROPOSITIO XLIV. THEOREMA.

Fig. 110. 435. Si, ductâ per terminum R recta, AR axi AM curvæ patientis CBABC perpendicularis lineâ RS, parallelâ tangenti Bæ curvæ patientis in B, deinde ex A normali AT super RS, & per T recta TV æquidistanti axi AM, in BH eadem axi parallelâ, sumatur ubique HI æqualis respectivæ RV, puncta I erunt in scala CIYIC resistentiarum figuræ patientis CBABC, erit resistentia curvæ CBABC in directione MA versus S promotæ, ad resistentiam lineæ rectæ FF axi normalis, sicut bilineum CIYIC ad rectangulum CCLL. Et resistentia superficiæ rotandæ ex conversione curvæ CBA circa AM ad resistentiam circuli ex conversione rectæ AT circa eandem AM, ut solidum ex revolutione figuræ CIYM circa MY ad cylindrum ex conversione rectæ CMOL circa eandem MY seu MO.

I. Curva ABC in sua elementa divisa intelligatur, quorum Bb unum, per cujus terminos agantur ZK, zk axi AM æquidistantes, rectæ AF in punctis G, g; ipsi zb ordinata BN occurrat in puncto s, ex quo ad elementum curvæ Bb perpendicularis se demissa sit.

Po.

Ponantur insuper BD curvæ normalis, & ED axi AM parallela, & ductis per puncta R & S lineis QR, QS parallelis AS & AR, & ex Q cadat Q₁ perpendicularis super RS, & ω perpendicularis super AS. Adeo ut, si insuper lineola *ef* ordinatæ BN parallela ducta fuerit; figuræ *b₁B₁fe* & *RQS₁* similes futuræ sint, quandoquidem singula latera unius singulis alterius parallela sunt & similiter posita.

II. Adeoque in figuris similibus *b₁B₁fe* & *RQS₁* erit $RA : \omega = B\beta : fe$, atque $RA.fe = \omega.B\beta$. Verum, quia triangula *QS₁* & *RAT* similia & QS ac RA æquales sunt, erit etiam $S\theta = RT$, & per consequens $\omega = RV$, ergo etiam $\omega.B\beta = RV.B\beta$, id est, per constructionem $= HI.Hh$; ac proinde $RA.fe = \text{rec-lo } IHh$ areæ CIYIC inscripto.

III. Igitur, quia filamentum fluidi ZB₁z in curvæ elementum B₁b impingentis impressio in hoc elementum juxta directionem BD est (§. 429.) AR.Be, quia AR exponit (secundum hypothesin) quadratum celeritatis fluidi curvæ allabentis. Impressio verò, juxta BD, virtualiter continet impressiones ipsi æquipollentes laterales, juxta BE & ED directiones axi AM perpendicularem & parallelam, quarum perpendiculares axi BE, utpote quæ contrariæ & directe oppositæ sunt, quatenus ex duobus elementis circa axem AM similiter, sed ad oppositas partes sitis B₁b, B₁b derivantur, se mutuo elidunt, ut adeò nulla earum ratio habenda sit, sed solæ impressiones, juxta directiones ED axi parallelas, considerandæ veniant. Est verò (§. 39.) impressio juxta BD ad impressionem juxta ED ut BD ad ED, seu, propter triangula similia, EBD & *fBe*, sicut Be ad *ef*, id est, ut RA.Be ad RA.fe seu (nùm. 11 hujus) rec-lum IHh. Atqui, ut initio hujus numeri dictum, impressio fluidi, juxta BD est RA.Be, ergo impressio fluidi in elementum B₁b, juxta directionem axi AM parallelam, est rec-lum IHh. Atque adeò impressio, quam omnia B₁b, seu tota curva CBABC à fluido subibit, id est, resistentia hujus curvæ exponetur omnibus rectangulis IHh, quæ in bilineo CIYIC continentur, & in bilineum istud evanescunt, hoc est, resistentia curvæ CBABC, juxta directionem MA, motæ in fluido exponenda est bilineo CIYIC. Impressio vero, quam linea FF à fluido ad angulos rectos excipit, exponitur rectangulo ex FF in RA, seu (quia constr. CL=RA) rec-lo CLLC. Ergo resistentia, quam curva CBABC in fluido patietur, erit ad resistentiam lineæ FF, ut area CIYIC ad rectangulum CLLC. Quod erat primum.

Quoad secundam partem Propositionis, cum impressio, quam elementum curvæ Bb a fluido subit juxta directionem ED axi parallelam, (num. III hujus) exponatur, rec-lo IHb , atque revolutione plani $CACY$ circa axem AY , elementum curvæ Bb describat zonulam conicam, quæ pariter elementum existet superficiei ex conversione curvæ CBA circa AM ortæ, rec-lum vero IHb eadem conversione describat tubum cylindricum solido ex figura $CIYM$ circa MY conversa inscriptum; liquet omnino impressionem fluidi, quam zona conica ex Bb circa AM subibit, in directione axi AM parallela, exponi debere tubo ex rec-lo IHb circa MY . Ergo resistentia, quam universa superficies ex curva CBA circa AM excipiet, juxta AM a fluido impingente, exponitur omnibus tubis cylindricis ex rec-lis IHb circa MY , id est, solido ex figura $CIYM$ circa MY revolvente, in quod omnes evanescent. Impressio verò quam circulus ex conversione lineæ AF circa AM ortus subibit, exponetur cylindro, cujus basis sit ipse circulus, impressionem fluidi ad angulos rectos excipiens, altitudo verò AR vel CL , seu MO , quæ quadratum celeritatis fluidi allabentis exponunt, vel etiam cylindro ex conversione rectanguli CMO circa MO . Adeoque est resistentia solidi rotundi in fluido $CBABC$ ad resistentiam circuli FF , ut solidum rotundum $CIYIC$ ad cylindrum $CLLC$. Quod erat secundum.

COROLLARIUM.

436. Cum (constr.) sint $RA = HK$ & $RV = HI$, & $AR : RV = RS : RT = RS^2 : RA^2$, erit etiam $HK : HI = RS^2 : RA^2$, & dividendo $IK : HI = AS^2 : AR^2$, propterea erit $RA : AS = \sqrt{HI} : \sqrt{KI}$. Adeoque, data alterutra ex duabus curvis patiente, vel scala resistentiarum ejus, innotescet semper altera, si non algebraice saltem transcendenter; & quidem scala resistentiarum semper algebraica erit, si patiens curva fuerit.

SCHOLIUM.

437. Ergo, si vocentur AN , x ; BN seu HM , y ; HI , t ; HK vel RM , a ; AS , m analogia præcedentis corollarii $RA : AS = \sqrt{HI} : \sqrt{KI}$, præbebit $a : m = \sqrt{t} : \sqrt{a - t}$ & $t = a^2 : aa + mm$. I°. Tum etiam $m = a\sqrt{(a - t : t)}$.. II°. Et quia triangula $b\theta B$ & ASR similia sunt, erit etiam $dx = dy\sqrt{(a - t : t)}$.. III°. Ac denique etiam $dy = dx\sqrt{(t : a - t)}$.. IV°.

IV°. Hæ postremæ nullo negotio ex secunda eliciuntur, substituendo duntaxat loco a & m elementa proportionalia dy & dx . Jam ope harum quatuor æquationum generalium varia problemata solvi possunt, quorum nonnulla proponere libet.

PROPOSITIO XLV. PROBLEMA.

438. *Assignare proportionem inter resistentias, quas triangulum isosceles BER in fluido patietur, si, ut in præcedente, modo basi BR, modo vertice E, directione AE in id feratur.* FIG. III

Exstructo super dimidia basi AB quadrato, AM demittatur ex A perpendicularis AF ad latus trianguli EB, & per punctum F agatur FG parallela axi EA, & facta AI vel BH æquali BG, erit recta HI scala resistentiarum lineæ EB, eritque adeo resistentia lineæ EB ad resistentiam lineæ BA ut rec-lum BI ad rec-lum BP, seu ut AI ad AP, atque adeò in duplicata ratione lineæ EB ad BA, vel aggregati laterum BE & ER ad basin BR trianguli isoscelis BER, atqui, ut resistentia lineæ EB ad resistentiam lineæ BA, ita resistentia linearum BE, RE simul, seu totius trianguli, præcedente ejus vertice E, ad resistentiam basis BR, ergo harum resistentiarum ratio æquivalet duplicatæ rationi laterum BE, RE ad basin BR. Nam, si BA repræsentet quadratum celeritatis trianguli, BG vel AI (§. 435.) exponet ordinatam constantem scalæ resistentiarum HI trianguli, vel potius lineæ rectæ patientis BE. Quod erat inveniendum & demonstrandum.

COROLLARIUM I.

439. Adeoque resistentia quadrati, juxta directionem lateris in fluido delati, erit ad resistentiam ejusdem, sed in directione diagonalis pari celeritate incedentis, ut diameter quadrati est ad latus ejusdem. Nam si triangulum isosceles BER cogitetur rectangulum esse in E, erit (§. 438.) resistentia laterum BE, ER juxta AE ad resistentiam basis BR, quæ diameter est quadrati cujus triangulum BER est semis, ut AI ad AP, seu BF ad BE, resistentia verò diametri quadrati BR perpendiculariter incedentis super AE, est ad resistentiam lateris quadrati BE itidem normaliter super AE delati, sicut BR ad BE seu 2BA ad BE, seu 2BE ad BR, id est BE ad BA, ergo ex æquo resistentia laterum BER, seu quadrati, juxta directionem

H h 3

dia-

diagonalis AE promoti in fluido, præcedente quadrati vertice E, ad resistantiam lateris BE fluidi, impressionem ad angulos rectos excipientis, est ut BF ad BA, seu ut latus BE ad diagonalem BR, adeoque invertendo, resistantia lateris BE super AE perpendiculariter in fluido delati, ad resistantiam quadrati juxta diagonalem incedentis, est ut diameter ad latus.

COROLLARIUM II.

440. Resistentia coni recti BER juxta directionem axis AE in fluido delati, præcedente tamen ejus vertice E, erit ad resistantiam ejusdem, præeunte ejus basi BR, iterum ut AI ad AP, seu ut BF ad BE. Nam (§. 435.) resistantia primi casus est ad alteram, ut cylindrus ex rectangulo AH circa AP ad cylindrum ex quadrato AM circa eandem AP, sed prior cylindrus est ad alterum ut AI ad AP, cum utriusque cylindri basis sit eadem. Ergo &c.

PROPOSITIO XLVI. PROBLEMA.

Fig. 110. 441. *Assignare resistantias Sectionum Conicarum juxta directionem axis in fluido motarum.*

Si ABC sit ellipsis vel hyperbola, cujus centrum sit in M; dicanturque semilatus transversum AM, b ; parameter c ; abscissæ AN, x ; semiordinatæ NB, y ; æquatio ellipseos & hyperbolæ erit $b^2yy = 2bcx + c^2xx$, in differentiata æquatione $bydy = bcdx + c^2xdx$, loco differentialium dy , dx earum proportionales a & m substituuntur, quæ sunt nomina linearum RA & AS, fietque $aby = bcm + cmx$, atque adeò $m = aby : bc + cx$, & $mm = aabby : bbcc + 2bccx + c^2xx$ (vel substituto ex æquatione curvæ valore ipsius $+ 2bccx + c^2xx$, in y) = $aabby : bbcc + bcy$; hinc $aa + mm = (aabby + aabcc + aacyy) : bcc + cy$, hinc, quia (§. 437.) $t = a^3 : aa + mm$, erit $t = abcc + acyy : bcc + by + cy$ (seu ponendo e pro $b + c$) = $abcc + acyy : bcc + ey$, & hæc foret æquatio scalæ resistantiarum CIY, ponatur insuper $bcc = eff$, & æquatio curvæ CIY erit $t = aeff + acyy : eff + ey = + ac : e ; + acff + aeff : eff + ey$ (& substituendo in numeratore postremæ fractionis, loco $+ c + e$ suum valorem b) = $+ ac : e ; + abff : eff + ey$.

Igitur elementum areæ MHIY, seu rectangulum IHb = $+ acdy : e ; + abffdy : eff + ey = + acdy : e ; + abd : e$; nominando arcum circulare a , cujus tangens est y & radius f ; quandoquidem (§. 166.) hujus arcus

cus elementum, seu da , est $= ff dy : ff + yy$. Ergo area ipsa erit $MHIY = (aba + acy) : e$. Adeoque, si basis CM dicatur g , & arcus radio f descriptus, cujus tangens est g , nominetur A , erit. universa area $MCIY = (abA + acg) : e$. Rectangulum verò $CO = ag$. Ergo resistentia, quam curva CBABC in fluido patietur, erit ad resistentiam lineæ FF, sicut quantitas $abA : e ; + acg : e$ ad ag ; id est, sicut $bA + cg$ ad eg . Quod erat inveniendum.

Hæc ipsissima est resistentiarum ratio, quam Celeb. Jac. Bernoullius pluribus verbis, at sine demonstratione & analysi, declarat Act. Erudit. Lips. 1693. pag. 253, art. 5. Hæc proportio tantum obtinet, cum sectio conica juxta directionem axis majoris movetur, signumque superius ellipsin, hyperbolam verò inferius respicit.

COROLLARIUM I.

442. Si b sit infinita præ parametro c , fiet $e = b + c = b$, atque adeò ratio $bA + cg$ ad eg , erit eadem, quæ bA ad bg vel A ad g . Unde cum ellipsis cujus, latus transversum est infinitum, abeat in parabolam, manifestum est, parabolæ in fluido latæ juxta directionem axis, præeunte modo vertice mox basi, resisti in ratione arcus circuli radio semiparametro parabolæ descripti, cujus axis tangens æquetur dimidiæ basi parabolæ, ad dimidiam hanc basin.

COROLLARIUM II.

443. Sin vero ABC fuerit *circulus*, ratio $bA + cg$ ad eg abit in rationem cujus termini algebraice dati sunt, quod omnino moxetur, ut hoc loco ostendatur. Quia circulus est ellipsis, cujus latus rectum æquatur parametro, fit hoc casu $b = c$, atque adeò $b - c = c = 0$, & hoc casu adhibenda est ratio $bA - cg$ ad eg , seu $\frac{bA}{e} - \frac{cg}{e}$ ad g , verum $-\frac{cg}{e} = -cg : b - c = g - \frac{bg}{b - c} = g - \frac{bg}{e}$, ratio $\frac{bA}{e} - \frac{cg}{e}$ ad g æquabitur rationi $\frac{bA}{e} + g - \frac{bg}{e}$ ad g . Atqui, juxta paragraphum 166, est $A = g - \frac{g^3}{3ff} + \frac{g^5}{5f^4} - \&c.$; ergo $\frac{bA}{e} + g - \frac{bg}{e} = g - \frac{bg^3}{3eff} + \frac{bg^5}{5f^4e}$ vel (quia $bcc = eff$) fiet etiam $= g - \frac{bg^3}{3bcc} + \frac{bg^5}{5bccff} - \&c. = g - \frac{g^3}{3cc} + \frac{g^5}{5ccff} - \&c.$ seu, (quia ff respectu cc aut gg infinita, atque adeò fractio $g^3 : 5ccff$ inde-

definite parva seu evanescens est) $= g - \frac{g^3}{3cc}$. Erit ergo resistentia segmenti circularis CBABC ad resistentiam ejus basis, seu ei æqualis rectæ FF, sicut $g; -g^3:3cc$, ad g , id est, ut $cc - \frac{1}{3}gg$ ad cc , vel $bb - \frac{1}{3}gg$ ad bb , aut, quod eodem recidit, velut quadratum diametri, demta una triente quadrati baseos segmenti, ad quadratum diametri, prorsus ut invenit Cl. Bernoullius in loco supra (§. 141.) citato.

S C H O L I O N.

444. Solidum rotundum CIYIC est ad cylindrum CLLC sicut omnia MH. HI. Hb ad $\frac{1}{2}MC^2$. CL, vel sicut $stydy$ ad $\frac{1}{2}ayy$. Atqui cum t sit (§. 441.) $= \bar{+}ac:e; +abff:eff+eyy = a - \frac{ab}{e} + abff:eff + eyy$, erit $tydy = aydy; -abydy:e; +abfftydy:eff+eyy$; ergo $stydy = \frac{1}{2}ayy; -abyy:2e; + \frac{abff}{e} \cdot \log. \sqrt{(ff+yy:ff)}$. Nam integrale ipsius $ydy:ff+yy$ est $\log. \sqrt{(ff+yy:ff)}$. Ergo solidum rotundum, ex MHIY circa MY, ad cylindrum HKKH, vel ratio resistentiæ solidi BAB ad resistentiam baseos BB, præeunte modo vertice A, modo basi BB in directione MA, est sicut $\frac{1}{2}ayy; -\frac{1}{2}abyy:e; + \frac{abff}{e} \cdot \log. \sqrt{(ff+yy:ff)}$ ad $\frac{1}{2}ayy$, vel sicut $yy; -byy:e; + \frac{2bff}{e} \cdot \log. \sqrt{(ff+yy:ff)}$ ad yy ; aut denique etiam, ut $\frac{2bff}{e} \cdot \log. \sqrt{(ff+yy:ff)} + \frac{yy}{e}$ ad yy . Ubi iterum signum superius respicit ellipsin, hyperbolam verò inferius.

Idcirco conoidi parabolico in directione axis suæ lato resistitur, præeunte modo vertice modo basi, in ratione $2ff \cdot \log. \sqrt{(ff+yy:ff)}$ ad yy , vel $2cc \cdot \log. \sqrt{(cc+yy:cc)}$ ad yy .

445. Sphæræ segmento resistitur, in iisdem ac in præcedentibus circumstantiis, in ratione $cc - \frac{1}{3}yy$ ad cc ; atque adeò resistentia hemisphærii, juxta directionem axis MA lati, erit tantum semissis resistentiæ lineæ FF.

Nam in sphæra fit $b=cc$ & $e=0$, at $\log. \sqrt{(ff+yy:ff)} = \frac{yy}{2ff} - \frac{y^4}{4f^4} + &c.$ hinc ratio $yy; -byy:e; + \frac{2bff}{e} \cdot \log. \sqrt{(ff+yy:ff)}$ ad yy abibit in rationem

tionem $yy - \frac{by^2}{2eff}$ ad yy ; vel $2eff - byy$ ad $2eff$ (aut quia $eff = bcc$), in $2bcc - byy$ ad $2bcc = 2cc - yy$ ad $2cc = cc - \frac{1}{2}yy$ ad cc .

PROPOSITIO XLVII. PROBLEMA.

446. *Invenire curvam patientem ABC, quæ sui ipsius sit scala resi-* Fig. II.
stentiarum.

Oportet ergo curvas CAC & CYC similes & æquales esse; adeò ut $BH = HI$, & $AM = MY$, ut & $AN = PY$. Positaque, ut in præcedentibus, RS parallela elemento curvæ quæsito Bb , erit $RV = HI = BH$, & $Ru = hi = bh$, adeoque $\beta b = Vu$, ductisque per u recta uo ipsi RS occurrente in puncto σ , & per hoc rectula $\sigma\pi$ parallela RA, & super diametro RA descriptus circulus transibit per punctum T, cum angulus RTA (constr.) rectus sit; quibus positis, & cum jam dictum sit $Vu = \sigma\pi$ æquari βb , erit $T\pi = B\beta = Hb$; atqui producta uo usque ad occursum cum semicirculo ϕ ex hoc puncto agatur $\phi\rho$ parallela RA, $T\pi = T\rho + \pi\rho = T\rho + \phi\sigma$, seu, ut alibi (§. 463, num. III.) ostendetur $= T\rho + T\phi$, unde omnes $T\pi$ seu $B\beta$ id est ordinata $BN = \text{omn. } T\rho$, seu ordinatæ TV + omnibus arcibus T ϕ , seu arcui AT, est ergo ordinata curvæ quæsitæ BN aggregatum arcus AT ejusque sinus; atque adeò curva ABC est cyclois ordinaria. Quod erat inveniendum.

Hinc resistentia cycloidis CBABC erit ad resistentiam basis ejusdem, ut area cycloidis ad rectulum circumscriptum, atque adeò ut 3. ad 4.

PROPOSITIO XLVIII. PROBLEMA.

447. *Ex omnibus frustis conicis BCSR super eadem data basi BR* Fig. III.
ejusdemque altitudinis AD invenire verticem E illius, cui minime resi-
statur, si in directione axis AD in fluido incedat data quadam celeri-
tate.

Super AB, facto quadrato AM ex A super EB, demittatur perpendicularis AF, & ducatur FG parallela axi conici EA, factaque $BH = BG$ agatur HI parallela BA, & (§. 435.) HI erit scala resistentiarum trianguli BER, cylindrusque ex conversione recti AH circa AI exponit resistentiam conici BER in fluido, & cylindrus ex AL resistentiam conici CES, atque adeò annulus ex conversione rectanguli KH circa AP exponet resistentiam curticoni BCSR, ex-

cepta resistantia, quam circulus CS subibit in fluido, cujus imprefiones ad angulos rectos excipit, quæ circuli CS resistantia exponitur cylindro ex AN circa AP. Ergo resistantia universi frusti conici BCSR exponi debet duobus solidis, scilicet annulo ex KH circa AP, & cylindro ex AN circa eandem, & (secundum hypothesin) hæc duo solida *minimum* quoddam efficere debent. Sit V punctum medium ipsius BK, eritque VA distantia centri gravitatis rectanguli BL ab axe AP, adeoque p . AV exprimet circumferentiam, quam centrum gravitatis una rec-li conversione describet circa DA, ubi p significat exponentem rationis peripheriæ circuli ad radium. Unde cum solida rotunda (§. 47.) inveniantur ex ductu figuræ rotantis circa aliquem axem in viam centri ejus gravitatis, factum ex rec-lo BL in p . AV, id est p . AV. CK. BH æquabitur annulo ex rec-lo BL circa AP, peripheria vero, quam centrum gravitatis rectanguli AN describit, erit $\frac{1}{2}p$. AK, adeoque $\frac{1}{2}p$. AK². KN erit valor cylindri ex AN circa AP. Atque adeò p . AV. BK. BH + $\frac{1}{2}p$. AK². NK exponit resistantiam quam curticonus BCSR in fluido subibit, ac propterea efficere debet aliquod *minimum*. Aut etiam annulus ex rectangulo LM circa AP rotato debet esse in suo genere *maximus*, quandoquidem prædictorum solidorum ex KH & AN complementum est ad datum cylindrum ex quadrato AM circa AP rotato. Adeoque p . QI. HL. HM quod solidum annulum illum ex LM exprimit, debet esse *maximum*. Jam, si dicantur AB, a ; AD, $2b$, seu AO & OD, unaquæque seorsim b ; AE, x ; facili calculo reperietur solidum p . QI. HL. HM = $(x-b) \cdot 2a^2bp : aa + xx$, unde omiſſa quantitate constante in numeratore, quacum indeterminata $x-b$ multiplicata est, $(x-b) : aa + xx = \text{maximo}$. Hinc $\log. (x-b) - \log. (aa + xx) = \text{constructio}$, atque adeò $dx : x-b = 2x dx : aa + xx$, hinc $aa + xx = 2xx - 2bx$, id est, $xx - 2bx = aa$, vel $xx - 2bx + bb = aa + bb$, vel extrahendo radicem $x-b = \sqrt{(aa + bb)}$, seu $x = b + \sqrt{(aa + bb)}$. Quæ æquatio ipsissimam constructionem suppeditat, quam Celeb. Newtonus sine analysi & demonstratione tradidit in Schol. post Prop. 35. Lib. Sec. *Princ. Phil. Nat. Math.* quæ ita habet: ex puncto medio O altitudinis AD frusti conici ducatur OB, cui æqualis fiat OE, eritque E vertex conii quæſiti BER.

PROPOSITIO XLIX. PROBLEMA.

Fig. 112 448. *Datis positione recta CI duobusque punctis A & B, invenire in*

in hac recta positione data tertium punctum C, ut lineæ ex eo ad data puncta ductæ AC, CB cum rectis AD, BF rectæ CI ejusque parallelæ DF normalibus, figuram rectilineam DACBF formet, quæ circa axem DF in gyrum acta producat solidum, cujus superficies exclusis circulis à lineis AD, BF descriptis, minimam in fluido resistantiam patitur, incedente solido juxta directionem axis FD.

Analys. Puncta data A, B à rectâ CI æqualiter distare ponantur, ut sint æquales CG & BI. Ex puncto T medio datæ lineæ LM (quadratum celeritatis exponentis, quâ fluidum solido patienti alliditur) tanquam centro descriptus sit semicirculus LPM, quem linea MO alteri DF in directum posita contingat in M, eritque adeo LM parallela ipsis AD & BF. Per L agantur LO, LN parallelæ lineis AC, BC, secantes semicirculum in P & Q, per quæ puncta transeant PR, QS parallelæ MN; rectæ MP & MQ ipsis PL & QL perpendiculares erunt. Puncto C, aliud c indefinite vicinum intelligatur, tum etiam rectæ cA, cB ductæ sint, & hisce parallelæ Lo, Ln semicirculum secantes in punctis q & p, per quæ pariter transeant ordinatæ qs & pr, ductisque Pp & Qq parallelis diameter LM, p & q erunt elementa ordinarum PR & QS. Sit iterum p exponens rationis circumferentiæ circuli ad radium, bisectisque CG in α, & BI in β, denotabunt p. Ea circumferentiam radii Ea, & p. Fβ circumferentiam radii Fβ, adeoque annuli à lineis CG, Bi circa DF revolventibus geniti, erunt p. Ea. CG, & p. Fβ. BI.

II. Jam per ea, quæ in præcedentibus (§. 435.) sunt ostensa, resistantia, quam in fluido subibit annulus conicus à recta AC circa DF in orbem acta descriptus, exponitur per p. Ea. CG. LS & resistantia annuli ex BC circa DF. per p. Fβ. BI. LR, adeoque resistant. annuli AC + resistant. annuli BC = p. Ea. CG. LS + p. Fβ. BI. LR. Similiter resistant. annuli ex Ac + resistant. annuli Bc = p. Ea. CG. LS + p. Fβ. BI. LR. Jam, quia ex natura *minimi* resistantia annuli AC + resistant. annuli BC = resistant. annuli Ac + resistant. annuli Bc, erit etiam p. Ea. CG. LS + p. Fβ. BI. LR = p. Ea. CG. LS + p. Fβ. BI. LR, vel quia (secundum hypothefin) CG & BI æquales sunt, dividendo per p. CG aut p. BI, erit Ea. LS + Fβ. LR = Ea. Ls + Fβ. Lr atque adeo Ea. Ss = Fβ. Rr, vel Ss : Rr = Fβ : Ea.

III. Ob parallelas LO, AC, & Lo, Ac; erit Oo : LM = cC : CG, vel Oo : Cc = LM : CG & Nn : Cc = LM : BI vel CG, ergo Oo = Nn. Atqui Nn : Pp ut triangulum NLn ad 2. triangula PTp, quorum scilicet basis Pp, altitudo verò pT; nam trianguli hujus PTp duplum

est triangulum, cujus basis etiam Pp , sed altitudo dupla ipsius pT , seu diametro LM æqualis; atque adeò ejusdem altitudinis cum triangulo LNn : & angulus NLn =angulo (modo nominati trianguli) ad verticem in circumferentia alterius semicirculi in figura non expressi; ergo $Nn:Pp=NL^2:LM^2=NL:PL=LM:LR$. Eodem argumento est $Oo:Qq=LM:LS$, seu invertendo $Qq:Oo$ vel $Nn=LS:LM$; ergo ex æquo $Qq:Pp=LS:LR$. Sed propter triangula similia Qqp & TQS , est Ss vel $Qp:Qq=QS:QT$, ergo ex æquo $Ss:Pp=LS.QS:LR.QT$. Item propter triangula similia Ppx , TPR est $Pp:Px$ vel $Rr=PT$ vel $QT:PR=LR.QT:LR.PR$, ergo denuo ex æquo fit, $Ss:Rr=LS.QS:LR.PR$; atqui supra (num. 11. in fine) invenimus $Ss:Rr=F\beta:E\alpha$, ergo $F\beta:E\alpha=LS.QS:LR.PR$, & $E\alpha.LS.QS=F\beta.LR.PR$.

IV. Igitur, si dicantur LM, a ; $E\alpha, e$; $F\beta, f$ & MO, m ; quarta proportionalis MZ ad datas BH, HA & LM dicatur g , & hæc g vel MZ deprehendetur esse media arithmetica inter incognitas MO & MN , unde, cum MO sit m , altera MN invenietur $=2g-m$. Et substitutis his valoribus in canone paulo ante reperto $E\alpha.LS.QS=F\beta.LR.PR$, pervenietur ad æquationem quinque dimensionum, quæ, salvo calculo, erit ut sequitur:

$$\begin{array}{rclclcl}
 +e m^5 & -8eg.m^4 & +24egg.m^3 & -8aage.mm & +a^4e.m & -2a^4fg & =0. \\
 +f & -2fg & +2aaf & -4aafg & +a^4f & & \\
 & & +2aae & -32g^4e & +16g^4e & & \\
 & & & & -8aaegg & &
 \end{array}$$

Cujus radices determinant valores quæsitæ MO ; qua inventa ductaque OL , si per datum punctum A ducetur AC parallela ipsi OL , quæ AC occurrat rectæ CI , ei occurret in optato puncto C . Quod erat inveniendum.

Exiisset pariter æquatio 5. dimensionum, si vel maxime lineas CG & BI inæquales assumpsissemus.

COROLLARIUM I.

449. In canone supra invento $L\alpha.LS.QS=F\beta.LR.PR$ jam continetur solutio problematis de *solido minimæ resistantiæ*. Hoc enim casu CG & BI perinde ac AG & CI supponendæ sunt indefinite parvæ, quo fiet, ut αE & AD , item βF & CE instar æqualium tractari debeant; & cum omnia solida $L\alpha.LS.QS$; $F\beta.LR.PR$, &c. singula scilicet cur-

curvæ elementa AC, CB, &c. respicientia; æqualia sint, ponatur unumquodque eorum dato cubo LM³ æquale, eritque adeò La. LS. QS = LM³, aut vocando Ea vel DA, y ; CG, dy ; AG, dx ; & ut prius LM, a , & denique MO, m ; $a^3my : (aa + mm)^3 = a^3$, hinc $y = (aa + mm)^3 : aam = aa : m ; + 2m ; + m^3 : aa$, & $dy = - aadm : mm ; + 2dm ; + 3mm dm : aa$, & quia propter similitudinem triangulorum CGA & LMO, est $mdy = adx$, ideo invenietur quoque $dx = - adm : m ; + 2mdm : a ; + 3m^3 dm : a^3$; ergo $x = mm : a ; + 3m^4 : 4a^3 - lm$, ubi lm significat log-um indeterminatæ m in log-mica, cujus subtangens est a . Et hæc solutio ad amissim convenit cum ea, quam Celeb. Joh. Bernoullius in Act. Erud. Lips. 1699. p. 515. exhibuit, & in Actis anni sequentis uberius explicuit.

COROLLARIUM II.

450. In æquatione $y = (aa + mm)^3 : aam$, vel $y : a = (aa + mm)^3 : a^3m$, si loco $aa + mm$, a , & m substituantur differentialia ds , dy , & dx , quæ illis proportionalia sunt, proveniet $y : a = ds^3 : dx dy^3$; ad eòque $ads^4 = y dx dy^3$, quæ est æquatio differentialis curvæ quæsitæ in quam laudatissimus Bernoullius citato loco incidit, & ex ea postea expressiones coordinatarum in præcedenti corollario repertas elicit. Hisce omnibus Illustris Marchionis Hospitalii solutio etiam consona est, quam in Actis Lips. & in Commentariis Acad. Reg. Scient. anni 1699. publicari voluit.

Solas hætenus resistentias illas contemplati sumus, quas corpora in fluidis delata subeunt, cum juxta directionem axis moventur. Sed si in aliis directionibus incedant, res evadet paulò altioris indaginis, ut ex sequenti problemate eleganti abunde patebit.

PROPOSITIO L. PROBLEMA.

451. Si datum trilineum quodcunque ABH, curva AVB ejus axe AH & ordinata BH terminatum, quomodocunque in fluido feratur juxta directionem SM ex S versus M, invenire mediam directionem X fluidi curvæ AVB allabentis, & impressionem, quam fluidum juxta inventam mediam directionem in trilineum exferet. Fig. 113

Analysis Geometrica. I. Per quodlibet curvæ AVB elementum Bb agantur BB, bb rectæ ipsi SM parallelæ, ductisque BC & Ce rectæ bb & elemento curvæ Bb normalibus, exponatque MO perpendi-

cularis ad axem curvæ AH quadratum celeritatis, quâ trilineum in fluido incedit, vel quod idem est, quadratum velocitatis, quâ filamentum $bBBb$ elemento curvæ Bb allabitur, exponetque (§. 429.) MO. Be impressionem, quam filamentum $bbBB$, juxta directionem BF in elementum Bb exferet, sed impressioni isti æquipollent laterales juxta BG & GF, quarum hæc axi AH parallela, illa verò perpendicularis est; & quia impressiones juxta BF, BG & GF sunt ut hæ lineæ respective, vel propter triangulorum BFG & Bgf similitudinem, sicut Be, Bf & gf, atque impressio juxta BF = MO. Be, erit impressio juxta GF = MO. gf, & impressio juxta BG, = MO. Bf. Et sic respective in quolibet alio curvæ elemento.

II. Agantur porrò per M recta MN parallela elemento curvæ Bb , vel tangenti curvæ in B, ex N perpendicularis NP ad lineam SM, quantum opus est productam, PQ normalis MN, & denique QR parallela MO, eritque figura NPMO similis figuræ BCbE, cum singula latera unius figuræ parallela sint singulis alterius. Propterea latera in hisce duabus figuris similiter posita proportionalia erunt; hoc est, $bE : ef = MO : QR$, atque adeò $MO. ef = QR. bE$. Vel etiam, ducta per B recta indefinita BL parallela axi AH, atque in ea sumta KL ubique æquali respectivæ QR, ita ut inde nova curva duL resultet, erit $MO. ef (= QR. bE) = KL. Kk$ seu rec-lo figuræ $A\delta LK$ inscripto.

Item $EB : fB (= ON : RN) = MO : QR$, ac consequenter $MO. Bf = QR. EB$, vel etiam = rec-lo IHb areæ $A\delta IH$ inscripto, si, etiam in singulis ordinatis BH ultra axem AH productis, sumta fuerint segmenta HI æqualia homologis QR seu KL.

III. Quoniam igitur singulæ fluidi impressiones in curva AVB juxta directiones curvæ perpendiculares æquipollent lateralibus axi curvæ parallelis exponendis (num. I. hujus) rec-lis MO. ef, vel (num. II.) rec-lis LKk, & perpendicularibus axi exponendis (num. I.) per rec-la MO. Bf, seu (num. II.) per rec-la IHb , impressio, quam universa curva AVB à fluido subibit, æquipollebit omnibus LKk & omnibus IHb ; atqui omnium potentiarum kKL axi AH parallelarum media directio Zu , axi itidem parallela, (§. 56.) transit per centrum gravitatis areæ $A\delta LK$, quæ omnia LKk continet; & omnium potentiarum IHb axi AH perpendicularium media directio VY, axi AH normalis, seu ordinatis HI curvæ uYI æquidistans, transit per centrum gravitatis figuræ $A\delta IH$, quæ omnia IHb continet. Ergo impressio, quam fluidum in curvam AVB exercit

rit, eundem effectum præstat, quem præstaret potentia, quam exponit rec-lum $MO.XZ$, æquale areæ $A\delta LK$, agens in curvam juxta directionem XZ , simul cum potentia $MO.XY$, æquali areæ $A\delta IH$, agente in curvam AVB juxta directionem XY , quandoquidem hæ potentia $MO.XZ$ & $MO.XY$ æquivalent omnibus LKk & omnibus IHh , & in harum omnium mediis directionibus XZ & XY curvæ AVB applicatæ intelligantur. Sed (§. 49.) media directio potentiarum $MO.XZ$ & $MO.XY$ est $X\omega$, transiens per centrum gravitatis ω punctorum Z & Y , quibus rectæ XZ & XY terminantur, & quorum punctorum gravitas exponitur per datam MO , & impressio, quam proinde fluidum juxta hanc mediam directionem $X\omega$ in curvam AVB exeret, exponetur rec-lo $2MO.X\omega$.

IV. Sin verò curva A_2V_2B sit subter axem AH constituta, quæ juxta directionem eidem ac in præcedenti casu SM , parallelam feratur, transferenda erit OS ad oppositam partem O_2S , & ducenda M_2S , tum ex puncto N demitti debet super M_2S perpendicularis N_2P , & $2P_2Q$ super MN , ac denique $2Q_2R$ parallela MO , posita scilicet MN parallela tangenti curvæ A_2V_2B ad alteram axis AH partem translata in puncto $2B$, erit $2Q_2R$ communis ordinata curvarum δuL & αYI , sed ad curvam inferiorem A_2V_2B pertinentium, quas deinceps, confusionis vitandæ gratia, per $2\alpha 2u 2L$ & $2A_2\alpha 2Y 2I$ insigniemus, quanquam in schemate expressæ non sunt, quia mente facile supplentur. Erit ergo impressio fluidi in curva inferiore A_2V_2B , juxta mediam directionem ejus $2X_2\omega$, exponenda per $2.MO.2X_2\omega$, eandem prorsus ob rationem, propter quam impressio in curva AVB juxta mediam directionem $X\omega$ ostensa est exponi rec-lo $2.MO$ in $X\omega$. Quod verò loco ipsius SM in curva AVB nunc sumenda sit $2SM$ inde est, quia revolutione figuræ A_2V_2B cum lineis $2B_2B$ ipsis BB (secundum hypothefin) parallelis circa axem AH , adeo ut si curva A_2V_2B alteri AVB similis & æqualis fuerit, cum ea congruat, lineæ $2B_2B$ veniunt in situm B_2B subter rectam BL , eosdem vel æquales angulos constituentes cum angulis BBL , quos lineæ BB supra BL extantes cum hac BL continent, adeo ut anguli quilibet homologi BBL & LB_2B vel anguli MSO & M_2SO æquales futuri sint.

V. Si jam bilineum BVA_2V_2B juxta directionem ipsis BB , $2B_2B$ vel AT parallelas in fluido incedat, & quærat media directio $C\sigma$ impressionum fluidi in curva BA_2B , sic res expediri potest beneficio numerorum quarti & tertii hujus propositionis. Per nume-
rum

Fig. 114.

rum tertium etiam habentur media directio $X\beta$ & impressio fluidi in curva AVB, quæ illic exponebatur per $2.MO.X\omega$. Sit igitur $X\beta = 2M\omega$ in fig. 113. eritque $MO.X\beta$ impressio fluidi, juxta mediam directionem in curva AVB, designante MO ubique velocitatis quadratum, qua celeritate videlicet fluidum curvæ prædictæ affluditur. Similiter, juxta numerum quartum hujus, inveniuntur media directio $2X2\beta$ & impressio fluidi, juxta hanc mediam directionem 2 in $2X2\omega.MO$, vel (si $2X2\beta$ sit dupla ipsius $2X2\omega$) $MO.2X2\beta$. A puncto intersectionis C duarum $X\beta$ & $2X2\beta$ fumantur in hisce æquales $C\theta$ & $C2\theta$, scilicet $C\theta = X\beta$ & $C2\theta = 2X2\beta$, jungaturque $\theta2\theta$, adeoque per §. 49. media directio potentiarum $MO.C\theta$ & $MO.C2\theta$, quæ æquipollent fluidi impressionibus, quas ambæ curvæ AVB & A_2V_2B subeunt, transit per centrum gravitatis punctorum θ & 2θ , id est, per punctum medium σ rectæ $\theta2\theta$, & per punctum C, atque adeo hæc media directio est $C\sigma$, potentiaque seu impressio fluidi in universa curva BVA_2V_2B erit $2.MO.C\sigma$. Quæ omnia erant invenienda.

Aliter & brevius.

Numerus tertius hujus propositionis, ac consequenter quæ post eum sequuntur, omnia velut corollarium duntaxat deduci possunt ex Propositione VIII. Libri Primi §. 59. Nam figuræ similes $NPMO$ & $BCbE$ præbent $bB:eB(=MN:QN)=MO:QR$ atque adeo $MO.Be=Bb.QR$. Atqui $MO.Be$ (num. 1. hujus) exponit impressionem filamenti fluidi $bbBB$ in curvæ elemento Bb , ergo hæc impressio etiam exponi potest per $Bb.QR$, atque adeo fluidum eandem vim in elementum Bb exferit, quam si singula elementi puncta juxta directiones eidem perpendiculares urgerentur potentia QR , adeo ut tota res reducatur ad Coroll. 1. prædictæ Prop. 8. Lib. I. Idcirco duntaxat propositionis ejusque corollarii constructiones forent relegendæ, atque loco curvarum ABB , XF & XD in figura 15. substituendæ AVB, αYI & δuL figuræ 113. ac denique, loco potentiarum BG in illa, subrogandæ potentia QR in hac figura, incidemusque in easdem penitus conclusiones, quas in præcedentibus numeris præsentis propositionis elicuimus.

COROLLARIUM I.

452. Idcirco, ducta per punctum C recta Co parallela axi AH, inveniatur sinus totus ad tangentem anguli $\sigma C\sigma$, quem media directio C α bilinei BA δ B cum axe AH, seu linea huic axi parallela Co continet, ut aggregatum arearum A δ LK & 2A $\delta\delta$ L δ K ad differentiam arearum A α IH & 2A $\alpha\alpha$ I α H. Nam demissis ex punctis θ , σ , 2 θ perpendicularibus $\theta\theta$, $\sigma\zeta$, 2 θ 2 θ ad Co, & quia σ est punctum medium rectæ θ 2 θ , seu centrum gravitatis punctorum θ , 2 θ , erunt (§.46.) 2.C ζ =Co+C σ , & 2. $\xi\sigma$ = $\theta\theta$ —2 θ 2 θ ; adeoque C ζ : $\xi\sigma$, vel sinus totus ad tangentem anguli $\xi C\sigma$ =Co+C σ : $\theta\theta$ —2 θ 2 θ =MO. Co+C σ :MO. $\theta\theta$ —MO.2 θ 2 θ =A δ LK+2A $\delta\delta$ L δ K ad A α IH—2A $\alpha\alpha$ I α H. Nam (constr.) MO.Co; MO.C σ ; MO: $\theta\theta$ & MO:2 θ 2 θ æquantur areis A δ LK, 2A $\delta\delta$ L δ K; A α IH & 2A $\alpha\alpha$ I α H.

COROLLARIUM II.

453. Sin verò bilineum fuerit ABE δ BA, cujus partes, superior Fig. 115 ACB & inferior A δ B, inæquales sint, punctumque altissimum C arcus curvæ superioris ACB non existat in arcus termino B, sinus totus erit ad tangentem anguli, quem media directio impressionis fluidi in bilineo B δ B cum axe AE continet, ut A δ LK+A $\delta\delta$ L δ K—FKL ad A α YI—A $\alpha\alpha$ Y α I. Ubi δ L est scala impressionum fluidi axi bilinei AE parallelarum, quæ ex perpendicularibus curvæ arcui AC derivantur, & FL est scala impressionum axi etiam parallelarum, sed derivatarum ex perpendicularibus arcui curvæ BC, & quia impressiones illæ axi parallelæ, quibus arcus BC afficitur, directe contrariæ sunt parallelis axi AE, quibus AC urgetur, ideo differentia arearum A δ LK & FLK sumenda est ad habendam expressionem impressionum axi AE parallelarum, quibus tota curva ACB supra axem extans afficitur. Curvæ verò α YI, $\alpha\alpha$ Y α I ad axem IA extructæ sunt scalæ impressionum axi AE normalium ex perpendicularibus curvarum ACB & A δ B impressionibus derivatarum, ac denique $\alpha\delta$ L δ K est scala impressionum axi parallelarum pertinentium ad curvam A δ B. Curvarum α YI & $\alpha\alpha$ Y α I ordinatæ in punctis axis I & α I nullæ sunt, quia lineæ BB & δ B δ B, quæ fluidi bilineo allidentis directionem denotant, bilineum in punctis B & δ B contingunt. Propter eandem rationem etiam curvæ FL ordinata

K k

in

in puncto F, in quo scilicet recta BF axi parallela alteri AK occurrat, nulla est.

COROLLARIUM III.

Fig. 113. 454. Si jam dicantur MO, a ; OS, b ; MS, c ; coordinatæ AH, x ; BH, y , & ON, m ; ac MN, n : erunt $SN = b + m$, vel N_2S respectu curvæ inferioris $= b - m$. Hinc similitudo triangulorum SMO, SNP præbebit PN vel $N_2P = (ab + am) : c$, ubi signum superius respicit curvam superiorem AVB, inferius verò inferiorem. Porro habetur MO : QR (= MN : QN) = $MN^2 : PN^2$; atque adeò QR = MO. $PN^2 : MN^2 = (b + m)^2 : a^2$; $aacc + cmm$, vel assumendo magnitudinem e , atque ponendo ecc æquale a^2 ; $= (b + m)^2 : e$; $aa + mm = (bbe + 2bem + emm) : aa + mm = e$, $+ 2bem : nn$; $+ (bb - aa) : e : nn$, vel ponendo denique $bb - aa = ff$, invenietur tandem scalarum resistentiæ seu fluidi impressionum communis ordinata $QR = KL = HI = e$; $+ 2bem : nn$; $+ eff : nn$.

Fig. 116. Jam data æquatione curvæ patientis AVB, vel A_2V_2B , eaque differentiatâ, si loco elementorum dy & dx ordinatæ & abscissæ substituantur eorum proportionales a & m , seu MO & ON, habebitur æquatio expressa indeterminatis x , y & m , & quantitativis datis seu constantibus, ex qua elicietur valor ipsius m in x & y ac constantibus, in quo ope æquationis curvæ patientis AVB vel A_2V_2B , alterutra ex indeterminatis x vel y semper eliminari potest. Invento verò valore ipsius QR in y & constantibus, areæ A_1LK , $2A_2L_2K$, & A_1IH , $2A_2I_2H$ inveniri poterunt, si non algebraice saltem transcendenter per series, aut etiam approximationibus. Sed horum omnium usus uno atque altero exemplo illustrari debet.

455. EXEMPLUM I. Esto rectangulum BA_2B incedens juxta directionem AT in fluido resistente; quaeritur media directio SA impressionum hujus fluidi rectangulo allabentis. Angulus BA_2B recta AH bisectus sit, & hæc linea AH versus W producta consideretur instar axis linearum AB & A_2B , quarum hæc repræsentat curvam patientem inferiorem, illa vero superiorem; atque demissis ex B, $2B$ & ex puncto T in recta AT, pro libitu accepto, perpendicularibus BH, $2B_2H$ ac TW secante AN in puncto S, erunt $AH = BH$ & $A_2H = 2B_2H$, propter angulos semirectos BAH & $2B_2A_2H$. Sint insuper $AH = BH = X$ & $A_2H = 2B_2H = x$, & $BH = Y$, $2B_2H = y$, unde $X = Y$ & $x = y$; hinc $dX = dY$, & $dx = dy$; unde utroque casu erit $\phi = m$, atque

atque adeò $mn (=aa + mm) = 2aa$. Ergo substitutis hisce valoribus in formula ipsius QR valores determinante, inveniatur pro linea AB ejus valor huic casui applicatus $QR (=e, + 2bem : mn ; + eff : mm) = e ; + be : a ; + eff : 2aa$, (seu restituendo $a : cc$, & $bb - aa$ valores quantitatum e & ff) $= (a^2 + 2aab + abb) : 2cc$. Adeoque elementum areæ AδLK seu rec-lum $Lk = (aa + 2ab + bb) : adY : 2cc$, & area ipsa $= (aa + 2ab + bb) : a. AH : 2cc$. Similiter area $2A_2δ_2L_2K$ erit $= (aa - 2ab + bb) : a. A_2H : 2cc$. Area A_2IH pro linea $AH = (aa + 2ab + bb) : a. AH : 2cc$; & area $2A_2δ_2L_2H = (aa - 2ab + bb) : a. A_2H : 2cc$. Hinc (§. 452.) $AW : SW$ seu sinus totus ad tangentem anguli $SAW = AδLK + 2A_2δ_2L_2K : A_2IH - 2A_2δ_2L_2H$, atque adeo analytice erit, $AW : SW = (aa + 2ab + bb) : a. AH, + (aa - 2ab + bb) : a. A_2H$ ad $(aa + 2ab + bb) : a. AH, - (aa - 2ab + bb) : a. A_2H = (2ab + cc) : AH, + (cc + 2ab) : A_2H$ ad $(cc + 2ab) : AH, - (cc - 2ab) : A_2H$. Ducatur TV parallela AL, eritque ob angulos semirectos MFW & WTV, $MW = TW = WV$, atque adeò cum AW (§. 454.) dicatur b & TW, a ; erunt $a + b = AV$, seu $aa + 2ab + bb = AV^2 = cc + 2ab$, & $aa - 2ab + bb = cc - 2ab = AM^2$; hinc $AW : SW = AV^2 : AH + AM^2 : A_2H = AV^2 : AH - AM^2 : A_2H = TL^2 : AH + ML^2 : A_2H : TL^2 : AH - ML^2 : A_2H = R : T^2 + Rt : R : T^2 - Rt = T^2 + Rt : T^2 - Rt$. Positis $AL : TL = R : T$ & $AH : A_2H = R : t$, ita ut T & t. tangentes sint angulorum datorum TAL & AB₂B, ducta scilicet rectanguli diametro B₂B, existente sinu toto seu radio R. Ducatur adhuc NX parallela TV vel AL, eruntque etiam MQ, NQ, & QX æquales; jam quia $AW : SW = AQ : NQ$ vel QX , erit etiam $= AX + AM : MX = LN + LM : LN - LM$, atque adeò $AW + SW : AW - SW = 2LN : 2LM = LN : AL$ vel LM . Verum, quia paulò ante reperiebatur $AW : SW = T^2 + Rt : T^2 - Rt$, erit etiam $AW + SW : AW - SW = T^2 : Rt$; ergo etiam $LN : AL = T^2 : Rt$; sed est $AL : LT = R : T = Rt : Tt$; ergo ex æquo $LN : LT = T^2 : Tt = T : t$. Ducatur diagonalis rectanguli $2AA$, eaque producat in Z, & existente AL radio, seu sinu toto, erunt TL & ZL tangentes angulorum TAL & ZAL vel A_2A_2B ; quæ tangentes dicebantur T, & t; atque adeò $LN : LT = LT : LZ$; sunt ergo NL, TL & ZL in continua ratione, ac per consequens NL ad TL in subduplicata ratione NL ad ZL, sed hæc ratio NL ad ZL componitur rationibus NL ad AL, & AL ad ZL, id est, $2A_2B$ ad A_2B ; ergo ratio NL ad TL est subduplicata ejus, quæ componitur ex NL ad AL & longitudinis rectanguli AB ad latitudinem A_2B ,
Kk 2 atque

atque hæc est analogia, quam Celeb. Jac. Bernoullius in Actis Lipsi. 1696. pag. 336. sine ulla analysi & demonstratione exhibuit, & in quam haud dubie via multo brevior incidit. Nam licet hunc casum particularem non parum brevius, quam hoc loco à nobis factum sit, solvi posse non ignoro, non abs re tamen fore arbitratus sum, si methodum nostram generalem talia tractandi etiam in aliquo casu fusius illustrarem, de cuius veritate aliunde constare possit.

456. Præsens exemplum particulare sic brevius etiam expedietur: per angulos rectanguli B & 2B agantur BC, 2B2C æquidistantes ipsi AT, & per punctum A eidem perpendicularis C2C, ac denique ex punctis C, 2C demittantur ad latera rectanguli perpendiculares CD2C2D, ac assumpta unitate pro designanda celeritate, qua rectangulum in fluido incedit, vel quod idem est, pro velocitate, qua fluidum lateribus rectanguli AB, A2B allabitur, & (§. 429.) A2D exponet impressionem fluidi, quam latus A2B in directione ipsi normali excipiet, & AD, exponet impressionem, quam latus AB excipiet juxta directionem lateri A2B parallelam, seu AB perpendiculararem. Unde cum media directio AN impressionum fluidi in lateribus AB & A2B nascatur à potentiis lateralibus AL & LN, necesse est ut habeatur, $AL:LN=A2D:AD$, atqui $A2D:A2B=(A2B)^2:(A2C)^2=AL^2:AT^2$, & $A2B:2A2B$ vel $AB=ZL:AL=AL.ZL:AL^2$, ergo ex æquo $A2D:AB=AL.ZL:AT^2$, estque porro $AB:AD=AB^2:AC^2=AT^2:TL^2$, adeoque iterum ex æquo $A2D:AD=AL.ZL:TL^2$. Atqui (secundum hypothesin) $AL:LN=A2D:AD$, ergo $AL:LN=AL.ZL:TL^2$, & quia $TL:AL=TL^2:AL.TL$, erit denique ex æquo $TL:NL=AL.ZL:AL.TL=ZL:TL$, atque adeo TL est media proportionalis inter tangentes angulorum datorum ZAL vel A2A2B & NAL, ut supra invenimus. Quod erat demonstrandum.

Fig. 113. & 114. 457. EXEMPL. II. Resumatur bilineum BA2B, quod ponatur esse parabolicum, cujus æquatio $2ax=yy$; existentibus coordinatis ad axem AH, x & HB vel 2H2B, y ac parametro 2a. Æquatio bilinei differentiatæ præbet $adx=ydy$, vel substitutis loco elementorum dx & dy lineis proportionalibus m & a ; $am=ay$ atque adeo $m=y$; hinc $nm=aa+yy$. Idcirco $QR=KL=HI(=e; +2bem:nn; +eff:nn)=e; +2bey:aa+yy; +eff:aa+yy$. Hinc (§. 454.) reolum $Lk=edy; +2beydy:aa+yy; +effdy:aa+yy$.

Atqui omnia edy seu summa $edy=ey$; ac omnia $ydy:aa+yy$ æquantur log-mo rationis $aa+yy$ ad aa qui log-us dicatur $z:a$; respicitque

logarithmicam, cujus subtangens est unitas. Et denique omnia $dy:aa+yy$ æquantur arcui circulari & applicato ad aa quadratum radii, cujus arcus tangens sit y ; nam ejusmodi arcus elementum seu $dw = aady:aa+yy$. Propterea invenietur area $A\delta LK (2A2\delta2L2K) = ey; + 2bez:a; + effw:aa$; adeoque addendo $A\delta LK + 2A2\delta2L2K; = 2ey; + 2effw:aa$ (vel loco ff restituendo suum valorem $bb-aa$) $= 2ey; + 2bbew:aa; - 2ew = 2eg; + 2bbew:aa$; positâ ad abbreviandum $g = y - w$.

Arearum $A\alpha IH (2A2\alpha2I2H)$ elementum est $= edx; + 2beydx:aa+yy; effdx:aa+yy = eydy:a; + 2bey^2dy:a^2+ayy; + effydy:a^3+ayy$; quia $ydy = adx$. Atqui $yydy:aa+yy = dy; - aady:aa+yy = dy-dw$, & ut antea, $ydy:aa+yy = dz:a$, ac propterea,

$A\alpha IH (2A2\alpha2I2H) = eyy:2a; + (2bey-2bew):a; + effz:aa$; adeoque $A\alpha IH - 2A2\alpha2I2H = (4bey-4bew):a = 4beg:a$, posita scilicet $y-w=g$.

Ducantur per A rectæ AT parallela BB , & AS æquidistans $C\sigma$, eritque $AW:WS = C\xi:\xi\sigma = A\delta LK + 2A2\delta2L2K : A\alpha IH - 2A2\alpha2I2H = (2eg; + 2bbew:aa):(4beg:a) = aag+bbw:2abg$; & $TW:AW = a:b = 2abg:2bbg$; ergo ex æquo fiet $TW:WS = aag+bbw:2bbg$. Dicantur insuper TW, θ & SW, t ; radiusque AW, r ; eritque $\theta:t = aag+bbw:2bbg$, & quia $r:\theta = b:a$; substitutis loco b & a proportionalibus r & θ , proveniet $\theta:t = \theta\theta g + rrw:2rrg$; ex quâ elicietur $\theta\theta = \frac{2rr\theta}{t} - \frac{rrw}{g}$; adeoque ipsæ æquationis radices erunt

$\theta = \frac{rr}{t} \pm \sqrt{\left(\frac{rr}{t}\right)^2 - \frac{rrw}{g}}$. Jam quia singulæ r, g, w & t datæ sunt, etiam θ data erit, quæ est tangens anguli TAW , quem directio figuræ $BA2B$ in fluido incedentis cum axe AH continet, cum figura itinere permanente fertur absque conversionibus circa seipsam; qui angulus TAW angulus declinationis figuræ audit, ejusque tangens; TW declinatio ipsa; linea vero σC est directio, juxta quam figura in fluido ideo impelli debet, ut in directione ipsis BB, AT , &c. parallela itinere seu via manenti ea in fluido ferri queat, quæ omnia suo loco uberius explicabuntur.

Cæterum exempla eorum casuum, in quibus curvæ, superior AB & inferior $2A2B$, sunt similes & æquales, adeo ut hæ curvæ fluidi impressionibus expositæ communem abscissam AH , ordinatasque æquales BH & $2B2H$ habeant. Sed ea, ratione calculi, intricatiora evadunt, si curvæ AB & $A2B$, ut fig. 115. inæquales & tamen similes seu totæ $ACE, A2BE$ æquales sunt, tunc enim

punctorum B & 2B positio, atque adeò abscissarum AH, A₂H, & ordinatarum BH & 2B₂H magnitudo pendet à positione rectæ AT, seu ab angulo quæsito TAW. Quomodo vero pro casibus hisce calculus debeat subduci, ex sequenti elucescet corollario.

COROLLARIUM IV.

Fig. 115. 458. Sint $\int dy : nn = A_1 : a$, vel $A_2 : a$, vel $A_3 : a$ pro curvis AC, A₂B & CB, item $\int dy : nn = B_1 : aa$ vel $B_2 : aa$, aut $B_3 : aa$, respectu earundem curvarum AC, A₂B, & CB. $\int dx : nn = C_1 : a$, vel $C_2 : a$, vel $C_3 : a$, respectu earundem curvarum, & denique $\int dx : nn = D_1 : aa$, vel $D_2 : aa$ vel $D_3 : aa$. Ubi numeri, literis A, B, C, D postpositi non sunt potestatum indices, sed tantum indicant quamnam ex curvis AC, A₂B & BC hoc ordine, quo recensentur, respiciant in figura 115. Unde, quia in fig. 113, QR vel KL aut HI = e ; $+ 2bem : nn$; $+ eff : nn = e$; $+ 2hem : nn$; $+ (bb - aa) : e : nn$; quia $ff = bb - aa$ ut supra (§. 454.) invenimus. Hinc area A δ LK = e . CD; $+ 2be$. A₁ : a ; $+ (bb - aa)$. eB₁ : aa , respectu curvæ AC fig. 115. Area 2A₂ δ L₂K = e . 2B₂H; $- 2be$. A₂ : a ; $+ (bb - aa)$. eB₂ : aa , respectu curvæ A₂B. Area FKL = e . KF; $- 2be$. A₃ : a ; $+ (bb - aa)$. eB₃ : aa , respectu curvæ CB. Area A π Yd = e . AD; $+ 2be$. C₁ : a ; $+ (bb - aa)$. eD₁ : aa , respectu curvæ AC. Area 2A₂ π Y₂I = e . A₂H; $- 2be$. C₂ : a ; $+ (bb - aa)$. eD₂ : aa ; respectu curvæ A₂B, & Area dYI = e . DH; $- 2be$. C₃ : a ; $+ (bb - aa)$. eD₃ : aa ; respectu curvæ BC. Ergo A δ LK $+ 2A_2\delta L_2K - FLK = e$. F₂K; $+ 2be$. (A₁ - A₂ + A₃) : a ; $+ bb - aa$. (B₁ + B₂ - B₃) : $e : aa$, & A π Yd + YdI - 2A₂ π Y₂I = e . H₂H; $+ 2be$. (C₁ + C₂ - C₃) : a ; $+ bb - aa$. (D₁ - D₂ - D₃) : $e : aa$. Atqui (§. 453) est AW : WS = A δ LK + 2A₂ δ L₂K - FLK : A π Yd + YdI - 2A₂ π Y₂I, ergo etiam AW : WS = e . F₂K; $+ 2be$. (A₁ - A₂ + A₃) : a ; $+ bb - aa$. (B₁ + B₂ - B₃) : $e : aa$, ad e . H₂H; $+ 2be$. (C₁ + C₂ - C₃) : a ; $+ bb - aa$. (D₁ - D₂ + D₃) : $e : aa$. Unde, cum TW sit ad AW = $a : b$; habebitur ex æquo analogia, quæ suppeditabit æquationem quæsitam anguli TAW tangentem manifestaturam, sed quia ipsæ A₂H, 2H₂B, EH, HB ac per consequens ipsæ quoque HD & 2HD pendent à quantitibus a & b , quarum hæc adhuc incognita est, ideo etiam ipsæ A₂, A₃, B₂, B₃, C₂, C₃ & D₂ & D₃ ab iisdem pendent; quod. calculum perplexum reddit; præsertim si curvæ ACE & A₂BE fuerint dissimiles seu diversæ.

459. Ponamus verò nominatas curvas ACE & A₂BE similes & æquales esse, quo fiet ut arcus EB & A₂B æquales sint; cum lineæ BB & 2B₂B, ipsi AT (secundum hypothefin) parallelæ, arcus in B & 2B contingant, propterea erunt EH = A₂H, item BH = 2B₂H, atque adeò HD = D₂H, nec non producta 2B₂H usque ad occursum ejus curvæ ECA in 3B, fiet 2H₃B = 2B₂H = BH, ac per consequens linea BF, ipsi EA parallela, secabit curvam ECA in puncto 3B, adeo ut arcus BC & C₃B similes & æquales futuri sint. Hisce positis reperietur A₁ = A₂ + A₃; B₁ = B₂ + B₃; C₁ = C₂ + C₃ & D₁ = D₂ + D₃; ac proinde hoc casu habebimus

$$A_1 - A_2 + A_3 = 2. A_3 \text{ seu dupla } A_3.$$

$$B_1 + B_2 - B_3 = 2. B_2.$$

$$C_1 - C_2 - C_3 = 2. C_2.$$

D₁ = D₂ + D₃ = 2. D₃. Adeoque hi valores, in analogia præcedentis paragraphi subrogati, præbunt AW : WS = e. F₂K + 4be. A₃ : a; + (2bbe - 2aae). B₂ : a², ad e. H₂H; + 4be. C₂ : a; + (2bbe - 2aae). D₃ : aa, vel dividendo terminos per 2e, sicut FA; + 2bA₃ : a; + (bb - aa). B₂ : aa; ad DH; + 2bC₂ : a; + (bb - aa). D₃ : aa; & WT : AW = a : b; ergo ex æquo erit WT : WS = a. FA + 2b. A₃; + (bb - aa). B₂ : a; ad b. DH; + 2bb. C₂ : a; + (b² - aab). D₃ : aa; vel vocando tangentem anguli dati SAW, t; & tangentem quæsitæ TAW, θ, habebimus t = a². FA + 2aab. A₃; + (abb - a³). B₂ : aab. DH; + 2abb. C₂; + (b² - aab) D₃; adeoque, multiplicando extrema & media, habebimus æquationem sequentem generalem a²t. FA + 2aabt. A₃ + (abbt - a²t). B₂ = aabθ. DH; + 2abbθ. C₂; + (b² - aabθ). D₃. In quâ æquatione loco magnitudinum FA, DH, A₃, B₂, C₂ & D₃ subrogandi sunt earum valores, quos præbebit natura curvæ A₃BC expressi quantitativis a, b; aliisque constantibus; positisque loco b, radii seu sinus totius nomine r, & loco ipsius a nomine tangentis quæsitæ θ, habebitur æquatio in sola θ & quantitativis constantibus, seu cognitis data, cujus æquationis radices manifestabunt valorem tangentis anguli quæsitæ TAW.

460. EXEMPL. Sint curvæ ACE & A₂BE arcus æquales alicujus circuli, cujus radius = e, ac sinus complementi arcus AC, qui est semissis totius ACE vel A₂BE, dicatur b; sintque b² : 3ee = k, & k - b = l, invenienturque A₃ = a²e : 3c², B₂ = l; + be : c; - b'e : 3c², C₂ = b'e : 3c²; - b, ac denique D₃ = a²e : 3c². Erunt porro AF vel BH = be : c; - b, & DH vel D₂H = ae : c; qui valores in æquatione generali substituti, fractionum reductionibus ad nomen 3c² rite

per-

peractis, præbunt $bbt - aat - aat$; + 2. $(aa + bb) \cdot bet : 3c^3 = 2bbk$; + 2. $(aa + bb) \cdot bet : 3c^3$. Atqui (secundum hypothefin) est $l + b = k$, & (§. 454.) $cc = aa + bb$, ergo hi valores, in postrema æquatione suffecti, præbunt $bbt - aat + 3bet = 2bbk + 3bet$. Hinc etiam $3bbt + 6bbk - 3aat = 2bce - 2bet$, & quadrando $9b^2llt + 36b^2lkt - 18aabbkkt + 36b^2kkk - 36aabbkkt + 9a^2kkk = (4bbeee - 8bbeet + 4bbeet) in cc$. Unde substituendo $aa + bb$ loco cc , fiet $4aabbceee - 8aabbceet + 4aabbceet + 4b^2eeee - 8b^2eeet + 4b^2eeet = 9b^2llt + 36b^2lkt - 18aabbkkt + 36b^2kkk - 36aabbkkt + 9a^2kkk$. Vel positis loco b & a proportionalibus r & θ , in hac postrema æquatione, proveniet $4rreee - 8rreet + 4rreet + 4r^2ee - 8r^2ee + 4r^2ee = 9r^2llt + 36r^2lkt - 18r^2lkt + 36r^2kk - 36r^2kk + 9r^2kk$. Ex qua liquet problema esse solidum, nam radices hujus æquationis biquadraticæ exhibent valorem tangentis quæsitæ θ , seu tangentis anguli TAW, seu anguli declinationis bilinei BAC.

COROLLARIUM V.

461. Si curvæ AB & A₂B sunt æquales, adeò ut communem abscissam AH habeant & ordinatas æquales BH & B₂M, ut in figura 113. erunt A₁ = A₂ & A₃ = 0; B₁ = B₂, & C₁ = C₂; D₁ = D₂, singulæ verò B₃, C₃ & D₃ perinde ac A₃ æquales 0, evanescet pariter linea, quæ in figura 115. repræsentatur per DH vel D₂H, alteraque, quæ erat in hac eadem figura FA, in priore scilicet fig. 113. erit BH. Hoc ergo casu formula generalis paragraphi 459. mutabitur in $aat \cdot BH + (bbt - aat) \cdot B_2 = 2bbk$. C₂. In exemplo proinde superiore (§. 457.) curvæ parabolicæ, retentis symbolis illic positis, erunt BH, = y ; B₂ = u & C₂ = $y - u = g$, atque adeò æquatio $aat \cdot BH + (bbt - aat) \cdot B_2 = 2bbk$. C₂, abibit in $aaty + bbtu - aatu = 2bbkg$, vel $aatg + bbtu = 2bbkg$, atque adeò subrogatis loco a & b proportionalibus θ & r , erit $tg\theta + rrtu = 2r^2g\theta$, ac proinde $\theta = \frac{2rr\theta}{r} - \frac{rtu}{g}$; quæ est eadem æquatio, quam citato loco reperimus.

At sciendum hanc solutionem imperfectam esse, quoniam æquatio amplius non inservit, si ratio tangentis y ad arcum u minor fuerit duplicata ratione secantis anguli SAW ad radium in fig. 114. Sed eo in casu ipsa θ , ne quidem supposita arcuum circularium rectificatione, nulla æquatione algebraica exhiberi potest.

S C H O L I O N.

462. Ex allatis exemplis satis constare potest, quam late pateat solutio problematis in præsentī propositione exhibita. An verò & quousque ea cum solutione ejusdem problematis conveniat, quam summus geometra Joh. Bernoullius in tractatu, Gallico idiomate sub titulo *Essay d'une nouvelle Theorie de la Manœuvre des Vaisseaux*, nuperrimè edito dedit, utriusque collatio ostendet.

Si angulus TAW datus sit, & alter angulus SAW quærat, problema facile est, tunc enim in superioribus θ & r cum reliquis scilicet a , b , c , sunt magnitudines cognitæ, & quæsitæ est t .

C A P U T XIII.

De Figuris, quas superficies flexiles induere debent, cum Venti allapsus directe excipiunt, seu de curva

V E L A R I A.

QUamnam curvam induere debeat *velum* vento tumidum ante Celeberrimos Bernoullios nemo assignavit, sed eximii hi geometræ invenerunt velum ab allabente vento in eam ipsam curvam flecti debere, quam Joh. Bernoullius & Leibnitius atque Hugenus funi laxo atque flexili, vel catenulæ ab ambobus sui terminis pendenti convenire docuerunt, etsi eorum analysi velariæ nusquam publici facta sit juris. Sed quanquam *catenaria* atque *velaria* una eademque sint curva, non tamen ideo putandum, unius investigationem simul alterius quoque inventionem includere, adeò ut, qui catenariam geometricè invenerit, etiam velariæ problema solutum dedisse censendus sit, quod tamen Clariss. Vir David Gregorius insinuare videtur, in sua Catenaria Coroll. 7. post Prop. 2. sic scribens: *Quod si loco gravitatis alia quælibet vis similiter agens in lineam flexilem vires suas exerat, eadem producetur linea v. g. Si ventus æquabilis supponatur, & secundum rectas datæ positione rectæ parallelas spirans, linea vento inflata eadem erit cum catenaria.* Fateor quidem in thesi, ut ajunt, veram esse Egregii Viri assertionem, ecquis enim ambiget, quin alia quæcunque vis, loco gravitatis substituta, similiter applicata, ac eodem prorsus ac gravitas modo agens, eundem

effectum, eandemque adeo curvam ac gravitas, productura sit? Sed thesios applicatio in negotio velariæ claudicat, cum notabilis disparitas intercedat inter actionem gravitatis in catenaria, & venti actionem in velaria. Nam æquales catenariæ particulae æqualibus nisibus descendere conantur juxta directiones horizonti perpendiculares, secus quam in velaria, cujus particulae etiam si æquales à filamentis aëreis eadem etiam velocitate, in eas impingentibus inæquales tamen impressiones subeunt, & quidem juxta directiones non horizonti, sed curvæ elementis perpendiculares. Cum igitur circumstantiæ, quibus gravitas in catenariam ventusque in velariam agunt, toto cœlo differant, nemo non videt, quod ea, quæ de catenaria demonstrata sunt, non magis velariæ quadrare queant, quam analysi curvæ linteï convenire possit indagini curvæ elasticæ, etsi notante Clar. Jac. Bernoullio elastica etiam eadem sit cum curva linteï. Quoniam igitur problematis catenariæ solutio non involvit solutionem velariæ, & quoniam hujus problematis solutio, vel rectius dicendo analysi, nusquam adhuc publice, quod sciam, exhibita est præterquam §. 103. ubi ad illustrationem generalissimi nostri theorematis problematis de velaria solutionem obiter eliciimus, partem physicam problematis alibi excutiendam illic relinquentes; nunc vero ex professo problema tractabimus, analysin ejus geometricam tradituri intelligentibus, ut opinor, non displicituram, præmissis tamen prius duobus lemmatis in aliis etiam usui futuris.

PROPOSITIO LI. LEMMA.

FIG. 117. 463. Centro O & semilatre transverso OA descripti sint quadrans circuli AGK , & hyperbola æquilatera ABM , tum etiam logarithmica AC circa asymptotam LK , cujus subtangens sit OL equalis radio quadrantis OA , quæ log-mica per punctum A transeat, ductisque ex quolibet hyperbolæ puncto B ad centrum O recta BO , tangente hyperbolam in vertice AP , secante in puncto F , & per hoc punctum F recta FH parallela radio AO , quadrantem secante in G , & OK in H . Si KG recta jungens puncta K & G producat usque dum cum radio OA itidem protenso concurrat in puncto D , atque per hoc punctum ducta fuerit recta DC ipsi LK æquidistans. Rectangulum sub hac DC & radio OA æquabit ubique duplum respondentis sectoris hyperbolici ABO .

Sumto alio in hyperbola puncto b , alteri B indefinite vicino, ductantur bO secans AP in f , item fb , parallela FH , Circulum in g , re-

rectam KG in α , & OK in puncto b intersecans; jungaturque Kg & producat in d , per quod punctum alia de ducta sit priori DC æquidistans: agantur pariter dL & OG, item $C\alpha$ parallela Od, & γg parallela OK, hyperbolæ ordinata EB continuetur usque in β , & CD usque in δ ; quibus factis per quadrantis puncta G & K ductæ sint tangentes GI & KI, quæ æquales erunt; quibus præparatis

I. Liqueat fore dL parallelam tangenti log-micæ in puncto C, quandoquidem hujus log-micæ subtangens (secundum hypothesein) æqualis est OL; atque adeò $d\delta$ parallela & æqualis erit particulæ log-micæ Cc, ac etiam $\alpha\delta = D\delta$.

II. Triangula similia OEB, OAF præbent $OE^2:EB^2=OA^2:AF^2$. Vel, quia in hyperbola quadratum OE æquatur binis quadratis OA & EB collectivè sumtis, erit etiam $OA^2+EB^2:EB^2=OG^2:OH^2$, & dividendo $OA^2:EB^2=GH^2:OH^2$ vel AF^2 , vel invertendo ac permutando $EB^2:AF^2=OG^2:GH^2$. Atqui $EB^2:AF^2=OB^2:OF^2=2.$ triang. BO β ad 2. triang. FO f , id est, ad rectulum FH. Hb, ergo 2. triangulum BO β :FH. Hb = $OG^2:GH^2$.

III. Triangula similia Gga & GIK exhibent $Gg:ga=GI:IK$, unde, quia tangentes IK & GI æquantur, etiam Gg & ga æquales erunt.

IV. Propter parallelas Od & hg, erit $Od:Dd=bg$ vel $HG:ag$ vel (num. 111.) Gg , & invertendo ac permutando $Dd:Gg=Od:GH$, at $D\delta:Dd=OL$ vel $OG:Od$, ergo ex æquo $D\delta:Gg=OG:GH$, & propter triangula similia OGH & Ggy, fit $Gg:\gamma g$ vel $Ff=OG:GH$ ergo ex æquo & per rationum compositionem, $D\delta:Ff=OA.D\delta:FH.Ff=OG^2:GH^2$ (num. 11.) = 2. triangulum BO β :FH. Ff vel FH. Hb. Adeoque 2. triang. AO β = OA. D δ (num. 1.) = OA. $\alpha\delta$ ergo omnia 2. BO β id est duplus sector BAO = omnibus $\alpha\delta$ in AO, id est rec-lo DC in AO. Quod erat demonstrandum.

Aliter.

464. Per hyperbolæ punctum B ducta sit tangens BT, ac per punctum T recta TV parallela OK rectæ OB occurrens in puncto V, ac denique agatur B δ parallela AD.

I. Ostendam, quod TV producta transibit per punctum G, adeo ut TO = GH. Nam in hyperbola lineæ GH, OA & OE sunt in continua ratione, atqui propter tangentem BT, etiam OT, OA & OE sunt in continua ratione, ergo OT = GH.

II. Elementum quadrantis Gg æquabitur lineolæ $B\beta$. Nam Gg vel $Ff = OG : GH = AO : TO = EO : AO$, atqui etiam $B\beta : Ff = EO : AO$, ergo $Gg : Ff = B\beta : Ff$, atque adeò $Gg = B\beta$.

III. Figuræ similes $b\theta B\beta$ & $BETV$, utpote quæ circa eandem rectam bT constitutæ, & è triangulis similibus $b\theta B$, BET , & $bB\beta$, BTV compositæ sunt, præbent analogiam $b\theta : B\beta$ vel (num. II. hujus) Gg aut (num. III. §. 463.) $ga = EB : TV = EO : TO$, atqui $ga : Dd = GH$. (num. I. hujus) $OT : Od$, & $Dd : D\delta = Od : OL$ vel OA , ergo ex æquo habetur $b\theta : D\delta = EO : AO = AO : TO$, atque adeò $b\theta \cdot TO = AO \cdot D\delta = AO \cdot cx$.

IV. Est verò duplum trianguli $bTO = be : TO$, duplumque trianguli $BTO = BE : TO$, ergo duplum trianguli $BOb = b\theta \cdot TO$ (num. III. hujus) $= AO \cdot cx$, & per consequens etiam areæ BAO duplum æquabit rectangulum sub $AO \cdot DC$. Quod erat demonstrandum.

COROLLARIUM I.

465. Ductis ex logarithmicæ puncto C ad puncta A & O rectis CA & CO , triangulum rectilineum CAQ æquabitur ubique homologo sectori hyperbolicò BAO .

COROLLARIUM II.

466. Jungatur OI , eaque producat in P , eruntque $AP = OD$, & $OP = KD$. Nam, quia OS ipsi KD normalis est, erunt anguli SOK ejusve alternus APO & ODK æquales, atque adeò triangula rectangula AOP & OKD similia, ob latera verò AO & OK æqualia erunt etiam hæc triangula æqualia, ac proinde $AP = OD$ & $OP = KD$. AP autem est tangens arcus AR compositi ex arcu AG , cujus sinus OH æquatur tangenti AF anguli sectoris AOB , & ex semissi GR complementi ejusdem. Et DC est log-us rationis DO ad AO , id est, log-us rationis tangentis AP prædicti arcus seu anguli compositi AOR ex angulis AOG & GOR ad radium seu sinum totum AO . Atqui ratio AP ad $AO =$ rationi OK ad IK , id est, rationi, quam habet radius OK ad tangentem IK semissi complementi anguli AOG , cujus sinus æquatur tangenti anguli sectoris AOB .

S C H O L I O N.

467. Hæc propositio plurimum conducit reductioni elementorum sectorum hyperbolicorum ad simpliciora elementa logarithmica. Nam si $AO = a$; $OD = m$; $OE = x$; $EB = y$; $AF = z$, & $AE = u$. Atque his positis, erit

I. $y = \sqrt{xx - aa}$; $AF = a\sqrt{xx - aa} : x$; adeoque $Ff = a'dx : xx\sqrt{xx - aa}$; & $FH.Hb = a'dx : xx\sqrt{xx - aa}$. Unde quia triang. $BO\beta$: triang. $FOf = OE^2 : OA^2$, reperietur duplum trianguli $BO\beta = aadx : \sqrt{xx - aa}$. Hoc idem brevius inventum fuisset opè num. IV. §. 466. uti ostendimus $2BO\beta = OT.b\beta$; nam $b\beta = xdx : \sqrt{xx - aa}$ & $OT = aa : x$, ergo $OT.b\beta = aaxdx : x\sqrt{xx - aa} = aadx : \sqrt{xx - aa}$. Jam $KH = (ax - a\sqrt{xx - aa}) : x$, & GH vel $OT = aa : x$; atque triangula KHG & KOD similia sunt, ergo $m = aa : x - \sqrt{xx - aa}$ & $x = (aa + mm) : 2m$, qui valor substitutus in præcedenti expressione elementi $BO\beta$, producet $2BO\beta = aadm : m$.

II. Quia $x = a + u$ & $dx = du$, erit $2BO\beta = aadx : \sqrt{xxx - aa} = aadu : \sqrt{2au + uu}$, & $u + a = (aa + mm) : 2m$, vel $u = (m - a)^2 : 2m$, qui valor in formula $aadu : \sqrt{2au + uu}$ susceptus, dabit iterum $2BO\beta = aadm : m$.

III. Propter triangula similia OAF & OEB invenietur $ay = xz$, hyperbola verò præbet $y = \sqrt{xx - aa}$; unde $x = \sqrt{aa - zz}$, ex triangulis verò similibus KHG & KOD elicitur $am - mz = a\sqrt{aa - zz}$ & $z = amm - a^2 : mm + aa$, qui valor ipsius z ejusque elementi $a'dz : aa - zz = 2BO\beta$ substitutus, dabit etiamnum $2BO\beta = aadm : m$.

Similes regulas reducendorum sectorum hyperbolicorum ad logarithmos, ex sua methodo generali reducendi quadraturas curvarum, quarum ordinatæ fractionibus rationalibus per abscissam varie affectam & datas, exhibitis exprimuntur, ad logarithmos, jam pridem elicit Vir Celeb. Joh. Bernoulli in Comm. Acad. Reg. Scient. Paris. 1702, d. 13 Decemb. & in Act. Lips. 1703. pag. 30. & 31. Cæterum, etsi præcedens theorema nostrum de hyperbola tantum æquilatera agit, paucis tamen mutatis ad quascunque hyperbolas potest extendi.

PROPOSITIO LII. LEMMA.

468. Si rectæ AM positione datæ alia AB magnitudine data perpendiculariter insistat, per cujus terminum B rectæ quæcunque BM , Bm ad alteram AM ducantur, & per puncta M , m , &c. in quibus huic occurrunt, perpendiculares MN , mn , &c. ipsis BM , Bm , &c. respective æquales, omnia puncta N , n , &c. in curva LNn hyperbolæ æquilatæræ sita erunt, cujus centrum A , & semilatus transversum AL .

Fig. 118. Positisque punctis M , m indefinite vicinis, ac descripto centro B intervallo BM arcu $M\mu$, junctisque AN , An , rectangulum sub radio BA & arcu $M\mu$ duplum erit trilinei ANn seu elementi sectoris hyperbolici ANL .

I. Ducatur NX parallela AM , & quia (secundum hypothesin) $MN = BM$, & $AB = AL$, erit $AX^2 = XN^2 + AL^2$, vel $XN^2 = AX^2 - AN^2 = \text{rec-}lo \ BXL$, ergo punctum N est in hyperbolæ æquilatæræ LN , cujus latus transversum est BL & centrum A . Curva LN etiam hyperbola erit, si MN ad BM fuerit in quacunque data ratione.

II. Per punctum N ducta sit tangens hyperbolæ Nq , eruntque tres MN vel BM , AL vel BA & Aq in continua ratione, atque adeo $BM : BA = BA : Aq$, atqui propter triangula similia ABM & μMm , est etiam $BM : BA = Mm$ vel $No : M\mu$; ergo $No : M\mu = BA : Aq$, atque adeo $BA \cdot M\mu = No \cdot Aq$ (num. IV. §. 464.) = 2. ANn . Quod erat demonstrandum.

COROLLARIUM I.

469. Adeoque, si tota AM infinitis composita sit particulis infinitesimis qualis Mm , & per singularum terminos, rectæ BM ductæ intelligantur, erit factum ex omnibus arcuulis $M\mu$, quos vicinæ quæque BM intercipiunt, & radio BA æquale duplo omnium triangulorum ANn , quæ in sectore hyperbolico ANL continentur, id est, duplo ipsius sectoris.

COROLLARIUM II.

470. Ducendo igitur per punctum intersectionis t rectæ AN & tangents hyperbolæ At in verticè, lineam tsr parallelam AL , &
 usL ,

AL, quæ ipsam AL producam fecet in puncto P, ac denique per punctum L logarithmicam LO, quæ subtangentem habeat æqualem radio AL, & per P agatur PO parallela AM logarithmicæ occurrens in puncto O, erunt omnes arcuuli M_μ collective sumpti, æquales rectæ PO. Nam quia (§. 469.) omnes M_μ in $AB = 2 \cdot \text{arcu} ANL$ & (§. 463.) $2 \text{ sect. } ANL = AB$ vel AL in PO, erunt omnes M_μ . $AB = AB \cdot PO$, atque adeo omnes $M_\mu = PO$.

PROPOSITIO LIII. PROBLEMA.

471. Si filum perfecte flexile HA_2H ambobus suis terminis H, 2H Fig. 118. fixum, spiranti vento juxta directiones cc , CC , GG datæ positione rectæ AW parallelas expositum sit, assignare curvam, quam filum induere debet.

Analysis Geometrica. I. Quia ventus impressiones in velariam exferit (§. 249.) juxta directiones Cl curvæ quæsitæ ACH normales, atque adeo (§. 96.) constat tenacitatem veli in singulis ejus punctis eandem esse oportere; talis tenacitas constans per datam rectam AB axi AW normalem exponi potest, si venti velocitas sit 1, sin verò velocitas exponatur linea recta V , (§. 100.) tenacitatem per hoc factum $V \cdot AB$ repræsentare oportebit, ut mox videbimus. Nam sumtis æqualibus & contiguis curvæ elementis Cc , & CG , per eorum terminos ordinatæ ad axem curvæ AW ductæ intelligantur cW , CI & GK , quæ rectas CG & GG secabunt in f & F ; & demissa ex puncto f perpendiculari ad elementum curvæ cC , quæ sit fd , per punctum d agatur de æquidistans axi AW , & denique esto $Ch = GF$, adeo ut fb differentia sit inter fC & Fg ; & his positis impressio, quam filamentum aeris $ccCC$ celeritate V lati & in curvam impingentis in elementum Cc exferet (§. 429.) exponitur per factum $V \cdot cd$; ejusque directio Cl , ut jam dictum, est ubique curvæ perpendicularis; propterea, & juxta ea quæ alibi (§. 100.) dicta sunt, tenacitas fili exponi debet magnitudine $V \cdot AB$ ejusdem generis cum $V \cdot cd$, seu impressione quam elementum Cc excipit juxta Cl , vel quodlibet aliud juxta directionem ipsi normalem. Exponat jam Cl magnitudinem $V \cdot cd$ vel potentiam curvæ in puncto C normaliter applicatam, ductisque Ck & lk axi AW parallela & normali, & potentia Ck erit $V \cdot ce$; nam in triangulis similibus Clk & cde , lineola ce alteri Ck homologa est, cum sit $Cl : Ck = cd : ce$, atqui $Cl = V \cdot cd$, ergo etiam $Ck = V \cdot ce$. Jam, cum alibi (§. 95.)

often-

ostensum sit, Ck esse ad fb ut tenacitas fili in elemento Cc , ad hoc elementum Cc , vel permutando Ck ad dictam tenacitatem ut fb ad Cc ; erit $V^2.ce:V^2.AB=ce:AB=fb:Cc$, & permutando $ce:fb=AB:Cc$.

II. Per terminum B datae BA ducantur BM , Bm parallelæ elementis curvæ CG , Cc , centroque B intervallo $BQ=CG=Cc$ descripto arcu QR , agantur QS , R parallelæ AM , item Rx æquidistans BA , ST perpendicularis ipsi BQ , & denique TV parallelæ SQ , quibus positis, ultrò liquet, triangulum BQS triangulo cCf , & BR triangulo CGF similia, æqualia, & similiter posita esse; adeò ut sint $xQ=fb$, $BV=ce$, & $Cc=BQ$ vel BR ; adeoque analogia præcedentis numeri $ce:fb=AB:Cc$, eadem est cum $BV:xQ=AB:BQ$; in triangulis verò rectangulis similibus yQR & BTS , bases yQ & BS à perpendicularibus Rx & TV proportionaliter dividuntur, adeò ut sit $xQ:yQ=BV:BS$, & permutando ac invertendo $BV:xQ=BS:yQ=BA:Mm$; antea verò habuimus $BV:xQ=AB:BQ$; ergo etiam $AB:Mm=AB:BQ$, atque adeò $Mm=BQ=Cc$; quod cum de singulis Mm , quæ in tota Am & de singulis Cc , quæ in tota curva cGA continentur, respectu valeat, liquet omnes Mm , seu totam Am vel AM omnibus Cc , seu toti cGA vel CGA æquari. Unde, quia BM tangenti velariæ in puncto C (secundum hypothesin) parallelæ est, erit data BA ad AM seu ipsi æqualem curvam AGC , sicut ordinata CI ad subtangentem velariæ respicientem ejus punctum C . Hæc proprietas etiam catenariæ convenit, ut alibi velariæ atque catenariæ identitas jam (§. 106.) ostensa est.

III. Constructio autem curvæ hætenus ex ostensis facile elicitur: nam cum Mm sit $=Cc$, & Bm (secundum hypothesin) parallelæ Cc , descripto centro B arcu $M\mu$, triangulum $Mm\mu$ triangulo cCf simile & æquale erit, ac proinde $Cf=m\mu$, & omnes Cf , id est; $WA=$ omnibus $m\mu$ seu mi , descripto scilicet centro B radioque BA circulo Aw . Sic etiam abscissa AI æqualis existet $M\mu$ posita, ut antea, BM parallelæ tangenti curvæ in C .

Elementum verò ordinatæ $cf=M\mu$ & omn. cf , seu cW aut $CI=$ omnibus $M\mu$ (§. 470.) $=PO$ posita constructione in citato hoc paragrapho 470. Est ergo quælibet ordinata CI æqualis homologæ PO . Quæ omnia erant inveniendæ.

COROLLARIUM I.

472. Quia in hyperbola æquilatera LN tres AX, AL & Aq sunt continue proportionales propter tangentem hyperbolæ Aq, & ex natura hyperbolæ etiam tres AX, AL & rs, adeò ut Nq & rs æquantur, erunt, ducta As, triangula ABM & Asr similia; nam $AX = MN$ (constr.) = BM est ad AL vel AB, sicut AL vel As ad Aq vel rs, atque adeò triangula ABM & rsA similia sunt, ac per consequens As ipsi BM seu etiam tangenti velariæ in C parallela est, angulusque $\angle As$ æquabitur illi, quem tangens velariæ modo nominata, & quantum opus est producta, cum axe AW constituit, cujus semissis est angulus $\angle rsu$; unde cum PO sit log-us rationis PA ad LA, seu PA ad Au, hoc est, rationis rs ad ru; sequitur PO esse log-mum rationis, quam radius habet ad tangentem anguli $\angle rsu$ vel dimidii anguli $\angle As$, in logarithmica, cujus subtangens par est radio AL; & in omni alia logarithmica, si sumatur quarta proportionalis ad log-micæ subtangentem AL, & ad log-um prædictæ rationis radii ad tangentem semissis anguli $\angle As$, manifestabit ea ordinatam velariæ CI in puncto C, si scilicet angulus $\angle As$ æqualis fuerit angulo, quem tangens velariæ in C producta cum axe AW continet.

COROLLARIUM II.

473. Circulus centro B radioque BA descriptus rectam BM productam secet in Ω , eritque propter tangentem circuli AM & secantem M Ω , $M\Omega : MA = MA : M\omega$, seu $2AB + M\omega : AM = AM : M\omega$, adeoque $2AB + M\omega : M\omega = AM^2 : M\omega^2$, & dividendo $2AB : M\omega = 2AB \cdot M\omega : M\omega^2 = AM^2 - M\omega^2 : M\omega^2$, atque adeò $2AB \cdot M\omega = AM^2 - M\omega^2$. Innotescit ergo ex datis AM vel AC & M ω vel AI parameter velariæ AB seu Au.

Porro quia (§. 472.) $Ar : rs = AM : AB = 2AM \cdot M\omega : 2AB \cdot M\omega = 2AM \cdot M\omega : AM^2 - M\omega^2$, erit As vel Au : Ar = $AM^2 + M\omega^2 : 2AM \cdot M\omega$, & dividendo Au - Ar vel ru ad Ar = $(AM - M\omega)^2 : 2AM \cdot M\omega$, & $Ar : rs = 2AM \cdot M\omega : AM^2 - M\omega^2$, ergo ex æquo ru : rs = $(AM - M\omega)^2 : AM^2 - M\omega^2 = AM - M\omega : AM + M\omega =$ curva AC abscissa ejus AI, ad AC + AI. Unde, cum sit PA : LA = rs : ru = AC + AI : AC - AI, & PO log-us rationis PA ad LA, erit etiam PO log-us rationis AC + AI ad AC - AI, cujus rationis termini, scilicet ag-

M m .

gre-

gregatum & differentia curvæ AC & ejus abscissæ vel sagittæ AI, dati sint. Idcirco, si fiat ut $2M$ seu $2AI$ ad $AC + AI$ ita $AC - AI$ ad quartam magnitudinem Q , deinde ut subtangens log-micæ cujuscunque ad log-mum rationis $AC + AI$ ad $AC - AI$ in hac logarithmica, ita magnitudo vel linea Q ad aliam R , hæc linea, juxta præcedens corollarium, dabit ordinatam CI nostræ velariæ AC.

COROLLARIUM III.

474. Juxta §. 110. erit media directio impressionis venti filum CAC instantis in axe AW, nam hæc media directio angulum à tangentibus velariæ ductis per puncta C, C ad utramque axis partem similiter sita contentum, bifariam dividit, quod etiam axis AW præstat; estque adeò (§. 110.) impressio venti in velaria, juxta ejus mediam directionem WA, ad tenacitatem velariæ in omnibus ejus punctis eandem, sicut dupla Ar ad As, id est, ut supra (§. 473.) habuimus, sicut $4AM \cdot M$ ad $AM^2 + M^2$, id est, sicut $4AC \cdot AI$ ad $AC^2 + AI^2$. Unde, quia tenacitas velariæ (num. 1. §. 471.) est $V^2 \cdot AB = (AC^2 - AI^2 : 2AI) \cdot V^2$, erit impressio venti in velariam juxta ejus mediam directionem $WA = V^2 \cdot 2AC \cdot (AC - AI) : AC^2 + AI^2$.

COROLLARIUM IV.

475. Velariæ verò æquatio differentialis ex allata constructione facillime elicitur; nam si dicantur BA, a ; AI, x ; CI, y ; Cf, dx ; cf, dy ; Cc = CG = ds ; fh = ddx , erit ce = $dy^2 : ds^2$, & analogia, in quam supra (num. 1. §. 471.) incidimus ce vel $dy^2 : ds^2$ ad fh seu ddx , ut AB vel a , ad Cc seu ds ; quæ, multiplicatis extremis & mediis, dabit æquationem velariæ differentio-differentialem $dy^2 = adsddx$, in quam Celeberrimi Bernoullii etiam inciderunt, ut videre licet in Act. Erudit. Lips. 1695. pag. 546.

Æquatio differentialis velariæ elicitur ex similitudine triangulorum ABM & Mmµ, est enim $mµ : Mµ = AM : AB$; unde quoniam $AB = a$, $Mµ = AI = x$, atque adeò $AM = \sqrt{2ax + xx}$, $mµ = dx$ & $Mµ = CF = dy$; erit $dy = adx : \sqrt{2ax + xx}$ prima æquatio differentialis primj gradus, naturam velariæ explicans.

Sin verò BM vel µI fuerit = x , tunc erit $AM = \sqrt{xx - aa}$, & $dy = adx : \sqrt{xx - aa}$, quæ est altera velariæ æquatio differentialis.

Et

Et hæ sunt æquationes, in quas laudati Bernoullii jam pridem inciderunt, quisque eorum sua methodo propria usus.

S C H O L I O N.

476. Ex nostra constructione atque analysi jam sponte nascuntur præcipuæ proprietates velariæ, & maxime notabiles. Nam

1°. Curva AC æqualis est ubique respectivæ ordinatæ XN hyperbolæ æquilatæræ LN, cum hæc ordinata sit æqualis MA, cui curva AC æqualis ostensa.

2°. Facta ubique $AM = \text{curvæ } AC$, si per velariæ punctum C parallela ducatur rectæ BM, ea velariam in puncto C continget.

3°. Area $\mu ACzf$ æquatur ubique rec-lo BAM seu rec-lo sub curva AC & recta AB, quæ instar parametri est; atque adeò area $\mu ACzf$ suis homologis curvis AC proportionantur. Nam elementum areae prædictæ est $fzf.fc = Bm.M\mu = 2 \cdot \text{trianguli } Bm\mu$; sunt enim fzf vel $\mu W = Bm$, & $cf = M\mu$, ergo omnia $fzf.cf$ seu area $\mu ACzf = \text{omnibus } 2 \cdot MBm$, hoc est, duplo trianguli BAM, id est, rec-lo AB in Am, vel AB. AM seu AB. AC.

4°. Si in MI sumatur $\mu\xi$ ejus magnitudinis, ut rec-lum $\mu\xi$ AM æquet aream hyperbolicam ALNM, punctum ξ erit centrum gravitatis curvæ CAC. Sit enim centrum hujus curvæ in aliqua recta $\xi\gamma$ parallela ipsi AB, ponaturque curvam AC libratam pendere ad axem librationis μzc ; erit (§. 44.) $AC.\mu\xi = \text{omnibus } \mu I.Cc = \text{omn. } BM.Mm = \text{omn. } MN.Mm = \text{areæ } ALNM$, atque $AC = AM$, ergo $AM.\mu\xi = ALNM$, unde cum centrum gravitatis curvæ CAC sit etiam in axe AW, erit omnino in puncto ξ .

5°. Sin verò centrum gravitatis curvæ AC fuerit in recta $\delta\gamma$, erit (§. 44.) $A\delta.AC = \text{omn. } CI.Cc$. Atqui $\text{omn. } CI.Cc = AC.CI - \text{omn. } AC.cf = AC.CI - \text{omn. } AM.M\mu$, & triangula similia ABM & $Mm\mu$ præbent $AM.M\mu = AB.m\mu$, atque adeo $\text{omn. } AM.M\mu = AB.\mu M = AB.AI$; ergo $\text{omn. } CI.Cc = AC.CI - AB.AI = AM.CI - AB.AI$, atque adeò $A\delta$ vel $\xi\gamma$ in $AC = AC.CI - AB.AI = AC.CI - AC.A\lambda$, ducta scilicet tangente $\mu\lambda$; adeòque $\xi\gamma = CI - A\lambda$, adeòque centr. grav. curvæ AC distat à recta czc intervallo $A\lambda$ vel $\mu\lambda$.

6°. Adeòque superficies genita ex conversione curvæ AC circa axem AI æquatur circulo, cujus radius potest duplum rec-li $\xi\gamma$. AC seu $2AC.CI - 2AB.AI$. Nam supra (§. 47.) demonstratum est, magnitudinem genitam ex rotatione alicujus genitricis circa axem

positione datum, æquari facto ex magnitudine genitrice in viam centri ejus gravitatis; & viæ centri gravitatis sunt circumferentiæ circulares à centro descriptæ, atque adeo radiis suis proportionales. Propterea magnitudines genitæ sunt in composita ratione magnitudinum genitricium & distantiarum centri earum gravitatis ab axe rotationis. Idcirco erit superficies ex conversione curvæ AC circa AI ad circumulum quemcunque, cujus radius est R, in composita ratione magnitudinis AC superficiæ genitricis ad magnitudinem R circuli genitricem, & distantie centri gravitatis γ illius magnitudinis ab axe AI seu γ ad distantiam centri gravitatis hujus, seu $\frac{1}{2}R$, hoc est, sicut AC. γ ad R. $\frac{1}{2}R$, id est, sicut 2AC. γ vel 2AC. CI — 2AB. AI ad R²; adeoque si R² = 2AC. CI — 2AB. AI, erit superficies genita circulo æqualis.

7°. Eodem argumento circulus, cujus radius R potest duplum areæ hyperbolicæ, AMNL, æquatur superficiæ ex conversione AC circa axem $u2c$ genitæ. Nam dicta superficies erit ad circumulum, ut AC. $u\xi$ ad $\frac{1}{2}R^2$, vel ut 2AC. $u\xi$ ad R², atqui (num. 4.) AC. $u\xi$ = AMNI, ergo superficies ex curva AC circa $u2c$ est ad circumulum radii R = 2AMNL, ut 2AMNL ad 2AMNL, id est in ratione æqualitatis.

8°. Sin verò ρ centrum fuerit gravitatis areæ $uAC2f$, ducatur $\rho\theta$ parallela AB, eritque (§. 44.) $u\theta$ in aream $uAC2f$ = omnibus momentis rec-lorum $f2c$ ad axem $u2c$ appensorum; hoc est $u\theta$. AM. AB = omnibus $\frac{1}{2}c2c.c2c.cf$; nam (num. 3.) est area $uAC2f$ = AM. AB. Atqui $\frac{1}{2}c2c.c2c.cf$ = $\frac{1}{2}$ BM. BM. $M\mu$ = $\frac{1}{2}$ AB. BM. Mm = $\frac{1}{2}$ AB. MN. Mm , ergo omn. $\frac{1}{2}c2c.c2c.cf$ = $\frac{1}{2}$ AB in aream ALNM, atque adeò $u\theta$. AM. AB = $\frac{1}{2}$ AB. ALNM, vel 2u. AM = ALNM. Sed (num. 4.) habuimus etiam $u\xi$. AM = ALNM, ergo $u\xi$. AM = 2u. AM, vel $u\xi$ = 2u; adeoque centrum gravitatis curvæ AC duplo longius distat à lineâ $u2c$, quam centrum gravitatis areæ $uAC2f$.

9°. Hinc solidum ex rotatione figuræ $uAC2f$ circa axem $u2c$, semissis est cylindri, cujus altitudo AB, & baseos radius potest duplum areæ hyperbolicæ ALNM. Nam hoc solidum (§. 47.) æquatur facto ex area $uAC2f$ in circumferentiam radii $u\theta$; cum ρ sit centrum gravitatis areæ, hoc est = AB. AM in circumf. radii $u\theta$. (num. 8.) = $\frac{1}{2}$ AB. AM in circumf. $u\xi$. Atqui AC vel AM in circumf. $u\xi$ est superf. ex AC circa $u2c$ (num. 7.) = circulo cujus radius = $\sqrt{2}$ ALNM; ergo solidum areæ $uAC2f$ circa $u2c$ rotatæ = cylindro, cujus radius potest $\frac{1}{2}$ ALNM, & altitudo est $\frac{1}{2}$ AB; adeoque prædictum solidum dimidium est cylindri, cujus altitudo AB baseosque radius potest $\frac{1}{2}$ ALNM.

10°. Hinc ultro sequitur, solida à figuris $\mu ACzf$, $\mu ACzc$ circa μzc rotatis genita proportionari superficiebus ex curvis homologis AC, Ac circa eundem axem μzc , sicut areæ $\mu ACzf$, $\mu ACzc$ curvis AC, Ac proportionales sunt; quæ proprietas, & ea qua centrum gravitatis curvæ AC duplo magis à recta μzc distat quam centrum gravitatis ρ areæ $\mu ACzf$, & ambo hæc centra γ & ρ ab axe AI æqualiter distant, Illustri Leibnitio, qui primus eam advertit, merito memorabilis visâ est.

11°. Centra gravitatis ρ & γ areæ $\mu ACzf$ & curvæ AC æqualiter distant ab axe velariæ. Nam (§. 44.) $\theta\rho$ in $\mu ACzf = \theta\rho \cdot AB \cdot AM = \text{omnibus } CI \cdot fzf \cdot cf = \text{omn. } CI \cdot BM \cdot M\mu = \text{omn. } CI \cdot AB \cdot Mm = AB \cdot CI \cdot AM - \text{omn. } AB \cdot AM \cdot cf = AB \cdot CI \cdot AM - \text{omn. } AB \cdot AM \cdot M\mu = AB \cdot CI \cdot AM - \text{omn. } AB^2 \cdot m\mu = AB \cdot CI \cdot AM - AB^2 \cdot M\mu$, ergo etiam $\theta\rho \cdot AM = AM \cdot CI - AB \cdot M\mu$. Sed (num. 5.) etiam habuimus $AM \cdot \xi\gamma = AM \cdot CI - AB$ in $M\mu$ vel AI, ergo $\theta\rho \cdot AM = AM \cdot \xi\gamma$, vel $\theta\rho = \xi\gamma$.

12°. Adeoque solidum ex conversione figuræ $\mu ACzf$ circa μI æquatur cylindro, cujus radius potest duplum spatium $2CI \cdot AC - 2AB \cdot AI$ & altitudo est AB. Hinc iterum, solida ex figuris $\mu ACzf$, $\mu ACzc$ circa axem AI rotatis proportionalia sunt superficiebus ex curvis AC, Ac circa eundem axem in gyram actis.

13°. Radius circuli osculatoris $C\beta$ in curvæ puncto C, est tertius proportionalis ad μA & μI . Nam, quia Bm & BM parallelæ sunt particulis curvæ Cc, & CG, sectores evanescentes $MB\mu$ & $C\beta c$ limites erunt, unde $M\mu : BM = Cc : C\beta$ vel permutando $M\mu : Mm$ vel $Cc = BM : C\beta$, atqui $M\mu : Mm = AB : BM$, ergo $AB : BM = BM : C\beta$, seu, quia $BM = \mu I$, erit $\mu A : \mu I = \mu I : C\beta$. Hinc curvæ $\mu\beta$, ex cujus evolutione velariæ describitur, initium α à vertice velariæ A æque distat ac punctum μ in circuli quadrante μSL .

SECTIO IV.

De Motibus corporum in mediis resistentibus.

QUoties Galilæus, Torricellius alique illius ævi Celeberrimi geometræ de motu egerunt, corpora in vacuo, id est, in medio, quod nec motum accelerare nec retardare queat, ferri supposuerunt; non quod nescirent ejusmodi medium resistendi facultate

carens apud tellurem nostram non dari, sed quod non satis viderent, quo pacto resistentiæ geometriæ legibus possent subijci. Ab his ergo resistentiis mediis tanto libentius animum abstraxerunt, quod existimarent non nisi per exiguos eas errores vixque sensibus perceptibiles determinationibus suis, ex suppositione vacui, inducere posse. Inter recentiores verò summi quique geometriæ præclara Galilæi reperta circa motus doctrinam perfecisse & mirum quantum amplificasse non contenti, difficilem de motibus in mediis resistentibus materiam ad geometriæ, sed reconditoris, normam exigere fortunato successu aggressi & in regiones non antea cognitæ delati sunt. Extant enim eximia hac de re Virorum Celeberrimorum *Newtoni*, *Leibnitii*, *Hugenii* & *Wallisii* meditata ante complures annos partim sine demonstrationibus edita, & breviter tantum indicata, partim etiam demonstrationibus munita, sed perbreuibibus, nec ideo tyronum captui satis accommodatis, nisi Wallisium excipias, qui in suo schediasmate super hac re omnia minutim exponit, sed tantum in hypothesis particulari substitit resistentiarum in ratione celeritatum corporibus remoram afferentium. Post laudatos viros Cl. *Varignon* idem argumentum fuse, docte, atque perspicue pertractat in Actis Academiæ Reg. Paris. Scient. annorum 1707, 1708, 1709 & 1710. adeo ut sequuturis Mathematicis otium hac in re fecisse videatur, verum, quia hæc materia tam directe ad institutum nostrum pertinet, ut si de ea agere omitterem, ex præcipuis aliquid opusculo meo deesse putarem, ideo non detrectabo post tot præclaros Autores etiam hanc doctrinam, quantum potero breviter simul & perspicue, proponere. Illorum inventis nonnulla propria addam, atque simplici principio insistam, cui ferme omnia, quæ ad motum actuale corporum attinent, superstruxi, scilicet *momentum cujuslibet sollicitationis indefinenter agentis æquivalere momento celeritatis*. Quo principio nemo ex laudatissimis viris usus est in doctrina motuum corporum in mediis resistentibus latorum, saltem quatenus ex publicis eorum scriptis judicare licet, etsi hoc principio multa brevius & naturalius, quam ab aliis fundamentis, obtineantur.

CAPUT XIV.

*Complectens generalia, quæ ad theoriam motus corporum in
mediis resistentibus pertinent, & nonnulla Lemmata
Geometrica in hac theoria necessaria.*

DEFINITIONES.

DUæ sunt resistentiæ species, una *absoluta* altera *respectiva*.

I.

477. *Resistentia absoluta* est, quæ tantundem virium mobili detrahit, siue magna siue parva velocitate idem mobile feratur. Hujusmodi resistentiæ absolutæ exempla præbent media glutinosa & superficies asperæ: nam in fluido glutinoso eadem vi opus est ad separandas ejus partes, quâcumque demum celeritate mobile partes eas separare conetur. Sic etiam in frictionibus corporis in plano aspero incedentis eadem obstacula sunt superanda, siue magna siue parva velocitate mobile in plano aspero moveatur, & quocunque modo ipsa motus impedimenta se habeant, siue instar pilorum elasticorum deprimendorum, & postea sponte suâ sese iterum erigentium, siue filorum perrumpendorum ad instar, vel quoquo alio modo hisce æquivalente, ad hæc omnia definita quadam, & determinata vi opus est, nec refert quæ sit agentis velocitas.

II.

478. *Resistentia verò respectiva* est, quæ provenit ab allisione medii fluidi partibus anterioribus mobilis. Hæc resistentia pendet à densitate medii & celeritate mobilis, partes enim fluidi (§. 422.) ea ipsa celeritate corpori in eo fluido delato allabi censendæ sunt, quâ corpus hisce particulis impingit, & quantitates fluidi corporibus allabentis (§. 423.) sunt in compositione densitatum & celeritatum.

III.

479. Medium fluidum atque resistens *aëris* nomine simpliciter insigniatur, cum aër tantæ subtilitatis intelligi possit, ut eundem effectum præstare valeat, quem medium resistens.

IV.

IV.

480. *Motus primitivi* sunt illi, qui in vacuo fierent. Sic motus primitive uniformis est motus æquabilis, quo corpus vi quacunque impulsus in vacuo incederet. Et motus primitive accelerati vel retardati à gravitate uniformi, sunt motus alii, quos gravi in vacuo cadenti vel ascendenti convenire Galilæus demonstravit, cujusmodi motus Lib. I. Sect. II. Cap. I. §. 150, 151. consideravimus.

V.

481. *Solicitatio acceleratrix* gravi in aëre descendenti applicata, est excessus, quo gravitas medii resistantiam superat, & *resistentia totalis* seu *absoluta* corpori in aëre ascendenti opposita, est aggregatum sollicitationis gravitatis & resistantiæ aëris. Nam hæc duo corpori in aëre ascendenti conjunctim renituntur. Grave verò cadens non alia vi deorsum ruit, quam eâ, quâ gravitas resistantiam aëris, in quo corpus movetur, superat: propterea hic *excessus* sollicitatio acceleratrix gravis in aëre decidentis audit.

VI.

482. Et, quia hæc sollicitationes acceleratrices in aëre continue crescunt ob crescentem cum velocitate mobilis resistantiam aëris, absque tamen eo, ut inquam penitus extinguatur, ut in sequentibus fusius demonstrabitur, ideo etiam celeritas continue quidem crescet, non tamen certum quendam velocitatis gradum unquam attinget, nedum prætergrediatur. Talis velocitas quam gravia nunquam cadendo assequi possunt, etsi ei semper magis magisque accedunt, Hugenio *velocitas terminalis* audit, Leibnitijs verò *celeritatem maximam* exclusivè eandem appellat.

Scalæ sollicitationum acceleratricium, resistantiarum totalium, & celeritatum acquisitarum vel residuarum, eodem sensu sumuntur, quo in Sectione secunda Libri primi, adeò ut nulla ambiguitas vocabulorum in hac materia irrepere queat. Idem pariter intelligendum de momentis harum sollicitationum aut resistantiarum totalium, & celeritatum crescentium aut decrescentium.

VII.

483. Si lineæ rectæ indefinitæ longitudinis æquabili motu ferri subinde dicentur, atque in hisce lineis corpora libere etiam ultro citro-

traque incedere ponentur, ipsæ lineæ mobiles *lineæ deferentes*, earum motus, *motus communis*, scilicet lineæ mobilis & corporis secum abrepti, & denique corporis in deferenti lineæ motus, ejus *motus proprius* deinceps dicuntur; corporisque ejusdem *motus absolutus* est is, qui resultat ex motu communi & proprio, estque horum aggregatum, si lineæ deferens & in ea corpus proprio motu ad easdem partes feruntur, differentia verò si in partes oppositas. Idcirco, ex motu proprio & communi corporis ejus motus absolutus semper innotescet.

PROPOSITIO LIV. LEMMA.

484. *Momentum cujuslibet sollicitationis acceleratricis corporis in aëre cadentis, aut resistentiæ totalis ejusdem corporis in aëre quomodocunque ascendentis, æquatur momento celeritatis acquisitæ crescentis, vel momento celeritatis residuæ & decrescantis.*

Hæc propositio eadem est cum prop. XVII. Lib. I. §. 132. ut adeo nova demonstratione non indigeat, nam sollicitationum nomine quæcunque vires mortuæ, sed continue applicatæ, intelligi queunt. Propterea, si facilitatis gratia corpus in lineæ verticali moveri ponatur, spatiaque transmissa dicantur x , gravitas g , resistentia aëris r , velocitas acquisita corpori decidenti vel residua ascendenti u ; sollicitatio acceleratrix gravis cadentis (§. 481.) erit $g - r$, & momentum hujus sollicitationis $gdx - rdx$ æquatur momento velocitatis crescentis udu . Hinc $gdx - rdx = udu$.

Resistentia verò totalis corporis ascendenti (§. 481.) est $g + r$, momentumque hujus resistentiæ $gdx + rdx$ æquale est momento celeritatis decrescantis $-udu$, adeò ut habeatur $gdx + rdx = -udu$.

Vel etiam sumendo spatia non actu percurfa, sed deinceps percurrenda, usque ad totalem motus ascensionalis extinctionem, erit $-gdx - rdx = -udu$, seu $gdx + rdx = udu$, hoc enim pacto spatia absolvenda, post jam percurfa, decrescant cum celeritatibus.

Idcirco utrumque casum descensus ascensusque verticalis corporum in aëre uni generali formulæ includendo, inveniatur $gdx + rdx = udu$. Ubi signum superius $-$ descensum, alterum verò $+$ ascensum corporum in aëre resistentem respicit, ubi meminisse oportet spatia x non esse spatia actu transmissa à corpore ascendente, sed eorum complementa ad totam seu maximam altitudinem, quam ascendens mobile percurrere potest.

COROLLARIUM.

485. Si jam elementum temporis, quo spatium dx transmittitur, dicatur dt , erit $dt = du : g + r$. Nam, quia (§. 128.) $dt = dx : u$, & (§. 484.) $gdx + rdx = udu$, erit $dt (= dx : u) = du : g + r$. Adeoque $t = \int du : g + r$, ubi t significat tempus, quo grave motu à quiete incepto spatium x perlabitur, vel tempus quo grave ascendens complementum spatii actu jam transmissi ascendendo conficere posset; unde, si tempus, quo maxima altitudo A , quam grave data celeritate in altum projecti emetiri potest, dicatur T , quantitas $T - t$ exponet tempus, quo mobile spatium ascendendo actu absolvit.

SCHOLIUM.

486. Cum nulla adhuc attentio habita sit ad originem resistantiæ mediæ, an pendeat à celeritatibus mobilis actualibus, an verò aliunde, satis manifestum est, in præcedentibus canonibus generalibus contineri leges motuum variatorum pro quacunque resistantiæ mediæ absolutæ vel respectivæ hypothese.

PROPOSITIO LV. LEMMA.

487. *Motus variati corporis in aëre quacunque lege resistente ex motu primitive uniformi sunt iidem, qui resultarent ex motu communi ac uniformi lineæ mobile secum deferentis, & ex motu proprio mobilis in lineæ deferente, orto ab allisione aëris corpori in lineæ deferente delato.*

Mobile M incipit moveri ex N versus O velocitate data AN , ita quidem, ut si in vacuo incederet, motus perfecte æquabilis esset; sed, quia in medio resistente fertur, mobilis nostri motus in recta NO continue variatus existet, ita ut semper magis magisque languescat. Probari debet hunc motum variatum eundem fore cum eo, qui resultaret ex motu communi lineæ NO celeritate AN ex N versus Q æquabili motu latæ, atque mobile M secum abripientis, & ex motu proprio mobilis M in deferenti lineæ NO , sed contrario motui æquabili lineæ deferentis, tendente scilicet ex N versus O , utpote orto ex continuo allapsu aëris mobili M , quod (secundum hypothesein) ultro citroque in lineæ deferente liberrime moveri posse supponitur, absque ullo impedimento ratione motus communis seu motus lineæ deferentis.

De-

Demonstratio. Quatenus linea deferens NO æquabili motu versus Fig. 119.
 Q fertur, eatenus ea mobile M ipsi inhærens secum abripit, sed quia
 aer mobili isti continue alliditur, & corpus ipsum (secundum hy-
 pòthesin) libere in deferenti linea NO moveri potest, aerque ean-
 dem in mobile impressionem exferit, (§. 422.) ac si in ipsum quie-
 scens ea ipsa celeritate impingeret, quâ mobile in aëre motu abso-
 luto fertur; ideo per se liquet corpus M ab aëre continue versus O
 impulsus omnino motum iri ex N versus O, motu proprio in linea
 deferente, sed contrario motui hujus lineæ deferentis; ac constat in-
 super motus proprios mobilis M ab impulsu aëris ortos, esse decre-
 menta motus absoluti corporis in aëre, atque adeò effecta resisten-
 tiæ aëris, ut adeò hinc manifestum sit motum absolutum corporis
 M in aëre haberi, si à motu lineæ deferentis NO subducatur mo-
 tus proprius corporis M in hac deferente, adeò quidem, ut si, ex-
 acto quodam tempore atque motu proprio, mobile spatium NE in
 linea deferente transmiserit, & in ejus termino E gradum velocita-
 tis DE acquisiverit, velocitas absoluta mobilis in aëre (§. 483.) fu-
 tura sit BD, excessus scilicet celeritatis BE vel AN, qua linea defe-
 rens movetur, supra celeritatem DE in linea deferente mobili ac-
 quisita ab aëris resistentis impressionibus. Propterea motus absolu-
 tus & variatus mobilis M in aëre idem erit cum eo, qui resuleret
 ex motu communi lineæ deferentis NO, & ex proprio mobilis in
 hac linea deferente. Quod erat demonstrandum.

COROLLARIUM I.

488. Sit jam curva NDO scala celeritatum mobilis M in linea
 deferente NO acquisitarum, & curva PFO scala impressionum aë-
 ris in mobile M exertarum; & velocitas initialis mobilis M, quæ
 erat AN, reducta erit ad celeritatem BD eo tempore, quo mobile in
 linea deferente spatium NE transmittit. Adeoque per præceden-
 tem habetur generaliter $EF: Ee = DE.ad.$ Id est *momentum sollicita-*
tionis acceleratricis EF in linea deferente æquivalet momento celerita-
tis ED in eadem linea deferente acquisitæ.

Tempus vero per NE seu (§. 128.) $fEe: DE = fad: EF.$

COROLLARIUM II.

489. Hinc spatium absolutum, quod mobile M hoc tempore $fad:$
 Nn^2
 EF

EF in aëre absolvit, reperietur generaliter $AN \cdot fda : EF = NE$.
 Nam linea deferens NO absolvit motu suo æquabili & velocitate
 AN spatium AN $\cdot fda : EF$ tempore $fda : EF$, & mobile M in linea
 deferente spatium NE.

S C H O E I O N.

490. Si resistantia medii absoluta in omnibus spatii percurrendi
 punctis eadem assumatur, linea PFO erit recta ipsi NO vel AO
 parallela, & scala celeritatum NDO parabola erit. Nam momen-
 tum vis acceleratricis EF fit hoc casu $NP \cdot Ee = DE \cdot ad$, & omnia
 $NP \cdot Ee$ hoc est $NP \cdot NE$ æqualia omnibus $DE \cdot da$ seu $\frac{1}{2}DE^2$, hinc
 $2NP \cdot NE = DE^2$, ergo NDO est parabola, cujus parameter est
 $2NP$.

Hinc, quia $tNE = fad : EF = fad : NP$, erit $tNE = DE : NE =$
 $DE^2 : DE \cdot NP = 2NP \cdot NE : DE \cdot NP = 2NE : DE$. Hinc $NA \cdot fad :$
 EF seu $NA \cdot tNE = 2AN \cdot NE : DE$, & spatium absolutum, quod mo-
 bile in medio hoc absolute resistente, tempore $2NE : DE$ transmit-
 tit, erit $NA \cdot tNE - NE = 2AN \cdot NE : DE - NE = (2AN - DE) \cdot$
 $NE : DE = (2NA \cdot DE - DE^2) : 2NP$.

Celeritas verò mobilis, elapso tempore $DE : NP$ vel $2NE : DE$,
 residua erit BD, ut jam supra (§. 488.) dictum. Propterea in ista
 hypothese mobile M celeritate AN impulsus tempore $AN : NP$ ad
 quietem redigetur. Hæc probe confectiunt cum iis, quæ Cl. Varignon
 Probl. III. Coroll. I. Act. Acad. Reg. Scient. 1707. d. 13. Aug. di-
 versa tamen methodo, tradidit.

Ubi verò resistantia medii respectiva obtinet, atque adeò resisten-
 tiæ aëris ab ejus densitate & velocitatibus mobilis pendent, ipsæ
 EF semper aliquam relationem habebunt cum lineis BD velocita-
 tum mobilis in aëre repræsentatricibus, ut ex sequentibus dilucide
 patebit.

P R O P O S I T I O L V I. L E M M A.

Fig. 119. 491. *Exhibens nonnullas logarithmicæ proprietates deinceps adhiben-
 das.*

I. Elementum cujusque ordinatæ logarithmicæ est ad ipsam or-
 dinatam ut elementum axis ad subtangentem log-micæ.

Sit enim HI ordinata quæcunque log-micæ NHT, cujus subtan-
 gens

gens sit IR, positoque Hm elemento ordinatæ HI, agatur *hi* parallela HI, & *mb* parallela axi AR, quibus positis, triangula similia Hmb & HIR præbent $Hm:HI=li:IR$. Quod erat demonstrandum.

II. Rectangulum Hli, sub ordinata HI & elemento axis li ordinatæ HI adjacenti, æquatur ubique rectangulo sub subtangente IR & elemento Hm ordinatæ HI. Nam analogæ præcedentis, numeri $Hm:HI=li:IR$, præbet $HI.li=IR.Hm$.

III. Tertia proportionalis ad subtangentem & quamlibet ordinatam log-micæ cum adjacente axis elemento efficit rectangulum æquale rectangulo sub ordinata ejusque elemento. Esto VI tertia proportionalis ad IR & IH, ac resumatur analogia numeri primi $Hm:HI=li:IR$, vel permutando $Hm:li=HI:IR$ (secundum hypothesin) $=IV:HI$. Ergo VI. $li=HI.Hm$.

IV. Si in duabus logarithmicis NHT & 2N2H2T ordinata NA fuerit ad HI, sicut 2N2A ad 2H2I, erit AI ad 2A2I sicut subtangens IR ad subtangentem 2I2R. Sint enim li & 2I2i elementa similia totarum AI & 2A2I, eritque $HI:hi=2H2I:2h2i$; quoniam hæ rationes sunt submultiplices æqualium rationum secundum eundem multipliciter numerum, idcirco erit $Hm:HI=2H2m:2H2I$, atqui (num. 1. hujus) $Hm:HI=li:IR$, & $2H2m:2H2I=2I2i:2I2R$, ergo $li:IR=2I2i:2I2R$, & permutando $li:2I2i=IR:2I2R$; verum, quia li & 2I2i sunt particule similes totarum AI, 2A2I, erit $li:2I2i=AI:2A2I$, ergo etiam $AI:2A2I=IR:2I2R$. Quod erat demonstrandum.

Fig. 119,
& 120.

COROLLARIUM.

492. Hinc log-us rationis duarum magnitudinum divisus per subtangentem logarithmicæ, ex qua log-us dictæ rationis desumptus est, est idem cum log-mo ejusdem rationis desumpto ex qualibet alia logarithmica, sed divisio per subtangentem hujus alterius logarithmicæ. Atque hinc liquet, quâ ratione logarithmi desumpti ex data quadam log-mica transferri queant in log-micam, quæ vulgares tabularum logarithmos continet, & vicissim.

PROPOSITIO LVII. LEMMA.

493. Si ex eodem centro M, & semilatre transverso MI descriptus sit

N n 3

Fig. 122.
sit

fit quadrans circuli ILA & hyperbola æquilatera IL, quorum ordinatæ LS referantur ad axem MS, erit in circulo & in hyperbola rect-angulum MS. Ss, sub abscissa ejusque elemento, æquale homologo rect-angulo LS. Lm vel lm sub ordinata ejusque elemento.

In circulo. Junctæ ML, triangula similia MLS & Llm præbent $MS:LS = Lm:lm$ vel Ss ; adeoque $MS.Ss = LS.Lm$.

In hyperbola. Junctantur IS & Is, & centro I intervalloque IS descriptus intelligatur arcus Ss. Jam ex natura hyperbolæ est $LS = IS$, & $ls = Is$, ergo $us = lm$. Atqui triangula similia ISM & Ssu suppeditant analogiam $Ss:su$ vel $lm = IS$ vel $LS:MS$. Ergo $MS.Ss = LS.lm$. Quod erat demonstrandum.

SCHOLIUM GENERALE.

494. Traditis jam generalibus principiis, ex quibus quicquid ad motus corporum in mediis resistentibus pertinet, deduci potest, & nonnullis lemmatis geometricis in applicatione principiorum necessariis, ad hanc applicationem jam veniendum restat. Et primum quidem, quod motus ex resistentia absoluta concernit, id cum in paragrapho superiore 490, tum etiam in secunda sectione Libri primi quadantenus jam præstitum est, etenim in citato paragrapho definitus est motus variatus resultans ex primitive uniformi in hypothese resistentiæ absolutæ, in Capite verò primo Sect. Sec. Libr. I. §§. 150, 151. determinati sunt motus gravium in hypothese gravitatis uniformis, ad quem casum etiam revocari potest resistentia absoluta, qua in singulis percurrendi spatij punctis eadem quantitate corporibus resistitur, unde si constans ubique resistentia à constanti gravitate subducetur, residua sollicitatio acceleratrix etiam constans erit, unde quæ citato loco respectu gravitatis uniformis demonstrata sunt, ea sollicitationi ejusmodi acceleratrici etiam applicari possunt & debent. Idcirco non est quod resistentiæ absolutæ seu motibus inde orituris diutius immoremur. Resistentia medii respectiva pendet à velocitate, qua mobile in ejusmodi medio incidit. Tres sunt præcipuæ hujus resistentiæ hypotheses, quas in sequentibus capitibus primum sigillatim percurreremus, deinde analysin trademus, qua motus in ejusmodi mediis variati generaliter determinabuntur.

CAPUT XV.

De motibus Corporum, quibus aër resistit in ratione celeritatum mobilis.

PROPOSITIO LVIII. THEOREMA.

495. **S**patium, quod mobile quoddam in aëre, juxta proportionem celeritatum ejus actualium, variato motu ex primitive uniformi certo quodam tempore transmittit, exponitur eadem linea, quæ velocitatis mobilis initialis pars hoc tempore amissa representatur. Et tempus absolutum, quo dictum spatium absolvitur, exponi debet per logarithmum rationis, quam habet velocitas initialis mobilis ad velocitatem absolutam ejusdem elapso hoc tempore, applicatum ad subtangentem illius logarithmicæ, ex qua prædictus logarithmus desumtus est. Fig. 119.

Sit M mobile in plano quodam horizontali celeritate AN impulsus, juxta rectam NQ, in qua deinceps æquabiliter incederet celeritate eadem AN, si in vacuo ferretur, sed quia in aëre juxta proportionem celeritatum suarum resistente movetur, singulis momentis aliquid de sua velocitate actuali deceder. Ipsi verò motus ope propositionis §. hujussecundi libri facile determinantur; quandoquidem, juxta hanc propositionem, iidem sunt motus variati ex primitive uniformi in aëre resistente, qui resultarent ex motu communi alicujus lineæ deferentis, & ex motu proprio mobilis in hac deferenti lineæ orto ab appulsu aëris corpori in lineæ deferente delato.

Sit ergo NO hæc lineæ deferens celeritate mobilis initiali AN, æquabili motu tendens versus Q, & post aliquod tempus mobile M in hac lineæ deferente spatium NE perecurrisse intelligatur, atque in ea celeritatem DE exacto dicto tempore acquisivisse, quo fiet, ut velocitas ejus initialis AN reducta sit ad velocitatem actualem (qua scilicet in aëre movetur) BD; hac ergo velocitate aër mobili allabitur & resistentia est ut hæc celeritas, ergo impressio seu sollicitatio acceleratrix mobilis in lineæ deferenti, quæ generaliter est EF, jam erit BD. Propterea curva PFO erit similis & æqualis curvæ NDO, adeo ut tantum (§. 488.) determinandum restet, quænam sit curva NDO, ut in ea BD. Bb seu EF. Ee æquetur rectæ ead seu ED. ad. Ubi Ee vel Bb est elementum spatii NE, & ad elementum ordinatæ DE.

Per

Per punctum N ducta sit log-mica NHT, cujus subtangens AK (posito scilicet rectam NK ipsam contingere in puncto N) æqualis AN, atque in ea ad asymptotam AR aptetur ordinata IH æqualis BD, eaque producat in S, ductaque per logarithmicæ punctum H recta indefinita HCD parallela OQ, tangentem log-micæ NK in G, rectamque NA in C secante, si in ea sumatur ubique CD æqualis GH, interceptæ inter tangentem NK & log-micam NHT, erit semper punctum D in scala celeritatum propriarum mobilis in linea deferente NO.

Ducantur enim per punctum log-micæ H tangens HR & linea HL parallela tangenti NK, eruntque HI & IL, item LR & HS vel DE æquales, ductaque insuper *dh* alteri DH indefinite. vicina lineola *mb* & IR à media HL proportionaliter secantur, eritque adeò HI vel BD aut EF ad LR vel HS seu DE, sicut *Hm* seu *da* ad *nb*; adeoque $EF \cdot nb = DE \cdot da$. Jam, quia (constr.) DC vel $EN = GH$ & $Ne = ch$, erit *nb*, differentia inter GH & *gh*, æqualis *Ee*; nam *Hn* est parallela ipsi *Gg*. Ergo $EF \cdot nb = EF \cdot Ee = DE \cdot da$. Quod erat demonstrandum.

Porro est $nb : LR = mb : IR$, atqui $nb : LR = Ee : DE$ (§. 128.) = tEe , ergo $tEe = li$ vel $mb : IR$; ergo omnia tEe , id est, tempus per $NE =$ omnibus $li : IR = AI : IR = \log. (AN : HI)$ applicatus ad IR vel AN. Hoc est, tempus absolutum, quo mobile percurrit spatium NE in linea deferente, exponitur log-mo rationis, quam habet celeritas initialis AN ad celeritatem mobilis residuam IH elapso hoc tempore, applicato ad log-micæ subtangentem.

Hinc, quia (§. 489.) spatium absolutum, quod mobile M dato illo tempore in aëre transmittit, est $AN \cdot tNE - NE$, erit hoc spatium $AI - NE = CH - GH = CG = NC$, quoniam (constr.) $AN = AK$, item $tNE = AI : AN$, & NE (constr.) = GH . Ergo spatium absolutum, quod mobile nominato tempore percurrit, in aëre representatur per eam lineam NC vel DE, quæ velocitatis amissam partem exhibet. Quæ omnia erant demonstranda.

C O R O L L A R I U M I.

496. Ergo si mobilis celeritates actuales BD seu IH sumantur in progressionem geometrica, tempora respectiva AI : AN erunt in progressionem arithmetica.

COROLLARIUM II.

497. Adeoque velocitas mobilis non nisi tempore infinito extingui potest, cum log-us rationis AN ad o, seu ad quantitatem quolibet data minorem, sit infinitus. Propterea mobile M ejusmodi motu ex primitive uniformi derivato in aëre nunquam percurrere potest spatium AN datæ magnitudinis.

Hæc omnia ad amissim conveniunt cum determinationibus Newtoni Prop. 2. Lib. 2. Pr. Phil. Nat. Leibnitii Aët. Erud. 1689. art. 1. Wallisii Algebr. cap. 101. Et Varignonii Aët. Acad. Reg. Paris. Scient. 1707. die 13 Aug. probl. 1. & coroll. annexis.

PROPOSITIO LIX. THEOREMA.

498. Si grave in aëre juxta rationem celeritatum resistente verticaliter à quiete descendat, spatium, quod mobile aliquo tempore perlabitur, exponetur excessu, quo factum ex tempore descensus in velocitatem corporis terminalem excedit lineam, quæ celeritatem mobili acquisitam repræsentat. Tempus vero ipsum exponetur log-mo rationis, quam gravitas absoluta mobilis habet ad sollicitationem acceleratricem in termino dicti spatii, applicato ad log-micæ subtangentem. Fig. 122

Sin verò grave in aëre eodem verticaliter in altum projiciatur data cum celeritate initiali, altitudo totius ascensus mobilis exponetur excessu, quo velocitas initialis excedit factum ex tempore ascensus in velocitatem terminalem. Et tempus ipsum exponetur log-mo rationis resistantiæ totalis initio ascensus ad gravitatem absolutam mobilis applicato ad subtangentem logarithmicæ.

I. Sit BzC log-mica ad axem FI extracta, cujus subtangens FH sit quæcunque, & BH tangens log-micæ in puncto B. Ducatur pro lubito linea DC æquidistans ipsi FI, rectæ BF in puncto D, tangenti BH in E, & denique log-micæ in puncto C occurrens. Eritque EC intercepta inter tangentem BH & log-micam BC spatium percursum descensu mobilis, ratio DC: FH exponet tempus, quo spatium EC conficitur, & denique DE intercepta inter BF & BH exponet celeritatem mobili acquisitam tempore prædicto DC: FH. FH verò exponet celeritatem terminalem, seu maximam, exclusive. Hinc ducta EG parallela BF, recta GH repræsentabit sollicitationem acceleratricem in fine spatii percursum EC. Nam quoniam FH

repræsentat gravitatem absolutam, & (secundum hypothesin) DE vel FG resistantiam medii, residua GH exponet omnino sollicitationem acceleratricem mobilis, ut adeo aliud non restet faciendum, quam (§. 484.) ut probetur hanc constructionem præbere GH. $\delta c = DE.gb$, seu momentum sollicitationis acceleratricis GH æquari momento celeritatis DE, ductis δc parallela DC, & δC parallela BH, adeo ut δc sit elementum lineæ EC, & gb elementum lineæ DE. Ubi obiter notandum, punctum C in figura per accidens tantum reperiri in communi intersectione rectæ HP, æquidistantis FO per datum positione punctum H ductæ & log-micæ BC, cum dictum punctum C quodlibet aliud log-micæ punctum esse possit.

Demonstr. Fiat $GI = FH$, eritque $HL = FG = DE$, & acta EL erit parallela tangenti log-micæ in C, atque adeo Ei erit parallela & æqualis elemento logarithmicæ Cc, & $\delta c = hi$. Jam, quia GH: HI vel DE, $= gb:hi$ seu δc erit GH. $\delta c = DE.gn$. Quod erat unum.

Porro gi vel $uc: GI = gb:GH$ (§. 128.) $= t\delta c$, ergo omnia $uc: GI$, seu DC: GI = tempori descensus in spatio EC. Atqui DC est log-us rationis FB ad GE seu HF ad GH, hoc est, rationis, quam habet velocitas terminalis FH ad sollicitationem acceleratricem GH. Nam, quia DE exponit (secundum hypothesin) velocitatem mobili acquisite, & quia hæc fit FH, ubi DC facta fuerit infinita, manifestum est celeritatem terminalem per subtangentem FH exponendam esse, qua etiam gravitas absoluta mobilis repræsentatur. Idcirco tempus descensus per spatium EC est log-us rationis FH: GH divisus per subtangentem FH. Adeoque DC est factum ex tempore descensus per EC in velocitatem terminalem FH, & spatium EC est excessus facti modo nominati, supra rectam DE, quæ celeritatem acquisite exponit. Quæ omnia erant demonstranda.

499. Ponatur secundo mobile ascendere in linea verticali *ak* vel AN celeritate initiali NO, ostendendum restat, altitudinem, ad quam mobile perungere possit, esse *ak* vel AN interceptam inter tangentem BN & log-micam BTA, tempusque, quo altitudo ista conficiatur, esse AO: FH. Linea *ak* alteri AN indefinite vicina ponitur, unde ducta Aa parallela BN, lineola aa erit decrementum spatii *ak* versus B. continue decrescens cum velocitate NO. Initio motus resistantia aeris (secundum hypothesin) est NO, & gravitas FH vel OP corpori ascendenti etiam opponitur, adeoque (§. 481.) resistantia totalis est NP. Propterea ostendendum, constanter esse NP.

NP. aut momentum scilicet resistentie totalis NP æquale NO. kl momen-
to celeritatis decrefcentis NO.

Si enim iterum $LM = FH$ & NM ducta fuerit, erunt $MH = NO$,
& $km = aa$, & $LH : MH = NP : NO = kl : km$ vel aa , adeoque NP.
 $aa = NO. kl$. Idcirco omnia decrementa aa , id est ak , seu AN, sunt
altitudo, quam ascendens mobile absolvere potest.

Item $ml : LM = km$ seu $aa : MH$ vel NO. (§. 128.) taa , ergo omnia
 $ml : LM$, seu omnia $ab : LM$, hoc est, AO : LM æquantur omnibus
 taa , seu tempori ascensionis mobilis in spatio ak vel AN. Atqui AO
est log-us rationis A2F ad BF, seu rationis æqualis NP ad OP, id
est, rationis, quam habet resistentia totalis initio motus ad gravita-
tem. Adeoque temp. per AN = log. (NP : OP) divis. per LM vel
FH, & LM in $tAN = AO = \log. (NP : OP)$. Ergo, cum AN sit
NO - AO, erit altitudo, quam mobile ascendens percurrere potest,
excessus, quo celeritas initialis NO excedit factum ex tempore ascen-
sionis in celeritatem terminalem FH vel LM.

COROLLARIUM I.

300. Tempus, quo ascendens grave suam altitudinem AN vel QB
emetietur, est ad tempus descensus ejusdem ex eadem altitudine
BQ, sicut AO ad OP. Hoc per se satis clarum. Nam tempus descen-
sus per BQ vel EC (§. 498.) est DC : FH seu OP : FH, & tempus
ascensus ip AN (§. 499.) est AO : FH. Ergo &c.

COROLLARIUM II.

301. Tempus quo mobile spatium AN ascendendo trajicit cele-
ritate initiali NO, est ad tempus, quo idem grave in vacuo & ce-
leritate eadem initiali NO suam altitudinem, quousque pertingere
potest, absolveret, ut AO ad NO vel A2Q, ducta scilicet per Q
recta Q2Q parallela FO. Nam tempus ascensionis in aëre per al-
titudinem AN est, ut vidimus, AO : TH; grave verò in vacuo
ascendens emetietur (§. 139.) suam altitudinem eo tempore, quo id
à quiete cadere incipiens accelerato motu celeritatem NO initiali
æqualem acquirere potest; atqui (§. 151.) hoc tempus est, ut cele-
ritas acquirenda NO applicata ad rectam FH, quæ gravitatem uni-
formem exponit, atque adeò NO : FH exponit dictum tempus
ascensionis mobilis in vacuo. Est ergo tempus ascensionis in aëre ad

tempus ascensionis in vacuo ut $AO : FH$ ad $NO : FH$, id est, sicut AO ad NO seu A_2Q ; nam ob æquales & parallelas BN & QA , etiam æquales erunt NO & A_2Q .

COROLLARIUM III.

502. Altitudo AN , quam grave celeritate NO verticaliter in altum projectum percurrere potest, erit ad altitudinem, quam eadem celeritate in vacuo sursum projectum absolvere posset, ut rec-lum FBQ vel FB . AN ad triangulum BNO . Nam (§ 150.) altitudo in vacuo absolvenda exponitur quadrato velocitatis initialis NO , applicato ad duplum gravitatis, seu $2FH$; ergo altitudo in aëre est ad altitudinem in vacuo absolvendam sicut AN vel BQ ad NO : $2.FH$; vel sicut QB ad OB , $ON : 2.FB$, cum NO sit ad FH sicut BO ad BF ; ergo prædictæ altitudines sunt ut $BF.BQ$ ad $BO.ON$. id est, ut rec-lum FBQ ad triangulum BON . Verum rec-lum FBQ æquatur trilineo BA_2B ; nam quadrilinum FBA_2F , indicante Hugenio & demonstrante Cel. Viro Guidone Grando in suis Hugeniæ cap. 8. num. 14, æquatur rec-lo $BO.FH$, quod quidem ex superioribus (§ 491. num. 11.) facillime probari potest, nam quia fig. 119, rec-lum $HI.Li =$ rec-lo $IR.Hm$, erunt omnia HL , quæ in area $NAIH$ continentur, id est, hæc area ipsa = omnibus $IR.Hm$ seu $IR.NC$. Eodem ergo argumento sequitur quadrilinum FBA_2F æquari rec-lo $FH.BO$ seu rec-lo ex subtangente log-micæ in differentiam ordinatarum A_2F & BF . Atqui propter similitudinem triangulorum HFB & NOB ; est $FH.BO = FB.NO =$ rec-lum LFB , ergo $LFB = FBA_2F$, & ablato communi rec-lo BF_2F , restabit $L_2F_2B = FBQ =$ trilineo BA_2B .

Hinc, quia altitudo in aëre conficienda est ad altitudinem in vacuo percurrendam, sicut rec-lum FBQ ad triangulum BNO , erit etiam prior altitudo ad alteram ut trilineum BA_2B ad triangulum BNO .

COROLLARIUM IV.

503. Celeritas initialis gravis spatio AN vel QB in aëre ascendens, est ad celeritatem quacum in terram recideret, emenso eodem spatio NA vel BQ , sicut NO ad DE , vel propter triangula similia BON & BDE , sicut BO seu RP ad BD vel RC .

Hæc

Hæc quatuor corollaria continent omnia, quæ Nobil. Hugenius circa motus corporum in lineis rectis verticaliter ascendentium & descendentium in præfenti resistantiæ aëris hypothefi absque omni demonstratione simpliciter indicavit, ad calcem suæ Diatribæ *De Causa gravitatis* pag. 171, & quæ Cl. Varignonius postea eleganter etiam demonstravit in Actis Acad. Reg. Paris. Scient. 1708.

COROLLARIUM V.

504. Cum tempora ascensus per spatia AN, & TS vel YN ducta, scilicet parallela TY ad BN vel QA, sint $AO : FH$, & $TW : FH$, existentibus celeritatibus initialibus NO & SW, erit ideo $tAY = (AO - TW) : FH = \log. (OF : WF) : FH$, in log-mica, cujus subtangens est FH, vel §. 492. simpliciter $= \log. (OF : WF)$ in log-mica, cujus subtangens est unitas.

COROLLARIUM VI.

505. Sic etiam tempus, quo grave spatium *st* in aëre perlabitur, est $\log. (BF : WF)$ in log-mica, cujus subtangens est unitas. Nam tempus per *st* $= wt : FH$, & $wt = \log. (BF : wF)$, ergo (§. 492.) $wt : FH = \log. (BF : wF)$ in log-mica, cujus subtangens est unitas.

COROLLARIUM VII.

506. Unde, si grave quoddam projiciatur in aëre resistente juxta præsentem hypothefin, secundum directionem tangentis BH log-micæ. BtC in puncto B, & celeritate ea, ut celeritas verticalis FH ex obliqua jactus BH derivata par sit celeritati *terminali* *gravis* seu *maximæ* exclusive, corpus projectum arcum log-micum BtC in aëre describet. Fingatur enim rectam *sx* ex situ BR versus C sibi semper parallelam moveri, ita ut ejus extremitas *s* semper in recta BH existat, ejusque velocitas, juxta lineam BH, hac ipsa BH exponatur; idcirco, si ponatur puncto intersectionis *s* rectæ *sx* & BH resisti in ratione celeritatum, hoc punctum *s* tempore, quod exponitur per $\log. (BH : sH) : FH$ vel (§. 492.) per $\log. (BH : SH)$ vel propter triangula similia BFH & Bws, per $\log. (BF : wF)$ in log-mica, cujus subtangens est unitas, percurrat spatium Bs, grave velò hoc eodem tempore $\log. (BF : wF)$ in linea deferente perlabetur spatium *st*,

ut in coroll. VI. (§. 505.) dictum; eo ergo tempore, quo deferens linea sx ex situ B venit in situm st , grave in ea motu accelerato perlabitur spatium st , adeo ut id semper incessurum sit in linea logarithmica htC , prorsus ut Hugenus absque demonstratione asseruit, & Varignonius analytico id calculo in Actis Acad. Reg. Paris. Scient. 1708. eleganter demonstravit.

507. Hugenus addit pag. 173. Dissertationis *De la Cause de la Pesanteur* hujus log-micæ speciem eo determinari, quod ejus subtangens dupla sit altitudinis, ad quam grave celeritate initiali terminalem æquante ascendens, in vacuo pervenire possit. Hoc facile deducitur ex §. 150. Nam si quadratum subtangentis FH , quæ exponit celeritatem terminalem, applicetur ad duplum subtangentis ejusdem, quæ etiam gravitatem uniformem exponit, resultabit inde altitudo maxima, ad quam mobile in vacuo ascendens velocitate initiali terminalem in aëre æquante, pervenire potest, æqualis femissi subtangentis log-micæ.

508. Addam & ego mobilis celeritate & directione BH in aëre projecti, & log-micam htC describentis velocitatem in quolibet log-micæ puncto t , exponi debere tangentem log-micæ tu in hoc puncto t ; ut adeo mobilis celeritas in logarithmica terminali semper major futura sit, etsi decreseat, eique semper magis magisque accedat. Assertionis demonstrationem utpote, facillimam non adduco.

COROLLARIUM VIII.

509. Si grave, data cum celeritate, verticaliter deorsum projiciatur in aëre resistente juxta proportionem celeritatum, motus corporis ex duabus præcedentibus propositionibus facili negotio determinabuntur, perinde ac præcedens corollarium ex iisdem eliciamus.

Fig. 119. Esto enim AN celeritas initialis seu velocitas projectionis, & quia si mobile in vacuo ferretur, ejus motus mixtus foret ex æquabili projectionis & ex motu accelerato gravitatis, ita etiam ejus motus in aëre mixtus est duplici motu variato, scilicet ex eo, qui resultat a motu primitive uniformi, & ex eo qui nascitur à primitive accelerato; ambo hi motus seorsim considerari possunt. In figuris 119. & 122. sint ordinatæ logarithmicæ AN , HI , BF atque HC proportionales, atque adeo erit (§. 491. num. IV.) $AI:DC = AK:FH$, atque adeo $DC:FH = AI:AK$, atqui (§. 498.) $DC:FH$, seu logarithmus

ritum rationis BF ad DF, seu FH ad GH, id est, log-us ratio-
nis, quam gravitas habet ad sollicitationem acceleratricem in aëre divi-
sus per subtangentem FH, exponit tempus descensus gravis in aë-
re per spatium EC, idque à sola gravitate. Altera verò ratio AI
AK (§. 495.) exponit tempus, quo mobile motu ex primitivo æqua-
bili variato in aëre transmittit spatium NC, sed quia ostensum est
 $DC : FH = AI : AK$, hæc tempora erunt æqualia, propterea tem-
pore DC : FH mobile describet in aëre, motu mixto motibus ex æ-
quabili & accelerato à gravitate uniformi derivatis, spatium NC +
EC (inspiciendo utramque figuram 119. & 122.): atque in fine præ-
dicti temporis celeritas mobilis erit HI + DE. Est verò NC = AN
- HI, & EC = DC - DE, ergo NC + EC = AN + DC - HI -
DE, atque adeò spatium indicato tempore transmissum erit DC +
AN - HI - DE, & celeritas, in termino hujus spatii acquisita vel
residua, HI + DE = HI + FH - GH = AN + FH - NC + GH.
Quæ quantitas crescente tempore AI : AK vel DC : FH, atque adeò
decrecente HI aut crescente NC, continue decrescit, quando-
AN major est quam FH, ita tamen, ut minima exclusive, cui sem-
per magis magisque appropinquatur, futura sit FH, æqualis veloci-
tati terminali. Sin verò AN, seu velocitas jactus, minor fuerit termi-
nali FH, summa HI + DE continue crescit, usque dum HI in in-
finitum imminuta evanuerit, alteraque DE facta fuerit FH, æqua-
lis scilicet velocitati terminali.

PROPOSITIO LX. PROBLEMA.

410. *Invenire curvam 2M2T2C, quam grave secundum directionem Fig. 122
2M2R, dato angulo 2R2M2L, ad horizontem inclinatam celeritate
2M2G projectum, in aëre, juxta proportionem celeritatum resistentis,
describet.*

Solutio. In puncto 2G excitata normali 2G2D ad 2M2G, cir-
ca 2G2D tanquam axem descripta sit per punctum 2M log-mica
2M2B2Q, subtangentem habens 2G2u, quæ juxta præcedentia,
gravitatem uniformem seu etiam velocitatem terminalem exponit.
Jungatur 2M2u, quæ log-micam in puncto 2M continget, tunc per
quolibet punctum 2r directionis jactus ductis 2r2l & 2r2b rectis
2G2E, & 2G2D æquidistantibus, quarum altera tangenti log-micæ
in 2s & log-micæ ipsi in 2b occurrat: denique fiat ubique in qua-
libet 2r2l ejus pars 2r2t æqualis homologæ 2s2b, interceptæ inter
tan-

tangentem & log-micam, eritque semper punctum $2t$ in curva quæsita $2M_2T_2C$.

Demonstr. • Intelligatur iterum quædam linea $2M_2N$, grave projectum secum deferens, motu sibi ipsi & $2G_2E$ semper parallelo ferri, & quidem motu variato ex primitive uniformi in aëre secundum celeritatum rationem resistenti, existente celeritate initiali eadem cum celeritate jactus $2M_2G$, atque in hac linea deferente $2M_2N$ grave libere cadere motu eadem ratione accelerato, quam qui in propositione antecedente definitus est; quibus positis, linea deferens $2M_2N$ ex hoc suo primo situ veniet in situm $2r_2d$, describendo in directione jactus spatium $2M_2r$, (§. 495.) tempore, quod exponitur per log. $(2M_2G:2r_2G):2G_2u=2r_2b:2G_2u$, atqui hoc eodem tempore (§. 505.) grave in linea deferente perlabitur spatium æquale $2s_2b$ seu (constr.) $2r_2t$. Ergo simulatque linea deferens $2r_2d$ percurrit spatium $2M_2r$, grave perlabitur in ea spatium $2r_2t=2s_2b$, atque adeo id semper durante ejusmodi motu mixto invenietur incidere in curva $2M_2T_2C$. Quod erat demonstrandum.

C O R O L L A R I U M I.

511. Tangens $2g_2t$ per quodlibet curvæ punctum $2t$ ducta, exponet celeritatem mobilis in eodem curvæ puncto. Nam elementa rectæ $2M_2r$ & curvæ $2M_2t$ duabus rectis indefinite vicinis & parallelis interjecta, quarum $2r_2t$ esset altera, eodem tempore describentur, atque adeo velocitates, quibus dicta elementa percurruntur, erunt ut hæc ipsa elementa, sed hæc elementa sunt lineis $2r_2G$ & $2t_2g$ proportionalia, ergo hæc rectæ etiam velocitatibus, quibus prædicta elementa percurruntur, proportionari debent. Unde, quia (§. 495.) $2r_2G$ exponit celeritatem, qua percurritur elementum rectæ $2M_2r$, ideo tangens $2t_2g$ exponet celeritatem mobilis in curvæ $2M_2T_2C$ puncto $2t$.

C O R O L L A R I U M II.

512. Recta $2E_2G$ asymptota erit curvæ projectionis $2M_2T_2C$. Nam si $2O_2Q$ cadat super $2G_2D$, fiet $2P_2Q$ infinita, ergo etiam $2O_2C$ ipsi $2P_2Q$ æqualis infinita erit, ubi ceciderit super lineam $2G_2E$.

COROLLARIUM III.

§ 13. Si $2u2D$ par fiat $2G2E$, jungaturque $2M2D$ log-micam secans in $2Q$, ductaque ex $2Q$ recta $2Q2O$ parallela $2D2G$, & per $2O$ recta $2O2C$ æquidistanti $2G2E$, recta $2M2C$ erit amplitudo curvæ projectionis $2M2T2C$.

COROLLARIUM IV.

§ 14. Sic etiam amplitudo curvæ projectionis, in quolibet plano ad horizontem inclinato, $2M2F$ invenietur, sumendo $2u2x = 2F2G$, & ducendo $2M2X$ log-micam secantem in puncto $2V$. Nam, si ex hoc puncto agatur $2V2I$ parallela $2G2D$, & $2I2H$ æquidistans rectæ $2E2G$, intercepta $2M2H$ erit amplitudo quæsitæ in plano $2M2F$ ad horizontem inclinato. Erit enim $2X2u : 2V2K = 2G2F : 2I2H$, unde cum (constr.) $2X2u$ sit $= 2G2F$, erit etiam $2I2H = 2V2K$. Simili ferme ratione demonstratur præcedens corollarium.

COROLLARIUM V.

§ 15. Quinimo datis amplitudine $2M2C$ atque celeritate jactus $2M2G$, inveniri potest angulus $2G2M2E$ hisce datis conveniens. Nam si coordinatis $2M2O$ & $2O2Q$, nominatis x & y respective, construatur curva $2Y2Q$, cujus æquatio sit $y = \frac{cx}{a} + \sqrt{xx - bb}$, quam proinde liquet esse aliquam sectionem conicam, scilicet hyperbolam, in qua a significat $2M2G$, dein c & b denotant log-micæ subtangentem datam $2G2u$, & datam curvæ projectionis amplitudinem $2M2C$. Communis intersectio curvæ $2Y2Q$ & log-micæ $2M2B2Q$ sit $2Q$, per quam & per punctum $2M$ ducatur linea $2M2D$ rectæ $2G2D$ occurrens in puncto $2D$, linea $2u2D$ dabit finem $2G2E$ anguli quæsitæ $2G2M2E$, existente $2G2M$ radio seu sinu toto.

COROLLARIUM VI.

§ 16. Nec amplius arduum erit determinatu, quinam angulus elevationis $2G2M2E$ conveniat maximæ omnium amplitudini $2M2C$ possibili. Nam, positis iisdem, quæ in coroll. præc. symbolis, si hoc

Pp

casu

casu curvæ 2Y2Q æquatio fuerit $y = \frac{axx - axx}{cx - 2ac} + \frac{cx}{a}$, quam proinde liquet esse aliquam Sectionem conicam, novæ curvæ hujus & log-micæ communis intersectio 2Q præbebit lineam 2u2D, quæ perpetuo æqualis est sinui anguli 2G2M2E quæsitæ. Sed, si curva 2Y2Q log-micam nusquam intersectat, problema impossibile est, quod præsertim de corollario antecedente intelligendum, in quo sæpe contingere potest, ut b , seu amplitudo jactus, tanta assumatur, ut hyperbola inde resultans log-micam nusquam secare queat, atque adeo problema solutu impossibile sit, cum contra problema corollarii hujus sexti semper possibile existat. Nonnunquam etiam hyperbola corollarii V. hujus log-micam in duobus punctis secare potest, quo fiet ut problema duas elevationes diversas 2G2M2E admittat. Horum duorum corollariorum fundamentum consistit in corollariis III. & IV. Calculum verò Lectoris industriæ relinquo.

COROLLARIUM VII.

517. Per log-micæ punctum 2b ducta sit tangens 2b2p, eritque primo 2u2p = 2G2g. Nam elementum lineæ 2s2b est ad elem. lineæ 2M2s ut 2u2p - 2s2b ad 2u2s, & elem. lineæ 2M2s ad elem. 2M2r ut 2u2s ad 2G2r, ergo ex æquo elem. lineæ 2s2b ad elem. lineæ 2M2r se habet sicut 2u2p - 2s2b ad 2G2r; atqui elementum lineæ 2s2b vel (constr.) æqualis 2r2t est ad element. 2M2r sicut 2G2g - 2r2t vel 2s2b ad 2G2r, ergo 2u2p - 2s2b : 2G2r se habet ut 2G2g - 2s2b : 2G2r, atque adeo 2G2g - 2s2b = 2u2p - 2s2b, hoc est, 2G2g = 2u2p, & sic ubique. Secundò est 2u2p ubique æqualis respectivæ 2r2b. Nam ducta per 2b recta 2b2q, parallela rectæ 2M2G, erit 2p2q subtangens, atque adeo æqualis ipsi 2G2u, hinc ablata (vel addita subinde) communi 2q2u, remanebunt æquales 2u2p & 2G2g vel 2r2b, ergo etiam 2G2g = 2r2b, unde 2G2g - 2r2t = 2r2b - 2s2b = 2r2s. Propterea est elementum 2r2r ad elem. rectæ 2M2r, sicut 2r2s ad 2r2G. Jam 2s2r : 2r2M = 2G2u : 2G2M, & 2r2M : 2r2G = 2r2M : 2r2G, ergo per rationum compositionem, & ex æquo 2s2r : 2r2G = 2r2M : 2G2u : 2G2M. 2r2G. Erit ergo etiam elementum rectæ 2r2t ad element. rectæ 2M2r = 2r2M. 2G2u : 2G2M. 2r2G. Hinc, si lineæ nominantur, ut sequitur, scilicet 2M2G, b ; subtangens 2G2u, a ; indeterminatæ 2M2r, y ; 2r2t, x , harum elementa dy & dx , & analogia modò reperta element. 2r2t : elem. 2M2r = 2r2M. 2G2u : 2G2M. 2r2G præbebit hanc alteram, in terminis.

minis analyticis, $dx:dy=ay:bb-by$; adeoque æquatio differentialis curvæ erit $dx=aydy:bb-by$. Quam Celeb. Varignon primus reperit in Act. Acad. Scient. Paris. 1708. ad diem 18. Julii, coroll. III; Clariss. hic Autor etiam in citato hoc schediasmate constructionem tradidit problematis in præsentī propositione exhibiti simillimam illi, quam supra (§. 510.) adduximus, sed aliter quam à nobis factum, demonstratam. Et denique in schediasmate die 22. Augusti ejusdem anni 1708. coram societate prælecto, identitatem curvarum projectionis à summis geometris Newtono & Hugenio constructarum cum effectione à se adducta (quam ab ea, quam nos attulimus, non nisi in demonstratione differre jam diximus) analytico-calculo eleganter commonstravit. Verum, quia eadem identitas curvarum, quas constructiones Newtoni atque Hugonii cum inter se, tum etiam à constructione Varignonii prima fronte non parum discrepantes præbent, absque calculo eleganter etiam demonstrari potest, eandem identitatem geometrica demonstratione hoc loco confirmare non gravabor. Ad demonstrationis facilitatem à constructione Hugeniā rem ordiar.

PROPOSITIO LXI. THEOREMA.

§18. *Curva projectionis, cujus constructio in propositione præcedenti exhibita est, similis & æqualis est curvæ, quæ resultat ex constructione Hugeniā (vide Discours de la Cause de la Pesanteur pag. 171.) in hypothefi resistentiārum mediis velocitatibus actualibus mobilis proportionalium.* Fig. 124.

Hugonii constructio ita habet. Sint MG directio jactus, ME horizontalis, DE horizonti perpendicularis, circa quam velut axem descripta sit log-mica ABC subtangentem habens D_w vel FO, divisæque qualibet AD alteri EM parallela in K, ut AK sit ad KD, sicut celeritas jactus verticalis ex obliqua MG derivata, ad celeritatem terminalem, seu maximam exclusive, quam scilicet grave nunquam attingere potest, etsi ei magis magisque semper cadendo accedat. Per K agatur KBL æquidistans DE log-micam in B; & horizontalem in L secans; ductisque porro per log-micæ puncta A, B tangentibus A_w, BO, tum etiam AC tangenti BO parallela, quæ KL secet in P, & logarithmicam in C; si fiat in qualibet KL, rectas A_w, AC, MG & ME secante in punctis S, P, R & L, logarithmicam verò in B, ut RL ad TL ita SP ad BP, & $rl:tl=$

$sp:bp$, erunt puncta T, t , &c. in curva optata MTC , quam dico eandem esse cum curva $2M_2T_2C$ in propositione LX. §. 510. constructa, si anguli $GME, 2G_2M_2E$, subtangentes logarithmicarum D_n & $2G_2u$, & denique celeritates jactus MG , & $2M_2G$, æquales fuerint.

Fig. 124.
& 123.

Demonstr. Sint præterea Mr & $2M_2r$ æquales, & æquabuntur pariter rl ac $2r_2l$. Jam, quia MG exponit celeritatem jactus, EG denotabit velocitatem verticalem ex obliqua MG derivatam, & D_n vel FO (§. 498.) exponit celeritatem terminalem, erit (constr.) $AK:DK = EG:D_n$, & quia si æqualibus D_n & FO communis OF addatur, provenientes inde DF seu KB & OF æquales, atque adeo rectæ OK, HB & AI parallelæ sunt, erit etiam $AK:DK = AI:D_n = EG:D_n$, & per consequens $AI = EG$, & sic ubique $sp = rl = 2r_2l$, cum Mr & $2M_2r$ angulique $GME, 2G_2M_2E$ (secundum hypothesin) æquantur; porro $AD:kD (= MG:rG) = 2M_2G:2r_2G$, ergo (§. 492.) $kb:D_n = 2r_2b:2G_2u$, sunt enim kb log-mus rationis AD ad kD in log-mica ABC , & $2r_2b$ log-mus rationis alteri æqualis $2M_2G$ ad $2r_2G$ in log-mica $2M_2B_2Q$. Vel, quia (secundum hypothesin) $D_n = 2G_2u$, fiet $kb = 2r_2b$, & quia $2G_2u:2r_2s (= 2G_2M:2r_2M = GM:rM = DA:kA) = D_n:ks$ atque $2G_2u = D_n$, erit $2r_2s = ks$ & $sb = 2s_2b$; hinc etiam ex æqualibus sp & $2r_2l$ ablati æqualibus sb & $2s_2b$ vel $2r_2t$, remanet $bp = 2t_2l$; sed constructio præbet $rl:tl = sp:bp$; seu quia $rl = sp$, fit etiam $tl = bp$, ergo pariter habetur $tl = 2t_2l$, & sic ubique, ergo curva Hugeniæ MTC eadem est cum altera $2M_2T_2C$. Quod erat demonstrandum.

COROLLARIUM I.

§19. Hinc liquet Hugenum suam constructionem nonnihil simpliciore traditurum fuisse, si loco analogiæ $RL:TL = SP:BP$ simpliciter jussisset sumere ubique applicatam TL æqualem homologæ BP interceptæ inter log-micam ABC & ejus subtensam AC .

COROLLARIUM II.

§20. Parameter parabolæ, quam missile juxta directionem MG & celeritate hac recta expressa in vacuo describeret, foret $2.EM^2:D_n$. Nam, quia celeritas verticalis ex obliqua derivata est EG , & gravitas uniformis exponitur per subtangentem log-micæ D_n , maxima
alti-

altitudo, ad quam grave celeritate initiali EG pervenire potest, erit (§. 150.) $EG^2 : 2.Du$. Sed GE est ad EM, ut dupla parabolæ altitudo ad semissem amplitudinis, ac propterea hæc dimidia amplitudo est EM. $EG : Du$. Atqui quadratum dimidiæ amplitudinis parabolæ applicatum ad ejus altitudinem præbet parametrum, ergo hic parameter est $2.EM^2 : Du$. Quod Hugonianæ & Varignonianæ determinationibus, utut aliis terminis expressis, consonum est.

PROPOSITIO LXII. THEOREMA.

921. *Eadem adhuc resistantiæ hypothefi posita, curva projectionis, quæ ex constructione à Cel. Newtono (Princ. Phil. Nat. Math. Lib. II. Prop. IV.) exhibita nascitur, eadem est cum Hugeniæ, de qua in propositione proxime antecedenti egimus, aut cum curva propositionis nostræ sexagesimæ primæ.*

Ne Lectori Newtoni constructionem alibi quærere opus sit, Fig. 124
eam, sed aliis quam apud Autorem litteris signatam, huc afferre libet.
Eadem vero ita habet:

Assumpta MG pro celeritate & directione jactus, ductisque per terminos ejus horizontali ME, ac verticali ED, in qua ejus segmentum EG celeritatem verticalem ex obliqua MG derivatam exponit, inter asymptotas DEM hyperbola quæcunque QVd descripta intelligatur rectam AM in Q. secans, per quod punctum agatur insuper QH æquidistans horizontali ME, divisaque hac ME in L, ut ML sit ad LE sicut resistentia medii renitens motui in altum initio projectionis, seu velocitas verticalis EG ad gravitatem, seu celeritatem terminalem, antea expositam per subtangentem FO log-micæ ABC, ducatur LK parallela AM, hyperbolam in V secans, quæ log-micæ occurreret in B & AD in K, quandoquidem in constructione Hugeniæ (§. 518.) AK etiam est ad KD. sicut EG ad FO vel Du . Per hyperbolæ punctum V agatur Zz parallela EM, sumaturque in ea portio gz, quam Newtonus per litteram N designat, ut sit ad zQ vel VN, sicut ME ad EG, aut simplicius, ducatur Qg æquidistans ipsi MG. Quibus positis, si in qualibet rl parallela KL capiat *rt* æqualis trilíneo hyperbolico Qun applicato ad datam gz, punctum *t* erit in curva, quæ eadem prorsus est cum ea, quam constructiones propositionum antecedentium LX & LXI, præbent.

Demonstr. I. Hyperbola QVd præbet, $EM : EL = VL : QM$ & dividendo $LM : EL = zQ : QM$, & (constr.) $LM : EL = EG : Du = rl$.

ks , ergo etiam $zQ:QM=rl:ks$, tum etiam (constr.) $gz:zQ (=ME:EG)=Ml:rl$, ergo ex æquo $gz:QM=Ml:ks$; atque adeo $Ml.QM=gz.ks$.

II. Refumatur analogia $zQ:QM=GE:D_u$, & $gz:zQ=EM:GE$, ergo ex æquo $gz:QM=EM:D_u$. Atque adeo $EM.QM=D_u.gz$.

III. Constructione est trilineum hyperbolicum $Qnu=gz.rt$, additisque $Ml.QM$ (num. 1. hujus) $=gb.ks$, fiet $QulM=rt.gz+ks.gz$. Atqui (§. 368.) $QMlu:EM.MQ=kb:D_u$ & (num. 11. hujus) $EM.QM=D_u.gz$; ergo $rt.gz+ks.gz:D_u.gz=rt+ks:D_u=kb:D_u$, atque adeo $rt+ks=kb=sb+ks$: hinc tandem $rt=sb$, ut habent constructiones propositionum LX & LXI; propterea tres diversæ constructiones propositionum trium postremarum unam eandemque curvam suppeditant. Quod erat demonstrandum.

CAPUT XVI.

De motu Corporum, in aëre resistente in duplicata ratione celeritatum mobilis.

HÆc resistantiæ hypothesis convenit fluidis perfectis atque raris, quorum scilicet partes prorsus non coherent, sed liberrime, ubi corporibus solidis impeerunt, recedere queunt; ipsius vero hypotheseos ratio alibi (§. 427.) jam data est.

PROPOSITIO LXIII. THEOREMA.

Fig. 125. 522. *Motus variati ex primitive uniformi in aëre juxta duplicatam celeritatum rationem resistente ita se habent, ut spatium transmissum aliquo tempore exponatur log-mo rationis, quam habet celeritas initialis mobilis ad residuam eidem mobili post dictum tempus. Hoc verò tempus, ratione celeritatis amissæ mobilis ad residuam.*

I. Sit nunc linea MO deferens, quæ juxta NQ quiescentem æquabiliter incedere intelligatur eodem modo, quo ad propositionem LVIII. dictum est (§. 495); mobile vero M feratur ad oppositam partem scilicet versus O in deferenti linea, quæ versus Q æquabiliter procedit; sint præterea MDO scala celeritatum mobilis motu proprio in deferente linea currentis, & PFO scala sollicitationum acceleratricium seu impulsuum aëris mobili allidentis. Unde, si aliquo tempore

poro mobile M confecerit in linea deferenti spatium ME, & in ejus termino acquisiverit celeritatem DE, velocitas absoluta mobilis in aëre erit BD, quâcum aër mobili M allabetur, unde per hypothesin erit MP ad EF in duplicata ratione AM ad BD; hoc est MP: EF = AM²: BD². Ponitur enim AM, seu MN vel NT, pro designanda velocitate initiali. Jam ductis per punctum N intra asymptotas MA & AR hyperbolâ NHK, & log-micâ NGK subtangentis NT, in linea indefinita DCH parallela OQ & quomodocunque inter parallelas OR ac OQ ducta, fiat VD æqualis interceptæ GH inter hyperbolam NHK & log-micam NGK, eritque punctum D in scala celeritatum mobilis propriarum MDO. Per punctum d alteri D indefinite vicinũ agantur dh parallela OQ, & bf æquidistans alteri BF, ac ductis per punctum hyperbolæ H rectis IS & HL, ita ut IL = NT (seu = subtangenti logmicæ NGK in puncto G, atque adeò HL parallela sit tangenti log-micæ in G, seu elemento Gg) ac denique tangente hyperbolæ HR, adeo ut AI sit = IR, & LR = TI = NS; quibus factis erit mb = Ee = Da, & Hm = da.

II. Hyperbola præbet, AI: AT = TN: IH, & dividendo LR vel TI: AT = DE vel HS: BD seu IH, ex hypothesi verò AT vel AM aut MP: BD = BD: EF, ergo ex æquo LR: IH vel BD = DE: EF; est verò LR: IH = mb vel Ee: Hm seu da, ergo etiam DE: EF = Ee: da; atque adeò EF.Ee = DE.da. Hòc est momentum sollicitationis acceleratricis EF æquatur momento celeritatis in deferenti linea mobili M acquisitæ DE. Ergo (§. 488.) curva MDO est scala celeritatum, & PFO scala resistentiarum, seu impulsuum aëris vel sollicitationum acceleratricium mobilis in linea deferenti, hæc enim omnia idem significant.

III. Agatur SR eritque ea parallela HL, nam IH: IS vel TN = IL vel AT: IR vel AI. Adeoque IS: HS = AM: DE = IR: LR = mb: nb vel Ee, hinc Ee: DE (§. 128.) = tEe = mb: AM; ergo omnia tEe id est tME = CH: AM, hinc AM.tME = CH, & AM.tME, — ME (§. 489.) spatium absolutum, quod mobile in aëre transmittit, erit = CH — GH = CG, adeòque exponi debet logarithmo rationis, quam celeritas initialis mobilis TN habet ad IH vel BD in logarithmica NGK, cujus subtangens NT. Quod erat primum.

IV. Num. III. erat tME = CH: AM = LR: IL = SH: HI = DE: BD, id est, tempus quo mobile spatium suum absolutum in aëre absolvit, seu motu proprio in linea deferenti spatium ME, exponitur

ra-

ratione, quam habet celeritatis initialis AM pars hoc tempore extincta DE ad residuam BD. Quod erat secundum.

COROLLARIUM I.

523. Addeoque, si tempora fuerint in progressionem geometricam ascendente, atque adeo velocitates mobili post hæc tempora residuæ etiam in progressionem geometricam, sed descendente, & quidem reciproce progressionis temporum, spatia transmissa erunt in progressionem arithmeticam. Nam, si AT, AI sint in progressionem geometricam, differentiarum TI, quæ sunt ut tempora, erunt in eadem progressionem ascendente; ipsæ verò HI, seu celeritates mobili residuæ ipsis AI reciproce proportionales, erunt in progressionem geometricam descendente, spatia vero, seu CG, existent in progressionem arithmeticam. Atque cum hoc corollario penitus consentit Prop. V. Lib. II. Princ. Phil. Nat. Math. Celeberr. Newtoni.

COROLLARIUM II.

524. Idcirco in ista resistentiæ hypothese mobile in infinitum excurrente, tempore infinito ut CH, ubi infinite accesserit ad asymptotam TR, percurreret etiam spatium infinitum CG; nam, si CG confunditur cum asymptota TR, fit infinita. In hypothese verò capitis præcedentis, mobile tempore infinito ne quidem spatium finitæ magnitudinis, quod per rectam celeritatem initialem indicantem exponitur, absolvere potest, ut supra (§. 497.) ostensum. Quod Hugenio notatu dignum meritò visum est in Tractatu *De la Cause de la Pesanteur* pag. 175. circa finem.

PROPOSITIO LXIV. THEOREMA.

525. Si grave vi gravitatis uniformis in aëre juxta duplicatam rationem celeritatum mobilis resistente verticaliter descendat à quiete motum suum incipiendo,

Spatium descensu confectum exponetur log-mo rationis sinus totius ad sinum complementi illius anguli, cujus sinus rectus celeritatem mobili acquisitam repræsentat,

Tempus verò, quo spatium illud pertransitur; aut prædicta velocitas mobili acquiritur, exponetur log-mo rationis sinus totius ad tangentem se-

semiffis complementi præmemorati anguli, applicato ad logarithmicæ subtangentem.

Grave M descendere incipiat à quiete in recta verticali MX, cui Fig. 126.
alia AO ad angulos rectos aptata fit; in hac AO capiatur MA, quæ gravitatem uniformem exponat, ac descriptis centro M intervallo MA quadrante circuli ILA & hyperbola æquilatera IKk, necnon log-mica NIQ, cujus subtangens æquet radium quadrantis vel semilatus transversum MI hyperbolæ; per hyperbolæ & quadrantis punctum I agatur tangens communis IU, quæ æquidistans erit ipsi MA. Tum etiam per quodvis quadrantis punctum L ducatur LN parallela AO log-micæ occurrens in puncto N, & recta ALP radio MI producto occurrens in P, per quod punctum ducatur insuper PQ æquidistans MA & log-micæ occurrens in puncto Q, sitque adhuc NO ordinata log-micæ per punctum N ducta. Dein fiat porro in recta indefinita MX segmentum ME = MO, & sic ubique respective; eritque ductis per puncta E & L rectis EG, LS radiis MA & MI respective parallelis, communis earum intersectio D in *scala celeritatum acquisitarum* MDX, adeo quidem, ut mobile postquam spatium ME perlapsum fuerit, in termino E hujus spatii acquisiverit celeritatem ED vel MS. Factaque ubique EF tertia proportionali post rectas EG & ED, punctum F erit in *scala resistentiarum* aëris MFX, quæ scala etiam erit *scala sollicitationum acceleratricium* mobilis cadentis in recta MX, sed quatenus ea refertur ad axem AX, versus quem curva MFX convexa est; nam, quia EF, seu ED²:EG, exponit resistentiam mediæ in puncto E & EG = MA gravitatem uniformem, exponet FG omnino sollicitationem acceleratricem in puncto eodem E, ut alibi (§. 481.) jam dictum est. Igitur ductis *eg* parallela EG & ab ea elemento spatii Ee distante; *dlr* parallela DL productæ in a, & sursum in R, per punctum quadrantis l, recta Alp, & per p linea pq æquidistante PQ, ac denique ordinata *no* distantia Oo = Ee distante ab altera NO, in qua NO sit VO tertia proportionalis ad IM & NO; & his positis juxta alibi (§. 484.) ostensa, tantum probandum superest, FG.Ee, seu rectum FGg, *momentum sollicitationis acceleratricis* FG æquari *reg-lo* ED:a d, seu *momento celeritatis* ED *casu mobilis ex altitudine* ME *acquisitæ*. Quo probato reliqua sponte sua obtinebuntur, scilicet expressio temporis descensus in spatio ME, & natura curvarum MDX, MFX, &c.

Demonstr. I. Est (secundum hypothesin) $EG:EF (=EG^2:ED^2)$
 Qq $=ML^2:$

$= ML^2 : MS^2$, & convertendo fit $EG : FG (= ML^2 : LS^2 = IM^2 : NO^2$, seu quia IM, NO & VO sunt in continua ratione) $= IM : VO$, hinc $VO = FG$, & $VO.Oo = FG.Ee$. Atqui (§. 491. num. 111.) $VO.Oo = NO.Np = LS.Lm$ (§. 493.) $= MS.Sr = ED.ad$; ergo $FG.Ee = ED.ad$. Quod erat primum.

II. Propter similitudinem triangulorum MLS & Mlm , fit ad (vel ml) : h (vel, §. 463. num. 111, Ll) est $= LS : ML = NO : IM = VO : NO$; & $h : Pp = NO$ (vel LS) : MP ; ac denique ex natura log-micæ (§. 491. num. 1.) $Pp : qp = MP : IM$, erit ex æquo $ad : pq = VO : IM$, seu permutando $ad : VO = pq : IM$. Atqui (§. 131. & 485.) $ad : VO = tEe$, hoc est, incrementum celeritatis elementare, applicatum ad sollicitationem acceleratricem VO , exponit tempusculum, quo elementum spatii Ee percurritur; ergo etiam $pq : IM = tEe$, atque adeò omnia $pq : IM$, id est, $PQ : IM =$ omnibus tEe , seu temporis descensus per spatium ME .

III. Jam MO seu ME , id est, spatium descensu confectum, est log-us rationis IM ad NO , seu IM ad LS , hoc est log-us sinus totius ad sinus complementi anguli IML , cujus sinus rectus MS celeritatem in E acquisitam exponit. PQ verò est log-us rationis PM ad IM , seu IU ad IM , ducta scilicet ex centro M super AP perpendiculari, eaque producta usque ad occursum cum tangente IU , aut denique rationis MA ad AZ , id est, sinus totius ad tangentem semissis anguli LMA , id est, semissis complementi anguli IML , cujus sinus MS celeritatem acquisitam exponit. Idcirco tempus per ME , quod num. 11. hujus exponitur per $PQ : IM$, exponi debet per log-mum rationis $(MA : AZ)$ sinus totius ad tangentem semissis complementi anguli IML applicatum ad radium IM , seu ad log-micæ subtangentem. Quæ omnia erant demonstranda.

C O R O L L A R I U M I.

526. Igitur ducta MR usque ad occursum K cum hyperbola IK , trilineum hyperbolicum IMK applicatum ad semissim quadrati IM , exponet etiam tempus descensus per spatium ME . Nam (§. 463.) est duplum trilinei $IMK = \text{rec-lo } PQ.IM$, ergo trilineum $IMK = PQ.IM$. Jam, quia (§. 525. num. 11.) $tME = PQ : IM = PQ.IM : IM^2$, erit $tME = \text{dupl. trilin. } IMK : IM^2 = \text{trilin. } IMK : IM$.

Pariter ducta asymptota My hyperbolæ IK , atque ex K demissa ad asymptotam ordinata KY , ad quam alia quædam ky se habeat, ut

ut LS ad IM, quadrilineum hyperbolicum KkyY applicatum ad semissem IM exponet spatium percursum ME. Nam, quia (constr.) $KY : ky = IM : NO$, erit (§. 368.) $KkyY : MY \cdot KY$ seu $IM^2 = OM : IM$, adeoque $OM = ME = KkyY : IM$.

COROLLARIUM II.

527. Scala follicitationum acceleratricium MFX est log-mica, cujus subtangens est semissis ipsius IM. Nam, quia supra (§. 525. num. 1.) ostensum $VO = FG$ & (constr.) $OM = ME = AG$, sequitur curvam MFX similem & aequalem esse curvæ IV, atqui hæc curva est log-mica, cujus subtangens est dimidia ipsius IM subtangentis logarithmicæ IN, quandoquidem quælibet VO est tertia proportionalis ad IM & NO, ergo etiam MFX est log-mica, cujus asymptota est AX. Propterea, si follicitationes acceleratrices FG sunt in progressionem geometrica descendente, spatia transmissa sunt in progressionem arithmetica ascendente.

COROLLARIUM III.

528. Adeoque velocitas terminalis seu Maxima, est MA, quæ gravitatem uniformem repræsentat, cum linea AX parallela MX asymptota sit utriusque curvæ MFX & MDX.

COROLLARIUM IV.

529. Tempus, quò grave in aëre celeritatem DE acquirit, est ad tempus, quò eandem celeritatem in vacuo acquireret, ut PQ ad DE. Nam (§. 151.) tempus, quò celeritas DE in vacuo acquiritur, est $DE : IM$ vel AM , & tempus, quò in aëre eadem DE acquiritur, $PQ : IM$.

COROLLARIUM V.

530. Vicissim celeritas, quæ tempore $PQ : IM$ in aëre acquiritur, est ad celeritatem, quæ eodem tempore in vacuo acquiri potest, ut DE ad PQ. Nam (§. 151.) tempore $PQ : IM$ acquiritur in vacuo celeritas PQ.

S C H O L I O N .

Fig. 127. 531. Si grave M perpendiculariter deorsum projiciatur in recta MX celeritate MI, majore ipsâ terminali MA vel MP; positoque, mobilis velocitatem reductam esse ex MI ad MS (nam, quia velocitas projectionis MI major est quam AM, resistentia medii major erit gravitate, ac propterea motus continuo debet retardari) erit spatium percursum ME exponendum per $\log. \sqrt{(PIA:PSA)}$ seu log-mum subduplicatæ rationis rectanguli PI. AI ad PS. AS; tempus verò, quo mobile spatium ME percurrit, seu quo velocitas initialis MI reducitur ad ED vel MS, exponitur per $\log. \sqrt{(MI:AS)}$ — $\log. \sqrt{(PI:PS)}$. Ponitur verò $MP = MA$, hi posteriores log-mi sumuntur in log-mica, cujus subtangens est unitas, log. vero ex $\sqrt{(PIA:PSA)}$ sumitur in log-mica, cujus subtangens est AM vel MP. Sin verò celeritas projectionis MI minor fuerit quam MA, hic casus jam continetur in præsentî propositione, ut adeo eidem diutius immorari plane necessum non sit.

PROPOSITIO LXV. THEOREMA.

532. *Lineâ rectâ, quæ celeritatem terminalem seu gravitatem uniformem exponit, sumtâ præ sinu toto seu radio; si mobile quoddam, celeritate initiali, expressa tangente alicujus anguli, verticaliter in altum projiciatur, maxima altitudo, ad quam mobile in aëre pervenire potest, exponetur log-mo rationis secantis anguli ad radium, & tempus hujus ascensionis exponetur per ipsum angulum, cujus tangens celeritatem initialem exponit.*

Fig. 128. Ascendat mobile celeritate initiali EC ex E in M in linea verticali EM, centroque M describantur, ut in præcedenti, circuli quadrans IKA, hyperbola æquilatera IL, & logarithmica FN. Producat CE in H factaque EH tertia proportionali ad EG & EC, eritque EH resistentia, quam ascendens mobile ab aëre patitur in E; & quia præterea EG, seu MA, gravitatem uniformem exponit, quæ mobili in altum lato quoque resistit, erit ideo (§. 481.) *resistentia totalis* mobili opposita in E æqualis GH. Adeoque curva quædam HM erit scala resistentiarum totalium, curva verò CM scala celeritatis decrefcentis EC. Adeoque (§. 484.) res eo deducitur, ut construantur hæ nominatæ curvæ ejus proprietatis, ut sit
ubi

ubique HE. $Ee = EC$. bC . Ad id, ductis CL, LN atque NO parallelis rectis MI & MA respective, fiat $ME = MO$, & sic ubique, dabunturque tot puncta in curva C2CM, quot libuerit, ex qua deinceps alteram HM construere non erit difficile. Ducantur cl , ln , no prioribus CL, LN & NO æquidistantes & indefinite vicinæ, fumaturque \bullet qualibet ON major OV, quæ sit ad homologam ON, ut hæc NO ad MI; quæ MI simul etiam log-micæ IN subtangentem significat, & hac ratione resultabit nova log-mica IV, cujus subtangens erit semissis IM subtangentis log-micæ IN.

Demonstr. I. Quia rectæ EG, EG & EH (secundum hypothesin) sunt in continua ratione, erit $EG : EH = EG^2 : EC^2$, vel invertendò & componendo $HG : EG = IS^2 : IM^2 = LS^2 : IM^2 = NO^2 : IM^2$ (vel ob continue proportionales VO, NO & IM) $= VO : IM$ vel EG, ergo $HG = VO$; & quia $OM = EM$, ac $oM = eM$, & proinde $Oo = Ee$; erit $HG. Gg$, vel $HG. Ee = VO. Oo$ (§. 491. num. 111.) $= NO. Np = LS. Lm$ (§. 493.) $MS. Ss = EC. Cb$. Id est *momentum celeritatis decrescentis EC æquatur momento resistentiæ totalis HG*. Jam ME vel MO est log-us rationis NO ad IM, seu IS ad IM, id est, log-us rationis secantis anguli MIS, cujus tangens $MS = EC$ celeritatem initialem exponit, ad radium IM vel MA. Quod erat primum.

II. Quia $VO : IM = NO^2 : IM^2 = LS^2 : IM^2 = MR^2 : MK^2$ (§. 165.) $= Rr : Kk$, atque adeò, quia $Rr = Cb$, erit $Kk : IM = Cb : VO = Cb : HG$ (§. 131, 485.) $= tEe$, & $Kk : MK$ vel IM (§. 129.) = angulo KMk , adeoque $tEe =$ angulo KMk , ac proinde tempus totius ascensus per spatium EM exponi debet angulo KMI, cujus tangens est IR vel EC. Quod erat alterum.

COROLLARIUM I.

533. Nunc iterum curva resistentiarum totalium M2HH erit log-mica similis & æqualis log-micæ IV. Atque adeo si resistentiæ totales sumantur in progressionem geometricam descendente, spatia ascendendo confecta erunt in progressionem arithmetica descendente, scilicet spatia toto ascensu descripta. Horum demonstratio eadem ferme est cum ea coroll. II. prop. præced. §. 527.

COROLLARIUM II.

534. Velocitas initialis mobilis suam maximam in aëre altitudinem EM absolventis, est ad celeritatem initialem, qua mobile pari tempore suam in vacuo maximam altitudinem conficeret, ut tangens IR ad arcum IK. Nam, si corpus in vacuo celeritate initiali IK ascendit, tempore IK:IM id (§. 141. 151.) ascendet quousque potest, sed hoc ipso tempore IK:IM expositum angulo KMI, ascendet in aëre spatio EM, celeritate initiali EC vel IR. Ergo, &c. Atque hoc consentit cum coroll. 4. prop. 9. Lib. II. Princ. Phil. Nat. Math. Cel. Newtoni.

COROLLARIUM III.

535. Tempus, quo mobile suam in aëre altitudinem, ad quam celeritate initiali IR pervenire potest, absolvit, est ad tempus, quo in vacuo suam altitudinem, celeritate initiali existente eadem IR, absolveret, sicut arcus IK ad tangentem IR, seu, quod idem est, ut sector IMK ad triangulum IMR. Nam tempus ascensionis in aëre est angulus IMK, seu IK:IM, & tempus ascensionis in vacuo (§. 151.) IR:IM.

COROLLARIUM IV.

536. Adeoque, si celeritas initialis, qua corpora in aëre & in vacuo ascendunt, terminalem æquaverit, erit tempus, quo altitudo illius quod in aëre, ad tempus, quo altitudo ejus, quod in vacuo ascendit, conficitur, ut circulus ad quadratum circumscriptum; nam, si $IR = IM$, erit sector IMK octava circuli & triangulum IMR octava quadrati circulo circumscripti pars, adeoque ille ad hoc, ut circulus totus ad quadratum circulo circumscriptum.

COROLLARIUM V.

537. Iisdem adhuc positis, quæ in coroll. III. altitudo, quam mobile in aëre absolvit, est ad altitudinem in vacuo percurrendam, ut duplum rec-lum IMO ad quadratum tangentis IR. Nam (§. 150.) altitudo in vacuo describenda erit $IR^2 : 2IM$, & ME est ad $IR^2 : 2IM$, ut duplum rec-lum IMO ad IR^2 .

Co-

COROLLARIUM VI.

538. Adeoque, si celeritas initialis IR terminali IM par fuerit, erit altitudo in aëre ad altitudinem in vacuo absolvendam, vel 2.IMO ad IR², sicut 2.MO ad IM, id est, sicut log. (2.IM²:IM²) ad IM, hoc est, sicut log-us rationis duplæ ad subtangentem log-micæ, vel etiam (§. 368.) ut quadrilineum hyperbolicum alterutri asymptotæ adjacens, cujus ordinatæ sunt in ratione duplæ, ad rec-lum hyperbolæ inter asymptotas. Ut Celeb. Hugenius (pag. 174. Diff. De Causa Gravitatis) sine demonstratione asseruit.

COROLLARIUM VII.

539. Celeritas initialis mobilis spatium EM ascendendo describentis, est ad celeritatem, quacum denuo in terram recidit, sicut tangens anguli IMR ad ejusdem sinum. Nam, quia in figuris 126. & 128. spatia ME utrinque sunt (secundum hypothesin) æqualia, erit ratio ON:IM, in fig. 126. seu LS:LM = in fig. 128. IM:NO = RS:MR, adeoque triangulum rec-lum LMS in fig. 126. est simile Fig. 126;
& 128. triangulo RMS, adeo ut angulus IML in fig. 126. = IMK, atqui IR Fig. 126; est tangens & MS in fig. 126. sinus unius ejusdemque anguli IMK. vel Fig. 126; IML, ergo &c.

Hisce multa alia potuissent addi collaria, sed brevitati consulens talia Lectoris industriæ ex præcedentibus elicienda relinquo.

CAPUT XVII.

De motibus Corporum in aëre resistente, partim juxta proportionem celeritatum mobilis, partim etiam juxta duplicatam proportionem earundem.

540. **H**Æc resistentiarum hypothesis illis fluidis convenit, quorum partes nonnihil instar visci coherent: etenim, si tale fluidum tanquam medium concipiamus mobili trajiciendum, illi-
co apparebit, ad separandas ejusmodi visceri fluidi partes, aliquam-
cum adhibendam esse, diversam ab ea, quæ in mobili tollitur ab-
allapsa continuo particularum fluidi; & hanc vim separatricem par-
tium fluidi proportionari quantitatis fluidi trajiciendi. Quantita-
tes verò ipsæ fluidi trajiciendæ velocitatibus mobilis proportionales.

les existunt. Igitur tenacitas absoluta fluidi ducta in celeritatem mobilis, seu, quod idem est, in quantitatem materiæ separandæ vel trajiciendæ, erit una pars resistantiæ, quam mobile in ejusmodi fluido latum subibit, altera provenit à fluiditate, qualem in præcedenti capite contemplati sumus. Idcirco resistantia totalis, quam mobile in hujusmodi medio patietur, est ut velocitas in datam quantitatem ducta, cum quadrato ejusdem velocitatis. Idcirco tenacitatem dictam considerabimus deinceps tanquam vin^o mortuam gravitatique comparabilem, perinde ac resistantias, quæ ab allapsu fluidi ad corpus mobile proveniunt.

PROPOSITIO LXVI. THEOREMA.

341. Si mobile in aëre dicta ratione resistente motu variato ex primitive uniformi seu æquabili feratur; spatium, quod id aliquo effluxo tempore describet, exponetur ter^o proportionali ad celeritatem mobilis initialem, tenacitatem fluidi & log-um rationis, quam habet dicta velocitas initialis tenacitate aucta, ad hanc tenacitatem auctam pariter, sed celeritate actuali mobilis. Tempus, quo hoc spatium percurritur, exponi debet excessu, quo log-us rationis, quam celeritas initialis habet ad actua-lem, superat log-um rationis earundem celeritatum, sed tenacitate aeris auctarum, applicato ad celeritatem initialem. Posito scilicet log-mos desumptos esse ex log-mica, cujus subtangens se habet ad celeritatem mobilis initialem, sicut rectangulum ex aggregato tenacitatis fluidi & velocitatis initialis corporis in hanc celeritatem initialem ad rec-lum sub dicta tenacitate & resistantia medii totali initio motus.

Fig. 129. I. Esto MS linea deferens, quæ, ut in propositione LVIII. explicuimus, uniformiter moveatur versus T celeritate AM, quæ proinde est celeritas initialis, mobile verò M proprio suo motu ab allisione continua aëris feratur ex M versus S, ponaturque certo tempore acquisivisse in linea deferenti celeritatem AQ, postquam scilicet spatium ME in ea transmisit, adeoque detracta celeritate AQ ab initiali AM, quâ deferens linea MS versus T æquabiliter incedit, erit residua QM velocitas absoluta mobilis, quam revera in aëre habet; sit porro OM, vel æqualis IA, tenacitas fluidi proveniens ex viscositate ejus; item ponatur MP pro resistantia aëris initio motus, & EF pro resistantia aëris, ubi actualis mobilis velocitas fuerit QM; eritque adeò (secundum hypothesin) EF ut OM. $QM + QM^2$, seu facta $OG = MQ$, ut rec-lum GM. QM, & MP ut IM. AM, atque

atque adeo habetur $MP:EF=IM.AM:GM.QM$, atque $MP.GM.QM=EF.IM.AM$. *Æqu. I.*

Per punctum A ducta sit log-mica HAB, cujus subtangens quælibet RC sit ad AM (secundum hypothesin) $=IM.AM:OM.MP$; atque adeo $RC.OM.MP=IM.AM^2$. *Æqu. II.* Et per puncta I, G, O, Q agantur rectæ IK, GH, OX, & QB asymptotæ log-micæ ST parallelæ, log-micæ occurrentes in punctis K, H, X & B, per quæ ordinatæ KL, HN, XY & BC ductæ sint; fiat $ME=MC-\frac{IM.LN}{AM}$, eritque PFS scala resistantiarum & tempus, quo spatium ME in linea deferenti MS percurritur, seu $tME=(MC=LN):AM$.

II. *Demonstr.* Cum (constr.) sit $ME=MC-\frac{IM.LN}{AM}$, erit etiam

$Ee=Cc-\frac{IM}{AM}.Nn$, sunt enim Ee, Cc, & Nn elementa linearum ME, MC & LN. Præterea, quia etiam (constr.) $OG=MQ$, erit pariter $Gg=Hh=Qq=Bd$, adeoque (§. 491. num. 11.) rectulum $HNn=$ rect-ulo BCc , ac proinde $Cc:Nn=GM:QM$, & $Cc:\frac{IM}{AM}.Nn=GM:\frac{IM}{AM}.QM=GM.AM:IM.QM$, & convertendo

Ee seu $Cc-\frac{IM}{AM}.Nn:Cc=GM.AM-IM.QM:GM.AM$ (vel quia $OM.AQ$ æquatur $GM.AM-IM.QM$) $=OM.AQ:GM.AM$, & propter triangula similia RCB ac bdB est, $Cc:Qq=RC:QM$, ergo ex æquo & per rationum compositionem $Ee:Qq=RC.OM.AQ:GM.QM.AM=RC.OM.MP.AQ:MP.GM.QM.AM$, (vel substitutis loco $RC.OM.MP$ & $MP.GM.QM$ op. *Æqu. II.* & I. solidis respective æqualibus $IM.AM^2$ & $EF.IM.AM$) $=IM.AM^2.AQ:IM.AM^2.EF=AQ:EF$, adeoque comparando primam cum ultima ratione, habetur $Ee:Qq=AQ:EF$, atque adeo $EF.Ee=AQ.Qq$. Id est *momentum sollicitationis acceleratricis EF in linea deferenti MS æquatur momento celeritatis acquisitæ AQ in hac linea deferente.*

III. Ut antea (num. 11. hujus) erit $Cc:Nn=GM:QM$, & convertendo $Cc-Nn:Cc=OM$ (seu GQ): GM , & $Cc:Qq=RC:QM$, ergo $Cc-Nn:Qq=RC.OM:GM.QM=RC.OM.MP:MP.GM.QM=IM.AM^2:EF.IM.AM$, substitutis scilicet loco solidorum $RC.OM.MP$ & $MP.GM.QM$ æqualibus $IM.AM^2$ & $EF.IM.AM$, quæ æqualitates secunda & prima num. I. exhibent;

314 DE VIRIBUS ET MOTIBUS CORPORUM. LIB. II.

est ergo $Cc - Nn : Qq = IM. AM^2 : EF. IM. AM = AM : EF$, & permutando $Cc - Nn : AM = Qq : EF = Ee : AQ = tEe$, ergo omnia tEe seu tempus per $ME = (MC - LN) : AM$.

IV. Ergo, assignato hoc tempore, linea deferens MS describet in aëre cum velocitate AM motu suo æquabili spatium $MC - LN$, motu verò proprio in hac deferente corpus simul describit spatium $ME = MC - \frac{IM}{AM} \cdot LN$, adeoque spatium absolutum, quod mobile in aëre absolvet, erit excessus spatii motu communi & æquabili lineæ deferentis supra motum isti contrarium mobilisque in deferenti proprium, seu $MC - LN - MC + \frac{IM}{AM} \cdot LN = IM. LN : AM$. Hoc ergo spatium absolutum exponitur tertia proportionali ad celeritatem initialem AM , tenacitatem fluidi QM vel IA , atque ad logum rationis, quam ML & HN , id est, celeritates initialis & actualis, mobilis tenacitate auctæ, ad invicem habent. Quæ omnia erant demonstranda.

COROLLARIUM I.

542. Apparet igitur in præsentī resistantiarum hypothesi mobile non solum non posse in infinitum excurrere, sed ne quidem posse terminum finiti spatii $SM. LY : AM$ tempore quantumlibet magno attingere. Nam evanescente QM , ipsa MC fit infinita, GM fit OM , adeoque LN mutatur tunc in LY , adeo ut $MC - LN : AM$ abeat in $MC - LY : AM$ seu in $MC : AM$, quia finita LY præ infinita MC evanescit. Idcirco spatium $IM. LN : AM$ tempore finito $MC - LN : AM$ percursum, mutabitur in $IM. LY : AM$, quod tempore infinito tantum $MC : AM$, id est nunquam, absolvi potest.

COROLLARIUM II.

543. Si spatia $IM. LN : AM$ sumantur in progressionē arithmetica, erunt ipsæ LN abjectis $IM : AM$ ejusdem ubique magnitudinis, etiam in progressionē arithmetica, atque adeò ordinatæ log-micæ HN vel æquales hisce GM , seu velocitates actuales mobilis QM tenacitate medii OM vel AI auctæ, in progressionē geometrica.

COROLLARIUM III.

544. Quia $CM = \log. (AM : QM)$ & $LN = \log. (IM : GM)$ erit $MC - LN = \log. (GM. AM : IM. QM) = \log. (AM. OM + AM. QM : IM. QM)$. In recta MP sumatur MZ, quæ sit ad OM vel AI = $AM : QM$, eritque $QM. MZ = AM. OM$, atque adeò $AM. OM + AM. QM : IM. QM = AM + MZ$ seu $AZ : IM$, & consequenter $MC - LN = \log. (AM + MZ : IM)$, atque $(MC - LN) : AM = \log. (AM + MZ : IM)$ applicatus ad AM. Adeoque, si hæc $MC - LN : AM$, hoc est, tempora sumantur in progressionem arithmetica, erunt ipsæ $AM + MZ$, seu magnitudines MZ velocitatibus QM reciproce proportionales celeritate initiali AM auctæ in progressionem geometrica.

Hæc duo postrema corollaria probe conspirant cum propositionibus XI. & XII. Lib. II. Princ. Phil. Nat. Math. Cl. Newtoni, & cum iis, quæ Cl. Varignon in Actis Acad. Scient. 1707. d. 13. Augusti probl. IV. coroll. II. & 14. exhibuit.

SCHOLIUM.

545. Satis prævideo fore, ut mihi objiciatur nimia prolixitate in hac propositione nostra ea tradita esse, quæ multo brevius atque facilius potuissent perfici, si pro linea OM, tenacitatem fluidi denotante, assumissem rectam AM, quæ velocitatem initialem exponit. At respondeo hoc pacto propositionem minus generalem futuram fuisse, etsi non negem, multò brevius atque simplicius tunc demonstrari potuisse. Nam talem adducere volui, quæ etiam casum propositionis nostræ LXIII. contineret, quod revera præstat, nam evanescente OM vel AI, ex constructione præsentis propositionis, nascuntur omnes determinationes propositionis LXIII, adeo ut illa casus tantum sit seu corollarium præsentis. Sed, si pro linea tenacitatem fluidi repræsentatrice accepissem tantum rectam AM, quæ velocitatem initialem mobilis exponit, talis deductio non successisset, quia AM, quatenus velocitatem initialem exprimit, nunquam potest evanescere. Sed, quia deductio propositionis superioris LXIII. ex præsentis non adeò obvia esse videtur, eam hoc loco distinctius explicare libet. Si IA vel OM evanescit, etiam AI. $LN : AM$ evanescere videtur, seu spatium à mobili in aëre juxta duplicatam pro-

portionem celeritatum resistente in nihilum abire, tum etiam $MC - LM : AM$. Hoc enim casu IM abiret in AM , & GM in QM , id est, ratio $IM : GM$ fieret $AM : QM$, adeoque LN log-us illius rationis fieret MC , adeò ut $MC - LN$ futura sit $MC - MC = 0$. Quomodo ergo ex constructione præsentis propositionis elici potest constructio propositione LXIII. in casu ipsius $AI = MO = 0$?

546. Quia in dicta propositione (§. 522.) log-micæ subtangens exponit celeritatem initialem, sumatur log-us rationis $IM : GM$ in ea log-mica, eritque (§. 492.) log. $(IM : GM) : AM = LN : RC$, adeoque $LN = RC$. log. $(IM : GM) : AM$, & IA . $LN : AM = RC$. IA . log. $(IM : GM) : AM^2 = RC$. OM , MP . log. $(IM : GM) : AM^2$. MP . Atqui (§. 541. num. 1. æqu. I. II.) est RC . OM . $MP = IM$. AM^2 , ergo IA . $LN : AM = IM$. AM^2 . log. $(IM : GM) : AM^2$. $MP = IM$. log. $(IM : GM) : MP$, & hæc est nova expressio spatii in aëre decursi, siue IA sit quantitas, realis siue non. Jam, si $IA = 0$, erit ratio $IM : GM = AM : QM$, evanescente scilicet $OM = IA$, & existente $OG = QM$. Ergo spatium in aëre percursum erit hoc casu AM . log. $(AM : QM) : MP = \log. (AM : QM)$ in casu propositionis LXIII. ubi MP revera æqualis facta erat AM celeritati initiali. Est ergo spatium absolutum à mobili in aëre percursum exponendum log-morationis, quam celeritas initialis AM habet ad residuam mobilis seu actualem QM , prorsus ut habet propositio citata.

547. Determinatio temporis est paulò altioris indaginis. Hoc tempus exponitur juxta præsentem propositionem per $(MC - LN) : AM$. Jam (§. 544.) est $MC - LN = \log. (AM + MZ : IM) = \log. AM + MZ, - \log. IM$. Et $\log. (AM + MZ) = \left(\frac{MZ}{AM} - \frac{MZ^2}{2 \cdot AM^2} + \frac{MZ^3}{3 \cdot AM^3} - \&c. \right)$ in $RC = \left(\frac{MZ \cdot QM}{AM \cdot QM} - \frac{MZ^2 \cdot QM^2}{2 \cdot AM^2 \cdot QM^2} + \frac{MZ^3 \cdot QM^3}{3 \cdot AM^3 \cdot QM^3} - \&c. \right)$. RC , seu quia ex constructione rect-lum MZ . QM æquatur dato rectangulo AM . OM , erit: $\log. (AM + MZ) = \frac{RC \cdot OM \cdot AM}{AM \cdot QM} - \frac{RC \cdot OM^2 \cdot AM^2}{2 \cdot AM^2 \cdot QM^2} + \frac{RC \cdot OM^3 \cdot AM^3}{3 \cdot AM^3 \cdot QM^3} - \&c. = \frac{RC \cdot OM \cdot MP}{MP \cdot QM} - \frac{RC \cdot OM^2 \cdot MP^2}{2 \cdot MP \cdot QM^2} + \frac{RC \cdot OM^3 \cdot MP^3}{3 \cdot MP \cdot QM^3} - \&c.$ (aut, quia solidum RC . OM . MP æquatur solido IM . AM^2 , ut aliquoties jam vidimus) $= \frac{IM \cdot AM^2}{MP \cdot QM} - \frac{IM \cdot AM^2 \cdot OM}{2 \cdot MP \cdot QM^2} + \frac{IM \cdot AM^2 \cdot OM^2}{3 \cdot MP \cdot QM^3} - \&c.$ Atqui in hac ultima serie infinita, ob evanescentem (secundum hypothesin) OM ,

OM, evanescunt omnia post primum terminum membra, propterea erit hoc casu log. $(AM + MZ) = \frac{IM \cdot AM}{MP \cdot QM}$.

Quia $IM = AM + IA = AM + OM$, erit log. $IM = \left(\frac{OM}{AM} - \frac{OM}{2 \cdot AM} + \frac{OM^3}{3 \cdot AM^3} - \&c. \right) RC$, quæ est eadem series cum prima, excepta sola OM, quæ hoc loco est posita loco MZ, in prima. Ergo etiam log. $IM = \frac{RC \cdot OM \cdot MP}{AM \cdot MP} - \frac{RC \cdot OM \cdot MP}{2 \cdot AM \cdot MP} + \&c. = \frac{IM \cdot AM}{AM \cdot MP} - \frac{IM \cdot AM \cdot OM}{2 \cdot AM \cdot MP} + \&c. = \frac{IM \cdot AM}{MP} - \frac{IM \cdot OM}{2 \cdot MP} + \&c. = \frac{IM \cdot AM}{MP}$, quia etiam in hac serie infinita omnes, post primum, termini evanescunt, existente (secundum hypothesin) OM vel AI = 0. Hinc $MC - LN = \log. (AM + MZ) - \log. (IM) = \frac{IM \cdot AM}{MP \cdot QM} - \frac{IM \cdot AM}{MP} = \frac{IM \cdot AM - IM \cdot AM \cdot QM}{MP \cdot QM} = \frac{IM \cdot AM \cdot AQ}{MP \cdot QM} = \frac{AM \cdot AQ}{MP \cdot QM}$, quia in præsentī hypothesi IM fit AM evanescēte IA, & quia insuper, in propositione LXIII, MP æqualis erat AM, erit $MC - LN = \frac{AM \cdot AQ}{QM}$, & $MC - LN : AM$, seu tempus, quo mobile suum spatium log. $(AM : QM)$ in aëre absolvit fit $= AQ : QM$, exponendum scilicet ratione celeritatis initialis partis amissæ ad residuam, seu velocitatem mobilis actualem in aëre, prorsus ut habet citata propositio LXIII. §. 522.

548. Quin imò res universalius adhuc quam illic tradi potest, supponendo resistantiæ ab initio motus repræsentatricem MP diversam esse à recta AM, quæ celeritatem initialem exponit; etenim spatium absolutum in aëre confectum eo casu exponetur, ut supra (§. 546.) invenimus; per AM. log. $(AM : QM) : MP$; & tempus, quo hoc spatium absolvitur per AM. $AQ : MP \cdot QM$. Idcirco potuisset sæpius jam memorata propositio penitus omitti, quemadmodum & cæ, quæ post eam in eodē capite XVI. immediate sequuntur, quod pariter ex iis deduci possint facillimo negotio illæ, quæ mox sequuntur. Sed demonstrationum diversitas atque in conclusionibus concentus omnino digna sunt, quæ distinctius curiosi Lectoris oculis exponantur.

PROPOSITIO LXVII. THEOREMA.

549. Si gravitas uniformis exponatur sinu complementi alicujus anguli acuti & dati, & grave in linea recta horizonti normali cadat in aëre, juxta indicatam in titulo hujus capituli hypothesin, resistente; assumaturque quædam magnitudo, quæ sit ad log-mum rationis, quam tangens semissis complementi dati anguli habet ad tangentem semissis complementi alicujus anguli variabilis & majoris dato, ut sinus dati anguli ad sinum totum. Sumptis scilicet log-mis in logarithmica, cujus subtangens est æqualis sinui complementi dati anguli præmemorati, quibus positis,

1°. Spatium, quod grave aliquo tempore perlabitur accelerato motu, est excessus log-mi rationis, quam habet sinus complementi dati anguli ad sinum complementi variabilis, supra assumptam magnitudinem:

2°. Tempus, quo spatium istud absolvitur, exponetur assumpta magnitudine applicata ad sinum rectum anguli dati:

3°. Celeritas, in fine cujusque temporis acquisita, est, ut excessus sinus anguli variabilis supra sinum rectum anguli dati.

Fig. 130. Cadat grave à quiete ex M in linea recta M α horizonti perpendiculari, ac centro A descripto circuli quadrante BLCA, exponat in eo recta IM, quæ est sinus complementi cujusdam dati anguli BAI, gravitatem uniformem, & ductâ porrò qualibet SL parallela IM, jungatur AL; eritque angulus BAL is, qui in propositione variabilis dicitur, cujus recta LS est sinus complementi. Circa axem MR & per supremum quadrantis punctum transeat log-mica BGN, cui linea LN parallela radio CA occurrat in N, recta verò IG eidem MC æquidistans in puncto G, per hæc duo log-micæ puncta transeant ordinatæ GH & NO; dein assumatur quædam XZ, quæ sit ad log-mum rationis QA:AP sicut AM sinus dati anguli BAI ad radium AI. Ductis enim per puncta I & L ex puncto C rectis CP & CQ, erit QA:PA, ut tangens dimidii anguli IAC ad tangentem dimidii LAC, seu ut tangens semissis complementi anguli dati BAI ad tangentem semissis complementi anguli variabilis BAL; nam AQ:AP=tang. LCA: tang. ang. ICA=tang. MIC: tang. SLC=tang. $\frac{1}{2}$ IAC: tang. $\frac{1}{2}$ LAC. Ipla verò HO, seu log-us rationis GH:NO, seu IM:LS, est log-us rationis, quam habet sinus complementi IM anguli dati BAI ad sinum complementi LS variabilis BAL; propterea ostendi debet 1°. spatium cadendo descriptum
ME,

ME, esse = HO - XZ; deinde 2^o. tempus, quo spatium istud percurritur, seu $tME = XZ : AM$, ac denique MS differentiam sinuum AS, AM angulorum variabilis & dati, celeritatem in E acquisitam, adeo ut productis FE & LS in D. hoc punctum futurum sit in scala celeritatum MD, ducta scilicet FD per punctum E parallela RS. Esto insuper RF scala sollicitationum acceleratricium, ductisque dl, ln, no ac df ipsis DL, LN, NO ac DF parallelis ac indefinite vicinis productaque LD in a ; probari debet momentum sollicitationis acceleratricis FE æquari momento celeritatis acquisitæ ED, seu EF. $Ee = ED$. *ad*, posita constructione supra exposita. Fiat $AT = AM$, & VO tertia proportionalis ad GH & NO, adeo ut inde nova log-mica GV exurgat. Log-micæ BN subtangens quælibet æquetur IM vel GB.

Demonstr. I. Esto resistentia in E, quam simplici litera R indicabimus, ut gravitatem per G, esto. inquam $G : R = IM^2 : 2AM$. $MS + MS^2$, seu, quia (constr.) $AM = AT$, ponatur $G : R = IM^2 : TS$. MS, eritque convertendo $G - R : G$, id est, sollicitatio acceleratrix in E ad gravitatem, hoc est, $EF : IM = IM^2 - TS : MS$. $MS : IM^2 = IM$. $EF : IM^2$, atque adeo $IM \cdot EF = IM^2 - TS$. $MS = AI^2 - AM^2 - TS$. $MS = AI^2 - AM^2 - 2 \cdot AM \cdot MS - MS^2 = AI^2 - AS^2 = LS^2 = NO^2$, aut (quia NO est media proportionalis inter GH vel IM & VO) $= IM \cdot VO$, atque adeo $EF = VO$.

II. Quia (constr.) $ME = HO - XZ$, & $Me = Ho - Xz$, erit etiam $Ee = Oo - Zz$; propterea si Ee ponatur $= Oo$, erit $ee = Zz$, ubi Zz est elementum lineæ assumptæ XZ.

III. Propter triangula similia Llm & ALS habetur $Ss : rl$ (vel æqualem Ll) $= LS : AL$, & $rl : Qq = rs$ (vel LS) : QA ; ergo ex æquo $Ss : Qq = LS^2 : AL \cdot AQ = NO^2 : AL \cdot AQ = IM \cdot VO : AI \cdot AQ$. Verum Qq : elementum log-mi ($QA : PA$) $= QA$: subtang. log-micæ $IM = QA$. $VO : IM \cdot VO$, ergo ex æquo Ss : elem. log-mi ($QA : RA$) $= AQ \cdot VO : AI \cdot AQ = VO : AI$. Et (constr.) elem. log-mi ($QA : PA$) $: Zz = AI : AM$, ergo denuo ex æquo $Ss : Zz = VO : AM$. Atque adeo $FE \cdot ee$ (num. I. & II. hujus) $= VO \cdot Zz = AM \cdot Ss$.

IV. Rursus $EF \cdot Ee$ (seu $VO \cdot Oo$) $= NO \cdot Np$ per §. 491. num. III. Et $NO \cdot Np = LS \cdot Lm$ (§. 493.) $= AS \cdot Ss$, hinc, quia (num. III. hujus) $FE \cdot ee = AM \cdot Ss$, erit $FE \cdot Ee - FE \cdot ee = AS \cdot Ss - AM \cdot Ss$, hoc est, $FE \cdot Ee = MS \cdot Ss$. Id est, momentum sollicitationis acceleratricis EF est æquale momento celeritatis acquisitæ MS.

V. Quoniam supra (num. III. hujus) invenimus $VO \cdot Zz = AM \cdot Ss$.

55, erit $Zz:AM = Ss:VO = da:FE$ (§. 485.) $= tEe$; adeoque omnia tEe , hoc est, tempus casus perpendicularis per spatium ME , quod tempus designavimus per tME , $=$ omnibus Zz , quibus tota XZ componitur, divisus per AM , seu $= XZ:AM$. Ergo tempus per spatium ME exponitur per assumptam magnitudinem XZ applicatam ad sinum AM anguli dati BAI . Quæ omnia erant demonstranda.

COROLLARIUM I.

550. Cum celeritas in E acquisita sit ED vel MS , celeritas terminalis erit MC sinus versus complementi IAC anguli dati BAI , & scala celeritatum MD asymptotam habebit parallelam ipsi ME , sed per punctum C transeuntem.

COROLLARIUM II.

551. Spatium, quod grave in vacuo absolveret cadendo eo tempore, quo in aëre spatium ME perlabitur, est ad semissem MI , quæ gravitatem exponit in duplicatâ ratione assumptæ XZ ad datam AM . Nam, quia tempus (§. 151.) descensus in vacuo exponitur radice ex duplo spatio applicato ad magnitudinem, quæ gravitatem uniformem repræsentat, erit, vocando spatium tempore $XZ:AM$ in vacuo percurrendum S , erit inquam $\sqrt{2S:IM} = XZ:AM$, seu $2S:IM = S:\frac{1}{2}IM = XZ^2:AM^2$.

COROLLARIUM III.

552. Velocitas, quam mobile in termino E spatii ME in vacuo descripti acquireret, erit ad celeritatem in aëre acquisitam percurso eodem spatio ME , sicut $\sqrt{2ME:IM}$ ad MS , id liquet ex §. 150.

COROLLARIUM IV.

553. Celeritas vero in aëre erit ad celeritatem in vacuo mobili acquisitam tempore $XZ:AM$, sicut rectulum $AM.MS$ ad rectulum $IM.XZ$. Nam (§. 551.) in vacuo percurritur spatium $S = IM.XZ^2:2.AM^2$ tempore $XZ:AM$; atque (§. 150.) est velocitas in termino hujus spatii acquisita $= \sqrt{2.S.IM} = \sqrt{2.IM^3.XZ^2:2.AM^3} = IM.XZ:AM$; ergo celeritas in aëre est ad celeritatem in vacuo acquisitam,

DE VIRIBUS ET MOTIBUS CORPORUM. LIB. II. 321
tam, sicut MS ad IM. XZ:AM, vel sicut rec-lum AMS ad rec-lum
IM. XZ.

COROLLARIUM V.

555. Quia recta TA tenacitatem medii & AM dimidium hujus
tenacitatis exponit, erit hæc tenacitas ad gravitatem, sicut sinus an-
guli dati BAI ad semissem sinus complementi.

COROLLARIUM VI.

556. Idcirco evanescente angulo BAI fluidum omni tenacitate
carebit, eritque perfecte fluidum, adeo ut redeat casus propositionis
LXIV, quæ propositio proinde tantum corollarium est præsentis.
Evanescent enim eo casu AM & XZ, adeo ut tunc ME simplici-
ter æqualis fiat ipsi HO. Tempus vero per ME, quod in hac pro-
positione LXVII. est $XZ:AM$ (constr.) = $\log. (QA:PA):AI$, in
casu coincidentiae ipsarum BA & IM, fiet $XZ:AM = \log. (QA:$
 $BA):AB = tME$, prorsus ut §. 525. num. III. ostensum.

SCHOLIUM I.

557. Propositio etiam analysi geometrica sequenti ratione expe-
diri potest. Positis iis, quæ in præparatione ad demonstrationem
propositionis, numero 1. erit FE vel $VO = NO^2:IM = LS^2:IM$
(vel posita KC diametro circuli BIC) = $KS.SC:IM$, unde, quia
generaliter esse debet $EF.Ee = MS.Ss = ED.ad$, erit etiam $KS.$
 $CS.Ee:IM = MS.Ss$, atque adeo $Ee:IM = MS.Ss:KS.CS$. Sed
 $MS = \frac{1}{2}KS - \frac{1}{2}KM + \frac{1}{2}MC - \frac{1}{2}SC$, quo valore subrogato reperietur

$$Ee:IM = \frac{\frac{1}{2}Ss}{CS} - \frac{\frac{1}{2}Ss}{KS} - \frac{\frac{1}{2}KM.Ss + \frac{1}{2}CM.Ss}{KS.CS} = \frac{\frac{1}{2}Ss}{CS} - \frac{\frac{1}{2}Ss}{KS} - \frac{AM.Ss}{KS.CS}, \text{ nam } KM$$

$$-CM = 2.AM. \text{ Atqui } \frac{AM.Ss}{KS.CS} = \frac{AM}{AC} \cdot \left(\frac{\frac{1}{2}Ss}{KS} + \frac{\frac{1}{2}Ss}{CS} \right) \text{ ergo } Ee:IM = \frac{\frac{1}{2}Ss}{CS} -$$

$$\frac{\frac{1}{2}Ss}{KS} - \frac{AM}{AC} \cdot \left(\frac{\frac{1}{2}Ss}{KS} + \frac{\frac{1}{2}Ss}{CS} \right). \text{ Verum } \frac{\frac{1}{2}Ss}{CS} - \frac{\frac{1}{2}Ss}{KS} = \text{elem. log-mi ex } \sqrt{\left(\frac{CM}{CS} : \frac{KS}{KM} \right)}$$

$$= \text{elem. log. } \sqrt{\left(\frac{CM.KM}{CS.KS} \right)} = \text{elem. log. } \sqrt{\left(\frac{IM}{LS} \right)} = \text{elem. log. } (GH:NO)$$

in log-mica, cujus subtangens est unitas.

$$\text{Et } \frac{\frac{1}{2}Ss}{KS} + \frac{\frac{1}{2}Ss}{CS} = \text{elem. log-mi ex } \sqrt{\left(\frac{KS}{KM} : \frac{CM}{CS} \right)} = \text{elem. log. } \sqrt{\left(\frac{KS}{CS} : \frac{KM}{CM} \right)}.$$

S s

Sed

Sed quia SL & MI sunt medix proportionales inter KS & CS, atque inter KM & CM, erit $KS:CS = LS^2:SC^2 = QA^2:AC^2$, & $KM:CM = IM^2:MC^2 = PA^2:AC^2$, atque adeò $\frac{KS}{CS} \cdot \frac{KM}{CM} = \frac{QA^2}{AC^2} \cdot \frac{PA^2}{AC^2} = \frac{QA^4}{PA^4}$; ac propterea erit $\frac{1}{KS} + \frac{1}{CS} = \text{elem. log.} \left(\frac{QA}{PA} \right)$ etiam in log-mica, cujus subtangens est æqualis unitati. Hinc $\frac{AM}{AC} \left(\frac{1}{KS} + \frac{1}{CS} \right) = \frac{AM}{AC}$ in elem. log. (QA:PA); ac proinde habebitur etiam $Ee:IM \left(= \frac{1}{CS} - \frac{1}{KS} - \frac{AM}{AC} \left(\frac{1}{KS} + \frac{1}{CS} \right) \right) = \text{elem. log.} (GH:NO) - \frac{AM}{AC} \cdot \text{elem. log.} (QA:PA)$ ergo $\int Ee:IM = ME:IM = \text{log.} (GH:NO) - \frac{AM}{AC} \cdot \text{log.} (QA:PA)$, vel ducendo omnia in IM, erit $ME = IM \cdot \text{log.} (GH:NO) - \frac{AM \cdot IM}{AC} \cdot \text{log.} (QA:PA)$. At verò $IM \cdot \text{log.} (GH:NO)$ juxta §. 492. = HO, quandoquidem log. (GH:NO) primùm sumebatur in log-mica, cujus subtangens erat unitas; sic etiam $IM \cdot \text{log.} (QA:PA)$ sumenda est in log-mica BN, quia ejus subtangens est IM. In constructione propositionis erat $XZ: \text{log.} (QA:PA) = AM:AC$, & quia log. (QA:PA) jam sumitur in log-mica, cujus subtangens est IM, quæ antea erat unitas, erit proinde hoc casu. $XZ = \frac{AM \cdot IM}{AC} \cdot \text{log.} (QA:PA)$, atque adeo $ME = HO - XZ$ ut supra (§. 549.)

Similiter pro expressione temporis casus ex altitudine ME invenietur $XZ:AM$, ut in jam citato loco. Quæ omnia analytice erant inveniendæ.

SCHOLIUM II.

§. 58. Eadem methodo solvi potest casus, quo mobile data velocitate, majore tamen terminali, perpendiculariter deorsum projicitur in aëre resistente juxta præsentem resistantiarum hypothesin. Nam, si celeritas projectionis terminali minor sit, problema jam solutum continetur in propositione postrema, absque eo, ut alia solutione opus sit; sin verò, ut nunc supponemus, celeritas projectionis major sit quam terminalis, nonnihil alia inde prodibit constructio, quam nunc adducam omiſſa demonstratione, quam industria

Lecto-

Lectoris ex præcedentibus eliciendam relinquo. Esto KO linea indefinitæ longitudinis, cui perpendicularis insistant IME ad partes indefinitæ, in hac perpendiculari portio IM exponat gravitatem uniformem, & AM=AT semissem tenacitatis medii, ductaque AI factisque AC=AK=AI, centro A & latere transverso KC descripta sit hyperbola æquilatera CLP, in qua, si MO accipiat pro celeritate initiali projectionis, & MS pro velocitate mobili post aliquod tempus residua, agantur ordinatæ OP & SL hyperbolæ occurrentes in P & L, per quæ puncta ducantur denique ex K rectæ KP, KLQ. Spatium ME, in cujus termino E mobili relinquatur celeritas MS vel ED, erit $= \log. (PO : LS) - \frac{AM}{AC} \log. (PO : QO)$, & tempus per spatium ME $= \log. (PO : LS) : IM$. Omnes hi logarithmi sunt ex log-mica, cujus subtangens est æqualis IM. Ex hac constructione jam satis apparet, scalam celeritatum ODæ asymptotam habere Cæ, atque adeo mobilis celeritatem quidem continuo decrescere, nunquam verò ad celeritatem MC reduci posse.

PROPOSITIO LXVIII. THEOREMA.

559. Si gravitas exponatur per secantem alicujus arcus dati, & corpus grave verticaliter in altum projiciatur in aëre præsentis resistentiæ hypotheseos, ac celeritate, quæ exponitur excessu tangentis arcus cujusdam variabilis supra tangentem dati arcus; assumaturque magnitudo quedam, quæ sit ad differentiam arcuum variabilis & dati, ut rectum ex secante & tangente dati arcus ad quadratum radii.

Erit 1°. Spatium, quod mobile, ascendendo quousque potest, conficiet, ut log-us rationis, quam secans arcus variabilis habet ad secantem dati arcus, dempta magnitudine assumta.

2°. Tempus, quo mobile hanc altitudinem absolvet, erit ut magnitudo assumta applicata ad tangentem dati arcus.

Sint ABKC quadrans circuli, BIL hyperbola æquilatera ex centro A & semilatore AB descripta. Exponat IM seu AW secans dati arcus Bæ gravitatem uniformem, ac mobile ex E in altum projici intelligatur celeritate ED vel WQ, quæ est differentia tangentium BQ, BW arcuum variabilis BK & dati Bæ. Descriptaque circa axem AT log-mica BGN, cujus subtangens sit GH vel IM, agantur IG, LN parallelæ AS, ac per puncta G, N, &c. transeant ordinatæ log-micz GH & NO, in NO producta sit OW tertia pro-

portionalis ad GH & NO, & per omnia puncta V transibit novam log-micam GV, cujus subtangens dimidia erit subtangentis prioris log-micæ GN. Accipiatur deinde XZ, quæ sit ad arcum VK, ut rectulum IMA ad quadratum radii AB, quibus positis dico fore I. ME vel potius $EM = HO - XZ$, & temp. per $EM = XZ : AM$.

Demonstr. Duâs lineis dl, ln , no prioribus cognominis DL, LN, NO ad distantias indefinite parvas parallelis, fiatque ut supra (§. 549. num. 1.) $AT = AM$, & resistentia aëris in E ut TS. MS.

I. Eritque adeo resist.: grav. = TS. MS : IM^2 , & componendo R + G, seu resistentia totalis EF : IM, seu $G = IM^2 + TS. MS : IM^2$ (seu quia $AM^2 + TS. MS = AS^2$, seu $TS. MS = AS^2 - AM^2$) = $AS^2 + IM^2 - AM^2 : IM^2 = AS^2 + QS^2 : IM^2 = LS^2 : IM^2 = NO^2 : GH^2$ (aut quia VO, NO & GH sunt in continua ratione) = VO : IM vel GH, habemus ergo EF : IM = VO : IM atque adeo EF = VO.

II. Ex constructione est $EM = HO - XZ$, & $eM = Ho - Xz$, adeoque $Ee = Oo - Zz$, unde, si ee fuerit = Oo , & $eE = Zz$, erit omnino $Ee = Oo - Zz$. Jam (§. 165.) $Qq : Kk = AQ^2 : AK^2 = LS^2 : AB^2 = NO^2 : AB^2 = VO. GH : BA^2$, & (constr.) $Kk : Zz = AB^2 : GH. AM$, ergo ex æquo $Qq : Zz = VO. GH : GH. AM = VO : AM$ (num. 1. hujus) = EF : AM. Adeoque EF. Zz = EF. $eE = AM. Qq = AM. Ss$.

III. Est verò etiam (§. 491. num. III.) $VO. Oo (= EF. ee) = NO. Np = LS. Em$ (§. 493.) = AS. Ss. Adeoque EF. $Ee (= EF. ee - EF. eE) = AS. Ss - AM. Ss = MS. Ss$. Hoc est, momentum resistentiæ totalis EF æquatur momento celeritatis MS.

IV. Numerus secundus hujus demonstrationis præbet, Ss : EF (num. III. hujus) = $Ee : MS = Zz : AM$, atqui, ut toties jam dictum Ss : EF = $Ee : MS = tEe$, ergo $tEe = Zz : AM$, & omnia $tEe =$ omnibus $Zz : AM$ seu = $XZ : AM$. Hoc est, tempus ascensionis in spatio EM, est $XZ : AM$, exponitur ergo per magnitudinem assumptam applicatam ad tangentem anguli BAW. Quæ omnia erant demonstranda.

COROLLARIUM I.

560. Altitudo, ad quam grave in altum projectum pertingere potest, eodem tempore, quo in aëre altitudinem EM absolveret, erit iterum ad semissem IM, quæ gravitatem exponit in duplicata ratione assumptæ XZ ad datam AM. Celeritas verò projectionis in vacuo est ad celeritatem projectionis in aëre, sicut IM : XZ ad AM : MS.

De-

DE VIRIBUS ET MOTIBUS CORPORUM. LIB. II. 325
Demonstratio continetur in corollariis II. & IV. propositionis præcedentis.

COROLLARIUM II.

561. Evanescente AM vel AT, atque adeò coincidentibus rectis IM, BA & GH, redibit iterum casus propositionis LXV. adeò ut omnia, quæ in propositione illa exhibita sunt, tantum corollaria sint præsentis.

Ut brevitati consulerem omisi perplura corollaria, quæ ex hac propositione adhuc elici potuissent, tum etiam calculum arithmeticum, quo ope tabularum sinuum tangentium & logarithmorum, celeritates, spatia percurfa, & tempora lationis determinari potuissent. Intelligens Lector omnia sua sponte supplebit. Sed, priusquam ad contemplationem motuum curvilinearum in mediis resistentibus me conferam, forte haud abs re fuerit, si calculo algebraico regulas generales tradidero pro motibus rectilineis in mediis densitate variantibus.

CAPUT XVIII.

Methodus inveniendi symptomata motuum corporum in mediis utlibet resistentibus, atque densitate pro libitu variantibus.

IN præcedentibus capitibus celebriores resistentiarum aëris hypotheses excussimus, & quinam motus, iisdem hypothefibus positus, nasci debeant, definivimus, supponentes tamen medium resistens ejusdem ubique densitatis esse. Quia verò densitates subinde variare possunt, canones motuum etiam exhibendi sunt pro ejusmodi mediis densitate variantibus, quod in hoc capite respectu motuum rectilinearum præstabimus, de curvilinearis in sequentibus duobus capitibus acturi.

PROPOSITIO LXIX. LEMMA.

562. Exhibens nonnullas elementorum logarithmicorum proprietates; scilicet, 1°. Elementum logarithmicum positivum, est elementum logarithmi rationis majoris inæqualitatis, quam magnitudo quæcunque variabilis habet ad suam minimam magnitudinem.

Ss 3.

Ele.

Elementum vero log-micum privativum est elementum log-mi rationis majoris itidem inæqualitatis, quam maxima magnitudo alicujus variabilis habet ad hanc variabilem.

2°. Multipham quodcunque vel submultipham elementi cujuscunque magnitudinis variabilis applicatum ad ipsam magnitudinem, cujus est elementum, est elementum log-mi rationis multiplicatæ vel submultiplicatæ rationis, quam variabilis magnitudo habet ad summi minimam magnitudinem, aut quam maxima magnitudinis variabilis habet ad ipsam variabilem, prout elementum log-micum positivum aut privativum fuerit.

Fig. 133. Esto 1°. quantitas variabilis u , ejusque minima magnitudo a , elementum log-micum $+du : u$ erit elementum log-mi rationis ($u : a$). Sin verò magnitudo u , cum maxima est, sit $= a$; erit $-du : u =$ elem. rationis ($a : u$). 2°. Eisdem positis, si habeatur $mdu : u$ erit hoc elementum log-mi rationis ($u : a$) multiplicatæ juxta m , id est, $mdu : u =$ elem. rationis ($u^m : a^m$) ubi m significat quemlibet numerum integrum vel fractum, rationalem aut irrationalem, &c. & $-mdu : u =$ elem. rationis ($a^m : u^m$). in log-mica, cujus subtangens est unitas.

Sit IAE log-mica circa axem MF, cujus subtangens DO æquetur unitati 1, sintque CD magnitudo variabilis ac continue crescens ejusque minima magnitudo AB, ordinata verò variabilis GH sit magnitudo continue decrescens, ejusque maxima etiam AB, ponantur cd & gh ordinatæ ipsis CD & GH indefinite propinquæ, ductisque Ck, gy , axi MF parallelis, erunt cx incrementum ipsius CD adeoque cx erit positivum; ipsum verò Gy erit decrementum ordinatæ GH, atque adeò privativum. Hisce positis,

Fig. 133. I. Quia (§. 491.) $+cx : CD = Dd : OD$ (aut quia subtangens OD æquivalet unitati) $= Dd$, & quia Dd est elementum ipsius BD seu log-mi (CD : AB), erit omnino $cx : CD =$ elem. log-mi rationis (CD : AB) hoc est $+du : u =$ elem. log-mi rat. ($u : a$), positis AB, a ; CD, u & cx , du .

Eodem argumento probatur esse $-Gy : GH =$ elem. log-mi rationis AB : GH, hoc est $-du : u =$ elem. log. ($a : u$) seu log-mi (AB : GH), vocatis nunc GH, u ; ac Gy , du existente AB, etiam nunc a .

II. Ostendendum, esse $m.cx : CD =$ elemento log-mi ($CD^m : AB^m$). Sit enim BD : BF = 1 : m , atque adeò BF = m : BD, adeo ut excitata in F ordinata FE, ex natura log-micæ sit $CD^m : AB^m = EF : AB$. Verum $m.cx : CD = m.Dd : DO$, & omn. $m.cx : CD =$ omnibus $m.Dd : DO$

$DO = m \cdot BD : DO$ (seu constr.) $BF : DO$ (vel si DO æquivalet unitati) $= BF = \log. (EF : AB) = \log. (CD^m : AB^m)$. Adeoque $mdu : u$, $= \text{elem. log. } (u^m : a^m)$.

Nec dissimili ratione evincitur, quod, facta $BM = m \cdot BH$ erectaque ordinata MI , futurum sit, $-m \cdot Gy : GH = \text{elem. log-mi } (AB : IM) = \text{elem. log. } (AB^m : GH^m)$ seu, quod idem est, $-mdu : u = \text{elemento log-mi } (a^m : u^m)$. Quæ duo erant monstranda.

PROPOSITIO LXX. PROBLEMA.

563. Exhibere canonem generalem motuum rectilineorum ex primitive uniformibus derivatorum, quibus corpora in aëre densitatis variabilis, & juxta quamlibet legem resistente, ferantur.

Positis iis, quæ ad propositionem LV. hujus Libri Secundi dicta sunt, vocetur spatium NE in linea deferenti percursum x , tempus, quo absolvitur t , celeritas mobili residua DB post effluxum hoc tempus u ; adeoque celeritas DE mobilis in linea deferenti hoc tempore acquisita erit $a - u$, si, quod supponimus, a significet velocitatem mobilis initialem AN , quâ scilicet linea deferens æquabili motu (secundum hypothesein) in aëre progreditur. Spatium absolutum, quod mobile tempore memorato t , in aëre transmittit S . Solicitudine acceleratrix, in quolibet lineæ deferentis puncto E , seu recta EF resistantiam aëris generaliter indicans R , ac denique densitas aëris Δ . Hisce denominationibus factis, paragraphi 489. & 488. sequentes præbent formulæ: I. $Rdx = udu - adu$. II. $t = \int -du : R$. III. & $S = at - x$. Quæ erant exhibendæ.

E X E M P L U M.

564. Sit generaliter $R = (abu^m + cu^{m+1}) \cdot \Delta : a^{m+1}$, ubi a, b, c sunt magnitudines constantes, & m quilibet numerus rationalis vel surdus. Formula prima generalis, reductionibus factis, dat $\Delta dx = (a^{m+1} udu - a^{m+1} du) : abu^m + cu^{m+1}$. Ex qua liquet abscissas x inveniri per quadraturas duarum curvarum.

565. Si $m = 1$, fiet $R = (abu + cuu) \cdot \Delta : aa$; & $\Delta dx = (aau du - a^2 du) : (abu + cuu)$.

566. Igitur, si præterea $c = 0$, erit $R = bu\Delta : a$, hoc est, resistantiæ aëris erunt in composita ratione densitatum & velocitatum mobilis actualium, alteraque æquatio §. 565, mutabitur in $\Delta dx = adu : b, - aadu$.

$aadu:bu$. Atqui (§. 88.) summa omnium $adu:b=(du-aa):b$, & $f-aadu:bu$ (§. 562.) $=\frac{aa}{b} \log. (a:u)$ in log-mica, cujus subtangens 1, vel $=\frac{a}{b} \log. (a:u)$ in log-mica, cujus subtangens est a . Propterea

$f\Delta dx = \frac{a}{b} \log. (a:u) - (aa-au):b$. Hinc, si $\Delta = 1$, & $b = u$, erit $f\Delta dx = x = \log. (a:u) - a + u$. Atque adeò, si in fig. 119. $AN = AK = a = b$, $BD = IH = u$, & $NE = x$, erit $CG = CN = a - u$, & $CH = \log. (a:u) = \log. (AN:IK)$, ergo x , seu $NE = CH - CG = GH$, prorsus ut constructio propositionis LVIII. habet.

567. Si in æquationibus superioribus (§. 565.) $b = 0$, habebitur $R = cuu:aa$, id est, resistantiæ aëris sunt in composita ratione densitatum & duplicatæ velocitatum mobilis, & $\Delta dx = aadu - a^2 du:cuu$, $= aadu:cu - a^2 du:cuu$. At verò (§. 562.) est $f-aadu:cu = \frac{a}{c} \log. (a:u)$ in log-mica, cujus subtang. $= a$, & $f-a^2 du:cuu$ (§. 88.) $= (a^2 - aau):cu$. Ergo $f\Delta dx = a^2 aau:cu - \frac{a}{c} \log. (a:u)$; vel factis $\Delta = 1$, & $a = c$; fiet $x = aa - au:u - \log. (a:u)$. Hinc, si in fig. 125. $AM = AT = a$, $BD = IH = u$, & $ME = x$, erit, propter hyperbolam NHK , $(aa - au):u = CH$, & $\log. (a:u) = \log. (NT:IH) = CG$, cum NGK (constr.) sit log-mica, cujus subtangens $= NT = a$; adeoque $ME = CH - CG = GH$, iterum ut habet constructio propositionis LXIII.

568. Tandem, si æquatio ipsa paragraphi 565. $\Delta dx = aadu - a^2 du:abu + cuu$ construenda sit, dividatur numeratoris membrum $-a^2 du$ per membrum abu denominatoris, reductisque reducendis, erit $\Delta dx = (\frac{aa}{b} + \frac{aa}{c}). du: (\frac{ab}{c} + u) - \frac{ab}{b} du:u$. Et horum integralia (§. 562.) invenientur, scilicet $f\Delta dx = \log. (a:u) - \frac{b-c}{c} \log. (\frac{ab}{c} + \frac{aa}{c} + u)$ in logarithmica, cujus subtangens est $\frac{aa}{b}$. Jam, in figura 129. propositionis LXVI. si fiat $PW:MP = OM:IM$, & $PV:MP = AM:IM$, ac dicantur $PW = b$, $PV = c$, & $AM = a = OI$; indeterminatæ $QM = OG = u$, ac $ME = x$. Invenieturque $\frac{aa}{b} = IM \cdot AM:OM \cdot MP$ (constr.) $= RC$. Nam (§. 541. num. 1.) $RC:AM = IM:AM$:

AM: OM. MP, atque propter (constr.) PW: MP = OM: IM, atque adeo OM. MP = IM. PW, ergo RC: AM (= IM. AM: OM. MP) = IM. AM: IM. PW = AM: PW, ac proinde RC = AM:

PW = aa: b, ut dicebatur. Item $\frac{b+c}{c} = \frac{IM}{AM}$, & $\frac{ab}{c} = OM$, adeoque

$\frac{ab}{c} + a = IM$, & $\frac{ab}{c} + u = GM$; hinc $\int \Delta dx = \log. (AM: QM) - \frac{IM}{AM}$.

$\log. (IM: GM)$, atque adeo existente $\Delta = 1$, $x = ME = \log. (AM:$

$QM) - \frac{IM}{AM} \log. (IM: GM)$ prorsus ut habet constructio recensitæ

propositionis LXVI.

569. Pro inventione temporis consulenda est secunda formula generalis (§. 563.) seu $t = - \int da: R$, vel $dt = - du: R$, vel substituendo ex §. 565. valorem ipsius R erit $\Delta dt = - aadu: abu + cuu = - adu:$

$bu; + \frac{adu}{b}: ab + cu = - adu: bu, + \frac{a}{b} du: \frac{ab}{c} + u$. hinc $\int \Delta dt = \frac{1}{a} \log.$

$(a: u) - \frac{1}{a} \log. (\frac{ab}{c} + a: \frac{ab}{c} + u) = \frac{1}{AM} \log. (AM: QM) - \frac{1}{AM} \log. (IM:$

$GM) = (MC - LN): AM$, prorsus ut in præmemorata propositione LXVI. jam ostensum, ubi tamen Δ est 1, atque adeo $\int \Delta dt = t$.

Atque hæc pauca exempla particularia ad illustrationem formularum generalium sufficiant.

PROPOSITIO LXXI. PROBLEMA.

570. *Exhibere generales formulas pro descensu & ascensu gravium rectilineo & horizonti perpendiculari in aëre densitatis variabilis & secundum quamcunque legem resistente.*

Retentis symbolis supra (§. §. 484, 485.) jam adhibitis: propositio LIV. nobis suppeditat formulas pro utroque casu descensus ascensusque gravium; scilicet, I. $x = \int du: g + r$. & II. $t = \int du: g + r$. Ubi signum superius respicit descensum & inferius descensum corporum. In hisce formulis g significat gravitatem, r resistantiam medii, u velocitates mobili acquisitas vel residuas, & x spatia à quiete descendendo percurra, vel complementa spatiorum ascensu jam actu confectorum ad maximam altitudinem A, quam gravia certa quadam velocitate initiali ascendunt percurrere valent, ac denique t denotant tempora descensus in spatiis x , vel quibus complementa præmemorata ad maximam altitudinem describi possunt. Idcirco spatia

T t

actu

$$t = \frac{1}{b} \log. v(b+y:b-y) - \frac{1}{b} \log. v(b+f:b-f) = XZ : f \pm XZ : AM$$

Iterum ut in citata propositione asseritur.

576. Pro ascensu gravium faciunt formulæ paragraphi 571. cum signis inferioribus, unde si iterum Δ sit = 1, erit $x = \int aadu : aag + abu + cuu$ (vel, si nunc fiat $aag = chh + cff$, item $2cf = ab$, & $f + u$ æquale y) $= \int (\frac{aa}{c} y dy - \frac{aaf}{c} dy) : hb + yy$. Atqui $\int \frac{aa}{c} y dy : hb + yy$ (§. 562.) $= \text{Log. } v(hb + yy : hb + ff)$, quia $y dy$ est dimidium elementum denominatoris $hb + yy$, & $hb + ff$ est minima omnium $hb + yy$, cum f sit minima omnium $y = f + y$. Hic log-us sumitur in log-mica, cujus subtangens est $\frac{aa}{c}$.

Altera pars æquationis, seu $\int \frac{aaf}{c} dy : hb + yy = \frac{aaf}{chb} \cdot \int hhd y : hb + yy$. Atqui (§. 166.) est $hhd y : hb + yy =$ elemento arcus circularis, cujus radius h , & tangens y , quod elementum dicatur dw , atque adeò arcus ipse w ; unde $\int hhd y : hb + yy = w$, ergo $\int \frac{aaf}{c} dy : hb + yy = \frac{aaf}{chb} \cdot w$. Ergo utrumque integrale, ut decet, conjungendo, habetur $x = \int aadu : aag + bau + cuu = \int (\frac{aa}{c} y dy - \frac{aaf}{c} dy) : hb + yy = \log. v(hb + yy : hb + ff) - \frac{aafw}{chb}$.

577. Altera æquatio tempus respiciens est $t = \int aadu : aag + abu + cuu = \int \frac{aa}{c} dy : hb + yy$ (§. 166.) $= \frac{aa}{chb} \cdot w$. Positis iis, quæ in periodo paragraphi proxime antecedentis ultimo.

Fig. 132. 578. Etiam hæc postremæ determinationes cum propositione LXVIII. probe conspirant; nam si, ut supra (§. 574.) $a = g = c$, atque adeò $2f = b$, erit $aa = hb + ff$. Unde, si dicantur $AW = IM = a$, $AM = f = \frac{1}{2} TM = \frac{1}{2} b$, erit $WM = BA = h$, adeoque $v(hb + ff) = a = MI$, & quia iterum $AS = f + u = y$, existente $MS = u$; erit $LS = v(hb + yy)$ adeoque $\log. v(hb + yy : hb + ff) = \log. (LS : IM) = \log. (NO : GH) = HO$. Cum log-micæ subtangens $\frac{aa}{c}$ sit $= a$, existente (secundùm hypothesin) $c = a$.

Et quia $AS = BQ = y$, & $AB = h$, erit arcus $BK = w$, atque adeò $\frac{aaf}{chb}$.

$\frac{af}{bb} \cdot u = \frac{af}{bb} \cdot u = \frac{WM \cdot AM}{IM^2}$ in BK, sed in propositione LXV. III. §. 559. est $XZ : BK = WM \cdot AM : IM^2$ ergo $\frac{af}{bb} = XZ$, ac proinde $x (= \log. v(bb + yy : bb + ff) - \frac{afu}{bb}) = HO - XZ$. ut in memorata propositione dictum.

$t = \frac{aa}{ebb} \cdot u = \frac{aa}{bb}$, erit $= XZ : AM$, pariter ut in dicta propositione ostensum.

S. C H O L I O N.

579. Plura alia exempla ad illustrationem canonum generalium non affero, ac multa alia silentio prætereo, quæ ex soluto exemplo potuissent elici. Id tamen minime videtur subticendum, quod densitates medii varie modificando effici possit, ut gravia, juxta quamlibet accelerationis retardationisque legem, possint descendere vel ascendere in lineis horizonti perpendicularibus. Galilæus olim primus demonstravit, celeritates gravi in vacuo cadenti acquisite esse in subduplicata ratione spatiorum, quod etiam in antecedentibus (§. 150.) ostensum est, sed ex principiis à Galilæanis diversis. Hæc accelerationis lex solis corporibus in vacuo cadentibus convenire hætenus credebatur, sed, ut mox probabitur, perperam, cum etiam in aëre resistente juxta hanc eandem accelerationis legem descendere possint gravia, modò aëris densitas certa quadam ratione ubique varietur.

580. Ut res generaliter tradatur, sit nunc $r = (a^{m+2} + abu^m + cu^{m+1}) \cdot \Delta : e^{m+2}$, adeo ut formula prima §. 570. $x = \int u du : g + r$, vel differentiando $(g + r) \cdot dx = u du$, nunc futura sit $(a^{m+2}g + a^{m+2}\Delta + abu^m\Delta + cu^{m+1}\Delta) \cdot dx = a^{m+2}u du$, fiat $a^{m+2}g + a^{m+2}\Delta + abu^m\Delta + cu^{m+1}\Delta = \frac{1}{2}a^{m+2}e$, eritque $\frac{1}{2}a^{m+2}e dx = a^{m+2}u du$, vel $edx = 2u du$, ac integrando, $ex = uu$, seu $u = e^{\frac{1}{2}} x^{\frac{1}{2}}$, ac $u^m = e^{\frac{m}{2}} x^{\frac{m}{2}}$, nec non, $u^{m+1} = e^{\frac{m+1}{2}} x^{\frac{m+1}{2}}$, qui valores, in æquatione $a^{m+2}g + \Delta \cdot \&c. = \frac{1}{2}a^{m+2}e$ substituti, præbent æquationem $a^{m+2}g + a^{m+2}\Delta + a b e^{\frac{1}{2}m} x^{\frac{1}{2}m} \Delta + c e^{\frac{1}{2}(m+1)} x^{\frac{1}{2}(m+1)} \Delta = \frac{1}{2}a^{m+2}e$. Quæ æquatio relationem inter densitates aëris & spatia percurra, seu inter indeterminatas Δ & x , declarat, ad id, ut grave in

hoc aëre eadem accelerationis lege feratur ac in vacuo, etenim hæc accelerationis norma exhibetur æquatione $uu = ex$, vel $u = \sqrt{ex}$. Jam, cum a sit quantitas constans, liquet celeritates acquisitas (u) esse ut (\sqrt{x}) id est, in subduplicata ratione spatiorum percursorum. Ad hoc ne quidem necesse est, ut gravitas (g) sit constans seu uniformis, res etiamnum obtinebit, dummodo g data sint per x & constantes.

Non immorabimur particularibus exemplis illorum casuum, quibus aër gravibus resistit in ratione composita densitatum & velocitatum, vel in composita ratione ex densitatum ratione & duplicata celeritatum, vel etiam juxta resistantiæ legem, quæ ex utraque memoratarum participat, ad hæc enim duntaxat in æquatione ponendus est exponens $m = 1$, & $c = 0$ primo, vel $b = 0$, secundo, aut vero utramque b , c , &c. retinendo tertio casu, inde tot resultabunt diversæ æquationes, quot hi diversi casus exigunt.

CAPUT XIX.

De descensu & ascensu gravium in lineis quibuscumque curvis, posita medii resistantia quadratis celeritatum proportionali.

581. **G**RAVIA, quæ in vacuo feruntur atque in lineis curvis incedunt, in quolibet curvæ puncto, quam accelerato motu perlabuntur, eam celeritatem acquisivisse censentur, quam acquisivissent, si via brevissima à linea horizontali per initium descensus in curva ducta, in datum curvæ punctum, id est, juxta lineam rectam horizontali perpendicularem, cecidissent, ut in primo Libro §. 142. id generaliter ostensum. Sed res aliter se habet cum corporibus, quæ in aëre moventur, eorum enim celeritates aliter, quam per quadraturas & rectificationes curvarum exhiberi nequeunt, idque in solâ hypothesi, qua resistantiæ aëris quadratis celeritatum mobilis proportionantur, ut quidem ex sequentibus id elucescet.

PROPOSITIO LXXII.

582. Si, extenta tota curva, quam grave descensu suo & subsequente ascensu describit in lineam rectam, in singulis hujus rectæ punctis perpen-

pendiculares excitentur proportionales resistentiis aëris, quas mobile in homologis curvæ punctis subit. Area curvilinea, quæ omnes ejusmodi perpendiculares continet, æquabitur rectangulo, à recta, quæ gravitatem uniformem exponit, in differentiam abscissarum arcuum descensu & ascensu descriptorum.

Esto ADB curva descensu mobilis & BEC ascensu descripta, curvæ hujus BEC abscissa est BH, illius verò BG, adeoque GH erit differentia abscissarum. Extende deinde tota curvæ ABC in lineam rectam ABC, atque in singulis hujus rectæ punctis D, erectæ sint perpendiculares DT exponentes resistenciam medii in homologis curvæ punctis B, formantesque figuram curvilineam ATRC, quam æquari ostendam recto \triangle B in GH, supponendo rectam \triangle B exponere gravitatem uniformem. Fig. 134.

In eadem DT producta sumatur, ubi DN, quæ sollicitationem tangentialem gravitatis in curvæ puncto D ex centrali derivatam exponet ND — TD excessus sollicitationis tangentialis gravitatis supra resistenciam aëris, sollicitationem acceleratricem mobilis in curva ADB descendens. Jam momentum hujus sollicitationis acceleratricis, hoc est, $(ND - TD) Dd$, vel $ND \cdot Dd - TD \cdot Dd$, hoc est, elementum areæ AMND — elem. areæ ATD (§. §. 132, 484.) æquatur momento celeritatis mobili in curvæ puncto D acquisitæ, seu elemento dimidii quadrati ex dicta celeritate acquisita; unde, cum in A omnia à nihilo incipiant, & omnia momenta sollicitationis acceleratricis æquantur omnibus momentis celeritatis, erit area AMND — area ATD = dimid. quadr. velocitatis in D, & area AMNSB — area ATRB = dimid. quadrat. velocitatis acquisitæ in B.

Si porro mobile in curva BEC ascendit, resistencia totalis, in quolibet ejus puncto E (§. 481.) erit NE + TE, & momentum hujus resistenciæ totalis seu $(NE + TE) \cdot eE = NE \cdot eE + TE \cdot eE =$ elem. areæ MNEC — elem. areæ CTE æquatur momento celeritatis decrescentis mobilique in curvæ puncto E residuæ, seu elemento dimidii quadrati ex celeritate in E; unde, quia delata NE in MC, omnia in nihilum desinunt, erit area MNEC + area CTE = dimid. quadr. ex veloc. in E, adeoque etiam MNSBC + CTRB = dimid. quadrato ex celeritate initiali in B. Atqui hæc celeritas initialis in B, eadem est cum velocitate acquisita in B, post descensum mobilis in curva ADB, ergo AMNSB — ATRBA (= dimid. quadrato celeritatis in B) = CMNSBC + CTRBC, adeoque tota figura resistenciarum ATRCA = AMNSB — CMNSB.

Atqui area AMNSB æquatur perpetuo rectangulo sub βB recta, quæ gravitatem uniformem exponit, & abscissa BG curvæ ADB descensu mobilis descriptæ, cum quodlibet elementum areæ ND æquetur rec-lo βB . Ff, seu momento gravitatis centralis βB . Eodem argumento sequitur fore aream CMNSBC = βB . BH, ergo AMNSB - CMNSB, quod areæ ATRCA æquari ostensum, æquabitur etiam rec-lo βB . GH. Quod erat demonstrandum.

COROLLARIUM I.

583. Si resistentiæ aëris sint ut celeritates mobilis acquisitæ, erit AMND = areæ ATD + $\frac{1}{2}$ TD². Nam TD (secundum hypothesin) est ut celeritas in D acquisita, adeoque, per præcedentem paragraphum, erit momentum sollicitationis acceleratricis, seu ND. Dd + TD. Dd = elem. AMND + elem. ATD, æquale momento celeritatis, seu TD. $t\theta$, quod æquatur elem. ex $\frac{1}{2}$ TD². Ergo summando, erit omnino area AMND - area ATD = $\frac{1}{2}$ TD², atque adeò AMND = ATD + $\frac{1}{2}$ TD². Eodem argumento concludetur esse NECM = $\frac{1}{2}$ TE² = CTE.

COROLLARIUM II.

484. Sin verò resistentiæ aëris fuerint in duplicata ratione celeritatum acquisitarum, quæ verior est hypothesis, erit area AMND = AQ. TD + ATD, & area CMNE = AQ. TE - CTE. Ubi AQ est magnitudo datâ seu constans.

Hoc enim casu celeritatis in D acquisitæ quadratum erit = 2AQ. TD, cum resistentiæ sint ut quadrata celeritatum, & dimidium celeritatis quadratum AQ. TD, hujusque elementum, id est momentum celeritatis acquisitæ in D, reperietur AQ. $t\theta$; unde, quia momentum sollicitationis acceleratricis ND - TD æquatur momento celeritatis in D acquisitæ, fiet ND. Dd - TD. Dd = AQ. $t\theta$, & summando, omnia ND. Dd, seu area AMND - omn. TD. Dd, seu area ATD = omnibus AQ. $t\theta$, id est, rec-lo AQ. TD; adeoque AMND = ATD + AQ. TD. Eadem ferme ratione probatur esse CMNE = AQ. TE - CTE.

COROLLARIUM III.

585. Si resistantia est uniformis, curva ARC abit in lineam rectam ipsi AC parallelam, eritque hoc casu $AMNSB - CMNSB = \beta B. GH = AC. BR$, ac per consequens resistantia medii BR uniformis ad gravitatem uniformem se habebit, ut GH differentia abscissarum BG & BH arcuum curvæ AB & BC descensu & subsequente ascensu descriptorum ad AC aggregatum ipsorum arcuum ABC .

COROLLARIUM IV.

586. Si curva ABC est cyclois ordinaria, cujus axis vel diameter circuli generatoris est bB & basis ac , semillis differentiarum quadratorum ex arcubus cycloidis ADB & BEC descensu & ascensu descriptis æquabitur areæ $ATRTC$.

Nam, quia βB exponit gravitatem uniformem juxta ea, quæ §. 179. dicta sunt, hæc βB erit dupla diametri bB ; hinc $\beta B. BG = 2. bB. BG = 2. BK^2$ (vel, quia arcus cycloidis ADB æquat duplam subtensam BK) $= \frac{1}{2}. AB^2$, & $\beta B. BH = 2. bB. BH = \frac{1}{2}. BC^2$, ergo $\beta B. GH = \frac{1}{2}. AB^2 - \frac{1}{2}. BC^2 = ATRTC$. Hoc est, rectangulum ex semisse differentiarum arcuum ADB & BEC descensu & subsequente ascensu in cycloide descriptorum, in aggregatum ABC eorundem arcuum, æquat aream $ATRTC$.

Hoc corollarium coincidit cum propositione XXX. Lib. II. Princ. Phil. Nat. Illustr. Newtoni, cujus tamen demonstrationem ex aliis principiis hausit, ut demonstrationem illam inspicienti cuilibet patebit.

COROLLARIUM V.

587. Ergo, in casu corollarii III. hujus, resistantia uniformis in cycloide erit ad gravitatem, id est, RB ad βB in fig. 134. sicut dimidia differentia arcuum ADB & BEC ad βB , seu hemicycloidem aDB , vel, sicut differentia dictorum arcuum ad integram cycloidem, aBc . Est enim (§. 585.) $BR : \beta B = GH : AC = \beta B. GH : \beta B. AC$ (§. 586.) $= (\frac{1}{2}. AB - \frac{1}{2}. BC) : \beta B. AC = \frac{1}{2}. AB - \frac{1}{2}. BC : \beta B$ vel aDB , $= AB - BC : \text{cycloid. } aBc$.

S C H O L I O N.

§88. In aliis resistentiæ hypothesibus res evadit paullo altioris indaginis, quam in corollariis III. & V. hujus; cum in omni alia hypothesi curva ATRTC adhuc invenienda sit. Illustris Newtonus statim post propositionem in corollario IV. hujus citatam asserit, hanc curvam ARC ad ellipsin proxime accedere, si, curva ABC existentē cycloide, resistentiæ aeris fuerint celeritatibus proportionales, vel ad parabolam, si resistentiæ fuerint in duplicata proportionem celeritatum. Sed, accurate & mathematicè rem sumendo, prænominata ATRTC non est ellipsis in prima, nec parabola in altera resistentiæ hypothesi; sed, quantum conjicere licet, utroque casu erit transcendens. Etenim, si resistentiæ sunt ut celeritates acquisitæ, nondum constat, quâ ratione curva ARC construatur, ne quidem concessis quadraturis figurarum curvilinearum. Pro altera vero hypothesi ac naturæ magis consentaneâ nominatæ curvæ constructio haberi potest per quadraturas & rectificationes curvarum. Ex propositione XXIX. laudatissimi Newtoni Lib. II. ejusmodi constructio peti potest in casu particulari, quo curva descensus ABC est cyclois. Hoc loco vero generalem constructionem adducam pro quacunque curva ABC, idque gemino modo.

PROPOSITIO LXXIII. THEOREMA.

§89. Per quodlibet in linea AM producta punctum V, descripta logarithmica VXY subtangentem habente æqualem datæ lineæ AQ, & asymptotam CQ, ac protensa ND usque ad occursum P cum log-mica VX; si omnia elementa PD. DN. Dd alicujus solidi duobus planis MAV & NDP interjecti erecto scilicet ad angulos rectos plano MABS super plano VAB, æqualia fuerint parallelepipedo AQ. DO, sub quadrato subtangentis log-micæ & ordinatæ DO cujusdam curvæ AOΔC; homologa ordinata DT scalæ resistentiarum ARC erit quarta proportionalis ad ordinatas PD, DO & AQ subtangentem log-micæ VX.

I. Esto linea pñ alteri PN indefinite vicina, atque per puncta T, O & P curvarum AT, AO & VP ductæ sint lineolæ Tθ, Oα, & Pπ; ac denique, sit DT quarta proportionalis ad PD, DO & AQ, vel, quod eodem recidit, rec-lum $PD.DT = AQ.DO$, & $pd.dt = AQ.do$, id est, $PD.dt + pπ.dt = PD.DT + PD.αθ + dt.pπ = PD.DT + PD.$

PD. $t\theta$ + DT. $p\pi$ = AQ. DO + AQ. ow ; subductis igitur PD. DT & AQ. DO, remanebit PD. $t\theta$ + DT. $p\pi$ = AQ. ow , ductisque singulis partibus in AQ, fiet AQ. PD. $t\theta$ + DT. AQ. $p\pi$ = AQ. ow .

II. Atqui AQ. ow = PD. DN. Dd, cum omnia PD. DN. Dd sint (constr.) = AQ. DO; item (§. 491. num. II.) AQ. $p\pi$ æquatur PD. Dd, vel AQ. DT. $p\pi$ = DT. PD. Dd; ergo, subrogatis his valoribus in postrema æqualitate num. I. hujus, invenietur PD. AQ. $t\theta$ + PD. DT. Dd = PD. DN. Dd, &, applicando singula membra ad PD, AQ. $t\theta$ + DT. Dd = DN. Dd. Adeoque omnia AQ. $t\theta$, id est, AQ. TD + omn. DT. Dd, id est, area ATD = omnibus DN. Dd, seu area AMND. Est proinde AQ. TD + ATD = AMND, atque adeò (§. 584.) curva ATR est scala resistantiarum mobilis in curva ADB cadentis. Fig. 134

III. Eodem modo probatur PE. $t\theta$ - E. F. P π æquari AQ. ow atque inde, ut ante, inferetur esse AQ. TE - CTE = CMNE, ac per consequens (§. 584.) curvam CTR scalam resistantiarum aëris mobili in curva BEC ascendenti oppositarum. Propterea curva ATR TC est scala resistantiarum aëris, cum corpus in curva quacunque ADB descendit, atque dehinc in altera BEC ascendit: Quod erat demonstrandum.

COROLLARIUM I.

590. Celeritas mobilis, in quolibet curvæ puncto D acquisita, est $\sqrt{2AQ.DT}$, atque velocitas eidem mobili per arcum curvæ BE ascendenti residua in E erit $\sqrt{AQ.ET}$ quorum ratio ex superioribus (§. 484.) satis constat.

COROLLARIUM II.

591. Omnia parallelepipēda PD. DN. Dd continentur in solido quodam MAVN, cujus singulæ sectiones plano BAV rectæ planoque MAV parallelæ, sunt rectangula PDN. Planum enim AMSB super plano VAB erectum concipiendum est.

COROLLARIUM III.

592. Si linea descensus mobilis ABC est cyclois ordinaria, linea MNS erit recta transiens per B, angulumque MBA, semirecto æqualem continens cum linea AB. Propterea solidum prædictum MAVN erit truncus log-micus super basi ADPV interjectus plano VAB

aliique per BX transeunti, atque angulo semirecto ad planum VAB inclinato.

Fig. 134. Nam, quia subtenſa BL arcus circularis BL parallela eſt tangenti cycloidis in puncto D, erit gravitas ad ſolicitationem ejus tangentialem in cycloidis puncto D, ſicut bB ad $BL = sB : 2.BL = sB$: arcum cycl. BD, atqui sB exponit gravitatem, ergo BD exponet ſolicitationem gravitatis tangentialem in D, atque adeo in fig. 135. BD quæ eadem eſt cum arcu cycloidis BD in fig. 134. in rectam extenſo æquabitur ordinatæ ND, & $AB = AM$; hinc linea MNS eſt recta, ſeu figura AMNS erit triangulum rectangulum iſoſceles, atque adeo ſolidum MAVNP truncus reſectus ex prisma recto ſuper baſi ADPV à plano ſecante per BX ducto, atque angulo ſemirecto ad planum baſeos BAV. inclinato.

COROLLARIUM IV.

593. Unde, ſi Ω ſit centrum gravitatis quadrilinei log-mici ADPV, demiſſa perpendiculari ΩA ad AB, ſolidum ex quadrilineo prædicto ADPV in $B\Delta$ æquabitur trunco MAVNP, atque adeo (conſtr.) parallelepipedo; atqui ducta per VZ parallela AC, quadrilineum AVPD æquabitur $AQ.PZ$, ergo ſolidum MAVNP $= AQ.PZ$. $B\Delta$ (conſtr.) $= AQ.DO$; & $PZ.B\Delta = AQ.DO$ (num. 1. §. 589.) $= PD.DT$. Eſt proinde reſiſtencia DT in quolibet cycloidis puncto $= PZ.B\Delta : PD$.

S C H O L I O N.

594. Quia ad obtinendam expreſſionem ordinarum DT etiam expreſſio requiritur ipſarum $B\Delta$, ſeu diſtantiarum centri gravitatis quadrilineorum ADPV, idcirco duobus verbis indicabo, qua ratione inveſtigari debeant.

In log-mica eſt $DP.Dd = AQ.p\pi$, & $AD.DP.Dd = AQ.AD.p\pi$ (vel ducta PW parallela VZ) $= AQ.PW.p\pi$, ergo omnia $AD.DP.Dd =$ omnibus $AQ.PW.p\pi$ id eſt $= AQ$ in trilineum VPW. Atqui (§. 44.) eſt quadrilineum ADVP in $A\Delta =$ omnibus $AD.DP.Dd$; ac. per conſequens $= AQ.VPW$. Verum $ADPV = AQ.PZ$, & $VPW = AD.DP - AQ.PZ$; ergo $AQ.PZ.A\Delta = AQ.AD.DP - AQ.PZ$. ſeu $PZ.A\Delta = AD.DP - AQ.PZ$; hinc $PZ.B\Delta = AB.PZ - AD.DP + AQ.PZ = BQ.PZ - AD.DP$ (vel ponendo $DP - AV$ loco ipſius PZ) $= BQ.DP - BQ.AV - AD.DP$.

Hinc,

Hinc, ut saltem in transitu dicam, centrum gravitatis areæ log-micæ ultra ordinatam DP versus Q in infinitum excurrentis intervallo subtangentis AQ distat à sua prima ordinata DP.

COROLLARIUM V.

595. Cum DT (§. 593.) sit $PZ. BA : PD$, substituto invento valore ipsius BA, reperietur $DT = (BQ. DP - AD. DP - BQ. AV) : PD = BQ - AD, - BQ. AV : DP$. Adeoque sollicitatio acceleratrix mobilis in cycloidis puncto D, hoc est, DN seu DB, $- DT$ erit $BD - BQ + AD, + BQ. AV : DP = AV. BQ : DP, - AQ$.

SCHOLIUM II.

596. Supra jam indicavi (§. 588.) resistentias in cycloide jam pridem definitas esse à Cel. Newtono Prop. XXIX. Lib. II. Princ. Phil. Nat. idque præstitit per spatia hyperbolica, expressionibus à nostris diversissimis quoad apparentiam, sed revera cum nostris conspirantibus, sed, quia assertionis meæ veritas non statim in oculos incurrit, consensum inter Newtonianam atque meam determinationem resistentiarum, paucis ostendere libet. In figura 136. afferam Newtoni schema ipsiusmet literis, ast confusionis vitandæ gratia minusculis insignitum, atque propria ejus verba nulla mutatione facta, nisi quod hoc loco, quæ cycloidem respiciunt, nostræ figuræ 134. applicaturus sim, quæ ille indicat circa figuram propof. XXV. citati libri.

„ 597. Sit ABC arcus oscillatione integra descriptus, sitque B infimum cycloidis punctum, & Ba semissis arcus cycloidis totius, longitudini penduli æqualis, & quærat resistentiâ corporis in loco quovis D. Secetur recta infinita oq, in punctis o, c, p, q, ea lege, ut (si erigantur perpendiculara ok, ct, pi, qe, centroque o, & asymptotis ok, oq describatur hyperbola tige secans perpendiculara ct, pi, qe in t, i & e, & per punctum i agatur kf parallela asymptoto oq occurrens asymptoto ok in k, & perpendicularis ct & qe in l & f) fuerit area hyperbolica pieq ad aream hyperbolicam pite, ut arcus AB, descensu corporis descriptus, ad arcum BC ascensu descriptum, & area ief ad aream itl ut oq ad oc. Dein perpendiculo mn abscindatur area hyperbolica pinm, quæ sit ad aream hyperbolicam pieq, ut arcus aB ad arcum AB, descensu descriptum, Et si perpendiculo rg abscindatur area hyperbolica pigr, quæ sit

„ ad aream *pieq*, ut arcus quilibet BD ad arcum AB descensu toto descriptum; erit resistentia in loco D ad vim gravitatis, ut
 „ area $\frac{or}{oq} ief - igh$ ad aream *pienm*. Haftenus Newtonus.

598. Consulantur omnino tres figuræ 134, 135 & 136. & quia (constr.) spatia hyperbolica *pinm*, *pieq*, *pigr* & *rgeq* arcibus cycloidis AB, AB, DB & AD proportionalia sunt, & logarithmicæ ordinatæ DP, & AV abscissis hyperbolæ oq. & or respective, adeo ut habeatur $AV : DP = or : oq$. & $AB : AQ = pieq : piko$ & componendo $BQ : AQ = okieq : okip$, erit $BQ - AD$ ut $okieq - rgeq$ seu *okigr* & AV. $BQ : DP$ ut $\frac{or}{oq} okieq$, ergo $BQ - AD = \frac{AV \cdot BQ}{DP}$ ut *okigr* - $\frac{or}{oq} okieq$, atqui $okigr = orhk - igh$, & $\frac{or}{oq} okieq = (oq \cdot pi - ief) \cdot \frac{or}{oq} = or \cdot pi - \frac{or}{oq} ief$, ergo $okigr - \frac{or}{oq} okieq = or \cdot pi - igh - or \cdot pi + \frac{or}{oq} ief = \frac{or}{oq} ief - igh$, atque adeo $BQ - AD = \frac{AV \cdot BQ}{DP}$ est, ut $\frac{or}{oq} ief - igh$, & $BQ - AD = \frac{AV \cdot BQ}{DP}$ ad πB seu AB, id est, resistentia aëris ad gravitatem ut $\frac{or}{oq} ief - igh$ ad aream *pienm*. Quod erat demonstrandum.

Hoc ergo modo Newtoniana determinatio reducitur ad simplicioremeris lineis à nobis exhibitam, & vice versa nostra facile reducitur sub formam Newtonianæ; propterea etsi ambæ plurimum inter se differre prima fronte videntur, inter se jam egregie conspirare apparent. Resistentiæ aëris in cycloide, imò in qualibet data curva, aliter adhuc determinari possunt, vel potius celeritates acquiritæ in quolibet curvæ puncto concessa quadratura cujusdam spatii curvilinei ope theorematis sequentis.

PROPOSITIO LXXIV. THEOREMA.

Fig. 137.

599. Inter asymptotas AZ, AF angulum rectum continentes describatur hyperbola quadratica MO, cujus scilicet quælibet ordinata MK sit ut quadratum abscissæ AK inverse, ordinataque FO gravitatem uniformem exponat, ductaque per F log-mica FSQ, cujus subtangens æquet rectam AF, atque in hac log-mica ordinata ID, cujus abscissa AD æqualis sit arcui curvæ AB descensu mobilis descripto AD, agantur IM parallela AD & MZ parallela AF, atque in MZ producta infra axem AT,
 ca-

capiatur ZN æqualis GF in fig. 134. eruntque puncta N in linea quadam curva YN . Esto porro rectum ex ordinata AF aliaque QR in log-mica, æquale duplo areæ $AYNP$, & in medio T intervalli AR ordinatarum AF & RQ , ducta ordinata TS , atque ad distantiam TX æqualem AD , alia ordinata XV ; hæc XV exponet celeritatem acquisitam mobili in curvæ descensus ADB puncto D post lapsum per ejus arcum AD . Fig. 134

Ductis ordinatis aliisque lineis, videlicet pn, nm, mi, id, ot, ux , & qr lineis cognominis PN, NM , &c. parallelis & indefinite vicinis, item per puncta Q, V & S lineolis Qe, Vu , & So axi AR parallelis.

I. Constructio, quæ præbet $2.AYNP = AF.QR$ & $2.AYnp = AF.qr$, etiam efficiet $2NP.Pp = AF.qe$ (§. 491. num. 11.) $QR.Rr$.

II. Quia (constr.) $AT = TR$ & $At = tr$, erit $Rr = 2.Tt$, atque adeò $ST.Tt : QR.Rr = ST : 2.QR$ (seu, propter continue proportionales AF, TS & RQ ob æqualia harum ordinatarum log-micæ intervalla AT & TR , erit etiam) $= AF : 2.TS = AF.so : 2.ST.so = ST.Tt : 2ST.so$, ergo $2.ST.so = QR.Rr$ (num. 1. hujus) $= 2.NP.Pp$, ergo etiam $ST.so = NP.Pp$, vel $Pp : so = ST : NP$.

III. Hyperbolâ verò MO præbet $AF^2 : AK^2$ (aut, quia ob æqualia intervalla AD & TX ordinatæ AF, ID , seu AK, ST ac VX per naturam log-micæ proportionales sunt) $= ST^2 : VX^2 (= MK : OF) = AF.MK : AF.OF$, erit, permutando, $ST^2 : AF.MK = VX^2 : AF.OF$, sed (num. 11. hujus) erat $Pp : so = ST : MK$, vel NP ; & log-micâ exhibet $so : Tt = ST : AF$, ergo ex æquo $Pp : Tt = ST^2 : AF.MK = VX^2 : AF.OF$, & $VX^2.Tt = AF.OF.Pp$.

IV; Cum (constr.) sit $AD = TX$, & $Ad = tx = tT + TX - Xx$, erit $Dd = Tt - Xx$, vel $Xx = Tt - Dd$, id est, $VX^2.Xx = VX^2.Tt - VX^2.Dd$, atqui, loco $VX.Xx$ substituendo (§. 491. num. 11.) æquale $AF.uv$, locoque $VX^2.Tt$ (num. 111. hujus) æquale solidum $AF.OF.Pp$, ac denique faciendo $VX^2 = R.AF$, fiet $AF.VX.uv = AF.OF.Pp - AF.R.Dd$, vel, applicando omnia ad AF , reperietur $VX.uv = OF.Pp - R.Dd$ (seu ponendo $T.Dd$ æquale $OF.Pp$) $= VX.uv = T.Dd - R.Dd = (T - R).Dd$. Jam, quoniam Dd est elementum spatii AD , si $T - R$ sit sollicitatio quæcunque acceleratrix, erit momentum hujus sollicitationis æquale momento velocitatis acquisitæ in curvæ puncto D , & cum idem sollicitationis momentum repertum sit æquale momento ordinatæ XV , sequitur hanc ordinatam exponere celeritatem in D acquisitam. Atqui, quoniam

Fig. 134

(se-

(secundum hypothefin) $T.Dd = OF.Pp$, atque OF gravitatem uniformem exponit, & $OF.Pp$ (constr.) $OF.Ff$ fit momentum gravitatis centralis, cui momentum ejusdem tangentialis, seu rectum ex hac tangentiali & elemento curvæ Dd (§. 133.) æquatur, perinde ac $T.Dd$, liquet T esse sollicitationem gravitatis tangentialem in curvæ puncto D , & quia VX , ut jam ostensum, est celeritas acquisita in D quæcunque sit sollicitatio acceleratrix $T - R$, atque $AF.R = VX^2$; id est, R ut VX^2 , & cum resistantia medii (secundum hypothefin) etiam sit ut quadratum celeritatis acquisitæ, magnitudo R exponet resistantiam aëris in curvæ puncto D , atque adeo $T - R$ detracta scilicet resistantia aëris à sollicitatione gravitatis tangentiali, exponit sollicitationem acceleratricem mobili descendenti continue applicatam, cui vigore ejusmodi sollicitationum acquiritur in D celeritas XV . Quod erat demonstrandum.

600. Si grave in altera curvæ parte BEC , fig. 134. ascendit, curva YN semper magis magisque ad AP accedit, ut ab eadem recedit in casu descensus, constructio vero eadem est utroque casu, hac sola cum differentia, quod in casu descensus hyperbolæ portio OM , quæ est subter ordinatam OF , in constructione illa adhiberi debet, & portio, quæ supra ordinatam OF , in casu ascensus. Quoniam vero artificio in præcedentes constructiones inciderim, ex demonstrationis filo facile intelliget perspicax Lector, propterea, ut brevitati consulam, eidem explicando non diutius immorabor.

COROLLARIUM.

Fig. 134. 601. Si linea descensus mobilis aDB est iterum cyclois, area $AYNP$ in figura 137. erit quadrabilis ope logarithmorum, nam inspicendo utramque figuram 137, & 134. erit area $AYNP = (AB.YZ + \frac{1}{2}AF.YZ - AD.AZ).AF : 4bB$. (constr.) $= \frac{1}{2}AF.QR$ (seu ex natura log-micæ) $= \frac{1}{2}ST^2$. Verum, quia, ob æqualia intervalla AD & TX , ordinatæ AF , DI vel AK , ST & VX proportionales sunt, fit $AF^2 : AK^2$ vel (propter hyperbolam OM) $= AZ : AY = ST^2 : VX^2 = (AB.YZ + \frac{1}{2}AF.YZ - AD.AZ).AF : 2bB$, ad VX^2 , seu (constr.) $AF.R = (AB.YZ + \frac{1}{2}AF.YZ - AD.AZ) : 2bB$ ad R , seu $AB.YZ - \frac{1}{2}AF.YZ - AD.AZ$ ad $R. 2bB$, atque adeo erit resistantia medii, seu $R = (AB.YZ - \frac{1}{2}AF.YZ - AD.AZ).AY : 2bB.AZ$. Quod præcedentibus determinationibus (§. 595, 596, & 597.) probe consonum est.

CA-

CAPUT XX.

De motu projectorum in aëre; qui missili in duplicata ratione celeritatum resistit, cum corpus à sollicitationibus gravitatis non ad aliquod centrum positione datum, ut hactenus considerari solebant, tendentibus, urgetur, sed secundum directiones lineam quamcunque curvam positione datam contingentes.

IN præcedenti Capite celeritates mobili in curva quacunque cadenti acquiritas, vel ascendenti residuas, assignavimus, cum scilicet à gravitate uniformi recta ad horizontem tendente urgetur in aëre secundum duplicatam proportionem celeritatum resistente. In hoc verò Capite examinandi restant motus projectilium in ejusmodi aëre resistente, sed pro gravitate variante, tam ratione ipsarum gravitatis sollicitationum, quam ratione directionum; quas directiones ad nullum determinatum punctum tendere, sed quamcunque lineam curvam contingere supponemus. Ab omnibus, quotquot de viribus centralibus scripserunt, geometris, harum virium centralium, vel ut nos eas vocare solemus, sollicitationum gravitatis centralium meta vel centrum positione datum & immutabile, considerari consuevit, veluti id nomen ipsum hisce viribus inditum satis superque declarat. Nos verò rem generalissime pertractaturi, sollicitationum illarum centrum in una eademque curva mutabile assumemus, ita quidem, ut mobile in singulis curvæ percutendæ punctis ad aliud atque aliud centrum sollicitationum urgeatur. Hoc modo centra omnia posita erunt in quadam linea curva, quam sollicitationum gravitatis directiones contingunt. Problema harum virium, pro centris, quæ dixi, variabilibus, prima fronte difficillimum, si non prorsus intractabile, videtur. Veruntamen, principiis in primo libro jam expositis insistentes, solutionem non minus simplicem quam facilem trademus, ex qua deinceps omnia instar corollariorum deducuntur, quæ sollicitationes ad unicum tantum centrum directas respiciunt symptomata, aut saltem eorum præcipua.

602. Adeoque, si AMm sit curva, quam projectile M data cum Fig. 138.
celeritate exiens ex puncto A secundum directionem tangentis AC

X x

descri-

describat in aëre secundum rationem duplicatam ipsi resistente, cum scilicet directiones sollicitationum gravitatis AB, MN, *mn*, ubique ad diversa puncta seu centra B, N, *n* respiciunt, &que adeo curvam quamcunque BN*n* in præfatis punctis B, N, *n*, &c. contingunt. Sollicitationem mobilis M ad punctum N directam deinceps repræsentabimus per MX, in ejus directione MN sumptam, ductaque MR normali ad curvam AM in puncto M, & per X parallela XZ tangenti curvæ MP in dicto curvæ puncto, exponetque XZ (§. 118.) sollicitationem gravitatis tangentialem in M.

Fig. 139. 603. Talis sollicitationes gravitatis considerandi modus jam continet sub se casum, quo corpus M in curva AM incedens ad plura diversa centra positione data *a*, 2*a*, 3*a*, 4*a*, &c. urgetur sollicitationibus My, M₂y, M₃y, M₄y, &c. Nam existente Ω centro gravitatis punctorum *y*, 2*y*, 3*y*, 4*y*, &c. quorum numerus sit *n*, sollicitatio ex omnibus lateralibus My, M₂y, &c. resultans (§. 49.) erit *n*.M Ω , cui æqualem faciamus MX. Hæc MX erit sollicitatio gravitatis centralis, quâ mobile in puncto curvæ M afficietur, & centrum, ad quod hæc sollicitatio MX dirigitur, erit punctum N, in quo media directio omnium My, M₂y, M₃y, M₄y, &c. curvam quandam N*n* (quam proinde curvam mediarum directionum nominare licet) contingit. Propterea, loco omnium illarum sollicitationum lateralium My, M₂y, &c. unicam illarum mediam sollicitationem $MX = n.M\Omega$ considerare convenit, ut adeo. tota res. reducat ad casum articuli præcedentis.

HYPOTHESIS.

604. In hisce autem supponendum, resistentiam aëris tantum exferi in motum corporis M in curva AM incedentis, non verò in gravitatis impressiones juxta directiones MN.

PROPOSITIO LXXV. LEMMA.

605. Si in hyperbola TK Θ inter asymptotas SB, B Φ , ductis ordinatis IK, GH, AD & ST ad asymptotam SB, ad alteram verò B Φ , ordinatis $\Delta\Pi$, $\Theta\Phi$, & WV; quadrilineum $\Theta\Phi VW$ æquaverit excessum, quo quadrilineum $\Phi\Theta\Delta\Pi$ superat duo simul quadrilinea GHKI & ADTS, ratio BV ad B Φ componetur ex tribus rationibus B Φ ad B*Π*, IB ad GB, & AB ad BS. Hoc est, erit BV ad B Φ , ut B Φ . IB. AB, ad solidum ex B*Π*. GB. BS.

Facta

Facta Bb tertia proportionali ad $B\pi$ & $B\phi$, erectaque ordinata gh , sit insuper quadrilinium $g\phi h = GHIK$, eritque $WV\theta = SADT$. Nam, quia $\phi VW = \phi\pi A - GHIK - SADT$ (constr.) $= \phi hg - \theta gh - SADT = \phi\theta - SADT = \phi\theta - WV\theta$, erit omnino $WV\theta = SADT$.

Atqui ratio BV ad $B\phi$ componitur ex rationibus BV ad $B\theta$, $B\theta$ ad Bh , & Bh ad $B\phi$, (seu, quia propter quadrilinea æqualia $WV\theta$, $SADT$, BV est ad $B\theta$, ut BA ad BS , propter $\phi hg = GIKH$ habetur $B\theta : Bh = BI : BG$, ac denique propter $\phi hg = \phi\pi A$, est $Bh : B\phi = B\theta : B\pi$) ex rationibus BA ad BS , BI ad BG & $B\theta$ ad $B\pi$; atque adeò $BV : B\phi = B\theta . BI . BA : B\pi . BG . BS$. Quod erat demonstrandum.

COROLLARIUM.

606. Sed, si quadrilinium ϕVW fuerit æquale $\phi\pi A - GHIK + ADTS$, erit $BV : B\phi = B\theta . BI . BS : B\pi . BG . BA$. Demonstratio eadem ferme est.

PROPOSITIO LXXVI. PROBLEMA.

607. Si mobile in directione AC datâ cum celeritate ex puncto A exiens, & sollicitationibus acceleratricibus MX secundum directiones MN , curvam quamcunque BNn contingentes, citatum, in aëre secundum rationem compositam ex rationibus densitatum medii & duplicatæ velocitatum mobilis resistente, curvam AMm describat, definire proportionem celeritatis mobilis in quolibet curvæ puncto M acquisitæ ad celeritatem initialem in A , ac proportionem sollicitationum acceleratricium in iisdem curvæ punctis M & A .

I. Sunt Mm elementum curvæ AM , per cuius elementi terminos transeant tangentes MN , mn curvæ BNn sese interfecantes in puncto θ ; MP & mp tangentes curvæ AMm in punctis M, m convenientes in c , super quas tangentes demittantur ex punctis N, θ & n normales NP, oa (tangente interiori cb secans in a) ob & np , ac denique MR, mR perpendiculares curvæ AM in punctis M & m , adeò ut, coeuntibus his punctis, hæ perpendiculares curvæ futuræ sint radius circuli osculatoris curvi in puncto M vel m , seu circuli æque curvi in his punctis. Sint porro curvæ $MF, m\mu f$ evolutæ arcuum BN, BNn ; rectæ verò $B\phi$ & BV in linea indefinita

BQ ipsi BA normali abscissæ exponant velocitates mobilis in punctis A & M, & Vu elementum ipsius BV, extensaque curva AM in rectam BQ, erectaque QY perpendiculari ad BQ, ac densitati æris in omni curvæ AM termino proportionali, oriatur figura, vel potius curva BY, quam scalam densitatum æris deinceps vocabo. Denique assumtis D & R pro nominibus densitatis & resistentiæ æris, ponatur ubique R ut D. BV², vel, ad cõplenda homogenea, adscito AB. AD rectangulo dato, sit ubique AB. AD. R = D. BV². Ac fiant BI = MN, Bi = mi, Bφ = BC, Bπ = NP & Bτ = np, ducanturque ordinatæ IK, ik, φθ, πΔ ac τδ in hyperbola intra asymptotas AB, BQ per punctum D. descripta. Hisce omnibus præparatis sequitur.

II. *Analysis Geometrica.* Cum (§. 602.) ZX sollicitatio sit tangentialis ex centrali MX derivata, erit (§. 481.) ZX — R sollicitatio acceleratrix mobilis in puncto M curvæ AM descensu descriptæ, & ZX + R resistentia totalis mobilis ex puncto M super curva MA ascendente: sed seposito tantisper casu ascensionis, examinabimus alterum, qui est descensus. Erit igitur (§. 484.) momentum sollicitationis acceleratricis ZX — R æquale momento celeritatis crescentis BV, id est (ZX — R). Mm = BV. Vu = ZX. Mm — R. Mm, vel ducendo omnia in datum rectangulum BAD, habetur BA. AD. ZX. Mm — AB. AD. R. Mm = AB. AD. BV. Vu, & quia (secundum hypothesein) AB. AD. R = D. BV², ac BAD = BVW, erit AB. AD. ZX. Mm — D. BV². Mm = BV². WV. Vu. Et, quia (§. 604.) aer gravitatis sollicitationibus non resistit, habetur (§. 154.) BV² = MZ. MR; idcirco, applicando æqualitatem præcedentem ad hanc postremam, proveniet AB. AD. ZX. Mm : MZ. MR, — QY. Qq = VW. Vu. Cum (num. 1. hujus) QY = D & Qq = Mm.

III. At, quia triângula similia Moa, BZX præbent ZX : MZ = Mz : ao, & sectores similes caa ac RMm; Mm : MR = aa : ac (& quia, coeuntibus punctis M, m, ratio Ma ad ca in rationem æqualitatis definit) = aa : Ma, erit ex æquo ZX. Mm : MZ. RM = aa : ao = da : PN (constr.) = aa : Bπ, ergo AB. AD. ZX. Mm : MZ. MR = AB. AD. aa : Bπ, hoc est (propter omnia rectangula in hyperbola æqualia) = πΔ. aa.

IV. Ducantur porrò per punctum o lineola o1 parallela tangenti MP, & per punctum n lineolæ 34, n2 parallelæ respectivé tangentibus MP, mp, & coeuntibus punctis n, o, N, lineolæ evanescentes O2, 14 & N3 ac arculus Nn in rationes æqualitatis desinent, per-

perinde ac *oa* & *ob*. Quo posito, quia $NP - np$ (constr.) = $B\pi - B\pi = \pi\pi = PN - ao, + ao - ao + bo$ (seu *ao* ipsi æqualis) $- pn = Ni + aa + 14$ (vel *o2*) = $aa + N4$, erit $aa = \pi\pi - N4$, & $\pi\Delta.aa = \pi\Delta.\pi\pi - \pi\Delta.N4$.

Triangula verò similia $N43$ & NPM , præbent $N4:NP = N3:NM = Nn$: $NM = Ii - Ff$: NM . Nam $mn + nN = MN - M\mu = BI - Ff$; ergo $nN = BI - Bi - Ff = Ii - Ff$. Hinc, quia $BI. IK = B\pi.\pi\Delta$, erit $B\pi.\pi\Delta.N4: B\pi$, vel $NP = \pi\Delta.N4 \pm (BI. IK. Ii - BI. IK. Ff): BI, = IK. Ii - IK. Ff$ (seu ductis per singula hyperbolæ puncta *K*, *k* parallelis *KE*, *ke* rectæ *AB*, lineis *FE*, *fe* eidem *AB* normalibus, occurrentes in punctis *E*, *e* alicujus curvæ *DE*) = $IK. Ii - FE. Ff$, erit $\pi\Delta.aa (= \pi\Delta.\pi\pi - \pi\Delta.N4) = \pi\Delta.\pi\pi - IK. Ii + FE. Ff$.

V. Hinc cum supra (num. II. hujus) reperta sit $VW. Vu = AB. AD. ZX. Mm: MZ. MR - QY. Qq$ (num. III. hujus) = $\pi\Delta.aa - QY. Qq$, erit (num. IV.) $WV. Vu = \pi\Delta.\pi\pi - IK. Ii + FE. Ff - QY. Qq$, & sic ubique; ergo omnia $WV. Vu = omn. \pi\Delta.\pi\pi - omn. IK. Ii + omn. FE. Ff - omn. QY. Qq$. Hoc est, $\Theta\Phi VW = \Theta\Phi\pi\Delta - AIKD + AFED - B\beta YQ$; nam, si punctum *M* est in *A*, omnes hæc areæ simul à nihilo incipient. Areis *AFED* & *B\beta YQ* capiantur æqualia quadrilinea hyperbolica *AGHD* & *ASTD*, eritque $\Theta\Phi VW = \Theta\Phi\pi\Delta - GIKH - ASTD$, ac per consequens (§. 605.) $BV: B\Phi = B\Phi. BI. BA: B\pi. GB. SB$ (vel restitutis *BC, MN, NP* loco *B\Phi, BI, & B\pi*) = $BC. MN. AB: NP. GB. SB$. Jam, quia $BC: AB = \sinus$ anguli *BAC*: radium vel sinum totum, & $NP: MN = \int NMP$: rad., erit $BV: B\Phi$, id est, celeritas mobilis in *M* ad celeritatem initialem in *A*, sicut AB in $\int BAC$ ad $GB. SB$ in $\int NMP$. Unde, si *vA* significet velocitatem in *A*, erit *BV*, seu celeritas in *M*, quam etiam exprimam per $vM = AB^2. vA. \int BAC: GB. SB. \int NMP$.

VI. Porro, quia $MX. MR: MZ. MR$, seu $MX: MZ = rad.$: $\int MXZ$ vel $\int NMP$, & (§. 154.) $MZ. MR = vM^2$; erit ex æquo $MX. MR: vM^2 = rad.$: $\int NMP$, atqui (num. V.) $vM^2: vA^2 = AB^4. \int BAC^2: GB^2. SB^2. \int NMP^2$; & (ponendo *AR* & *A* pro radio osculi, & sollicitatione centrali initio motus in curvæ puncto *A*) $vA^2: A. AR = \int BAC$: rad. Ergo ex æquo & per compositionem rationum $MX. MR: A. AR = AB^4. \int BAC^2: SB^2. GB^2. \int NMP^2$. Assumatur quædam magnitudo *M*, talis, ut *M. MR* sit ad *A. AR*, sicut $AB^2: \int BAC$ ad $GB^2. \int NMP$, seu.: $M = A. AR. AB^2. \int BAC^2: MR.$

$GB^2 \cdot \int NMP^2$, & reperietur $MX : M = AB^2 : SB^2$, id est, sollicitatio centralis in aëre resistente est in quolibet curvæ puncto M , $= M \cdot AB^2 : SB^2$, cum scilicet mobile ex A profectum curvæ arcum AM descendendo, seu ad curvam πNB accedendo describit.

VII. Sin verò ascendat super arcum MA ex M versus A , id est à curva πNB recedendo, invenietur hoc casu $\Theta\Phi VW = \Theta\Phi\Delta - GIKH + ASTD$, atque adeò, vi paragraphi 606, & eorum quæ in præcedentibus numeris hujus ostensa sunt, $MX = M \cdot SB^2 : AB^2$. Quæ omnia erant inveniendæ.

608. Notandum autem literam \int in hac propositione esse notam characteristicam sinuum illorum angulorum, quibus præfigitur, & $\int BAC^2$, $\int NMP^2$ significare cubos ex sinubus angulorum BAC , NMP , & reliqua signa, scilicet A , denotare sollicitationem gravitatis centram in curvæ puncto initiali A , & AR (quam in figura confusionis vitandæ gratia non expressi) radium circuli osculatoris, seu ejusdem curvæ cum curva in eodem puncto A . Ratio verò SB ad AB , in qua SB semper major ponitur quam AB , eadem est cum ratione abscissarum alicujus quadrilinei hyperbolici $ASTD$ (constr.) æqualis areæ $B\beta YQ$ scalæ densitatum aëris. Propterea termini ipsi rationis SB ad AB , ad nullam determinatam magnitudinem restricti sunt, sed, pro re nata, modo majores minoresve accipi possunt, dummodo ratio inter hos terminos ea maneat, quæ est inter abscissas cujuscunque trapezii hyperbolici prædictæ areæ in scala densitatum aëris æqualis.

C O R O L L A R I U M I.

609. Adeoque in medio nullius densitatis, id est, in vacuo evanescent areæ $B\beta YQ$ vel $ASTD$, atque adeò ratio SB ad AB mutabitur in rationem æqualitatis, fietque $vM : vA = AB \cdot \int BAC : GB \cdot \int NMP$. Et $MX (= M \cdot AB^2 : SB^2$, vel $M \cdot SB^2 : AB^2) = M$. Idcirco M , cujus valor jam (§. 607. num. vi.) determinatus est, exponit generalissime sollicitationem gravitatis centram in vacuo.

C O R O L L A R I U M II.

Fig. 139. 610. Si mobile M sollicitationibus quocunque lateralibus, My , Mzy , Mzy , Mzy , &c. ad diversa centra u , $2u$, $3u$, $4u$, &c. simul agentibus urgetur, earum media directio MN , quæ (§. 603: & 49.) per

per centrum gravitatis Ω omnium punctorum y , $2y$, $3y$, $4y$, &c. transibit, continget aliquam curvam NN , quam proinde curvam mediarum directionum sollicitationum lateralium vocare licet. Idcirco, quia (§. 603.) $MX = n. M\Omega$ (§. 607. num. VI. & VII.) $= M. AB^2 : SB^2$ vel $= M. SB^2 : AB^2$; hoc in casu ascensionis, illud verò in casu descensus mobilis in curva AM , erit $M\Omega : M = AB^2 : n. SB^2$ in primo casu, qui est descensus, vel $M\Omega : M = SB^2 : n. AB^2$. Adeoque circumstantia problematis, sollicitationum acceleratricium vel retardatricium ad plura diversa centra simul agentium, continetur jam in problemate harum sollicitationum, si earum meta seu centrum in quolibet mobili describendæ curvæ puncto variabile est.

COROLLARIUM III.

611. Quia (§. 607. num. I.) assumimus $AB. AD. R = D. BV^2$, & (§. 154.) $BV^2 = MZ. MR$, erit $R : MZ = D. MR : AB. AD$. Atqui $MZ : MX = NP : NM = fNMP : \text{rad.}$ ergo ex æquo resist. R , ad sollicit. centr. $MX = D. MR. fNMP : AB. AD. \text{radium.}$

Item quia $MX : ZX = MN : MP = \text{ad.} : fMNP$, erit iterum ex æquo resistentia R ad sollicitat. gravitatis tangentialem $ZX = D. MR. fNMP : AB. AD. fMNP = D. MR. \text{tang.} : NMP : AB. AD. \text{radium.}$

COROLLARIUM IV.

612. Si sollicitationes gravitatis MX diriguntur ad centrum positione datum B , qui est casus harum sollicitationum seu virium centripetarum, qualis hactenus geometris considerari consuevit, tota curva NB contrahetur in punctum B , ejusque evolutæ MF , $m\mu f$ abibunt in arcus circulares concentricos ex centro B descriptos, propterea singulæ NM , BI & BF , immò & GB , æquales fient, coincidente tunc curva DE respectivo arcui hyperbolico DK . Adeoque formula numeri VI. §. 607. etiam mutabitur in $M = A. AR. AB. fBAC^2 : MR. MN^2. fNMP^2 = A. AR. BC^2. MN : AB. MR. NP^2 = BC^2. vA^2. MN : MR. NP^2$, quia quadratum velocitatis in A , seu $vA^2 = A. BC. AR : AB$. Hæc postrema formula pro sollicitationibus centralibus in vacuo, & uno duntaxat existente centro sollicitationum, egregie conspirat cum eâ, quam supra (§. 156.) jam demonstratam dedi, simulque retuli citato loco Clarissimos Geometras Joh. Bernoullium, Abr. Moivreum, & Guid. Grandum in similem canonem incidisse,

Fig. 138.
& 140.

sed alia via. In figura enim 37, lineæ $N\alpha$, AI , DR , DN , αZ , Dq , idem significant ac in figura 138. litteræ A , νA , & lineæ respectivæ BC , NM , MR & NP .

SCHOLIUM I.

Fig. 140. 613. Sit nunc curva AM spiralis logarithmica, in qua sollicitationes gravitatis MX ad polum B dirigantur, ita ut puncta N , B unum idemque sint, unde, quia singuli anguli BAC , NMP , æquales sunt, ratio linearum MP , MN & NP ubique data erit. Ponatur densitas aëris in M , ut $b.MP:MN^2$, ubi b quemlibet numerum significat, adeoque erit, propter rationem datam, MP ad MN reciproce, ut MN , distantia mobilis à centro N vel B , positâ itaque $D=b.AB.AD.MP:MN^2$, invenietur $D.Mm=QY.Qq=ST.Ss=b.IK.Ii$, & consequenter $ASTD=b.AIKD$, ac propterea $AB:SB=BI^b:AB^b=MN^b:AB^b$, & $AB^1:SB^1=MN^1:AB^1$.

Porro, quia singuli anguli BAC , NMP , &c. & per consequens eorum sinus, æquales sunt, & radii osculi AR , MR in A , M distantibus AB , MN proportionales, erit nunc (§. 612.) $M:A(=AR.AB^2:\int BAC^1:MR.MN^2:\int NMP^1)=AB^1:MN^1$. Atqui (§. 607. num. VI.) erat $MX:M(=AB^2:BS^2)=MN^{2b}:AB^{2b}$; ergo ex æquo $MX:A=MN^{2b-1}:AB^{2b-1}$. Est propterea vis centripeta, id est, sollicitatio centralis MX in logarithmica spirali ubique, ut MN^{2b-1} . si corpus descendendo arcum AM describit; & reciproce, ut MN^{2b+1} si ascendendo incedit per M versus A super arcum MA .

Hinc, quia generaliter est (§. 611.) $R:MX=D.MR.\int NMP:AB.AD.rad.$ & D (secundum hypothefin) $=b.AB.AD.MP:MN^2$, erit $R:MX=b.MR.MP.\int NMP:MN^2.rad.$ (vel, quia NP est ad NM , ut $\int NMP:rad.$ & rectum $NP:MR$ æquale MN^2) $=b.MP:MN$, id est, ratio R ad MX erit ubique constans seu data.

Ergo, si $b=\frac{1}{2}$, erit MX reciproce in duplicata ratione distantiae MN , & resistantia R ad sollicitationem centralem MX , sicut $\frac{1}{2}MP$ ad MN .

Sin verò b fuerit $=1-\frac{1}{n}$, reperietur MX reciproce, ut MN^{n+1} , & $R:MX=(1-\frac{1}{n}).MP:MN$.

COROLLARIUM V.

614. Si sollicitationes centrales diriguntur ad centrum infinite distans, ut in fig. 141. ita ut directiones AB, MN parallelæ, axique EF curvæ EMA perpendiculares sint, rectæ MN, AB hoc casu infinitæ atque adeo æquales erunt, elisis ergo AB², MN² ex canone paragraphi 612. habebitur $M:A = AR \cdot \sqrt{BAC^2} : MR \cdot \sqrt{NMP^2}$, vel $M = A \cdot AR \cdot \sqrt{BAC^2} : MR \cdot \sqrt{NMP^2}$. Fig. 141.

Sed si directiones sollicitationum MX axi EF æquidistantes sunt, reperietur eo casu $M:A = AR \cdot \sqrt{DAA^2} : MR \cdot \sqrt{QMO^2}$, ducta scilicet MO parallela EF.

Et quia (§. 607. num. VI.) generaliter inveniebatur $MX:M = AB^2:SB^2$ in casu descensus vel $MX:M = SB^2:AB^2$ in casu ascensus mobilis, habebuntur ipsæ MX utroque casu hujus corollarii, scilicet cum earum directiones axi EF normales, & cum eidem parallelæ sunt.

COROLLARIUM VI.

615. Iisdem positis, & gravitate uniformi, facili negotio invenietur secundum quam legem densitatem aëris variare oporteat, ut projectile datam curvam in medio resistente describat. Sit enim A [Fig. 142] gravitas uniformis in aëre resistente, atque inter asymptotas AF, Ff descripta hyperbola TDL quacunque, fiat ubique SF² ad AF² ut AR. $\sqrt{FAC^2} : MR \cdot \sqrt{NMP^2}$, in casu descensus, vel AF²:SF² = AR. $\sqrt{FAC^2} : MR \cdot \sqrt{NMP^2}$, eritque ubique $D = \pm ST \cdot Ss : Mm$. ubi signum + est pro descensu & - pro ascensione. Demonstratio hujus ex præcedenti corollario facilis est.

SCHOLIUM II.

616. Sit AME quadrans circuli cujus centrum in F vel H, adeoque $AR = MR = MF$, & $AR \cdot \sqrt{FAC^2} : MR \cdot \sqrt{NMP^2} = AF^2 : MG^2$. Ergo $AF^2 : SF^2 = AF^2 : MG^2$, & per consequens 2. ASTD = 3. AOLD, vel 2. ST. Ss = 3. OL. Oo, & D (= ST. Ss : Mm) = 3. OL. Oo : 2. Mm, vel (propter triangulorum Mmu & MHG similitudinem) = 3. OL. GH : 2. AF = 3. OL. OF. GH : 2. OF. AF = 3. AF. AD. GH : 2. OF. AF = 3. AD. GH : 2. OF = 3. AD. tang. AFM : 2. rad. Est ergo
Y y
den-

$Ss:SB^1 = V^{b-2} D.Mm:SB^1$, atque adeò $SB^{b-2}.Ss = V^{b-2} D.Mm:AB^1$. Ergo omnia $V^{b-2} D.Mm:AB^1$, id est, $\int V^{b-2} D.Mm:AB^1$, omnibus $SB^{b-2}.Ss$, id est, $= \frac{1}{b-2} SB^{b-2} - \frac{1}{b-2} AB^{b-2}$, atque adeò hinc elicitur canon $SB = \sqrt[2]{(AB^{b-2} + \frac{1}{b-2} \int V^{b-2} D.Mm:AB^1)}$. Pro descensu corporis in curva AM. Simili modo reperietur $SB = AB \cdot \sqrt[2]{(AB^{b-2} + 2 - b \int V^{b-2} D.Mm:AB^1)}$ pro casu ascensionis, cum mobile incedit ex M versus A.

623. Ut ergo, quæ in solutione hujus problematis sparsim inventa sunt, omnia conjunctim in conspectum producantur, num. v. §. 607, præbet velocitatem in $M = AB.V:SB$ & $SB.V:AB$, hoc in casu ascensionis illud in descensu mobilis, ubi V est (§. 619.) $AB.vA.\int BAC$ applicatum ad $GB.\int NMP$, hoc est, expressio celeritatis mobilis ad punctum curvæ M delati in vacuo. Propterea est celeritas in aëre mobili acquisita in quolibet curvæ puncto M ad celeritatem ejusdem in vacuo in eodem curvæ puncto, ut AB ad SB, & celeritas mobili residua in M à medio resistente ad celeritatem in vacuo, ut SB ad AB, cum in curva ascendit. Et num. vi. §. 607. Est sollicitatio centralis in aëre ad sollicitationem gravitatis in vacuo mobili versante in utroque casu in quocunque curvæ puncto M, ut AB ad SB, cum mobile curvam AM descendendo describit, vel, sicut SB ad AB, si ascendendo, eundo per M versus A. Ipsæ vero V & M, scilicet velocitas in vacuo & sollicitatio centralis respectu curvæ puncti M, generalissime jam repertæ sunt, scilicet ut paulo ante $V = AB.vA.\int BAC:GB.\int NMP$, & $M = A.AR.AB.\int BAC:MR.GB.\int NMP$, in qua formula GB, concessis figurarum curvilinearum quadraturis, semper dantur. Ipsæ vero SB in paragraphis 620, 621 & 622. etiam generaliter exhibitæ sunt. Ex solutione nostra generalissima innumera alia corollaria potuissent deduci, quæ tamen brevitatæ studio suppressi.

CAPUT XXI.

De Motu Navium vento impulsarum.

Motus Navium, hoc est eorum celeritates, spatia percurfa & tempora lationis, eadem methodo & ex iisdem principiis deduci

duci possunt, quibus in præcedentibus capitibus motus corporum in mediis resistentibus definivimus. Est enim venti velo allabentis virtus spectanda instar sollicitationis acceleratricis navi continue applicatæ, & aquæ, in quibus navis incedit, instar medii resistentis. Verumtamen motus navium nonnihil difficilius assignantur quam in præcedentibus motus corporum in medio resistenti incedentium, quia præter motus absolutos etiam directiones, tum sollicitationum acceleratricium, seu lineæ, secundum quas vela impressiones venti excipiunt, tum etiam itinera navis permanentia, quæ à figuris navium pendent, primum determinanda sunt. Quæ tamen omnia, ut dictum, ex principiis hætenus à nobis explicatis derivari queunt.

DEFINITIONES.

I. Iter navis manens *Aa* (Gallis *la Route du Vaisseau*) dicatur linea, quam navis *BC* vento impulsæ in mari permanenter describit, absque rotationibus circa se ipsam. Fig. 142.

II. Axis navis esto spina carinæ *BAC* cui inferitur stereobates mali principis (Gallis *la Quille*).

III. Deviatio navis (Gallis *la Derive*) est recta *aK*, ex quolibet itineris manentis puncto *a* ad axem navis productum *CK* perpendiculariter demissa.

IV. Angulus deviationis (*l'Angle de la Derive*) est angulus *aAK*, quem iter navis permanens *Aa* cum axe navis *CB* continet versus *K*.

PROPOSITIO LXXVII. THEOREMA.

624. Si navis *ABC* itinere permanenti *Aa* feratur, media directio *AG* impressionum venti in velo *DAE*, vel in velis, si plura adsint, in directum posita erit cum directione *AO* aquæ resistentis, & secundum directiones lineæ *Aa* parallelas lateri navis *BDC* clavoque in *C* allabentis. Fig. 143.

Si negas, sit media directio impressionis venti secundum mediam directionem velariæ *DAE* recta *AF* diversa à linea *AM*, quæ est prolongatio mediæ directionis *AO* aquæ navi *BDC* impingentis dum incedit itinere *Aa*. Exponat *AF* impressionem venti in hac linea, & *AH* resistentiam aquæ in directione *AO*, & demittatur ad *OA* protractam in *M*, perpendicularis *FG*, & in *AG* sumatur *GI* = *AH*. Quibus positis, quæ viribus *AF* æquipollent laterales *AG* & *GF*,

& à vi AG auferenda est vis aquæ resistantis AH (constr.) GI, venti efficacia ad navim movendam æquipollebit duabus viribus residuis AI & FG, unde, quia FG nulla contraria vi retunditur, ideo suum effectum edet, propterea vi FG, juxta alteram AI, quæ motum navis accelerat, navis circa se ipsam convergetur secundum ordinem literarum K, F, G, dum ea progressivo motu fertur in recta Aa, ergo hæc linea non est iter navis manens, contra hypothesin.

COROLLARIUM.

625. Adeoque ex media directione impressionum venti in velis innotescere potest media directio aquæ navi resistantis, & vice versa. Et ex aquæ resistantis media directione ope Propof. L. Lib. hujus secundi, inveniatur iter navis permanens. Medix vero directiones venti vela instantis obtineri possunt eo fere modo, quo §. 474. ostensum est.

PROPOSITIO LXXVIII. PROBLEMA.

Fig. 142. 626. *Datis directione & celeritate venti velo DAE impingentis, atque adeò media directione veli AM, definire celeritates navis BDC itinere permanente Aa in aqua stagnante seu mari late.*

I. Quia (secundum hypothesin) AM est media directio venti velo DAE impingentis, ejus prolongatio AO (§. 624.) dabit mediam directionem aquæ in directione aA, vel huic parallela navi BDC allabentis, adeo ut, durante motu navis, angulus MAa constanter idem maneat.

Sint ergo ratio Aa:AM, seu sinus compl. anguli MAK ad sin. compl. ang. aAK, ut b ad a , & celeritas venti, juxta mediam directionem AM initio motus, a , celeritas verò navis in termino a cujusvis spatii emensi Aa, u ; adeoque $au:b$ exponet celeritatem juxta AM, quæ scilicet navis insequentis venti velocitati initiali sese subducit, ut adeò celeritas, quæcum in velum agit, juxta AM eo momento, quo navis in sup. itinere velocitatem u , acquisivit, futura sit $a - au:b$; adeoque $(a - au:b)^2$. M exponet impressionem venti in velo secundum AM, ubi M inveniri potest ope §. 474. Aquæ verò resistantis impressio, secundum directionem AO, est Nuu, ubi N per Propof. L. etiam inveniri potest, si non algebraice
fal-

saltem transcendentes, & per approximationes. Propterea est $(a, -au:b)^2 \cdot M - N \cdot uu$ sollicitatio acceleratrix navis.

II. Esto porro $(a, -au:b)^2 \cdot M, -N \cdot uu = N \cdot SL^2$, ubi SL est ordinata alicujus curvæ CLP sequenti modo inveniendæ, existentibus $AM, b; MS, u, Mn$ ipsi AM perpendiculariter insistent, a . His positis, & quia $a, -au:b = (b-u) \cdot a:b = AS \cdot Mn : AM$ erit $(a, -au:b)^2 \cdot M = AS^2 \cdot Mn^2 \cdot M : AM^2 = AS^2 \cdot MN^2 \cdot N : AM^2 = N \cdot ST^2$, scilicet si MN fuerit ad Mn in subduplicata ratione M ad N , atque ducta sit AN , ita ut trianguła AST & AMN similia existant. Hinc, $(a, -au:b)^2 \cdot M - N \cdot uu = N \cdot ST^2 - N \cdot SM^2 =$ (secundum hypothesin) $N \cdot SL^2$, atque adeo $ST^2 - SM^2 = SL^2$. Ducatur MD angulum rectum AMN bisecans, & ex D demittatur DC normalis ad AM , & ob angulum semirectum CMD erunt æquales DC & CM , perinde ac SM & SV , propterea habetur $SL^2 = ST^2 - SM^2 = ST^2 - SV^2$. Atqui, divisa qualibet intercepta TV bifariam in R , ductaque DR , eaque producta usque ad occursum B cum recta AM producta itidem quantum opus est, & hæc DR etiam per medium O ipsius MN transibit, ac $ST^2 - SV^2$ erit $= 4SR \cdot VR$. Ergo etiam $SL^2 = 4SR \cdot RV$. Verum propter $SR : MO = SB : MB$, & $RV : OM = CS : CM$ erit per compositionem rationum $SR \cdot RV : MO^2 = 4SR \cdot RV$, id est, $SL^2 : NM^2 = SB \cdot SC : MB \cdot MC = SX^2 : MQ^2$, descripto scilicet super diametro CB semicirculo CQB , habemus ergo $SL^2 : NM^2 = SX^2 : MQ^2$, vel permutando $SL^2 : SX^2 = NM^2 : MQ^2$, seu $SL : SX = NM : MQ$, idcirco ordinatæ quæque homologæ curvæ quæsitæ & semicirculi sunt in data ratione, atque adeo curva CLP est ellipsis, cujus ordinata MP æquatur MN .

III. Sint nunc Aa spatium certo tempore navi percurrentum, aa elementum illius spatii, & $MS = a$ celeritas navi acquisita in termino spatii Aa , Ss velocitatis elementum, & quia (num. 1. hujus) invenimus sollicitationem acceleratricem navis esse, ut $N \cdot SL^2$, ponamus eam $= N \cdot SL^2 : N \cdot D$, vel $= SL^2 : D$, ubi D , seu data magnitudo, assumitur ad supplenda homogenea, eritque (§. 484.) momentum sollicitationis acceleratricis seu rectum $SL^2 \cdot aa : D$, ex hac sollicitatione $SL^2 : D$ in elementum spatii aa , æquale momento celeritatis acquisitæ $MS \cdot Ss$ seu recto ex hac celeritate MS in suum elementum Ss . Nunc, cum sit $SL^2 \cdot aa : D = MS \cdot Ss$ vel $SL^2 \cdot aa = D \cdot MS \cdot Ss$, erit $MS \cdot Ss : SL^2 = aa : D$. Est verò etiam $SL^2 : SX^2 = MP^2$ vel $NM^2 : MQ^2$, ergo ex æquo $MS \cdot Ss : SX^2 = NM^2 \cdot aa : D \cdot MQ^2$.
Et.

Et, si AK fiat ubique ad Aa, ut MN² ad D. MQ, erit Kk: aa = NM²: D. MQ, & NM²: aa = D. MQ. Kk, atque MS. Ss: SX² (= NM². aa: D. MQ) = D. MQ. Kk: D. MQ = Kk: MQ. Et, si denique SX ponatur media proportionalis inter MQ & quendam Z, ita ut Z futura sit = SX²: MQ, fiet MS. Ss: Z. MQ (seu SX²) = Kk: MQ; atque adeò Z. Kk = MS. Ss, & problema præcise ad casum propositionis LXVII. hujus secundi Libri reductum est, quandoquidem Z est, ut quadratum ordinatæ SX in circulo, & jam AK consideranda instar spatii mobili transmittendi. Propterea, si juxta præceptum citatæ propositionis rectæ. Cβ & Cδ sint tangentes angulorum CZβ, CZδ dimidiorum ipsorum CZX & CZQ, erit (§. 549) AK = log. (MQ: SX) - MZ. log. (Cδ: Cβ): CZ. Et, quia (constr.) AK: Aa = MN²: D. MQ, invenietur Aa = D. MQ. log. (MQ: SX): MN² - D. MQ. MZ. log. (Cδ: Cβ): CZ. MN², in logarithmica, cujus subtangens est MQ.

Per secundam partem propositionis ejusdem (§. 549.) erit tempus per spatium AK = log. (Cδ: Cβ): CZ; atqui tAK: tAa = AK: Aa = MN²: D. MQ, ergo tempus per spatium Aa navi transmissum erit D. MQ. log. (Cδ: Cβ): CZ. MN². Quæ erant inveniendæ.

COROLLARIUM I.

627. Quia sollicitatio acceleratrix navis est ubique ut SL², & quia SL in puncto C nulla est, ipsa MC designabit maximam velocitatem, quam navis acquirere queat. Est vero propter triangula similia ACD & AMN & propter CD = CM, AC: CM (vel DC) = AM: MN = AM√N: MN√N (aut, quia nM: NM (constr.) = √N: √M atque adeo rectum NM.√N æquale nM√M) = AM√N: nM√M, adeoque componendo AM: CM = AM√N + nM√M: nM√M, id est, b: CM = b√N + a√M: a√M, atque adeò MC = ab√M: a√M + b√N. Nam (constr.) est AM = a, & nM = b.

COROLLARIUM II.

628. Si D est finitæ magnitudinis, tempus, quo navi maxima celeritas MC acquiritur, erit infinitum, perinde ac spatium Aa hoc tempore percurrendum, ut id jam alibi (§. 550.) quadantenus est ostensum.

Sed si D est indefinite parva, cum spatium tum etiam tempus, quo

DE VIRIBUS ET MOTIBUS CORPORUM. LIB. II. 361
 quo id mobile transmittens celeritatem maximam MC acquirit,
 erunt finitæ magnitudinis.

SCHOLIUM.

629. Quoniam navi plerunque tempore finito maxima celeritas acquiritur, ideo in hisce casibus magnitudo D, ad supplenda homogenea assumpta, semper erit indefinite parva, sed hoc non obstante proportionales inter spatia transmissa & inter tempora per logarithmos semper exhiberi possunt.

SECTIO V. ET ULTIMA,

*Continens Miscellanea de Motu circulari fluidorum, de motu
 aëris in producendo sono, & de motu interno fluidorum.*

CAPUT XXII.

De motu circulari fluidorum.

POSTEAQUAM præcipua capita ad motum fluidorum rectilineum attigimus, contemplandus superest motus circularis eorundem fluidorum, idque tanto magis quanto majori cum cura nonnulli ex præstantissimis philosophis Geometris difficiliora naturæ phænomena inde derivare conati sunt.

PROPOSITIO LXXIX: THEOREMA.

630. Si globus Terraquæus æquabili motu circa axem suum conversus materia fluida in tota sua superficie circumdatus esset; fluidi vel potius totius globi aquei superficies spherica manere non posset, sed figuram indueret sphæroidis cujusdam, cujus axis minor futurus esset diametro æquatoris.

Sit $PEpA$ globus fluidus revolvendus circa axem Pp , cujus poli sint P , p , & recta AE axi Pp normalis per centrum C transiens diameter æquatoris. Probari debet fore, ut manens corporis fluidi & circa Pp in gyrum acti superficies sit sphæroidea, cujus Pp axis minor sit diametro æquatoris AE .

Z z.

De

Demonstr. Ex centro corporis fluidi C exeant tubi CP, CE & CD ad centrum C inter se communicantes & pleni liquoris seu fluidi, quorum primus PC axi Pp congruat, & CE eidem axi perpendicularis sit, tertius verò CD ad ambos ut libet inclinatus. Si moles fluida in quiete stet, constat (§. 251.) ejus superficiem sphaericam fore, atque adeò $CE = CD = CP$. Sed cogitemus jam eam æquali motu revolvì circa Pp, singulæ fluidi partes E, I, G, D, &c. suas revolutiones simul absolverent, atque adeò earum celeritates radiis CE, CI, HG, FD, &c. proportionales erunt.

Verum, quia cum omni motu circulari conatus centrifugus mobilis circulantis conjunctus est, & ejusmodi conatus centrifugi radiis proportionales sunt circulorum, quos mobilia in orbem lata pari tempore describunt, conatus centrifugi omnium partium tubi DC minores erunt omnibus conatibus partium tubi EC, unde ii conatus centrifugi conatibus gravitatis contrarii sunt, atque adeò pressio cujusque columnæ fluidæ æquivaleret excessui, quo conatus gravitatis, seu pondus absolutum columnæ, excedit conatum ejus centrifugum, & si, existentibus DC & EC æqualibus, excessus ponderis EC supra ejus conatum centrifugum minor est excessu ponderis DC supra ejus conatum centrifugum, erit pressio columnæ EC minor pressione columnæ DC, unde, cum communicantes sint, non poterunt in æquilibrio consistere, sed debilior pressio columnæ EC cedit fortiori DC, atque adeò, aqua in columnæ EC attolleretur, adeò ut EC major fiat quam DC. Pari argumento conficitur, columnam DC majorem esse quam PC, quandoquidem hæc columna PC utpote axi Pp congruens, motum revolutionis massæ fluidæ non participat, neque adeò ullo conatu centrifugo pollet, pondere suo æquat differentiam, qua pondus columnæ DC excedit ejus conatum centrifugum. Sunt ergo CE major quam CD, & hæc major quam CP vel Cp, ac proinde figura pEPA circa Pp in gyrum acta producit sphaeroidem, cujus Pp erit axis minor, & massa fluida hujus sphaeroidis figuram inducet. Quod erat demonstrandum.

COROLLARIUM I.

631. Hinc gravia circa ejusmodi sphaeroidem non tendunt ad ejus centrum, ergo nec ad telluris centrum tendunt, si in primordiis rerum terra materia fluida & gravi constitit, & in se ipsam Fig. 145. converti cœperit. Sit enim in altera figura PEA figura telluris fluidæ,

DE VIRIBUS ET MOTIBUS CORPORUM. LIB. II. 363

da, item filum NM cum annexo pondusculo M, & hoc filum in N fixum ope pondusculi M in situm superficiei PDE normalem sese componet. Nam corpusculum M descendet quantum potest, tantum autem descendere potest, usque dum superficiei PDE vicinissimum ejusque directio NM eidem superficiei perpendicularis fuerit. Atqui NM, vel ei parallela RDQ curvæ perpendicularis in D, angulo DNM à recta DC ex puncto suspensionis N ad centrum C ducta, deflectit, ut adeò hinc appareat pondusculum M non tendere ad centrum sphaeroidis EPA.

COROLLARIUM II.

632. Propterea ND erit ad lineolam DM æquatoris diametro CE parallelam, sicut pondus absolutum corporis M ad ejus conatum centrifugum in D. Nam si ND exponit pondus corporis, lineola DM exponet vim, qua à directione ND retrahitur detineaturque in directione NM. Vi enim ND æquipollent laterales NM & DM, & cessante motu conversionis circa axem Pp pendulum NM se componet in situm ND, unde, ut detineatur in positione NM, ad id alia vi laterali juxta DM agente opus est; hæc verò vis lateralis est conatus centrifugus ex circulari motu sphaeroidis oriundus, qui se in mobile exserit, secundum directionem LDM radii illius circuli, quem sphaeroidis punctum D una conversione circa Pp describit; ac, per consequens, gravitas corpusculi M se habet ad conatum ejus centrifugum sub æquatore in D, sicut ND ad DM.

COROLLARIUM III.

633. Si pondus corpusculi M sit ad conatum ejus centrifugum sub æquatore in E, ut P ad N, & recta DQO curvæ PDE perpendicularis in D, erit $LO:CO=P:EC:N:DC$. Nam gravitas est ad vim centrifugam in E, sicut P ad N, & conatus centrifugus in E ad conatum centrifugum in D, ut EC ad DL, ergo ex æquo gravitas ad conatum centrifugum in D, id est (§. 632.) $ND:DM$, vel $DC:CQ=P:EC:N:DL$, adeoque etiam $N:DC=N:CQ=N:DL=EC:N:DL$, vel permutando $N:DC:P:EC=N:CQ:N:DL=CQ:DL$ (vel propter parallelas EC, DL) $=CO:LO$, ergo invertendo fit $LO:CO=P:EC:N:DC$.

PROPOSITIO LXXX. PROBLEMA.

Fig. 146. 634. *Posita proprietate curvæ PDE corollario præcedente (§. 633.) elicitæ, construere curvam, ejusque speciem definire.*

I. Sit PDE curva quæsitæ, & CB rectangulum ei circumscriptum, & hujus rectanguli latera producantur in A. & M, ita ut $BA = BP = EC$, & $PM = PC$, & jungantur PA ac CM. Dein in AE producta sumatur EF ad EC in data ratione P ad N, ductæque per F recta FT parallela EC protendatur EF in G, ita ut $FG = FT = EC$. Sumto postea übilibet curvæ elemento Dd, ac centro C per elementi Dd terminos descriptis arcubus circularibus DK, dk, agantur per K, k parallele KS, ks ipsi FT. Quibus præparatis & ducta TG, erunt:

II. Propter quadrata DL, LC æqualia quadrato DC vel TR, etiam triangula, quæ sunt quadratorum dimidia, scilicet PIH & CLN simul æqualia triangulo TRS, & triangula Pih, Cln simul æqualia triangulo Trs; idcirco, facta subductione minorum ex majoribus, erit trapez. hI — trapez. Nl — trapez. Rs, vel etiam rec-lum gI — rec-lo Nl — rec-lo Sr, quia coeuntibus punctis D, d recensita trapezia & respondentia rectangula in rationes æqualitatis evanescent.

III. Quia (secundum hypothefin) DO curvæ normalis est, triangula elementaria Dde, & DLO similia erunt, atque adeo $LO : LD (= de : De) = Li : Ll$, & $Ld : LC = HI : LN$, ergo ex æquo, $LO : LC = HI : LN$. $Li : Ll$, vel convertendo $LO : CO = HI : Li$. $Li - LN. Ll$ (seu num. 11. hujus) $= HI. Li : RS. Rr$. Atqui (§. 633.) $LO : CO = P. EC : N. DC$, ergo $P. EC : N. DC = \text{rec-lum } Hi : \text{rec-lum } Rr$, fed, quia $EF : FG$ (secundum hypothefin) $= P : N$, atque adeo $P. FG = P. EC = N. EF$, erit $N. EF : N. DC = EF : DC$ (RT) $= \text{rec-lum } Kr : \text{rec-lo } Rt$, ac per consequens etiam $Hi : Rt = Kr : Rr$, hinc rec-lum $Hi. Li$, seu Hi æquatur ubique rec-lo $KR. Rr$ seu Kr ; ergo omnia Hi , quæ in trapezio AHIB continentur, æquantur omnibus Kr , quæ in rec-lo EKRF; id est, trapezium AHIB $= \text{rec-lo } EKRF$. Hinc assumpto quolibet trapezio AHIB in triangulo APB, eique rec-lum EKRF æquale fiat, & arcus KD centro C. intervalloque CK descriptus ordinatæ HI productæ ad partes I occurret in curvæ quæsitæ puncto D, ut adeo hinc constet, curvam PDE algebraicam esse, cum omnia ejus puncta geometricè inveniri queant. Quod erat inveniendum.

P R O B

PROPOSITIO LXXXI. PROBLEMA.

635. *Deducere constructionem curvæ PDE. præcedente propositione exhibitam ex principio æquilibrii canalium, seu columnarum fluidi DC, PC secundum explicationem propositione LXXIX. traditam.*

Posita constructione propositionis præcedentis, quia EF ad FG vel AB est ut P ad N, seu ut gravitas ad conatum centrifugum in E, conatus vero centrifugus in E ad conatum centrifugum in D, sicut EC ad DL, seu BP ad IP, id est, sicut AB ad HI, erit ex æquo gravitas ad conatum centrifugum in D, sicut EF ad HI, adeo ut HI semper significet conatum centrifugum particulæ D. in canali DL vel DC, adeoque omnes ordinatæ HI, quæ in triangulo HIP continentur, seu hoc ipsum triangulum, exponet conatum centrifugum totius canalis DL vel DC. Atqui excessus ponderis columnæ DC supra pondus columnæ PC æquivalet conatui centrifugo columnæ DC vel DL (harum enim duarum conatus centrifugi in singulis punctis ab axe PC æqualiter distantibus æquales, atque adeo ipsarum columnarum DC & DL conatus centrifugi æquabuntur), ergo rectangulum KVXR æquale est triangulo HIP, quandoquidem EF vel KR exponit gravitatis sollicitationem, & facta CV = CP. recta KV, differentiam, quâ columna DC excedit alteram PC & (§. 31.) volumen KV in gravitatem EF seu KR ductum, exponit ejus pondus, id est, excessum ponderum DC & PC. Propterea erit etiam totum triangulum PAB æquale rectangulo VF, ac per consequens ablati ex hisce spatiis æqualibus PHI & VX, remanebit trapezium AHIB = rectangulo EKRF, ut in propositione antecedenti reperiebatur.

COROLLARIUM I.

636. Quoniam ergo triang. PBA = EKRF, erit $EF : \frac{1}{2}AB (= P : \frac{1}{2}N) = EC : EV = CE : CE - CP$, erit convertendo $CE : CP = P : P - \frac{1}{2}N$.

COROLLARIUM II.

637. Si dicantur CE, a ; PC, b ; CL, x ; LD, y , & EF erit $ap : m$, quam vocabimus cum Hugenio f , & quia (§. §. 634, & 635.) $\frac{1}{2}AB^2 = EV \cdot EF$, fiet analytice $af - f^2(x^2 + yy) = \frac{1}{2}aa - \frac{1}{2}yy$, quæ
Zz 3. ab

ab asymmetria liberata præbet $y^4 = 4ffyy - 4afyy + 2aayy - 4aaff + 4a^2f - a^4 + 4ffxx$. Quæ ipsissima est æquatio, in quam Illustr. Hugenius incidit, calculum suum fundans in æquilibrio canalium DC & EC, non verò, ut nos fecimus in præsentì propositione, in æquilibrio columnarum PC & DC, quo calculus nonnihil simplicior emerisset. Vid. *Discours de la Cause de la Pesanteur par Mr. Huygens* pag. 157.

S C H O L I O N.

638. Supposuimus verò in hisce cum laudato Hugenio gravitatem corporum uniformem seu ubique æqualem. Quod si verò gravitates ponantur in directâ ratione distantiarum à centro C, curva PDE diversa erit ab ea, quam in duabus postremis propositionibus exhibuimus. Nam,

PROPOSITIO LXXXII. THEOREMA.

639. Si gravitas corporum distantis locorum D à centro C proportionalis est, curva PDE erit ellipsis conica, cujus semiaxis PC erit ad radium æquatoris EC in subduplicata proportionem P—N ad P, ubi P ad N est etiam nunc, ut gravitas sub æquatore in E ad vim centrifugam in eodem puncto.

Fig. 145. Est (§. 632.) ND ad DM, vel DC ad CQ, ut gravitas in D ad vim centr. in D, at (secundum hypothesein) grav. in D: grav. in E = DC:CE, & grav. in E ad conat. centr. in E (secundum hypothesein) = P:N, ergo ex æquo grav. in D ad conat. centr. in E = P.DC:N.CE, & conat. centr. in E ad conat. in D = EC:DL = N.EC:N.DL, ergo denuo ex æquo gravit. in D ad conat. centrif. in D.DC:CQ vel P.DC ad P.CQ = P.DC:N.DL, ergo P.CQ = N.DL; atque adeò DL:CQ = LO:CO = P:N, estque adeò ratio LO ad CO ubique eadem seu data.

Fig. 146. Posita ergo constr. §. 634. num. 1. eritque (num. III. §. 634.) LO:GO = H:Rt (id est num. præc. hujus) = P:N, ergo omn. H, seu AHIB ad omnia Rt seu RFGS = P:N, vel 2.AHIB:2.RFGS = EC²—DL²:EC²—DC² = P:N, & convertendo EC²—DL²:CL² = P:P—N. Ex quo constat, curvam PDE hocesse ellipsim conicam, cujus semiaxes conjugati PC, CE sint ad se invicem in subduplicata proportionem P—N ad P. Quod erat demonstrandum.

Ali-

Aliter ex Principio Equilibrii canalium DC, PC.

640. Ducatur CF, & quia $EF:FG$ (constr.) $= P:N$; recta EF gravitatem in E exponere potest, & quoniam gravitas est distantis à centro proportionalis, KY exponet gravitatem in D, & reliquæ ordinatæ in triangulo CKY exponunt gravitatem in reliquis locis canalibus DC, ergo gravitas totius canalibus DC exponetur triangulo CKY. Pari argumento, si CV fuerit = CP, exponet triangulum CVZ pondus seu gravitas canalibus PC differentia verò ponderum DC & PC, quæ exponitur per trapezium VKYZ, æquivalet conatui centrifugo totius canalibus DL vel DC (§. 635.) exponendo per triangulum PHI, ergo $KYZV = \text{triang. PIH}$, adeoque $2.KYZV = DL^2$. Atqui $2.KYZV$ est ad $KC^2 - VG^2$ seu ad $DC^2 - PC^2$, vel quod idem est, ad $LC^2 + DL^2 - PC^2$, ut EF ad EG, seu P ad N. Ergo $DL^2 : DL^2 + LC^2 - PC^2 = P:N$, & convertendo $DL^2 : PC^2 - LC^2 = P:P-N$. Ex quo nunc iterum liquet id, quod præcedenti paragrafo ostensum, scilicet curvâ PDE ellipsin conicam esse, cujus semi-axi PC sit ad EC in subduplicata. ratione P-N. ad P. Quod erat demonstrandum.

SCHOLIUM.

641. Superest, ut rationem gravitatis absolutæ ad conatum centrifugum sub æquatore, id est, rationem P ad N: numeris expressam exhibeamus, quod log-morum beneficio facile præstabitur. Sit A. altitudo, quam grave à quiescente incipiens motu naturaliter accelerato tempore unius minuti secundi in linea verticali & in vacuo perlabitur, quam Hugenius reperit esse 15 ped. 1. lineæ; atque R. significet radium æquatoris terrestris, retentisque P & N pro nominibus gravitatis & conatus centrifugi sed æquatore. Per (§. 151.) $\sqrt[4]{(2A:P)}$ exponit tempus, quo altitudo A motu naturaliter accelerato conficitur, quod tempus, (secundum hypothesein) est unius minuti secundi, & quia una revolutio diurna telluris, respectu fixarum, est 23. hor. 56. min. seu 86160. secundorum, nominetur hic numerus n, eritque $\sqrt[4]{(2A:P)}$ expressio unius revolutionis diurnæ in minutis secundis, & quia hoc idem tempus (§. 183.) etiam exponitur per $p\sqrt[4]{(R:N)}$, uti p est exponens rationis circumferentiæ ad radium, habebimus æquationem $\sqrt[4]{(2A:P)} = p\sqrt[4]{(R:N)}$, atque adeo $P:N = 2mA:ppR$. Jam, quia n significat 86160; A, 15 ped. 1. lin. $P = 2.355:113 = 710:113$, & quia, secundum Piccarti dimensionem, terræ

terræ unus gradus in Meridiano est 57060. hexapedarum, totius terræ ambitus log-us facile habebitur log-mo ex 57060. addendo log-um numeri 360; atque exinde etiam innotescet nullo ferme negotio log-us radii æquatoris R. Substitutis igitur numerorum logarithmis, erit log-us ex $2mA = 10.5720475$, & log. $ppR = 8.1108142$; ergo differentia horum log-morum, id est, log-us rationis $2mA:ppR = 2.4612333$. cui log-mo in tabulis proxime convenit numerus 289. Propterea est $2mA:ppR$, vel $P:N = 289:1$. Quod erat invenendum.

642. Hæc ratio $P:N = 289:1$, eadem est cum ea, quam primum Hugenius in tractatu De Causâ Gravitatis, pag. 146. & postea Illustris Newtonns in novissima editione Cantabrigiensi suorum Princ. Phil. Nat. Math. pag. 379, exhibuerunt. Quoniam igitur in casu propof. LXXX. & LXXXI, CE (§. 636.) est ad PC, ut P ad $P - \frac{1}{2}N$, erit $CE:CP = 578:577$. etiam ut Hugenius reperit pag. 156. citati libri. In casu vero propositionis LXXXII. erat $PC:EC = \sqrt{P-N}:\sqrt{P}$, seu $= \sqrt{288}:\sqrt{289}$, quæ etiam æquatur rationi 577:578. Nam ratio $\sqrt{P-N}:\sqrt{P} = \sqrt{(PP-PN)}:P$, atqui $\sqrt{(PP-PN)} = P - \frac{PN}{2P} + \&c. = P - \frac{1}{2}N$ proxime, ergo $\sqrt{(P-N)}:\sqrt{P} = P - \frac{1}{2}N:P = 577:578$. Verum Newtonus non determinata curvæ suæ PAQB, seu sectionis telluris per axem PQ, specie, & multiplici usus calculo in prima editione Princ. Phil. Nat. pag. 424. invenit diametrum terræ secundum æquatorem ad diametrum per polos, ut 692. ad 689; in novissima vero invenit illam ad hanc ut 230. ad 229. Utraque multum abludit ab Hugeniana & nostra determinationibus; nec mirum, cum calculum suum in principiis à nostris diversis fundarit, attractionibus illis usus, quarum leges, elegantibus theorematis in primo libro traditis, complexus est. In Propof. XX. Lib. III. disertè ponit, pondera corporum æqualium in superficie telluris collocatorum, distantis eorundem à centro reciproce proportionalia existere, idque ex eo deducit, quod canales EC & PC æquiponderantes sint, atque adeo earum particulæ quælibet similes & similiter positæ etiam ejusdem sint ponderis. Nam, quia pondera corporum sunt ut massæ & sollicitationes gravitatis conjunctim, erunt sollicitationes gravitatis omnino in reciproca ratione massarum; unde, cum massæ ipsis EC & PC proportionales sint, erit sollicitatio acceleratrix in E ad sollicitationem acceleratricem in P, ut PC ad EC, & sic de reliquis.

Huic

Huic eidem proprietati etiam institit Clar. David Gregorius in suis Elem. Astr. Phys. Propos. LII. fol. 269. sed nec ipse figuram sectionis terræ per axem definire curavit.

643. Hac verò proprietate posita, quod scilicet sollicitationes gravitatis acceleratrices in E & D figuræ Epp circa Pp revolventis, distantis à centro EC, DC reciproce proportionales sunt, qui crediderit gravitates absolutas corporum in iisdem punctis E & D eorum distantis EC & DC directe proportionales esse? Id tamen ita est; nam sollicitationes illæ acceleratrices distantis locorum à centro reciproce proportionales, sunt gravitates corporum absolutæ in iis locis de quibus agitur, demtis conatibus centrifugis eorundem corporum, quatenus hi conatus exeruntur in corpora secundum illas directiones, secundum quas gravitas, sed contrario sensu, agit. Id est, si gravitas in E, demta vi centrifuga in eodem puncto, fuerit ad gravitatem in D, demta pariter vi centrifuga in hoc puncto D, sed ea, quæ in corpus exeritur secundum directionem CD eandem, secundum quam gravitas in corpus agit, ut DC ad EC, erit vis absoluta gravitatis in E ad vim absolutam in D, ut EC ad DC. Ad hoc demonstrandum oportet prius speciem curvæ PDE definire, cuius analysi sic est ineunda. Gravitates absolutæ in E & D indicentur per gE , gD , & conatus centrifugi juxta directiones CE, CD in iisdem punctis per cE , cD . Eritque ex hypothesi $gE - cE : gD - cD = DC : EC$, atqui est $gE : gE - cE = P : P - N$, & $cE : gE = N : P$, item conatus centrifugus in D secundum directionem DM est ad conatum centrifugum in E, ut DL ad EC, ac denique conatus centr. in D secundum DN est, ad conatum centr. secundum DM, ut DL ad DC; ergo ex æquo, id est, ductis omnibus antecedentibus in antecedentes ac consequentibus in consequentes, atque elisis elidendis, habebitur $cD : gD - cD = N . DL^2 : (P - N) . EC^2$, vel invertendo & componendo $gD : cD = (P - N) . EC^2 + N . DL^2 : N . DL^2$, sed $cD : gE = N . DL^2 : P . DC . EC$, ergo denuo ex æquo fiet $gD : gE = (P - N) . EC^2 + N . DL^2 : P . DC . EC$. Est ergo gravitas in D ut hæc fractio $(P - N) . EC^2 + N . DL^2 : P . DC . EC$, adeoque, juxta methodum supra §. 633. expositam, est gravitas in D ad conatum centrifugum in D juxta DM, id est, $DC : CQ = (P - N) . EC^2 + N . DL^2 : N . DC . DL = (EF - EC) . EC + DL^2 : DC . DL$, quia (constr.) in fig. 146. $EF : EC = P : N$; seu in ratione gravitatis sub æquatore in E ad conatum centrifugum. Hinc $DL : CQ$, vel $LO : CO = (EF - EC) . EC + DL^2 : DC^2$ (§. 634. num. III.) = rec-lum H: rec-lum R.

Fig. 145.
& 146.

Et permutando ac invertendo PI. LI: $(EF - EC) \cdot EC + DL^2 = CK \cdot Kk : CK^2$ (vel CD^2). Hinc ultrà sequitur $EF \cdot EC : (EF - EC) \cdot EC, + DL^2 = EC^2 : DC^2$, atque inde elicitur $EF - EC$ in $EC^2 - DL^2 = EF \cdot CL^2$ (vel, quia $EF - EC : EF = P - N : P$) æquatio $\frac{EC^2 - DL^2}{EC^2} = \frac{P - N}{P} \cdot CL^2$. Quæ eadem est cum ea, in quam supra (§. 639.) incidimus, unde, quia in inquisitione curvæ PDE, quam citato loco ellipsin conicam esse vidimus, supposuimus gravitates absolutas in E, D, &c. distantis EC, DC proportionales esse, nunc illud ipsum, quod illic suppositio vel hypothesis erat, tanquam conclusio potuisset derivari ex principio, quod sollicitationes acceleratrices in E & D distantis EC, DC horum punctorum à centro C reciproce proportionales sint. Sed hac indirecta deductione non est opus, cum res directe probari possit. Nam, quia invenimus $(P - N) \cdot EC^2 - DL^2 : (P - N) = P \cdot CL^2$, erit $(P - N) \cdot EC^2 + N \cdot DL^2 = P \cdot DL^2 + P \cdot CL^2 = P \cdot DC^2$, & quia supra habuimus $gD : gE = (P - N) \cdot EC^2 + N \cdot DL^2 : P \cdot DC \cdot EC$, erit omnino $gD : gE = P \cdot DC^2 : P \cdot DC \cdot EC = DC : EC$. Quod erat demonstrandum.

644. Idcirco insistendo principiis Illustris Newtoni, atque Celeb. Gregorii, sectio telluris per axem erit ellipsis conica, quam Propos. LXXXII. determinavimus, eritque adeò diameter terræ secundum æquatorem ad diametrum per polos in subduplicata ratione P ad P - N, id est (§. 642.) $= P : P - \frac{1}{2}N$, id est, $= 578 : 577$. Quæ ellipsis perparum differt à curvâ Hugeniana, quam propositionibus LXXX. & LXXXI. duabus diversis viis demonstratam dedimus.

645. Facta iterum $CV = CP$, ductaque Vb æquali longitudini penduli in polo P secunda minuta notantis, atque per punctum b descripta hyperbola bc inter asymptotas CE, CT, ejus ordinatæ Ka , EF præbebunt longitudes pendulorum isochronorum, atque vibrationibus suis secunda minuta indicantium in locis D & E. Nam (§. 178.) vires centrales, quibus pendula isochrona agitantur, sunt pendulorum longitudinibus directe proportionales, unde cum (secundum hypothesein) sollicitationes acceleratrices in P, D & E distantis horum punctorum à centro C reciproce proportionales sint vel ex natura hyperbolæ Fab , directe, ordinatis respectivis Vb , Ka , Ef ; & cum ordinata Vb jam repræsentet longitudinem penduli in polo P secunda notantis, reliquæ Ka , Ef , &c. omnino indicabunt longitudes pendulorum isochronorum in locis D, E, &c.

Hoc

Hoc igitur principio haud difficulter tabulam construere liceret, qua penduli secunda minuta vibrationibus suis notantis longitudo ad singulos gradus latitudinis definiretur, si modo satis otii ad hunc inendum calculum nobis suppeteret, & nisi summus Newtonus nos labore isto sublevasset, qui talem in propositione XX. Lib. III. Princ. Phil. Nat. novissimæ editionis exhibuit.

646. In hypothesei verò Hugeniana gravitatis uniformis, qualem in propositionibus LXXX. & LXXXI. sequuti sumus, longitudo penduli in polo P se habebit ad longitudinem penduli isochroni in quolibet loco D, ut $EF.PC + \frac{1}{2}DL^2$ ad $EF.PC - \frac{1}{2}DL^2$. Cujus demonstratio ex antecedentibus facilis est. Nam in quolibet loco longitudo penduli est proportionalis sollicitationi acceleratrici penduli in eo loco, & hæc sollicitatio acceleratrix semper est excessus gravitatis absolutæ supra conatum centrifugum in eodem loco, sumtum in directione gravitatis.

PROPOSITIO LXXXIII. THEOREMA.

647. Si tubus ABDE aquæ plenus usque ad H circa axem FP æquali motu converti intelligatur, aqua hoc motu circulari ad latera tubi BA, DE attolletur, in medio vero deprimetur ad M; adeo ut superficies ejus, quæ in tubo quiescente sensibilibus plana erat, in superficiem cavam LMN abeat, quam retinebit quousque motus aquæ eodem tenore perseveraverit. Fig. 147.

Nam, quia aquæ partes in gyrum actæ conatus habent recedendi à centro, & eo majores habet conatus à centro recedendi, quo majores fuerint circulationis celeritates, majores autem sunt propè latera vasis quam in medio velocitates aquæ in orbem actæ, ergo & majores conatus centrifugi, qui, quoniam à lateribus istis impediuntur & aqua fluida est, exeruntur secundum directiones plano basis perpendiculares, ac per consequens, cum in lineis basi perpendiculis prope latera conatus centrifugi maximi sint, sequitur illic aquam altiore esse debere quam in medio, ad id ut excessus pressionis à gravitate aquæ supra conatum centrifugum in ea linea æqualis manere queat pressionem aquæ in medio cylindri, alioqui aqua non posset in statu manenti consistere; propterea liquet, quod cum lineæ *bl*, lateribus vasis BL propiores, majores sint mediâ MP, superficies aquæ LMN cava futura sit.

648. Ductis itaque ad axem PM ordinatis LI, li, abscissæ MI,

A a 2. 2

Mi

Mi exponēt conatus centrifugos filamentorum aqueorum BL, *bl* circa axem PM revolventium, unde, si velocitates circulationis fuerint, ut dignitas quælibet m radiorum PB, Pb &c. erit $MI:Mi = PB^{2m-1}:Pb^{2m-1}$, atque adeò curva M/L una ex infinitis parabolis. Nam est generaliter quadratum circulationis in composita ratione conatus centrifugi & radii circulationis per formulam primam, §. 183. adeoque conatus centrifugi MI erunt, ut quadrata celeritatum, seu (secundum hypothesin) ut PB^{2m} applicata ad radios PB circulationis, atque adeò sunt directæ, ut respectivæ quantitates PB^{2m-1} . Hinc, si $m = \frac{1}{2}$, id est, celeritates circulationum sint in sesquuplicata ratione radiorum, curva M/L erit parabola conica.

S C H O L I O N . I.

649. Præsens propositio etiam experimento facili probari potest. Nam si fitula ex fune prælongo pendens & aquæ semiplena, eo usque in orbem vertatur, dum funis valde rigescat, tum fitula, sibi relicta vel derepente in contrarium sensum dextre impulsâ, magna pernecitate motum circularem sequetur, talemque etiam aquæ imprimet; hoc proinde motu vorticoso aquæ in fitula impresso, statim contingere observabitur, ut aqua ad parietes fitulæ attollatur & in medio subsidat, atque adeò ejus superficies figuram cavam induat loco planæ superficiei, qualis prius erat.

S C H O L I O N . II.

650. Quin imo ex propositione hac nostra facilis modus deduci potest explicandi, cur in quolibet vertice corpora solidiora quam vorticis partes ad vorticis centrum pellantur. Nam, quia in vase cylindrico AD aqua HBDK in gyrum acta ad parietes vasis nonnihil se attollit, adeò ut superficiem cavam LMN induat, ideo manifestum esse potest cuique, quod, si aqua operculo rigido KH operata esset, singula puncta operimenti rigidi excepto medio O ab aqua circulante ac propterea sese attollere conante pressiones diversas sint subitura, scilicet eo majores quo remotiora fuerint puncta à centro operimenti O. Atqui ea vi, qua puncta operimenti ab aqua sese attollere conante premuntur, eadem vi reactione sua in aquam ager, quòd sane etiam de superficie cava cylindrica itidem est intelligendum; id est, qua vi hæc superficies cylindrica ab aqua HD in gyrum

rum acta atque adeò axem MP fugiente, premitur, tanta etiam est ejus reactio, cujus vi versus axem MP aqua repellitur; adeò ut, si corpus aliquod in aqua sit, ut *b*, id pellendum sit versus P in directione BP superficiei cylindri perpendiculari.

Sic etiam, in vorticibus magna pernecitate in gyrum actis, fluidum elabendi conatum habens à vorticum superficiebus repellitur, & à repulso fluido corpora solida, quæ in vortice sunt, secundum directiones superficiei vorticum normales, atque hoc modo gravitas in hypothese vorticum utcunque adumbratur. Utinam verò reliqua gravitatis phænomena eadem facilitate in hoc vorticum systemate explicare liceret!

CAPUT XXIII.

De Agitatione aëris in productione soni.

651. **A**Nte Illustrem Newtonum nemo theoriam sonorum geometricè tractare ausus est, nec mirum, cum ejusmodi disquisitio us difficultatibus circumsepta sit, quæ non nisi à sagacissimo Viro aliisve similibus geometris superari posse videbantur. Veruntamen elegantissimum nobis exhibuit theorema summus Geometra accelerationes pulsuum in aëre elastico concernens Propos. XLVIII. Lib. Sec. Princ. Phil. Nat. Math. in veteri & Propos. XLVII. in noviss. editione, posteaquam suam hypothesein de productione sonorum Propos. XLIII. exposuit. Ejus doctrina, ni fallor, huc redit.

652. Scilicet intelligit vibrationibus partium corporis sonori alternis circumjectum aërem elasticum propelli atque adeo densari nonnihil, dehinc relaxari & in partes contrarias regredi. Nam ita partium corporis tremuli contiguæ aëris partes propulsæ densabuntur, regressu verò, atque adeo amota vi comprimente, densatus aër iterum sese in omnes partes, quantum potest, elatere suo expandet, ita ut ita partium corporis tremuli aër condensetur & in reditu atque regressu iterum rareseat. Quod partes corporis tremuli in aëre ipsis contiguo efficiunt, idem etiam præstabunt aëris partes jam propulsæ in aëre ipsis contiguo, & hic in sibi proximo atque sic deinceps, sed non eadem ubique harmonia, ita ut; si quædam aëris partes propulsæ sint, propellantur & omnes reliquæ atque progrediantur, sed cum unæ propellantur atque densentur, aliæ redeant

atque posteaquam densatæ erant, iterum rarefiant & regrediantur, idque vicibus permutatis. Ejusmodi motus partium aëris propulsarum atque iterum, unde venerant, regredientium, seu intervalla progressus atque regressus, vocentur pulsus aëris, quæ intervalla ob æqualia temporis intervalla præterpropter æqualia existent. Hisce positis, sequens solvendum occurrit problema.

PROPOSITIO LXXXIV. PROBLEMA.

Fig. 148. 653. *Si elasticitates aëris densitatibus respectivis proportionales fuerint, determinare celeritates aëris elastici in uno ejus pulsu à vibratione corporis tremuli vel alia ratione excitato.*

I. Sit EF latitudo unius pulsus, scilicet intelligatur uno itu vibrationis corporis tremuli contiguum aërem propulsum redactum esse in spatium AB, ex cujus puncto medio E excitata sit perpendicularis EP, atque in ea recta ME exponat elasticitatem aëris condensati AB. Regrediente parte corporis tremuli, vel potius remota vi comprimente, quæ aëri AB densitatem naturali majorem induxit, aër AB sui juris factus, in utramque partem (§. 652.) æqualiter se diffundere conabitur, sed considerando ejus dilatationem tantum quæ versus D fit, aërem BC ante se propellet, atque eum condensando rediget in volumen CD ipsi AB circiter æquale. Intervallum EF, inter puncta media portionum aëris densarum AB, CD, est intervallum unius pulsus, quoniam æquivaleret itineri, quod eundo & redeundo conficitur. Ut innotescant celeritates aëris in singulis punctis intervalli EF, procedendum porrò ut sequitur:

II. Dividatur EF bifariam in O, jungatur OM, ductaque per quodlibet punctum G intervalli EF recta GH parallela EP lineæ OM occurrent in H, fiat denique $Fg = EG$. Ponatur aërem EB se extendisse in EG: quæritur vis acceleratrix puncti progredientis G, hæc verò vis est virtus elastica aëris EG dempta virtute elastica aëris FG, qui progredienti resistit. Jam aëris progredientis EG raritas est ut EG, & resistentis raritas ut FG, & quia densitates raritatibus sunt reciproce proportionales, & elasticitates directe densitatibus, elasticitates aëris raritatibus ejus erunt reciproce proportionales, unde, cum (secundum hypothesin) aëris AB elasticitas sit EM, aëris expansi EG elasticitas erit $EM \cdot EB : EG$, aërisque expansi FG elasticitas $EM \cdot EB : FG$. Ergo vis acceleratrix puncti G seu differentia elasticitatum = $EM \cdot EB : EG$, — $EM \cdot EB : FG$ (vel quia gF & EG æquales) = $EM \cdot EB$.

EB. $Gg:EG.FG$. Jam, si ob angustiam pulsuum eorumque partium rec-lum EGF assumere licet æquale dato rec-lo BEF, erit vis acceleratrix puncti progredientis $G=EM$. EB. $Gg:EB.EF=EM$. $Gg:EF=EM$. GO:EO, seu (propter triangula similia OEM & OGH) $=GH$. Est igitur vis acceleratrix puncti G circiter ut ordinata GH trianguli rectanguli OEM, hoc est, ut distantia ejus GO à medio vibrationis, ut Celeb. Newtonus, loco supra citato, primus invenit. Unde si centro O & radio OE descriptus sit semicirculus ENF, & EP media proportionalis inter EM & EO. Erit (§. 148.) celeritas puncti G, ut GN. EP:EO. Tempus verò, quo aer EB se extendit in spatium EG (§. 149.) exponetur arcu EN:EP. Quæ omnia erant inveniendæ.

COROLLARIUM I.

654. Hinc celeritates pulsuum erunt in composita ratione ex subduplicata intervallorum pulsuum & ex subduplicata densitatum. Vel brevius, celeritates sunt ut EP. Nam velocitates punctorum G in diversis EF similiter positorum, sunt ut homologæ EP, quia similitudo circulorum rationes omnes GN:NO vel EO æquales facit.

COROLLARIUM II.

655. Tempora vero pulsuum sunt in reciproca ratione celeritatum, seu ut EO:EP.

COROLLARIUM III.

656. Pendulum, cujus longitudo sit tertia proportionalis ad EM & EO, unam oscillationem ex itu & reditu compositam eodem tempore conficiet, quo unus pulsus eundo & redeundo absolvitur.

SCHOLIUM.

657. Præcedentes determinaciones circa vim acceleratricem, velocitatem, & tempus lationis puncti progredientis G, non nisi tanquam physicè accuratæ haberi debent, non verò mathematicè. Nam quia memorata vis acceleratrix puncti G reperta est supra propor-

tio-

376 DE VIRIBUS ET MOTIBUS CORPORUM. LIB. II.
 tionalis quantitati EM. EB. $Gg : EG. FG = 2EM. EB. GO : GN^2$,
 erit momentum sollicitationis acceleratricis, ut $2EM. EB. GO. -$
 $dGO : GN^2 = 2EM. BE. GN. dGN : GN^2 = 2EM. EB. dGN : GN$
 proportionale momento celeritatis acquisitæ, seu VdV , vocando
 hanc celeritatem V, & dV ejus elementum, & $-dGO$ significat
 elementum decrescens lineæ GO, alterum vero dGN elementum
 ordinatæ GN. hinc EM. log. $(GN^2 : BQ^2)$ est, ut quadratum cele-
 ritatis puncti progredientis G.

CAPUT XXIV.

De Motu intestino fluidorum.

658. **H**Oc nomine non intelligitur hoc loco internus molecula-
 rum motus fluidi cujuscunque in suo statu naturali consi-
 stentis, sed is particularum motus, qui in fluidis à causis externis
 & accidentalibus excitari solet, quò calor præsertim est referen-
 dus, qui dubio procul ex concitatioe particularum motu in cor-
 pore calido à causis externis producitur. Utut verò ejusmodi mo-
 tus intestinus admodum perturbatus sit, nihilo tamen minus regu-
 la physicè satis accurata pro ejus mensura media tradi potest.

PROPOSITIO LXXXV. THEOREMA.

659. *Calor, cæteris paribus, est in compositâ ratione ex densitate cor-
 poris calidi, & duplicatâ ratione agitationis particularum ejusdem.*

Agitatio particularum est celeritas media inter celeritates particu-
 lares, quibus calidi corporis particule agitantur. Vocetur hæc celeritas
 media V, & corporis densitas D. Jam, quia calor consistit in con-
 citatioe particularum motu, calor erit, ut impressiones particula-
 rum corporis calidi in quopiam objecto corpore calorem excipien-
 te, sed hæ impressiones sunt in composita ratione ex duplicata ce-
 leritatum & simpla densitatum, seu, ut $D. V^2$. Ergo etiam calor est
 ut $D. V^2$. Quod erat demonstrandum.

Dictum in propositione *cæteris paribus*, id est, in corporibus si-
 milis texturæ.

SCHO-

S C H O L I O N.

660. Ex hac propositione jam elicere licebit modum metiendi agitationem particularum aëris. Habeatur tubus ADM instar siphonis reflexus, cujus crus minus AD capsula vitrea ABC instructum sit, & majus DM hermetice sigillatum in M non nihil excedat longitudinem fistularum in ordinariis barometris adhiberi solitarum. Tempore hyberno tubus mercurio impleatur orificio aperto A deorsum spectante, atque ramo DM in verticali situ detento, parte D sursum respiciente, quod ope alius tubi inflexi atque aperto orificio A inferendi rite præstari potest. Totus tubus mercurio plenus inverti debet, ut denuo in situm, quem schema monstrat, reducat, mercuriusque in ramo MD ad consuetam in ordinariis barometris altitudinem DH, 27. vel 28. digitorum se demittet, effluente per apertum orificium A superfluo hydrargyro. Sed, quia capsula ABC adhuc mercurio plena erit, suctionis modo tanta ejus copia extrahenda, usque dum residui superficies FF sit circiter in medio capsulæ, vel paulò altior, ita ut BF aut CF sint $\frac{1}{2}$ totius altitudinis capsulæ BG. Clauso postea orificio A, atque adeò sublata communicatione aëris in ampulla cum exteriori, instrumentum usui aptum atque paratum erit. Ponamus enim aërem AFF calore extendi in spatium AEE, ita ut hydrargyrus in altero tubo ex H assurgat in I, columnæ IE pressio æquivalet impressioni aëris AEE in sua basi EE, atque hæc impressio (§. 659.) est, ut factum ex quadrato celeritatis mediæ particularum aëris in densitatem aëris. Vocetur, ut in propositionis expositione loco citato, velocitas media V, eritque aëris impressio in superficiem EE, ut $V^2 : GE$, nam densitas aëris AEE est ut $I : AE$ vel $I : GE$; est ergo $IE = V^2 : GE$, vel $IE. GE = V^2 = IG. GE + GE^2 = V^2$. Hinc $V = \sqrt{IE. GE}$ aut etiam $= \sqrt{IG. GE + GE^2}$. Propterea, si vocentur $FH = a$, $EE = b$. Diameter tubi $MD = c$, & $GF = e$, ac denique variabilis $HI = x$, invenietur V, seu velocitas media particularum aëris, ut $\sqrt{ab^2c + b^2cx + bbccx + abbccx + bbccxx + c^2xx}$: bb . Hinc data x in aliqua observatione, innotescet ultro ipsa V. Quod erat demonstrandum.

Fig. 149.

F I N I S.

Bbb

AP.

A P P E N D I X.

Postquam præcedens tractatus Typographo jam missus esset, varia subinde in mentem venerunt, quæ tum ad illustrationem Operis, tum etiam ad qualemcumque doctrinæ profectum facere videntur. Eorum pauca in hac Appendice præcedentibus libris addere constitui, quando temporis angustia atque Bibliopolæ festinatio non concedunt mihi oportunitatem omnia ad umbilicum deducendi.

I. Circa notissimam naturæ legem, quæ *cuiuslibet actioni æqualis & contraria esse dicitur reactio*, quam ex §. 11. derivatam in sequenti §. 12. retuli, egregii nonnulli viri hæere videntur, existimantes nunquam motum sequi debere actionem, si huic æqualis semper & contraria sit reactio; nam si, ut in exemplo à Celeb. Newtono inter alia adducto, equus lapidem funi alligatum trahens æqua vi retrahitur in lapidem, quomodo, inquiunt, progredi equus lapidemque movere potest, si vis agens ab æquali & contraria resistentia absorbetur tota atque retunditur? Sed hæc obiectio ab æquivocatione circa nomina *vis* & *actionis* nata esse videtur, quæ tamen duo accurate debent distingui. Vis corporum non est actio ipsa, nam actio est applicatio vis cujusdam subjecto habili, seu cui applicari potest: illi verò soli corpori applicari censetur, quod resistit, quod renititur, quod reagit. In rebus materialibus nulla est actio proprie sic dicta, ubi nulla est reactio, equus enim, qui corpus *nihil* resistens post se trahit, *nihil* trahere vel *non* trahere, id est, nil aliud agere, quam simpliciter incedere, censetur. In omni ergo actione corporæ est collisio inter vim agentem & renixum corporis patientis, applicatio vis agentis in corpore actionem suscipiente, hoc est, actio ipsa æqualis est & contraria renixui patientis, qui est ejus reactio, quia hic renixus vel hæc vis inertie corporis patientis debet tolli ad id ut corpus moveri possit ab agente. Non tamen ideo sequitur *vim totalem* corporis agentis totam impendi superandæ reactioni patientis, sed ejus partem tantum, & hæc pars vis totalis corporis, quæ tollendæ resistentiæ corporis patientis insumitur, ea est vis, à qua actio proprie manat; *residuum* enim ejusdem vis totalis, cum nullam habeat resistentiam vel renixum absorbendum, in actionem minime influit. Idcirco cum actio quæcunque æqualis & contraria dicitur reactioni corporis patientis, hoc aliud non significat quam istud,

istud, in omni actione corporea tantum virium corpori agenti decedere, quantum corpus actionem suscipiens lucratum sit.

II. Propositio IV. Lib. I. §. 44. facilem suppeditat modum demonstrandi centrum gravitatis dari in unoquoque corpore, & hoc centrum unicum esse, si gravium directiones parallelæ fuerint. Nam, si fuerint corpuscula quocunque quam minima A, B, C, D, &c. quomodocunque posita, & tanquam elementa corporis etiam cujlibet spectata, à quibus demissæ sint ad planum P*c* positionis datum perpendiculares A*a*, B*b*, C*c*, D*d*, &c. & plano P*c* aliud parallelum ducatur GH, cujus distantia E*e* à plano P*c* ea sit, ut factum ex E*e* in aggregatum corporum A + B + C + D + &c. æquet summam factorum A. A*a* + B. B*b* + C. C*c* + D. D*d* + &c. Corporum A, B, C, D, &c. in suas respectivas à plano P*c* distantias A*a*, B*b*, C*c*, &c. & in P*c* sumatur P*e*, talis ut (A + B + C + D + &c). P*e* sit = A. P*a* + B. P*b* + C. P*c* + D. P*d* + &c. ductaque per *e* recta *e*E occurreret GH in puncto E, quod est commune centrum gravitatis corpusculorum A, B, C, D, &c. vel corporis totalis, quod ex hisce corpusculis componitur. Hoc punctum E ideo dicitur corporis totalis centrum gravitatis, quia ejus partes seu corpuscula A, B, ex una parte lineæ, vel plani GH, æqualium sunt momentorum cum corpusculis C, D, &c. ex altera parte ejusdem plani vel lineæ GH, & quia hoc idem accidit respectu cujlibet alius lineæ LM, quæ per hoc idem punctum E duci potest. Nam ducta per P linea P*x* parallela LM, & productis A*a*, B*b*, C*c*, D*d*, &c. & E*e*, in *a*, *b*, *x*, *d*, &c. & *e*. reperietur (A + B + C + D + &c). E*e* = A. A*a* + B. B*b* + C. C*x* + D. D*d* + &c. & (A + B + C + D + &c). P*e* = A. P*a* + B. P*b* + C. P*x* + D. P*d* + &c. quandoquidem omnia trianguia P*a**e*, P*b**e*, P*c**e*, &c. similia sunt. Jam ex hisce duabus æqualitatibus ultro sequitur, omnia momenta corporum A, B, C, D, &c. respectu utriusque plani P*x* & PV ejus normalis simul æqualia esse respective factis ex aggregato corporum in distantias centri E ab utroque plano vel linea P*x*, PV, quod cum ita sit, necessum etiam est ut corpuscula, quæ sunt ad unam partem rectæ LM æqualium sint momentorum cum pondusculis, quæ sunt in altera parte ejusdem LM. Cum itaque omnes lineæ, quæ per punctum E. duci possunt, sint axes æquilibrii pondusculorum A, B, C, D, &c. liquet corporis ex hisce corpusculis tanquam suis elementis conflati centrum gravitatis unicum esse in E. Quod erat demonstrandum.

Hanc eandem propositionem Wallisius ex aliis principiis etiam elicit.

III. Circa regulam Guldini, cujus demonstratio supra (§. 47.) allata est, duo notanda sunt. 1°. Eam non solum in figuris aut solidis rotundis obtinere, sed generaliter in omnibus aliis, quæ generari possunt figuræ genitricis motu hac lege facto, ut figuræ planum semper perpendicularare maneat lineæ, quam centrum gravitatis figuræ genitricis motu ejus describit. Hoc enim casu *solidum figuræ motu genitum semper æquale est facto ex figura in viam centri gravitatis eodem.*

Fig. 151.

Nam si ponatur centrum gravitatis C figuræ cujuslibet AB incedens in curva DEF, cui figura ubique normalis sit, descripsisse arcum curvæ Cc, atque ex situ BA venisse in situm ca priori indefinite vicinum, adeo ut rectæ CO & cO, quæ sint in planis figurarum AB, & ab, & in plano curvæ DEF, eritque O centrum circuli osculatoris curvæ datæ DF in ejus puncto C vel ejus proximo c. Adeoque solidum, quod figura AB describit cum ejus centrum C percurrit arcum Cc, per §. 47. æquatur facto ex figura AB in arcum Cc, ergo omnia ejusmodi solida vel solidum, aut figura, quæ producitur incessu figuræ AB per totam curvam DEF, æquabitur facto ex eadem AB in omnes arculos, qui in curva DF continentur, id est, facto ex figura AB in curvæ DEF longitudinem. Quod erat demonstrandum.

2°. Notandum, hæc tantum ita se habere, si figura genitrix gravitatis sit uniformis, & fallere Guldini regulam, figura genitrice existente difformiter gravi.

Fig. 152.

IV. Propositio VIII. Lib. I. (§. 59.) etiam deduci potest vel factem ipsi æquivalens ex proprietate universali vectis recti in singulis punctis à potentiis obliquis impulsis, quam hoc loco explicare placet. Sit linea recta inflexilis AC, quæ in singulis punctis C, C, &c. urgeatur potentiis CD, CD uniformi lege ad ipsam inclinatis, & circa eam tanquam axem constitutæ intelligantur figuræ ACGIP, & ACHKA, ea conditione, ut ordinata quælibet CG (CI) sit ad homologam potentiam CD in duplicata proportionem sinus anguli respectivi BCA ad sinum totum; ac ordinata CH (CK) alterius figuræ ACH se habeat ad ordinatam CG (CI) primæ ACGP, ut sinus complementi anguli BCA ad ejusdem sinum rectum, & sic ubique, positis hisce, per centrum gravitatis areæ ACGP agatur RS axi AC recta huic lineæ AC occurrens in R, eritque linea RT cum RS angulum TRS continens, cujus sinus est ad sinum complementi, ut area AHC ad aream ACGP, media directio omnium po-

po-

potentiarum CD, CD lineæ AC applicatarum, & onus quo hypomochlion in R urgetur, erit ad omnes potentias lineæ AC rectas ex obliquis CD, CD derivatas, ut sinus totus ad sinum complementi anguli TRS. Demonstratio hujus Lectoris industriæ relinquitur brevitate amore. Hoc tamen minime reticendum est, in iisdem directionibus BD, BD potentias, curvæ cuilibet AB applicatas, quæ sint ad homologas CD ad lineam AC pertinentes, ut respectivæ CV ad BV (supponendo directiones BD, BD tangere curvam quandam CV) eandem habere mediam directionem ZT cum potentiis CD, CD, &c. rectæ AC applicatis, ut demonstratu id facile est. Unde si curvæ cuicunque AB potentiæ quæcunque in directionibus BC, BC, &c. applicatæ sint, facili negotio invenietur earum media directio, ducendo per curvæ verticem A tangentem AC, vel quamlibet aliam rectam, & disquirendo quanam potentiæ CD in directionibus BC huic rectæ AC applicandæ sint ad id, ut harum potentiarum media directio RT etiam præbeat mediam directionem potentiarum in directionibus BC, BC, &c. datæ curvæ ABB applicatarum; ad id faciendâ ubique est CD ad homologam potentiam curvæ AB applicatam, sicut BV ad CV.

V. Usus universalem propositionis XII. Lib. I. In subjunctis ejus corollariis & scholio jam utcunque ostendimus. Ad majorem tamen propositionis & applicationis ejusdem illustrationem, pauca hæc, quæ sequuntur, addidisse forte juvabit. Præter symbola §. 101. jam explicata, firmitatem cujusque curvæ elementi Bb vel Bb nominabimus t, quæ illic insigniebatur litera T; potentias juxta BH & BG, dq & dp respectivæ, tangentem & secantem anguli GBH, b & k, ac denique radium osculi seu curvitatæ in B, r; item per a sinum totum designabimus. Hisce positis, erit (num. 1. §. 93.) $GH = dt$, & tria elementa dp, dq, & dt, ipsis a, k & b proportionalia erunt, sic etiam $AP : PQ = r : ds$, atqui (§. 103.) est $BG(dp) : T(t) = PQ : AP$, ergo $dp : t = ds : r$, item $dp : dt = a : b$, ergo $dt : t = hds : ar$, & $\log. t = \int (hds : ar)$, adeoque ex hisce analogiis quatuor habentur æquationes, quales in hoc adjecto laterculo notantur. Hinc ex quantitativibus dp, dq, dt vel t & b datâ qualibet in indeterminatis curvæ x, y, dx, dy, &c. & quantitativibus constantibus, invenientur reliquæ, si non algebraice, saltem transcendentèr.

Fig. 29.

$$1. dt = hdp : a = hdq : k.$$

$$2. t = rdp : ds.$$

$$3. \log. t = \int hds : ar.$$

$$4. b = ardt : tds.$$

Exempl. Sit curva data ABZ hyperbola æquilatera, cujus æqua-

Bbb 3

tio

tio $yy = xx - aa$, in qua abscissæ x fumantur à centro, semilatare transverso existente $= a$, sintque tenacitates aut firmitates curvæ proportionales distantii punctorum curvæ à centro, hoc est, $t = \sqrt{xx + yy}$. Et §. 161. præbebit $r = t^2 : aa$, & $h (= ar dt : t ds) = \frac{2xy}{t}$, nec non $k = tt : a$; hinc æquatio prima $dt = bdq : k$ præbebit $dq = \frac{t dt : 2xy}{2tx dx : 2xy} = \frac{t dx : y}{y ds : y} = \frac{t dx : y}{ds}$, atqui $t dx = y ds$, ergo $dq (= t dx : y) = y ds : y = ds$. Idcirco potentia BH, seu dq , sunt ut elementa curvæ Bb, earumque directiones in centro hyperbolæ coeunt, quoniam tangens anguli DBH inventa est $= 2xy : a$, & hæc expressio etiam tangentem anguli, quem normalis hyperbolæ BD cum recta ex puncto B ad centrum hyperbolæ ducta continet. Propterea est hyperbola æquilatera *catenaria*, si gravium directiones in centro hyperbolæ concurrere supponuntur, ut supra circa finem §. 105. sine demonstratione dictum est. Pariter si posuisssem $dq = ds$ & $h = 2xy : a$ in hyperbola eadem, invenissemus $t = \sqrt{xx + yy}$.

Generalius, si directiones gravium convergunt in punctum, abscissæque fumantur in axe ab hoc centro gravium, erit $h = ax dx + ay dy : x dy - y dx$, & hujus ac alterius $dt = bdq : k$ ope, in suppositione $dq = ds$ invenissemus $t = \sqrt{xx + yy}$ & $yy = xx - aa$.

Si directiones gravium axi AC parallelæ sunt, erit $h = adx : dy$, ac substituendo loco dx , & dy earum proportionales n & m , fiet $h (= adx : dy) = an : m$. Item in æquatione quarta, surrogando m & dn pro r & ds , quibus proportionales sunt, fiet $an : m = am dt : t dn$, & $dt : t = ndn : mm$ (aut, quia $mm + nn = aa$, & $ndn = -mdm$) $= -mdm : mm = -dm : m$, ergo $lt = l(aa; m)$, id est, $t = aa : m = ads : dy$, ut habet æquatio nona. Substituendo igitur valorem inventum ipsius t in æquatione secunda invenietur æquatio septima, & ex hac ope analogiæ $dp : dq = a : k, = dy : ds$, elicietur æquatio octava.

Hinc, ex hisce tribus dp , dq & t una data in indeterminatis curvæ & constantibus utlibet invicem permixtis, facile invenientur reliquæ duæ, si non algebraice, saltem transcender.

Si directiones potentiarum BH sunt curvæ normales, erit $h = 0$, & $k = a$, & sola æquatio secunda sufficit; hunc casum particularem Celeb. Joh. Bernoullius solutum dedit jam pridem in Commentariis Academiæ Reg. Parisiæ Scientiarum 1706, & nuper adhuc in

Libro cui titulum fecit *Essay d'une Nouvelle Theorie de la Manœuvre des Vaisseaux*.

VI. De sublimitate gravitatis difformis, quâ projectilia sectiones conicas in vacuo describunt. Quoniam mobile perimetrum alicujus sectionis conicæ AQa describens citatur sollicitationibus, quæ quadratis distantiarum mobilis à centro sunt reciproce proportionales, *scala* harum sollicitationum GB erit hyperbola quadratica, cujus applicatæ HG , AB , quæ sollicitationem gravitatis in H & A exponunt, quadratis abscissarum DH , DA sunt reciproce proportionales, centro hyperbolæ existente in D . Quæritur jam quantam assumere oporteat *sublimitatem*, hoc est, lineam HA talem, ut in ea descendens grave motum à quiete in H incipiens, & sollicitationibus, quas ordinatæ hyperbolæ in quadrilineo $HGBA$ exponunt, celeritatem acquirat in A , cum qua propulsum mobile, secundum lineam Aa alteri BA in directum positam, datam sectionem conicam AQa in vacuo describat.

Fig. 153.

Ponitur punctum A pro alterutra apside, ac propterea DA erit sectioni perpendicularis in A , atque adeo hoc punctum A alteruter vertex erit sectionis conicæ AQa , & radius curvaturæ in A æquabitur $\frac{1}{2}L$, id est, semilateri recto sectionis conicæ, & sollicitatio curvæ in A normalis ex centrali AB derivata eadem erit cum hac centrali, idcirco indicando celeritatem mobilis in puncto A , per V , vi §. 154. habebitur $V^2 = \frac{1}{2}L \cdot AB$. Atqui eadem velocitas V , sed (secundum hypothesin) descensu in HA acquisita, exponitur etiam (§. 136.) latere quadrato ex duplo area $HGBA$, ergo $V^2 = 2 \cdot HGBA$, atqui $AHGB = AD \cdot AB - HD \cdot HG$, ergo etiam $\frac{1}{2}L \cdot AB = 2AD \cdot AB - 2HD \cdot HG$, vel, propter hyperbolam, subrogando loco AB & HG earum proportionalia quadrata HD^2 , AD^2 , fiet $\frac{1}{2}L \cdot HD^2 = 2AD \cdot HD^2 - 2HD \cdot AD^2 = 2HD \cdot AD \cdot HA$, hinc etiam $L \cdot HD = 4 \cdot HA \cdot AD$, vel $L \cdot Aa \cdot HD = 4Aa \cdot HA \cdot AD$. Verum ex conicis est $4QO^2 = L \cdot Aa = AD \cdot Ad$, ergo $4Aa \cdot HA \cdot AD = 4AD \cdot Ad \cdot HD$, id est, $Aa \cdot HA = Ad \cdot HD$, & $HD : HA = Aa : Ad$. & dividendo, $AD : HA = AD$ (vel ad) : Ad , propterea est $HA = Ad$, atque adeo $HD = Aa$. Est ergo sublimitas in sectionibus conicis æqualis distantie apsidis remotioris à centro sollicitationum, à foco ejus propiore. Hinc varia deduci possunt, quorum nonnulla sequuntur.

x^o . Unî eidemque sublimitati HA convenire quidem possunt infinitæ sectiones conicæ AQa ; cum eadem manente Ad distantia focorum AD possit esse magnitudinis cujuscunque, sed non ideo una

ea-

eademque omnibus competet celeritas jactus secundum A_2 . Nam, quia $V^2 = \frac{1}{2}L:AB = \frac{1}{2}L:AD^2$. $AB:AD^2$ (seu, quia $AD^2:AB$ est solidum constans) est $\frac{1}{2}L:AD^2$, erit V ut $\sqrt{\frac{1}{2}L}:AD$. Id est, in diversis sectionibus conicis velocitates mobilis in altera apside erunt in composita ratione ex subduplicata directa ratione laterum rectorum sectionum, & reciproca ratione distantiarum apsidis à centro sollicitationum.

2°. Si umbilicorum distantia Dd fuerit infinita, sectio conica AQa est parabola focus habens in d , ac proinde sublimitas $HA = Ad$ fit æqualis quartæ parti lateris recti L , ut Galilæus, aliique post ipsum plures ex aliis fundamentis demonstrarunt. In hoc ergo conspectario continetur universa doctrina motus projectorum in hypothesis gravitatis parallelarum.

3°. Si mobile eadem velocitate V in A acquisita post descensum in HA circum ex centro I , radiumque $AI = \frac{1}{2}L$ habentem describat, conatus centrifugus mobilis in circulo eadem erit cum sollicitatione centrali AB in apside A sectionis conicæ AQa .

4°. Gravitas uniformis, qualis apud nos est, se habet ad conatum centrifugum in dicto circulo, seu ad sollicitationem centralem AB in A , ut $\frac{1}{2}AI$ seu $\frac{1}{2}L$ ad HA seu Ad . Adeoque in parabola ex foco d & vertice A descripta missilis gravitas in vertice ejus A , æquabitur conatui centrifugo in circulo prædicto.

VII. *De tempore Periodico in Sectionibus Conicis.* Vocentur tempus unius circuitus in sectione AQa , T , diameter Aa , D , ejus conjugatus Qq , d ; latus rectum l , distantia seu altitudo AD , A , sollicitatio centralis AB in apside A , G . Eruntque $d = \sqrt{lD}$, & area totius ellipseos, hoc est, $2.AQa = \frac{1}{2}pDd$, ubi p est exponens rationis circumferentiæ circuli ad radium. Est verò (§. 157.) $T = 2.AQaA:\frac{1}{2}AD.V$, ergo substituendo valores analyticos loco areæ & linearum AD , V , habebitur $T = pDd:Au$, seu $T^2 = ppD^2d^2:A^2uu$, est vero $dd = lD$, & $uu = \frac{1}{2}lG$, ergo $T^2 (= ppD^2l:\frac{1}{2}A^2G) = 2ppD^2:A^2.G$. Hinc quadratum ex tempore periodico est in composita ratione ex directa triplicata ratione lateris transversi, & reciproca composita ratione duplicata distantie apsidis à foco, seu centro sollicitationis, & simplæ sollicitationis G in apside. Unde, quia sollicitationes gravitatis sunt in reciproca duplicata ratione distantiarum mobilis à centro, rationes compositæ ex duplicata distantie apsidum à centro & simpla gravitatis in apsidibus sunt rationes æqualitatis, propterea sunt quadrata temporum periodicorum, ut cubi diametrorum principalium in sectio-

sectionibus conicis. Et hæc est demonstratio Celebris Kepleri canonis.

VIII. *De Centro Oscillationis.* In theoria centri oscillationis Cap. V. Lib. I. exposita brevitatis tantum gratia posui, non verò ex necessitate, centrum oscillationis reperiri in linea centri, hoc est, in recta ex puncto suspensionis per centrum gravitatis figuræ oscillantis ducta. Methodus enim nostra perinde valet quæcunque linea accipiat per punctum suspensionis, in qua centrum oscillationis existat, invenietur semper hanc lineam per centrum gravitatis figuræ oscillantis transire debere, prorsus ut idem etiam Celeb. Joh. Bernoullius in eleganti suo Schediasmate Act. Lips. 1714. mens. Junii §. 28. ostendit. Nam si in fig. 46. pendulum simplex CN composito isochronum per aliud punctum m quam per centrum gravitatis M figuræ oscillantis transire ponatur, quod tamen ita comparatum, seu positum, esse debet, ut linea ex hoc puncto m (in figura quidem non signato sed calamo aut mente facile supplendo) per centrum gravitatis M ducta horizontali CY ad angulos rectos semper occurrat, invenietur, semper, ut in §. 206, $NC = (P. PC^2 + Q. QC^2 + \&c.). G : M. mC$, ubi M, ut in citato loco, significat E. $P + F. Q + \&c.$ seu aggregatum ponderum omnium figuræ oscillantis partium. Jam verò, mutato utlibet angulo YCN, mutabitur simul magnitudo ipsius mC , ac propterea quantitas $NC = (P. PC^2 + Q. QC^2 + \&c.). G : M. mC$ constans & invariata fieri nequit, nisi coincidente mC , cum MC, atque adeò puncta m & M ubique confundantur, adeò ut hinc appareat centrum oscillationis necessariò in linea centri existere. Quod erat demonstrandum.

Fig. 46.

IX. Applicatio hujus novæ theoriæ centri oscillationis nunc paulò uberius declaranda est, quam in §. 208, ubi formula tantum exhibetur pro figuris uniformis gravitatis. Designando particulas P, Q, &c. ut ibi per dp , earumque pondus per βdp , ita ut β gradum gravitatis denotet, & si g significet gravitatem, qua simplex pendulum agitur, & z distantiam particulæ oscillantis ab axe oscillationis, canon §. 206. $CN = (P. PC^2 + \&c.). G : M. MC$ præbebit $t = gszzdp : \beta xdp$. Hinc, si $\beta = gzz : ax$, fiet $t = agszzdp : gszzdp = a$.

Oscilletur jam figura BAD in *planum*, seu ita ut axis oscillationis semper maneat in plano figuræ oscillantis, atque adeò ordinatæ figuræ BD axi oscillationis QQ constanter parallelæ sint, erunt hoc casu ipsæ z , seu distantia punctorum ordinatæ, $BD = QC = x$, atque adeò $\beta z z dp = \beta x x dp$, & quia $dp = BC. Cc = ydx$, erit $\beta z z dp = \beta x x y dx$,
Ccc

Fig. 154

$\int xxydx$, & $t(=g\int zxdp:\int xxdp)=g\int xxydx:\int xxdp$, vel, si omnes partes ordinatæ BD sint uniformis gravitatis, $=g\int xxydx:\int xxydx$.

Si eadem figura movetur in latus, id est, si planum figuræ oscillationis axi oscillationis rectum est; sit quælibet in ordinata BC ejus portio CI $=u$, & $dp=dudx$, erit $z=\sqrt{(QC^2+CI^2)}=\sqrt{xx+uu}$, hinc $zxdp=xxdudx+uududx$, & integrando, positis x & dx constantibus, invenietur $\int zxdp=uxxdx+\frac{1}{3}u^3dx$, vel (facta $u=y$) $=xxydx+\frac{1}{3}y^3dx$, sed hoc est tantum elementum respectu totius figuræ ABD. Et $\int xxdp=\int xxydx$, adeoque $t(=g\int zxdp:\int xxydx)=(\int xxydx+\frac{1}{3}\int y^3dx):g\int xxydx$.

Fig. 144.

Pro solidis rotundis sic est indaganda formula: sit BEAD ejusmodi solidum, cujus basis sit circulus BEDH, cujus diameter EF axi oscillationis QQ parallelus supponitur. Ad hanc diametrum EF demissis perpendicularis GL, gl , fiant CL $=t$, & ut antea. LG seu CI $=u$, requiruntur primùm omnia $zxdp$, quæ in rectangulo GLI continentur. Quia omnia $zxdp$, quæ in ordinata GL reperta sunt $xxu+\frac{1}{3}u^3$, omnia $zxdp$, quæ in rectangulo GLI sunt, erunt $=xxudt+\frac{1}{3}u^3dt$. Ponantur jam $udt=da$, & $u^3t=u$, atque adeo $du=n^3dt+\frac{1}{3}u^3dt$. Sed circulus EBF præbet $tt+uu=yy$, vel ducendo hanc in udt , fiet $ttudt+\frac{1}{3}u^3dt$, seu (ob $t dt=-u du$) $=-autdu+\frac{1}{3}u^3dt=yyudt=yyda$, vel etiam $3u^3dt-3autdu=3yyda$, & addatur hæc æquatio ad alteram $u^3dt+\frac{1}{3}u^3dt=da$, fietque $4u^3dt=3yyda+da$, vel $u^3dt=\frac{3}{4}yyda+\frac{1}{4}da$, qui valor substituitur in $xxudt+\frac{1}{3}u^3dt$, atque da pro udt , fietque $zxdp(=xxudt+\frac{1}{3}u^3dt)=xxda+\frac{3}{4}yyda+\frac{1}{4}da$. Adeoque omnia $zxdp$, quæ in segmento circulari CBGL, seu a , continentur sunt $=xxa+\frac{3}{4}yya+\frac{1}{4}a$, nam ipsæ QC, CB invariatae, seu constantes, manent, utlibet variatis ipsis CL & GL, seu t ac u , adeo ut istarum respectu indeterminatæ x , y constantes sint. Jam, quia a significat segmentum CBGL, & a factum CL.GL', erunt omnia $zxdp$ quæ in quadrante CBE continentur $=(xx+\frac{3}{4}yy).CBEC$, cum evanescente GL in E, etiam factum CL.GL' seu a evanescat. Hinc, si a designet exponentem rationis peripheriæ cujusque circuli ad radium, reperietur CBEC $=\frac{1}{2}yy$, ac solidum CBEC.Cc $=\frac{1}{2}xyydx$, adeoque $\int zxdp$ in hoc solido, $=(\frac{1}{2}xxyydx+\frac{1}{3}y^3dx)$. rg . Propterea erit $t=(\frac{1}{3}\int xxyydx+\frac{1}{3}\int y^3dx):g\int xxdp$. Atque ex hisce jam omnibus emergent canones generalissimi, quales sequens tabella exhibet:

si po-

$$\begin{aligned} \text{Si ponantur } A &= \int y dx, & I &= \int x y y dx. \\ B &= \int x y^2 dx, & K &= \int x x y y dx. \\ C &= \int x x y dx, & L &= \int y^2 dx. \\ D &= \int y^2 dx, & N &= \int y^2 x. \end{aligned}$$

In figuris agitatiss in $\left\{ \begin{array}{l} \text{Planum. } t = gC : \int x dx. \\ \text{Latus } t = (gC + \frac{1}{2}gD) : \int x dx. \end{array} \right.$

In solidis rotundis $t = (\frac{1}{2}gK + \frac{1}{2}gL) : \int x dx.$

Hi canones sunt generales, quia deserviunt in omni casu gravitatis uniformis aut pro libita variabilis, nam, ut jam supra dictum, $\int x dx$ generaliter indicat pondus absolutum cujusque elementi dx figuræ oscillantis, unde cum β infinitis modis variare possit, exinde satis in propatulo est, hos canones infinites infinitos diversos casus omnes complecti.

Si β est constans, præcedentes canones mutabuntur in eos, quos hæc altera tabella repræsentat.

$$\begin{aligned} t &= gC : \beta B & \text{Planum} \\ t &= (gC + \frac{1}{2}gD) : \beta B & \text{pro figuris in } \left\{ \begin{array}{l} \text{Planum} \\ \text{Latus} \end{array} \right\} \text{agitatis.} \\ t &= (gK + \frac{1}{2}gL) : \beta I. & \text{Pro solidis rotundis.} \end{aligned}$$

Ut saltem usum horum posteriorum canonum ostendam, esto figura BAD circa axem QQ oscillans sectio conica, cujus æquatio generalis sit $\pm aa \mp ee \pm 2ex \mp xx = \frac{aa}{bb} yy$, in qua a designat semilatus transversum, b semiaxem conjugatum, e distantiam puncti suspensionis Q à centro sectionis, ac denique x, y coordinatas QC, CB. Si æquatio curvæ differentialis $\pm edx \mp xdx = \frac{aa}{bb} ydy$, ducatur in y , habebitur $\pm edx \mp xdx$ in $y = \frac{aa}{bb} yydy = \pm eydx \mp xydx = \frac{aa}{bb} yydy = \pm edA \mp dB$, &c

per antithesin $\pm dB = \mp edA - \frac{aa}{bb} yydy$. Et

integrando $\pm B = \mp eA - \frac{aa}{3bb} y^3$.

Porro, quia (secundum hypothesin) $N = y^2 x$, cujus differentialis ducta in $\frac{aa}{bb}$ præbet $\frac{aa}{bb} dN = \frac{aa}{bb} y^2 dx + \frac{2aa}{bb} x y dy$.

vel proportionis horum. Atqui principium vectis præbet sequentes æquationes

1. $A \cdot AB = L \cdot LB + M \cdot MB + N \cdot NB + O \cdot OB + P \cdot PB.$
2. $A \cdot A_1B = L \cdot L_1B + M \cdot M_1B + N \cdot N_1B + O \cdot O_1B + P \cdot P_1B.$
3. $A \cdot A_2B = L \cdot L_2B + M \cdot M_2B + N \cdot N_2B + O \cdot O_2B + P \cdot P_2B.$
4. $A \cdot A_3B = L \cdot L_3B + M \cdot M_3B + N \cdot N_3B + O \cdot O_3B + P \cdot P_3B.$
5. $A \cdot A_4B = L \cdot L_4B + M \cdot M_4B + N \cdot N_4B + O \cdot O_4B + P \cdot P_4B.$
6. $A \cdot A_5B = L \cdot L_5B + M \cdot M_5B + N \cdot N_5B + O \cdot O_5B + P \cdot P_5B.$

Hæ æquationes continuò à se invicem subducantur, scilicet secunda à prima, tertia à secunda, quarta à tertia & sic deinceps, atque residua divisa per respectivas differentias ordinarum $AB, A_1B, A_2B, A_3B, A_4B, A_5B$, &c. habebuntur quinque æquationes, in quibus singulis A erit ex una parte sola, & si in reliquis membris, pro singulis $BL - L_1B, BM - M_1B, BN - N_1B$, & sic deinceps, divisus per $AB - A_1B$, scribantur Q, R, S, T, V , in quinque residuis æquationibus, & ex eodem modo tractentur ac sex primæ, sequentes scilicet ab antecedentibus subducendo, relinquantur quatuor novæ, quæ per respectivas $Q - Q_1, Q_1 - Q_2, Q_2 - Q_3, Q_3 - Q_4$ dividantur & pro $R - R_1, R_1 - R_2, R_2 - R_3, R_3 - R_4$ scribantur r, s, t, u ; item pro $S - S_1, S_1 - S_2, S_2 - S_3, S_3 - S_4$ scribantur r_1, s_1, t_1, u_1 . Pro $T - T_1, T_1 - T_2, T_2 - T_3, T_3 - T_4$ scribantur r_2, s_2, t_2, u_2 , & sic porro eodem ordine, & hæ subductiones ac divisiones continuentur usque dum unica tantum supersit æquatio, poterunt in quantitatibus datis omnes A, L, M, N, O, P , &c. exhiberi, aut saltem omnes excepta ultima P , quæ arbitrariæ magnitudinis est, nam factis debitis reductionibus inveniatur

$$O = -P_u.$$

$$N = -O_r - P_u.$$

$$M = -N_s - O_t - P_u.$$

$$L = -M_r - N_s - O_t - P_u.$$

$A = LQ + MR + NS + OT + PV.$ In his æquationibus est $dLB : dAB = Q, dMB : dAB = R, dNB : dAB = S, dOB : dAB = T, dPB : dAB = V.$ Sic $d_1L_1B : d_1A_1B = Q_1, d_1M_1B : d_1A_1B = R_1, d_1N_1B : d_1A_1B = S_1$, &c. Nec non $d_2L_2B : d_2A_2B = Q_2, d_2M_2B : d_2A_2B = R_2, d_2N_2B : d_2A_2B = S_2$, &c. Ubi notandum literam d cuilibet ordinatæ præpositam significare differentiam, inter hanc ordinatam ipsique proximam versus

ſus C in eadem curva, reliquæ quantitates ſic etiam facile definiuntur, ſcilicet:

$$\begin{array}{l} dR:dQ:r_1=dR_1:dQ_1, \&c. \\ dS:dQ:r_1=dS_1:dQ_1, \&c. \\ dT:dQ:r_1=dT_1:dQ_1, \&c. \\ dV:dQ:r_1=dV_1:dQ_1, \&c. \end{array} \left| \begin{array}{l} s=ds:dr; r_1=ds_1:dr_1 \&c. \\ \theta=ds:dr; \theta_1=ds_1:dr_1 \&c. \\ \tau=d\theta:ds; r_1=d\theta_1:ds_1 \\ u=ds:dr; u_1=ds_1:dr_1 \&c. \end{array} \right| \left| \begin{array}{l} \eta=ds:ds; \eta_1=ds_1:ds_1 \\ w=ds:dr \end{array} \right|$$

Hoc loco litera d ſignificat differentiam inter magnitudinem, cui præfigitur & alteram eadem litera, ſed cum unitate adſcripta indicatam, ſic $dR = R - R_1$, $dQ = Q - Q_1$; $dR_1 = R_2 - R_3$, & ſic de reliquis. Inventis ita valoribus ponderum A, L, M, N, O, &c. iidem ſubſtituendi ſunt in æqualitate A. DE = L. FE + M. GE + N. HE + O. IE + P. KE, atque ſic per ordinatas FE, GE, HE, IE, KE, &c. & alias datas quantitates assignari poteſt ubique ordinata DE curvæ CDA per data puncta A, $1A$, $2A$, &c. tranſeuntis. Quod erat inveniendum.

Coroll. I. Curva genita CDA ejusdem ſemper eſt gradus cum curva gradus altiffimi ex generatricibus CFL, CGM, CHN, &c.

Coroll. II. Area genitæ CDA ex areis generatricium ſemper inveniri poteſt. Eſt enim generaliter A. CDE = L. CFE + M. CGE + N. CHE + O. CIE + P. CKE. Unde, ſi hæ areæ curvarum generatricium ſint quadrabiles, etiam figura genita quadrabilis erit.

Coroll. III. Si curvæ genitricæ ſunt generis parabolici, earum areæ ſunt quadrabiles, ac proinde etiam genita quadrabilis exiſtet: cum igitur pro generatricibus curvæ quæcunque eligi poſſint, atque adeo curvæ quadrabiles, inde clarum eſt omnes curvas per appropinquationem quadrabiles eſſe, tot enim, quot libuerit, in ea poſſunt puncta aſſumi, & per ea curva quadrabilis duci; cujus area curvæ propoſitæ areæ quam proxime æqualis erit.

Coroll. IV. Imò omnis curva per appropinquationem rectificari poteſt. Curvarum enim rectificatio ad quadraturas reducitur, quæ per præcedens corollarium, per appropinquationem, ſemper habentur. Idem intelligendum de centrīs gravitatis figurarum & ſolidorum, tum etiam de hiſce ſolidis ipſis aliisque. Hæc enim omnia quam proxime vero haberi queunt.

Coroll. V. Ex hiſce etiam cognofcitur *maximus* punctorum datorum numerus, per quæ curva dati gradus duci poteſt. Hic enim numerus eſt ſemiſſis producti ex exponente gradus curvæ in eundem exponentem ternario auctum. Hoc modo ſcimus lineam primi gradus, ſeu æctam, non niſi per 2. puncta, poſitione ut libet data, duci poſſe, eſt enim

enim $2 = \frac{1.4}{2}$, sectionem conicam per quinque, nam $5 = \frac{2.5}{2}$. Curvam tertii gradus per novem, nam $9 = \frac{3.6}{2}$.

Fig. 156. *Aliter.* Loco generatricium assumi possunt lineæ rectæ AF, 1A1F, 2A2F, &c. inter se parallelæ, & quemlibet angulum cum axe CA continentes atque, necessitate ita postulante, supra axem producendæ, ut schema ostendit. Sint ergo puncta, per quæ curva duci debet B, 1B, 2B, &c. C. Per B agatur BN æquidistans AC, & ex singulis punctis datis B agantur perpendiculara BA, 1B1A, &c. producenda sursum in 1O, 2O, &c. deinde ducta ubilibet recta MG parallela AB obliquas AF secante in punctis, G, H, I, K, L, &c. & axem AC in E. Quibus peractis fiat ubilibet $MD = G.EG + H.EG.EH + I.EG.EH.EI + K.EG.EH.EI.EK + L.EG...EL$, in qua valores assumtarum G, H, I, K, L sunt definiendi sequenti ratione. Si punctum E cadit in A, linea EG evanescet, & reliquæ HE, IE, &c. supra axem erunt, verum quoniam EG jam in punctum A contracta nullo modo, & in omnia reliqua membra influit, erit MD in BA nulla. Sin vero E cadit in punctum 1A, fiet EG tunc = 1A1P, & EH = 0, adeoque eo casu, quo MD fit 1O1B, erit 1O1B = G. 1A1P, seu $G = 1O1B : 1A1P$. dicatur $G1 = 2O2B : 2A2P$, $G2 = 3O3B : 3A3P$, &c. Porro si punctum E cadit in 2A, fiet MD = 2O2B, & EG = 2A2P, HE = 2A2Q, & IE = 0, ergo $2O2B = G. 2A2P + H. 2A2P. 2A2Q$, $3O3B = G. 3A3P + H. 3A3P. 3A3Q + I. 3A3P. 3A3Q. 3A3R$, atque ita deinceps, ex quibus omnibus sequens resultat tabella, postquam scilicet singulæ æquationes ad respectivas AP applicatæ fuerunt:

$$G (= 1O1B : 1A1P) = G$$

$$G1 (= 2O2B : 2A2P) = G + H. 2A2Q$$

$$G2 (= 3O3B : 3A3P) = G + H. 3A3Q + I. 3A3Q. 3A3R$$

$$G3 (= 4O4B : 4A4P) = G + H. 4A4Q + I. 4A4Q. 4A4R + K. 4A4Q. 4A4R. 4A4S$$

&c.

&c.

&c.

&c.

&c.

&c.

&c.

Si porro prima à secunda, secunda à tertia, tertia à quarta, atque ita porro subducantur, erit $G1 - G = H. 2A2Q$, $G2 - G1 = H. 3A3R + I. 3A3Q. 3A3R$, &c. Et ponendo $dG, dG1, dG2$ pro $G1 - G, G2 - G1, G3 - G2$, &c. fient $H = dG : 2A2Q$, $H1 = dG1 : 3A3R$, $H2 = dG2 : 4A4S$, &c. & $I = dH : 3A3Q$, $I1 = dH1 : 4A4R$, &c. ac denique $K = dI = 4A4Q$. Et sic porro, nam ex hisce continuationis lex satis patet. Inventi valores magnitudinum G, H, I, K, &c.

K, &c. in superiori æqualitate $MD = G \cdot GE + H \cdot GE \cdot HE + I \cdot GE \cdot HE \cdot IE + K \cdot GE \cdot HE \cdot IE \cdot KE$, &c. substituuntur, dabitur sic ipsa MD in lineis GE, HE, IE, KE, LE, &c. & magnitudinibus datis, atque adeò punctum D in curva quæ sita. Quod erat secundo invenendum.

Coroll. I. Si rectæ AF, 1A1F, &c. angulo semirecto ad AC inclinatæ sunt, provenit casus secundus hujus problematis ab Illustr. Newtono solutus Lemm. V. Lib. III. Princ. Phil. Nat. in ejus solutione enim a, b, c, d, e, f , &c. idem prorsus sunt cum G, H, I, K, L, &c.

Coroll. II. Iisdem positis, quæ in præcedenti corollario, si interval la singula A1A, 1A2A, 2A3A, &c. sint æqualia & dicantur p , & differentiæ ordinatæ AB, prima, secunda, tertia, &c. erunt $G = \delta : p$; $H = \delta^2 : 2 \cdot pp$; $I = \delta^3 : 2 \cdot 3 \cdot p^2$, &c. quod congruit solutioni Newtonianæ primi casus in Lemmate citato.

Coroll. III. Si insuper AE vel EG dicatur z , DE, u , & AB = y , erit $u = y - Gz - H \cdot (zz - pz) - I \cdot (z^3 - 3pzz + 2ppz) - K \cdot (z^4 - 6pz^3 + 11ppzz - 6p^2z) - \&c.$ & area ABDE = $yz - \frac{1}{2}Gzz - H \cdot (\frac{1}{2}z^3 - \frac{1}{2}pzz) - I \cdot (\frac{1}{2}z^4 - \frac{1}{2}pz^3 + \frac{1}{2}ppzz) - K \cdot (\frac{1}{2}z^5 - \frac{1}{2}pz^4 + \frac{1}{2}ppz^3 - \frac{1}{2}p^2zz) - \&c.$ Hoc loco enim y est constans, & z ac u sunt variabiles. Hinc, si p sunt indefinite parvæ, erunt singulæ $p = dz$, & ipsæ $\delta, \delta^2, \delta^3$, &c. hoc casu fient $dy, -ddy, +dddy, -d^4y$, &c. & in præcedenti serie membra omnia, quæ p continent, evanescent, totaque series abibit in $yz - \frac{1}{2}Gzz - \frac{1}{2}Hz^3 - \frac{1}{2}Iz^4 + \&c. = \text{areæ ABDE}$, atqui sunt $G = \frac{dy}{dz}$, $H = \frac{-ddy}{2 \cdot dz^2}$, $I = \frac{+dddy}{2 \cdot 3 \cdot dz^3}$, &c. ergo area ABDE = $yz - \frac{zzdy}{2dz} + \frac{z^3ddy}{2 \cdot 3 \cdot dz^3} + \frac{z^4dddy}{2 \cdot 3 \cdot 4 \cdot dz^4} + \&c.$ Quæ est ipsissima series universalis pro quadraturis, quam Celeb. Joh. Bernoulli in Actis Lips. 1694. exhibuit, quamque haud dubie ex alio fundamento elicit.

Cæterum, loco rectarum transversalium AF, 1A1F, curvæ quæcunque parallelæ assumi possunt, vel una eademque curva axem in linea CF, verticem verò successive in punctis diversis ipsius CF habens.

X. De velocitate liquorum per foramina quæcunque ex vasis erumpentium. In Propositione XXXII. Lib. II. demonstravimus quidem post Clar. Varignonium aliosque celeritates liquorum ex vasis effluentium in subduplicata esse ratione altitudinis liquorum supra foramina vasis aquam emittentia, sed non demonstravimus, nec quisquam alius quod sciam, aquam aliumve liquorem ea velocitate ex vase erum-

pere, eadem constanter manente aquæ altitudine supra foramen, quam aquæ guttula orificio proxima acquirere potest casu accelerato ex altitudine liquoris supra orificium. Nam hoc principium, instar hypotheseos, supposuerunt Torricellius, Borellus, Gulielmus alique, atque exinde recte deduxerunt, aquas eodem tempore per foramina æqualia effluentes, seu etiã celeritates effluxus in subduplicata esse ratione altitudinis aquarum supra foramina. Sed hæc suppositio tantæ non videtur evidentie, ut nulla demonstratione egeat; nam præterquam quod Celeb. Newtonus, Propos. XXXVII. Lib. II. Princ. Math. primæ editionis, demonstrare conatur, aquam ea cum velocitate erumpere ex vasis, quâ motu suo in altum converso ad dimidiam altitudinem aquæ supra foramen evehi possit, sed quam propositionem in novissimis editionibus omisit. Torricellius suppositioni suæ, non propter evidentiam, sed potius propter consensum ejus, cum experientia acquievit.

Fig. 157. Est vas quodcunque BFC aquæ vel cujusvis alius liquoris homogenei plenum, F foramen ejus, FA altitudo aquæ supra foramen F. Concipio columnam aqueam Ap per temporis tractum indefinite parvum dt , uniformiter urgere particulam aquæ infinitesimam pF , eo scilicet tempusculo, quo hæc particula, quam p nominabimus, proprio pondere seu gravitate, longitudinem Ef particulæ pF seu p æqualem acquirere potest celeritatis gradum infinitesimum u . Et sint g signum gravitatis naturalis, qua singula corpora apud nos agitantur, A altitudinis aquæ AF, & denique V velocitatis, qua per foramen F erumpit, M. massæ tempusculo dt effluentis, ac m massæ particulæ pF . Hisce positis per §. 31. pondus columnæ Ap vel AF exponetur per A. E. g.; & pondus elementi pF per $p.F.g$. Sed hæc facta sunt ut sollicitationes acceleratrices motus M. V & $m.u$, tempusculo dt generantes; idcirco habemus (§. 130.) $A.F.g.dt:p.F.gdt=M.V:m.u$, id est, $A.g:p.g=M.V:m.u$; atqui $M:m=\frac{1}{2}Vdt:\frac{1}{2}udt=V:u$ ex natura motus accelerati in fluidis, ergo $Ag:pg=VV:uu$, atqui $2pg$ (§. 150.) $=uu$, ergo $VV=2.A.g$; hoc, est velocitas V, quâcum aqua per foramen F erumpit (§. 150.) ea est, quam particula infinitesima aquæ pF acquirere posset motu naturaliter accelerato per descensum ex altitudine A seu AF. Quod erat demonstrandum.

Atque hinc jam tumissime deducitur, quantitates aque per idem vel æqualia foramina effluentis, vel etiã celeritates ejus, esse in subduplicata proportionem altitudinum.

XI. Capite XX. Lib. II. exposui generalem theoriam gravitatis variabilis, cum scilicet corpora sollicitantur secundum directiones quascunque uniformi tamen lege procedentes, propterea consideravi has directiones contingere curvam quamlibet, vel, quod eodem recidit, supposui easdem directiones curvæ cuicunque pro libitu assumptæ normales esse, ad id ut lex continuitatis in hisce observaretur. Sed, quia solutio problematis in propositione LXXVI. evoluti ea est, in quam primum incidi, ideo, quod plerumque accidere solet, ejus analysis geometrica paulo longior atque difficilior evasit. Verum posteaquam hoc opusculum jam sub prælo esset, faciliorem paulo & ni fallor, elegantiorẽ ejusdem problematis nactus sum solutionem, quam cum analysi ipsa vel potius demonstratione cum Benevolo Lẽctore hoc loco communicare placet. Esto curva quæcunque $AM\Omega$ mobili describenda, ac sollicitationum gravitatis MX directiones MN ubique normales sint curvæ cuicunque AYy descriptæ evolutione BN , quam proinde directiones MN ubique contingent. Tangenti AB sursum productæ in Δ curvæ BN in B , agatur per A perpendicularis indefinita CAV , & in quadrante $CK\Phi$ centro A & radio quocunque descripto ductis AI & AK radiis cum AC angulos CAI , CAK continentibus æquales angulis $BA\alpha$, NMP , in quibus lineæ AB , MN curvæ $AM\Omega$ occurrunt, agantur rectæ $I\alpha$, KQ parallelæ AC & producantur usque ad occursum in d & L cum hyperbola OdT inter asymptotas ΔA , AV descripta. Circa axem verò AB descripta sit curva quædam DE hæc lege, ut abscissa ejus AF æquet ubique homologam interceptam YM inter curvam AY & datam curvam AM mobili describendam, ordinatæ verò FE ordinatam ΔO in hyperbola abscissa ejus $A\alpha$ posita = MN . Et, si mobile incedat in medio resistente, cujus resistentiæ sint in composita ratione densitatum & duplicatæ celeritatum, fiat in hyperbola quadriligneum $dDST$ vel $dD\Phi$ æquale superficiẽi cylindricæ, cujus basis arcus AM curvæ describendæ, quæ cylindrica superficies oritur, si in singulis punctis arcus AM ad ejus planum perpendiculares erigantur proportionales densitati medii D , in respectivis curvæ punctis, interservietque quadriligneum dS descensui mobilis ex A in M , alterumque $d\Xi$ ascensui ejusdem mobilis ex M in A . Hisce præparatis,

Dico velocitatem mobilis in M acquisitam post descensum per arcum AM fore ad celeritatem initialem in A in composita ratione, ex hisce tribus $A\alpha$ ad AQ , seu reciproca sinus anguli NMP ad sinum anguli $BA\alpha$, ex $A\alpha$ ad AG , seu abscissæ minoris ad majorem quadrilinei hyper-

bolici aGHd: æqualis area DEFA, ac denique ratione AD ad AS vel AS.

Demonstr. 1°. Exponent, sicut in §. 607. MR vel mR radium evolutæ curvæ AM in puncto M vel m & MX sollicitationem gravitatis mobile secundum MN urgentem, & agatur XZ parallela tangenti curvæ MP in puncto M; eruntque triangula AKQ, MXZ & $M\mu m$ similia, posteaquam centro u arcus $m\mu$ descriptus fuerit, cum in triangulis rectangulis AKQ, MXZ, angulus AKQ alternus ipsius KAC (constr.) æqualis sit angulo PMX, vel ejus alterno MXZ; hinc $ZX : MZ = KQ : AQ$.

2°. Ducta per m alia tangente mp , anguli recti RMP & Rmp præbent $nmp + nmR = NMP + NMR$, & $KAk (= nmp - NMP) = NMR - nmR = Ruv - nmR$, $Ruv + NMR = Mvm - MRm$. Ergo (§. 129.) $\frac{Kk}{KA}$ (vel propter triangulorum AKQ & $Kk\mu$ similitudinem)

$\frac{Qq}{KQ} = \frac{m\mu}{mv} - \frac{Mm}{RM}$, atque adeò $\frac{Mm}{MR} = \frac{m\mu}{MN} - \frac{Qq}{KQ}$. Ducantur rationes $Mm : MR$, $m\mu : MN$, & $Qq : KQ$ in sequentes, quæ (num. 1. hujus) omnes inter se æquales sunt $ZX : MZ$; $M\mu : m\mu$ & $KQ : AQ$, prima in primam, secunda in secundam, &c. fietque $ZX.Mm : MZ.MR = M\mu : MN$, $- Qq : AQ$. Hæ verò postremæ rationes ducantur etiam pari ordine in hæc sequentia rectangula $Aa.ad.$; $A\Delta, \Delta O$; AQ, QL , quæ in hyperbola omnia inter se æquantur, eritque $Aa.ad. ZX.Mm : MZ.MR = \Delta O.M\mu - QL.Qq$ (constr.) $= FE.Ff - QL.Qq$.

3°. Significant porro AV celeritatem in M acquisitam, Vu ejus elementum, R verò resistantiam medii in M & D, ut antea ejus densitatem; & hisce positis (§. 607. num. 11.) habetur, $AV.Vu = ZX.Mm + R.Mm$, seu ducendo unam partem in $Aa.ad.$, alteramque in AV.VW, reperietur $Aa.ad. ZX.Mm + Aa.ad.R.Mm = AV^2.WV.Vu$. Verùm, cum (secundum hypothesin) R sit ut D. AV^2 , fiat $Aa.ad.R = D.AV^2$; eritque $AV^2.WV.Vu = Aa.ad. ZX.Mm + D.AV^2.Mm$, quia verò (§. 154.) $AV^2 = MZ.MR$, applicando præcedentem æquationem ad hanc alteram, scilicet membra ejus AV^2 continentia ad hoc quadratum AV^2 , & reliquum ad $MZ.MR$, fiet $WV.Vu = Aa.ad. ZX.Mm : MZ.MR + D.Mm$. Atqui num. 2. in fine reperimus jam $Aa.ad. ZX.Mm : MZ.MR = FE.Ff - QL.Qq$; ergo $WV.Vu = FE.Ff - QL.Qq + D.Mm$ (vel, quia D.Mm per constr. æquatur vel Ss.ST ut in descensu, aut $- \Sigma\sigma$, ut in casu ascensionis, cum quadrilinea dS & dΣ singula æquantur, (constr.) omnibus D, Mm, quæ in arcu curvæ describendæ AM continentur) WV.

WV.Vu=FE.Ff—QL.Qq—ST.Ss (vel $\Sigma\theta.\Sigma\sigma$). Unde, cum hoc idem eveniat respectu cuiusvis alius curvæ elementi, erit $dDVW = AFED - aQLd = dDST$ ($dD\theta\theta$), vel, quia (constr.) quadrilaneum $aGHd$ æquatur areæ $AFED$, $= aGHd - aQLd = dDST$ ($dD\theta\theta$). Hæc enim quadrilaneum omnia evanescunt cum punctum M cadit in A, vel punctum K in I. Idcirco ratio AV ad AD (§§. 605, 606.) componetur ex directâ aA ad GA & duabus reciprocis rationum QA ad aA, & AS vel AΣ ad AD, ac propterea velocitas acquisita in M est ad velocitatem in A seu AV : AD = aA. aA. AD : GA. QA. SA (ΣA). Quod erat demonstrandum.

Isdem politis erit sollicitatio gravitatis MX secundum MN ad sollicitationem AX in puncto A secundum AB in composita ratione ex directâ duplicata ratione AV ad AD, & inversa rectanguli ex MR in sinum anguli NMP ad rectangulum ex AR in sinum anguli BAA, id est; MX : AX = (AV² : MR. AQ) : (AD² : AR. Aa).

Nam, quia (§. 154.) AV² = MZ. MR, vel AK. AV² = AK. MZ : MR (vel propter triangula similia AKQ & MXZ rectangulum AQ. MX æquatur rec-lo AK. MZ) = AQ. MX. MR, & AK. AD² = Aa. AX. AR, erit omnino AQ. MR. MX : Aa. AR. AX = AV² : AD², atque adeo MX : AX = (AV² : MR. AQ) : (AD² : AR. Aa). Idcirco erit etiam MX : AX = Aa². AD². AR : AQ². AG². AS² (AΣ²). MR. Qui est canon generalis, quoties resistentiæ sunt ut D in AV², sin verò hæ resistentiæ sint generaliores, ut D. AV², existente b numero quolibet rationali, ratio AD ad AS obtinebitur methodo jam §. 622. exposita. In vacuo fit hæc ratio AD ad AS æqualitatis, eoque casu erit MX : AX = Aa². AR : AQ². AG². MR.

XII. *Isdem adhuc positis D est generaliter, ut (3KQ : 2AQ. MR) — (QK : 2AK. MN) — (P : 2MX) — (RΓ : 2MR²) & resistentia ad gravitatem, seu + R : MX = (3KQ : 2AK²) — (RΓ. AQ : 2AK. MR) — (KQ. AQ. MR : 2AK². MN) — (P. AQ. MR : 2AK. MX).* In quibus Fig. 158. formulis RΓ significat radium osculi in puncto R curvæ RR, cuius evolutione curva data AM describitur, & P significat exponentem rationis, quam elementum magnitudinis MX gravitatis in M secundum MN, habet ad elementum Min curvæ mobili describendæ.

Demonstrationem horum duorum canonum non addo, cum ea ad præcedentium imitationem & normam facile haberi queat. Sed, ut eorum consensu cum aliorum inventis appareat, eos casibus particularibus nonnullis Celeberrimorum virorum Newtoni & Joh. Bernoullii applicabimus.

1°. Sit. curva AM ipse circulus $\odot KC$ mobili describendus à gravitate uniformiter agente secundum directiones ipsi AQ parallelas, quo casu P, & R evanescunt, MN fit infinita, & $MR = AK$, propterea erit D, ut $3KQ : 2AQ, AK$, hoc est, sicut tangens anguli KAQ & resistentia ad gravitatem, ut $3KQ$ ad $2AK$, plane ut laudatissimi Autores invenerunt.

2°. Si loco curvæ AM sumatur curva, in quâ directiones gravitatis uniformis MN parallelae sint inter se, erit D ut $(3KQ : 2AQ, MR) - (Rr : 2MR^2)$, & $\frac{+R}{MX} = (3KQ : 2AK) - (Rr : AQ : 2AK.MR)$.

Nam, quia MN in hisce suppositionibus sunt infinitæ, singulae fractiones, in quarum denominatoribus hæ MN reperiuntur, evanescunt. Vocentur itaque ordinatæ curvæ datæ y , secundum quas gravitas uniformis operatur, abscissæ respectivæ x , radius curvaturæ in M seu $MR = r$, existentibus $M\mu = dy$ & $m\mu = dx$, positis scilicet omnibus MN inter se parallelis, ratio vero $Rr : MR = dr : ds$, facto elemento curvæ $Mm = ds$. Adeoque in hisce symbolis erit D ut

$\frac{3dy}{2rds} - \frac{dr}{2rds}$, & $\frac{+R}{G} = \frac{3dy}{2ds} - \frac{drdx}{2ds^2}$. Sed existentibus dx constantibus erit $r = ds^3 : dxddy$, & $dr = \frac{3dsdy}{dx} - \frac{ds^3ddy}{dxddy^2}$, quibus valoribus in for-

mulis substitutis resultat D, ut $ddy : 2dsddy$, & $+R : G = dsddy : 2ddy^2$ qui duo postremi canones ad amissum conspirant cum formulis Celeb. Newtoni Propos. X. Lib. II. Edit. novissimæ Princip. Phil. Nat. Nam, si in hisce nostris loco dy , ds , ddy & ddy ordine substituantur Qo , $o\sqrt{1+QQ}$, $2Roo$, & $6So^3$, quæ in expressionibus Newtonianis elementis illis æqualia sunt, erit omnino D, ut $\frac{3S}{2R\sqrt{1+QQ}}$, & $\frac{+Res.}{Grav.} = \frac{3S\sqrt{1+QQ}}{4RR}$. Prorsus ut habet Newtonus loco citato.

Fig. 38.

XIII. In demonstratione Propos. XXV. Lib. I. §. 167. irrepsit error, dum elementum ordinatæ ΔE tanquam positivum spectavimus, idcirco in progressu demonstrationis illius signa ipsius Δz ubique sunt invertenda, quo facto invenietur $G = \frac{1}{DE^3} + \frac{(-DE.EA.MG^2 + 2.EQ.EA.MG^2 + DE.EQ.AL^2).m.\Delta E}{EQ.AG^2.DE^2}$. Ponendoque $HE = A + e$, atque adeo $\Delta E = \Delta E = HE : B$, & $EQ = B.HE : B^2 - C$,
HE,

HE, ubi $B = dA : dz$; $C = dB : dz$ & $DE = z$, item $AL = r$, ac $rr - ee = ss$, hæc apposita formula factis in ea substitutionibus valorum linearum DE, EA, EO, prodibit æquatio circa finem §. 169. exhibita. Verum, quia nonnihil elegantior, ut mihi videtur, solutio ejusdem problematis sese mihi obtulit, eam hoc loco apponere placet. Circa rectam AC, tanquam axem, descripta sit curva quæcunque PB, radioque etiam pro lubitu sumto AC, atque adeo centro C circulus AG, cujus tangens in A erit linea recta indefinita OAN, ac per quodlibet punctum B curvæ PB ductis tangente BV ordinataque BR producenda usque ad occursum ejus cum circulo in G, dividatur subtangens RV in S, ut RS sit ad totam RV ut 1 ad numerum quemcumque rationalem n , ac jungatur SG, tum ducatur per A recta AL cum CAæ continens angulum PAQ æqualem, ubique respectivo angulo GSR, atque hoc idem si factum fuerit cum tangente & subtangente ad punctum curvæ π , resultet recta AL, quemadmodum in ordine ad punctum B curvæ PB provenit AL. Exponat AI celeritatem mobilis curvam AN describentis in puncto A existente centro sollicitationum centralium D, per punctum I ducta indefinita IK parallela AC, sumatur in AI segmentum $Aa = AI$ & per a agatur aK parallela AI, rectæ IK conveniens in K, per quod punctum descripta intelligatur hyperbola KM inter asymptotas Aa & AI. Porro in AL sumta AQ æquali respectivæ ordinatæ RB curvæ PB ducatur QP parallela AP, quæ producta occurrat hyperbolæ in M, ac denique in ordinata MO per hoc punctum M ad asymptotam AO ducta ac deorsum producta, fiat OE æqualis differentiæ ordinarum AP, RB & punctum F erit in scala celeritatum mobilis in curva altera AN incedentis. Hæc Fig. 160. autem curva AN ita comparata est, ut radii vectores $AD = AP$, & $ND = RB$, per ejus terminos ducti, angulum ADN contineat, qui sit ad angulum in circulo ACG, ut 1 ad numerum qui antea n . Est Nq curvæ AN tangens in N, super quam cadat perpendicularis Dq, ac centro D. descripti sint arcus EN arcusque np , positoque in fig. 159. angulo GCg ad ang. $NDn = n$: 1 agatur gb parallela GB.

Demonstr. Quia angulus infinitesimus NDn est ad GCg ut 1 ad n , seu (const.) $= RS : RV$, & (§. 129.) arcus pn ad Gg in composita ratione anguli NDn ad angulum GCg , vel 1 ad n , seu RS ad RV, & radii DN vel ordinatæ RB ad radium GC, erit $pn : Gg = RS : RB : GC : RV$, atqui est $Gg : gb (= GC : GR) = GC : RV : GR : RV$.

E M E N D A N D A.

Cum, propter absentiam à Typographica officina & locorum intervallum typorum correctioni egomet attendere non potuerim, quod in hujus generis operibus vitari vix potest, accidit, ut nonnulla sphalmata in hanc editionem irrepserint, quorum ea, quæ sensum turbare possent, ut calamo saltem corrigere velit Benev. Lector etiam atque etiam rogo priusquam Opusculi lectionem incipiat. Reliquos vero minoris momenti errores, qui forte contra dictionis puritatem mihi materiis ipsis magis attento exciderunt, Lector ipse facile emendabit me non monente, eosque proinde ejus humanitati corrigendos relinquo.

Pag. 9. lin. 23. Molis lege Motus.

Pag. 10. lin. 9. leg. rectæ AÆ à sollicitationibus &c.

Pag. 16. lin. 13. PR leg. PA.

Pag. 19. lin. 31. leg. trahente.

Pag. 26. lin. 4. BF leg. BT.

Pag. 31. l. 15. leg. superficiem componentes in ty incurvatam.

Pag. 39. l. 32. minor. leg. major. Ibid. l. ult. leg. $A=aa: \sqrt{aa+mm}$ fiet $\sqrt{aa+mm}=a$.

Pag. 40. lin. 2. leg. $xy = 1$. lin. 4. leg. $yx = x-dx$. Et lin. 25. post *tenacitatem fili in A*, adde, *per A*.

Pag. 43. l. 19. A:BC. leg. A:Bb. lin. 24. $fbf=fMm$ leg. $fbf=fMm$. Ibid. lin. 25. $Zy-N\beta$, leg. $Zz-N\beta$.

Pag. 45. lin. 4. $m^3dx = aamd$ leg. $m^3dx = aamd$.

Pag. 46. lin. 2. — *anndm* leg. — *undm*.

Pag. 55. l. 2. Si lege Sic. Pag. 58. l. 9. N&Ee, leg. N&Ee.

Pag. 66. lin. 8. aL leg. aD. Ibid. l. 23. ang. FAs leg. FDS.

Pag. 71. lin. 9. Secundi leg. Primi. Pag. 75. l. 28. leg. æquidistantes.

Pag. 78. l. 15. + AB²z leg. AB²z. Pag. 80. l. penult. MAD leg. MAL.

Pag. 85. l. 22. leg. Prop. 24. Pag. 94. l. 28. Ee leg. Eb.

Pag. 98. l. 23. leg. supra sollicitationem in B.

Pag. 110. l. 19. l. Corporum.

Pag. 114. l. 7. leg. *quæ erat communis ipsorum centri gravitatis ante occursum*.

Pag. 119. Propof. XLII, scrib. in margine Fig. 53.

Pag. 121. l. 16. A+X+B. leg. A+X+Y+B.

Ibid. l. 24. leg. quam idem B à corpore A celeritate AD ipsum immediate impellente, accepisset.

Pag. 132. l. 4. EF leg. ET. Pag. 140. l. 16. leg. gravitationis.

Pag. 145. l. 7. leg. Dani. Pag. 159. l. 20. leg. amplectenti.

Pag. 157. Prop. XIII. scrib. ad marg. Fig. 66.

Pag. 161. l. 20. in fin. QN, leg. PN. & lin. 28. leg. centro P.

Pag. 167. l. 23, 24 & 28. NE, leg. DE. Pag. 179. l. ult. quia, leg. cum.

Pag. 184. l. 12. dele, hians, l. 13. subtili, leg. subdiali seu externo

Ibid. l. 19. ad margines, leg. in circumferentia ejus.

Ibid. l. 37. marginum, leg. arginum.

Pag. 190. l. 2. densitatis, leg. potestatis. Ibid. l. 19. permuta BF & GF.

Pag. 191. l. 13. dele posteriorem, & lin. 14. dele vel.

Pag. 195. lin. 27. ut densitates, lege proportionales.

Pag. 197. l. 3. lege, altitudini. Pag. 200. l. 26, — $\frac{1}{2}$ leg. — $\frac{1}{2}$.

Pag. 201. l. 6. leg. Quadrilinea, & lin. 7. leg. æqualia.

Pag. ead. l. 26. leg. Nam quia OA¹⁻², O₁A¹⁻², O₂A¹⁻², &c. proportionales sunt rectis OA. AC, O₁A₁C, O₂A₂C, &c. ideo hæc recta erunt in progressionem arithmetica, atque adeo &c. sequendo ut habetur linea 30. post, atque adeo &c.

Pag. 203. l. pen. & leg. ut. Pag. 205. l. 5. leg. altitudo.

Pag. 209. l. 16. leg. ad. Pag. 213. l. 14. leg. constructionem, ef, l. 14. demonstratam.

Pag. 218. l. 11. leg. FT. Pag. 219. l. 3. leg. datam rationem habebunt, quam &c.

Pag. 224. l. 27. ($\frac{1}{2}z\sqrt{z} - \frac{1}{2}x\sqrt{x}$) leg. ($\frac{1}{2}z\sqrt{z} - \frac{1}{2}x\sqrt{x}$). Pag. 225. l. 28. leg. m:1.

Pag. 228. l. 3. dele quam. Pag. 230. l. 21. ABC leg. ADC.

Pag. 233. l. 21. leg. inclusum. Pag. 241. l. 13. leg. ELV. l. 17. leg. LV = (aat - z³):aa.

Pag. 242. l. 18. leg. rectæ AR. Pag. 244. l. 32. RM, leg. RA.

Pag. 245. l. 7. leg. si precedente modo basi BR, modo vertice E in directione AE id feratur.

Pag. 248. l. 3. à fine, lineæ FF, lege Circuli FF.

Pag. 250. l. 28. leg. = constanti. Pag. 251. l. 18. leg.

E M E N D A N D A.

- leg. diametro. Ibid. l. 29. LS leg. Ls. Pag. 269. l. 9. init. leg. yy; + *effdx*: aa + yy.
 Pag. 262. l. 25. leg. + D3. Pag. 266. l. 29. leg. Tangentem Hyperbolæ.
 Pag. 267. l. 2. leg. *dc*. Pag. 269. l. 10. leg. §. 464. lin. 21. leg. $x = aa : \sqrt{(aa - zz)}$.
 Pag. 271. l. 1. leg. *u*. P. lin. 4. leg. M μ . Pag. 273. l. 2. A η leg. N η .
 Pag. 273. l. 33. leg. curva AC minus abscissa ejus.
 Pag. 306. l. 5. M lm leg. L lm , & lin. 6. dele est. Pag. 335. subter Fig. 134. in margine scribe etiam 135.
 Pag. 313. l. 10. (MC=LN) leg. (MC—LN): AM. Pag. 214. l. 10. leg. OM. LN: AM. Ibid. l. 19. SM. leg. OM; & lineis 23, 24, 27, 28. IM leg. OM.
 Pag. 319. l. 13. GB leg. GH. Pag. 321. l. 4. TA leg. TM.
 Pag. 326. l. 7. summi leg. suam. Pag. 328. l. 14. $a^3aan : cu$, leg. $a^3 - aan : cu$.
 Ibid. l. 24. $\frac{ab}{b} du : n$, leg. $\frac{aa}{b} du : n$. Pag. 330. l. 14. — $t =$, leg. $t = f(aadu : \&c.$
 Pag. 332. l. ult. & seq. pro BK leg. ωK , in Fig. 132.
 Pag. 335. l. 14. leg. In eadem DT producta sumatur ubique DN, quæ sollicitationem tangentialem gravitatis in curvæ puncto D ex centrali derivatam significet, exponetque ND — DT, &c. Ibid. l. 30. leg. MNEC + el. arcæ CTE.
 Pag. 336. lineis f_2 , 13, + scribe —. Pag. 338. ad marginem Prop. 73. scribe Fig. 135.
 Pag. 348. l. 29. BZX, leg. MZX. Pag. 349. l. 11. leg. occurrentibus.
 Pag. 360. l. 2. NM 2 : aa, leg. NM 2 . aa. Pag. 365. l. ult. leg. ABIH = EKRF.
 Pag. 366. l. 26. in D. DC: CQ, leg. in D = DC: CQ. Pag. 367. l. 27. sed, leg. sub.
 Pag. 381. l. 9. CV, leg. OV. Pag. 383. l. 31. AD. Ad, leg. 4AD. Ad.
 Pag. 390. l. 12. habebuntur, leg. dabunt. Pag. 392. l. 19. GI, leg. G1.
 Pag. 393. l. 13 post, tertia, &c. adde δ , δ_2 , δ_3 , &c. Ibid. l. 26. leg. — $\frac{x^4 ddy}{2.3.4. dx^3}$.
 Pag. 395. l. 26. ordinatæ leg. ordinata. Pag. 396. l. 12, — nmR , R ωv , lege — nmR , — R ωv . Pag. 397. l. 1. leg. $\mp ST : Ss$, & lin. 3, 4. $\mp dDST$.
 Pag. 400. lin. 19. $e = A$, leg. $e - A$.

I N F I G U R I S S U P P L E N D A.

- Fig. 33. Intersectio rectarum DV, *bf* vel arcus EIK signetur T.
 Fig. 41. Initio lineæ punctis ductæ subter ES adscribatur *e*.
 Fig. 117. Intersectio rectarum AP, O β notetur *f*, & linearum fa ac OK litera *b*. Et jungantur si placet, AC, *oc*.
 Fig. 125. Jungatur MK.
 Fig. 133. Lineæ subter DC punctis signatæ initio adscribatur *d*.
 Fig. 138. Accidentale non verò ex rei necessitate est, quod BC transeat per punctum N, & ordinata IK radio osculi mR congruat.
 Fig. 140. Subter F, G, scribatur L, & subter E, H, K, ita ut signa F, G, l idem punctum axis SB, & EHK idem punctum hyperbolæ TDH designent.

